

2
HORATII TVRSELLINI
ROMANI
E SOCIETATE IESV
LAVRETANAE HISTORIAE

LIBRI QVINQVE.

AD ILLVSTRISS. D.

PETRV M ALDOBRANDINVM
S. R. E. CARD.



2. R O B M. AE, 1571
Apud Aloysium Zannettum. M D XCVII.

SVPERIORVM PERMISSV.

CVM PRIVILEGIO SVMMI PONT.

Ex libris L. Bernardi de Vrbe

NOS Ant. Maria miseratione diuina tit. S. Agnetis in
Agone S.R.E. Presb. Card. Gallus nuncupatus, Dei &
Apostolicæ Sedis gratia Episcopus Auximanus, Almæ
Domus & Ciuitatis Lauretanæ Protector & Guber. perpetuus.
Vidimus & probauimus Historiam Lauretanam R. P. Horatij
Tursellini è Societate Iesus in quinque libros distinctam: consen-
tit enim in omnibus cum antiquis traditionibus & scripturis Al-
mæ Domus Lauretanæ. In cuius rei fidem hoc ei testimonium
dedimus. Auximi in nostris ædibus Episcopalibus, Die xiiij.
Maij M. D. XCVII.

Ant. Mar. Card. Gallus Lauret. Prot. & Guber. perp.

EGo Claudius Aquaniua Societatis Iesu Præpositus Gene-
ralis, Lauretanæ historiæ libros quinque à P. Horatio
Tursellino compositos, per tres alios Theologos nostræ
Societatis, recognosci mandauì: quos cum illi approbauerint,
probo etiam vt possint imprimi, si ita placuerit Reuerendis. D.
Viceregenti, ac Reuerendissimo Patri Magistro Sacri Palatij.
Dat. Romæ die viij. Octobris, Anno Domini M.D. XCVII.

Claudius Aquaniua.

Imprimatur.

Alex. Prouicesg.

Imprimatur.

F. Paulus Picus Reuerendis. Mag. Sac. Palatij socius.



ILL.^{MO} AC REVER.^{MO} D.

PETRO ALDOBRANDINO

S. R. E. CARD.

Horatius Tursellinus felicitatem.



VM plurimis maximisque in re-
bus diuina prouidentia elucet,
Card. Ampliss.; tum vero præcipue
in eo, quod parentem suam Deus
hominum patronam parentēq. cō-
stituit. Nam cū humanam imbe-
cillitatem innumerabilibus expositam casibus cer-
nere; talem ei custodem ac præsidem iam inde ab
initio destinauit; quæ salutem vndique cinctam peri-
culis expedire, vitam veris salutaribusque bonis cu-
mulare vna ex omnibus maxime & vellet, & posset.
Matrem quippe suam præpotens ille Deus diuinæ
maiestatis, potestatisque sociam, quatenus licuit,
adseuiuit. Huic olim cælestium, mortaliumque prin-
cipatum detulit: ad huius arbitrium (quoad homi-
num tutela postulat) terras, maria, cælum, natu-
ramque

ramque moderatur : hac annuente, & per hanc diui-
nos thesauros mortalibus, & cælestia dona largitur. 3
Vt omnes intelligant, quicquid ab æterno illo, au-
gustoque bonorum fonte in terras profluat, fluere
per MARIAM. Ergo quæ regio ? quæ gens ?
quæ natio est ? vbi non illustratum miraculis, con-
secratum ædibus, titulis insignitum B. MARIE
patrocinium existat ? Verum inter omnes B. Virgini
sacras ædes in omni genere vna eminet Lauretana :
quæ & fama nominis sui orbem omnium terrarum
impleuit; & per tot iam secula in dies magis omnium
gentium ac nationum concursu, frequentiaque ce-
lebratur. vt cætera B. MARIE templa singula-
rum ferme ciuitatum ac regionum, hoc vero om-
nium gentium ac populorum commune perfugium
esse videatur. Huius igitur siue Ædis, siue Domus
historiam tibi, PETRE ALDOBRANDINE
potissimum dedico, tum communi Societatis nostræ,
quam singulari beneuolentia complexus es, nomi-
ne ; tum meo, qui eandem ob causam, plus quam
pro virili parte egregiæ humanitati tuæ debere me
fateor. Nec vero quisquam mirari debet, hanc à
nobis historiam Latinis litteris esse mandatam, Er-
rant enim (nonnullorum pace dixerim) & rem patriæ
linguæ studio magis, quam veritate ipsa meriuntur,
si qui existimant, maiorem historiæ fructum ex
nostratibus hisce litteris recentibus atque Etruscis
percipi, quam ex veteribus illis ac Latinis. Etenim
Etrusca lingua Italiæ fere terminis circumscri-
bitur,

bitur, quibus ipsis deinde interpres huius historiæ
satisfaciet: at Latina per omnes propemodum gen-
tes ac nationes longè latequè vagatur: vt Romanus
ille sermo etiam amplioribus, quam Romanum olim
imperium, sinibus terminetur. Quod si Lauretanæ
Virginis tutela orbis terræ regionibus definitur; cer-
te optare debemus, vt eius gloria ac fama perue-
niat, quocumque Christiana religio cultusque pe-
netrauit. Quare Card. Ampliss. eadem benignitate,
qua nostros homines soles, hoc qualecunque nostri
Ordinis munus accipies: & clarissimum PETRI
ALDOBRANDINI nomen simul cum Lau-
retana historia disiunctissimas quoque terras, ac re-
giones peragrarè patieris. vt idem sit singularis tuæ
erga Lauretanam Virginem religionis monumen-
tum, & pignus nostræ erga tuum nomen gratæ ac
propensæ voluntatis. Vale.



CLEMENS PAPA VIII.

Ad futuram rei memoriam.



CVM sicut accepimus dilectus filius Horatius Tursellinus Religiosus Societatis Iesu Historiam sacræ Domus Lauretanæ, magno studio & diligentia conscripserit, & in lucem proferre ad piorum fidelium spiritualem consolationem intendat, dubitetque ne si omnibus huiusmodi Historiam imprimere liceat, illa mendis & erroribus repleatur. Propterea nobis humiliter supplicari fecit, ut in præmissis opportunè providere, de benignitate Apostolica dignaremur. Nos igitur eundem Horatium specialibus fauoribus, & gratijs prosequi volentes, & à quibusvis excommunicationis, suspensionis, & interdicti, alijsq. Ecclesiasticis sententijs, censuris, & pœnis à iure, vel ab homine quauis occasione vel causa latis, si quibus quomodolibet innodatus existeret, ad effectû præsentium duntaxat consequendum, harum serie absoluentes, & absolutum fore censentes, huiusmodi supplicationibus inclinati eidem Horatio, ut ad decennium proximum, à primæua dictæ Historiæ impressione computandum, nemo tam in Vrbe quam alibi, in toto statu nostro Ecclesiastico nobis, & S. R. E. mediatè, vel immediatè subiecto, Historiam prædictam, tam Latino, quam vulgari Italico idiomate, ac tam in paruo, quam in magno folio imprimere, aut impressam vendere, seu venalè habere, sine speciali dicti Horatii, aut ab eo causam habentium licentia, possit, auctoritate Apostolica tenorè præsentium concedimus, & indulgemus. Ac propterea vniuersis, & singulis vtriusq. sexus Christianis fidelibus præsertim librorum Impressoribus, & Bibliopolis, ne dicto decennio durante, in Vrbe, aut alibi, in dicto Ecclesiastico statu, mediatè, vel immediatè subiecto, Historiam prædictam in quocunque idiomate, sine speciali dicti Horatii, aut ab eo causam habentium licentia imprimere, aut impressa vendere, seu venalè habere, vel proponere audeant, seu præsumant, sub quingentorum ducatorum auri de Camera, pro vna Cameræ Apostolicæ, ac pro alia dicto Horatio, seu ab eo causam habentibus, ac pro reliqua tertijs partibus accusatori, & Iudici exsequenti; nec non amissionis, & librorum & Typorum omnium prædicto Horatio, seu suis præfatis pariter applicandorum pœnis, eo ipso incurrendis inhibemus, ac dilectis filijs nostris S. R. E. Camerario, ac Sedis Apostolicæ Legatis, Vicelegatis, Gubernatoribus, & alijs Iustitiæ ministris, ceterisque ad quos spectat, ut eidem Horatio, & causam ab eo habentibus supra scriptis in præmissis efficacis defensionis præsidio assistendû, pœnas prædictas contra quoscunque contradictores irremissibiliter exequantur mandamus. Non obstantibus quibusvis Constitutionibus, & ordinationibus Apostolicis, statutis quoque, & consuetudinibus, etiam iuramento, confirmatione Apostolica, vel quauis firmitate alia roboratis, ac priuilegijs, indultis, & litteris Apostolicis in contrarium præmissorum, quomodolibet concessis, confirmatis, & approbatis. Quibus omnibus & singulis eorû tenores præsentibus pro expressis habentes, hac vice duntaxat specialiter, & expresse de rogamus; ceterisque contrarijs quibuscunque. Volumus autem ut præsentium transumptis, etiam in ipsa Historia impressis, manu alicuius Notarij publici subscriptis, & sigillo alicuius personæ in dignitate Ecclesiastica constitutę munitis, eadem fides, quæ præsentibus ipsis adhiberetur, adhiberi debeat. Dat. Romæ apud Sanctû Petrum sub annulo Piscatoris, die V. Januarij. M. D. XCVIII. Pontificatus Nostri Anno Sexto.

M. Vestrius Barbianus.

INDEX CAPITVM

HISTORIÆ LAVRETANÆ

LIBRI PRIMII



BEATÆ Mariæ Domus ingenti honore in Galilæa colitur. Cap. 1.
Amisso cultu, diuinitus asportatur in Dalmatiam. Cap. 2.
Deiparæ monitu agnoscitur, & miraculo illustratur. Cap. 3.
Certis hominibus in Galilæam missis miraculum exploratur. Cap. 4.
Demigrat ex Illyrico ingenti cum lusu Dalmatarum. Cap. 5.
In Picenum aduecta Recinetensem insidet syluam. Cap. 6.
Ex sylua transfertur in collem duorum fratrum. Cap. 7.
Ex fratrum colle ob eorum discordiam demigrat. Cap. 8.
Vestigia locorum, quæ Sancta Domus occupauit. Cap. 9.
Præcipuus locus, situsque admirabilis Aedis Lauretanæ. Cap. 10.
Dalmatarum indicio Picentes eam agnoscunt. Cap. 11.
Heremita Picentes ad rem explorandam impellit. Cap. 12.
Sexdecim viris in Dalmatiam, & Galilæam missis, res exploratur. Cap. 13.
B. Virgo Lauretana Patrona à Picensibus adoptatur. Cap. 14.
S. Domus celestibus flammis celebrior redditur. Cap. 15.

Parietes S. Domui pro fulcimento adiecti recedunt. Cap. 16.
Celestia lumina natalem B. Virginis diem celebriorem in natali eius domo faciunt. Cap. 17.
Recinetenfes templum S. Domui circumdant. Cap. 18.
S. Domus à Benedicto XII. Pont. Max. Indulgentijs ornatur. Cap. 19.
Aedis Lauretanæ status Romanis Pontificibus Auenione sedentibus. Cap. 20.
Schismatis diuurnitas S. Domui obsuit. Cap. 21.
Martinus V. S. Domum Indulgentijs, & Nundinis ornat. Cap. 22.
Lauretani templi opulentiâ Eugenio IIII. Pont. Max. Cap. 23.
Lauretana Domus à Nicolao V. Indulgentijs augetur. Cap. 24.
A Callisto III. aduersus Turcas communita S. Domus Barbaros alio vertit ingenti clade perculosos. Cap. 25.
Sanitate Pio II. reddita, lōge celebrior, clariorque esse capit. Cap. 26.
Ab Episcopo Recinetenfi, luculentis prædijs donatur. Cap. 27.
Lauretana historie summa à Præposito Teremano in æde proponitur. Cap. 28.

INDEX CAPITVM.

LIBRI SECVNDI.

PAVLVS II. pestilentia exemptus Lauretanam Aedem decretis ornatam nouo templo decorare molitur. Cap. 1.

Iacobus Frāscianus ab insanabili morbo, & Daemonum oppugnatione liberatur. Cap. 2.

A Xysto IIII. Pont. vetera decreta cumulantur nouis. Cap. 3.

Ingens Turcarum manus Lauretanam opulentiam imminens diuinitus fugatur. Cap. 4.

Ab Innocēto VIII. donis colitur. Car melitanis committitur. Cap. 5.

Baptista Mantuanus de S. Domo testimonium. Cap. 6.

Nobis mutiere Gallia a septem diebus obsessa liberatur. Cap. 7.

Retinetensis ciuitas aīis donum ob depulsam pestilentiam. Cap. 8.

Iulij II. decreta, nouique templi molitio. Cap. 9.

Paraclytica mulier nobilis sanatur. Cap. 10.

Iulius II. Lauretanum templum absoluit, munitque. Cap. 11.

Iulius a bombardæ ictu protectus S. Domum donis colit. Cap. 12.

Septemnis puella a B. Virgine ipsa Lauretum adducitur. Cap. 13.

Circa vestibulum templi Lauretani aedes Pontificis a Iulio II. inchoantur. Cap. 14.

Aedes Lauretana a Reginis Neapolitanis aditur. Cap. 15.

A Leone X. amplissimis decretis ornatur. Cap. 16.

Egregijs ornamentis donisque decoratur. Cap. 17.

Sacerdos Dalmata Lauretum ventis suæ exta præferens manu. Cap. 18.

Turcarum incurssiones diuinis arcen-
tur. Cap. 19.

Christiani exetium avaritiæ elud-
tur. Cap. 20.

Lauretum a Leone X. manibus cingitur: eximium calaturæ opus urgetur. Cap. 21.

Clemens VII. decretis, alijsque rebus S. Domum ornat. Cap. 22.

Architectus sacros parietes perferdere ausus exanimatur. Cap. 23.

Clemens Lauretanam Virg. ope adiutus eam impensius exornat. Cap. 24.

Lauretum exelsis nemoribus, salubrius redditur. Cap. 25.

Clemens tribus cubicularijs in Dalmatiam, & Gallilæam missis, Lauretana Domus migrationem explorat. Cap. 26.

Tres viri illustres ex mortis faucibus eripiuntur. Cap. 27.

F. Leandri de Lauretana Aede testimonium. Cap. 28.

Lauretana Aedes plurimis colitur donis. Cap. 29.

LIBRI TERTII.

A Paulo III. beneficijs, decretisq. decoratur. Cap. 1.

Lauretum Recinetensium fidei committitur. Cap. 2.

Contubernium puerorum instituitur, qui Virgini laudes canant. Cap. 3.

Nosocomium, & Xenodochium peregrinis aperiuntur. Cap. 4.

Reliquiæ Aedis Lauretanae eius religionem propagant. Cap. 5.

Calati operis, quo sacra aedes conuēstatur, descriptio. Cap. 6.

Tem-

M V T I A C Y T I C I INDEX CAPITVM

Templi ibolus ruinas agens firmatur.	Cap. 7.	Genuensensis de Lauretana æde dubitans malo doctus respiscit.	Cap. 29.
Novis Lauretana Aedes donis auge- tur.	Cap. 8.	S. Domus violatores diuinitus puniun- tur.	Cap. 30.
Turme equitum Praefectus culdens flu- minis periculo eripitur.	Cap. 9.	Expilatores diuinitus comprehensi affi- ciuntur supplicio.	Cap. 31.
Pavlus III. Lauratanam Aedem bis inuifit.	Cap. 10.	Duo adolescentes Daemonum feruitio eximuntur.	Cap. 32.
Aedes Lauretana facellis, & celesti- bus prodigijs decoratur.	Cap. 11.	Iuuenis in feruitutem assertus a De- mone liberatur.	Cap. 33.
Iulius III. Collegium Societatis Iesu Laureti instituit.	Cap. 12.	LIBRI QVARTI.	
Celestes flammæ in ipso templo Laureta- no visa.	Cap. 14.	Dii IV. & Card. Urbinais studiū Laurei. Domus ornanda.	Cap. 1.
Duo Capucini fluctibus maris eximun- tur.	Cap. 15.	Potentium cura; & B. Virg. tutela Lan- velanæ Domus.	Cap. 2.
Adolefcens ex fluctibus voracibus eri- pitur.	Cap. 16.	Conimbricensis Episcopus malo doctus S. Aedi lapidem restituit.	Cap. 3.
Puella Lauretana e puteo, cuius Caie- tanus e carcere liberatur.	Cap. 17.	Relatus lapis magno apparatu, concur- suq; ne celebratur.	Cap. 4.
Bassa Turcarum a Lauretana Virgine natus eam donis colit.	Cap. 18.	Plures præcipuis ruinae periculo libe- rantur.	Cap. 5.
Aedes Lauretana Illustrium hominū muneribus augeatur.	Cap. 19.	Nauta navi amissa, B. Virginis ope ser- uatur.	Cap. 6.
Marcellus Cerninus Card. Lauretanæ Virg. monitu, se Polihcem futurum cognoscit.	Cap. 20.	Duo viri fulminibus liberantur. Duæ se- minæ steriles facundantur.	Cap. 7.
Aucto Iesuitarum Collegio, Lauretana celebratas adaugeatur.	Cap. 21.	Multis desperata sanitas restituitur.	Cap. 8.
Lauretana Aedes donis cumulatur.	Cap. 22.	Duo energumeni a vexatoribus Dia- bolis liberantur.	Cap. 9.
A Gallico exercitu cum multorum sa- lute celebratur.	Cap. 23.	Cæcis duobus videndi facultas reddi- tur.	Cap. 10.
Vitinenfis ciuitas a pestilentia prohibe- tur.	Cap. 24.	Multis duobus subuenitur, eorumq; al- teri lingua restituitur.	Cap. 11.
Cæcis duobus lumē restituitur.	Cap. 25.	Iudæus vinculis exemptus baptizatur.	Cap. 12.
Nanarchus Genuensensis duplici naufra- gio eximitur.	Cap. 26.	Præcipua dona Pio III. Pont. Laure- tanae missa.	Cap. 13.
Iuuenis innocens carcere, alter bis su- spensus supplicio liberatur.	Cap. 27.	Pij Vide Aede Laurei. testimonium, & eius ornanda cura.	Cap. 14.
Sicula mulier iugulata sanatur.	Cap. 28.	Domus Lauretanæ hospitalitas, elee- mosynæq;.	Cap. 15.

INDEX CAPITVM.

Pij V. & aliorum Principum dona. Cap. 16.	Principum Germaniæ Italia Principum dona. S. Domus violatores diuinitus puniuntur. Cap. 9.
Alij ab inundatione fluminis, alij à peste maris, ac prædonibus liberantur. Cap. 17.	Epidauria nauis e manibus piratarum eripitur. Cap. 10.
Complures Turcarum seruitio eximuntur. Cap. 18.	Lauretum ciuitatis iure, & Episcopali Sede donatur. Cap. 11.
Laqueo suspensus morti eripitur. C. 19.	Card. Gioiosa suum Franciæ patrociniu B. Virgini commendat. Cap. 12.
Duo ab ultimo supplicio liberantur. C. 20.	Card. Galli egregia studia erga B. Virg. Cap. 13.
Lauretana Virg. auxilium in nauali de Turcis victoria. Cap. 21.	Dono Xylo Pont. Lauretum lata, mis- laue. Cap. 14.
A Gregorio XIII. Indulgentijs & rjs adornatur. Cap. 22.	Episcopus Hybernus bis Hæreticorum manus euadit. Cap. 15.
Celeberris Lauretana sub annum Iu- bilæi. Cap. 23.	Duo Sacerdotes Sacra Domus catcem restitutum. Cap. 16.
Ioannis Austriaci pietas in Lauret. Aede uisenda. Cap. 24.	Duobus B. Maria eadē specie, qua Lau- reti coluit, apparet. Cap. 17.
Pietas & munificentia Ioanne Austr. Mag. Duc. Hetruræ. Cap. 25.	Eques Belga insigni miraculo, ab hosti- bus liberatur. Cap. 18.
Ducis Lotharingi uxor paralytica Lau- reti sanat. Cap. 26.	Surdus aurium sum recuperat. C. 19.
Duo præcipitanti ex equo à morte reuo- cantur. Cap. 27.	Munera Gregorio XIV. Pont. Virgini- nissa, aut lata. Cap. 20.
Quidam mortiferis plagis acceptis sa- nat. Cap. 28.	Clementis VIII. Pont. Max. Indulgen- tiæ, & uirorū illustrium dona. C. 21.
Mater & filia à morte, alij ab alijs mor- bis liberantur. Cap. 29.	Illustrium seminarum munera. C. 22.
LIBRI QVINTI.	Dona Christianæ Mag. Duc. Hetruriæ. Cap. 23.
CA. D. Vrbatis, & aliorum Principum dona. Cap. 1.	Sacerdotis Hispani donum miraculo in- signe. Cap. 24.
Lauretani templi cultus augetur. C. 2.	Armille B. Virgini oblate sua spon- Christi, manibus inseruntur. Cap. 25.
Collegium Illyricum Laureti instiui- tur. Cap. 3.	Duo ex mortis faucibus erepti. Cap. 26.
Ducis Gioiosæ, & Regis Franciæ mu- nificentia. Cap. 4.	Homo facinorosus S. Domus aditu diu- nitus prohibetur. Cap. 27.
Alia Francorum Dynastiarum dona. Cap. 5.	Quidā à cadis consilio reuocatur. C. 28.
Marchio Badensis brachio captus ex- vulnere persanatur. Cap. 6.	Celeberris & maiestas Aedis Laure- tana. Cap. 29.
Bona Bavarie Ducis, & aliorum Prin-	



AUTHORES
QVI IN HAC HISTORIA
CITANTVR.

- | | |
|--|---|
| <p>F <i>Albertus Leander.</i>
 <i>* Ambrosius Nouidius.</i>
 <i>Annales Flumenſes, apud</i>
 <i>Hieronymum Angelitā.</i>
 <i>Annales Recinetenſes apud</i>
 <i>eundem.</i>
 <i>Annales Lauretani Raphaelis Riera.</i>
 <i>S. Antoninus Archiep. Flor.</i>
 <i>Baptiſta Mantuanus.</i>
 <i>Beda.</i>
 <i>S. Bernardus Abbas Clar.</i>
 <i>Bernardinus Cyrillus.</i>
 <i>Blondus.</i></p> | <p><i>Codices Lauretani Donorū.</i>
 <i>Chronica S. Franciſci.</i>
 <i>Diarium Iulij II.</i>
 <i>Franciſcus Vicciardinus.</i>
 <i>Gulielmus Tyrius.</i>
 <i>S. Hieronymus.</i>
 <i>Hieronymus Angelita.</i>
 <i>Iacobus Viſtriacus.</i>
 <i>Ioannes Villanus.</i>
 <i>Iodocus Clitonus.</i>
 <i>Nicephorus Calliſtus.</i>
 <i>Onuphrius Panuinus.</i>
 <i>Paulus Aemilius.</i>
 <i>Platina.</i>
 <i>Propoſitus Teremanus.</i>
 <i>Sabellicus.</i>
 <i>Victorius Brigantius.</i></p> |
|--|---|

Benedicti XII.
Boniſacij IX.
Martini V.
Nicolai V.
Xyſti IV.
Pauli II.
Bulla Iulij II.
Leonis X.
Clementis VII.
Pauli III.
Iulij III.
Greg. XIII.
Clementis VIII.





ECCE TABERNACULUM DEI
CUM HOMINIBVS.

Apoc. xxi.

HORATII TVRSELLINI

E SOCIETATE IESV

LAVRETANAE HISTORIAE

LIBER PRIMVS.

P R A E F A T I O.



DIS Lauretanae historiam, à multis inchoatam magis, quam perfectam, à plerisque auidè expetitam, iam diu molior ad nostram aetatem à primordio euoluere. Utinam, vt spissum opus, & operosum fuit, ita operæpretium fecerim. Quippe omnia ferme, quæ siue Laureti, siue Recineti, seu Romæ, alibive extât eius rei monumenta quam diligentissime conquisui. Ex his quæcunque ad rem pertinere videbantur, ita decerpſi idigeffique, vt iustum corpus efficerent. Et suscepti operis curam grauiorem fecit cura successus. Namque rem aggredienti nec parua, nec pauca dictu res occurrerant, quæ animum sollicitarent, & à proposito deterrerent meum. Primum augustissimi huius sacelli origines adeo mirabiles, inusitataeque sunt; vt penè incredibiles videri possint, si humanis rationibus consilia diuina pensentur. Deinde maiorum nostrorum in talibus rebus memoriæ prodendis, incuria bonam subtrahebat materiæ partem. Arrogantiæ portò esse videbatur, in re à pluribus non cōtemnendis scriptoribus parum feliciter tentata, euentum sperare meliorem. Postremo meæ tenuitatis conscius ve-rebar, ne tanti operis molem maiore animo, quam consi-

lio suscepisse existimarer. Praesertim cum ea narrare aggrederer; quæ quia fidem propemodum excederent, differendo fierent minora vero. Itaque rimendum videbatur, ne summæ sanctissimi templi famæ detraherem aliquid potius, quam adderem, & superuacaneo labore nihil aliud, nisi reprehensionem prudentium quærerem. Cæterum, ut me collegi; creuerunt animi, difficultatesque cesserunt. Res enim quamuis admirabilis, & antea inaudita; usque eo tamen certa iam, explorataque habetur; ut de ea ambigere, ac dubitare sit nefas. Quippe summa cum fide à maioribus, velut per manus accepta deinceps traditur posteris. Nec Illyricis, Recinetensibusque monumentis solum; sed historicorum quoque, Romanorumque Pontificum auctoritate nixa est. Ad hæc vetustam fidem constans tot ætatum consensus, concursusque omnium gentium adfirmavit. Porro loci religionem incredibilis tum votorum copia, tum donorum opulentia insignem facit. Nec vetera magis, quam noua quotidie illustrant miracula. Ut de tam testata, explorataque re addubitare non possit, nisi qui; aut de diuina vi, ac providentia dubitare velit; aut eximere ex hominum genere humanam fidem. Enimvero si templi Deiparæ incunabulis, Deique conceptu inclyti primordia longe augustiora cæteris enarremus; haud minus propenso animo cunctæ gentes præcipuum eius decus probare debeor, quam præcipuum auxilium probant. Etsi autem maiorum indigentia multarum nobis rerum adimit copiam; non tamen summæ rerum adimit facultatem. Namque illi minorum incuriosi sedulos se in maioribus præbuere, Itaque si meum hoc qualecunque munus B. Mariæ cordi fuerit, ut spero; haud sane diffido, cætera tibi in proclui, atque in expedito fore. Maria fauente nihil non prospere cedit. Quod si forte, aut rei magnitudini pene incredibili, aut expectationi doctorum hominum noster hic minus responderit labor; me certè iuuabit memoriæ tam insignis mira-

miraculi, Deiparæ Virginis gloriæ, humani generis tutelæ, denique accensis piorum studijs consultum pro mea virili parte voluisse. Cæterum nisi me suscepti operis amor fallit, non facile alia historia est, aut miraculis clarior, aut exemplis ditior, aut vsu frequentior, aut iucundior fructu. Hic quippe varium, ac multiplex Virginis Lauretanæ præsidium: hic præsentem eius in periculis cuiusque generis opem: hic omnium sermè exemplorum documenta in illustri monumento proposita intueri licet. Vnde tibi, familiæ, ciuitati tuæ, pro varietate temporū, quod ex vsu futurum sit, petas. Ac mihi quidem ingens diuinæ beneuolentiæ pignus habere videtur Italia, cui tale, tantumque donum inde vsque à Galilæa diuinitus est transmissum: vt dubijs in rebus confidat, nunquam sibi eius tutelam defuturam, cuius prædem, vademque à Deo habeat natalem domum. Super hæc tantam Deus mortalium animis inspirauit huius loci religionem; vt quicumque ad Lauretanam Aedem accedunt, non tam ad ædem Virginis, quam ad ipsam Virginem adire sibi videantur. Et sane hic Deus, Deique mater miro quodam modo præsentiam suam declarant. Hinc diuinus ille omnium pectoribus incutitur horror ad sacrosanctæ Domus ingressum: hinc illud abeuntibus inijcitur eius reuiscendæ desiderium: hinc nobilis illa perditarum profligatorumque mentium in diuersa mutatio. Quæ quidem perpetua Aedis Lauretanæ miracula ita euidentia sunt; vt etiamsi deessent alia, quibus abundat, cuius facerent diuinæ præsentiae fidem. Adeo nemo est, quamuis sceleratus, ac perditus, qui si Lauretum adeat, non Deum cum matre in materno domicillo præsentem adesse sentiat. Est autem hoc præcipuum, ac proprium templi Lauretani, vt eius religio, ac sanctitas quotidie magis efflorescat. Id adeo vel ex celeberrimarum ædium B. Virginis, aliorumque Diuorum comparatione facile apparet. Namque illarum celebritatem, cultumque, cum aliquandiu yiguerit, paulatim

latim deflorescere videmus : huius verò maiestatem, quod altissimis sit defixa radicibus, cernimus per tot iam sæcula, auctiorem in dies fieri, augustioremque. Sed iam aspirante Deo, Deiparaque, quorum torum hoc opus est, quorumque ope maxime nitimur, rem ipsam ordiamur. Quam quidem eisdem illis fauentibus, non tam scribenti, grauem, quam salubrem legenti, ac frugiferam spero futuram. Verum, & si Lauretanæ historiæ origo haud ferme supra trecentesium annum repetatur; altius tamen arcessenda necessario est; quò tota res à capite, ac fonte liquidius fluat.

*B. Mariæ Domus ingenti honore in Galilæa colitur,
dum Christi fides in Palaestina
viget. Cap. I.*

Natalem B. Virginis domum Galilæa Syriæ regio olim habuit. Ibi in oppido Nazaretho illa genita, & educata est. Inibi ab ipsa æternus Deus Angelo prænunciante conceptus; & salutaria mortalibus Dei, ac Deiparæ vestigia impressa. Nec loci sanctitas, aut ignota pijs hominibus, aut neglecta vnquam fuit. Omnium primum satis constat, eam magnum semper nomen, venerationēque apud Christianos habuisse: et eius venerationis aucthores ipsos fuisse Apostolos; ab his quippe Virginalē domum, seu prodendæ posteris memoriæ, seu Christianæ religionis augendæ studio, rite consecratam. Ex eo igitur tempore, & ipsi Apostoli ingenti eam honore coluerunt, & ab alijs pari religione cultam voluerunt. Apostolorum inde authoritas apud posteros valuit, Cæteræque deinceps ætates cerratim cælestis reginæ incunabula, Deique concepti vestigia celebrarunt qua dignum erat religione cultuque. Itaque anno post Christū natum circiter CCC.

(quo

B. Virginis
Domus ab
Apost. consecrata.
Anna, Plum.
apud Angel.

(quo tempore Christiana res, longa pace cuncta refouente, sub tutela Magni Constantini florere cœpit.) D. Helena Augusta domicilium Virginis pereleganti æde decorauit. Nam Palæstinam peragrans (vt Nicephorus tradit) cum loca diuinis rebus nobilitata sacris ædibus adornaret, *peruenit Nazareth, & salutationis Angelica domo reperta, peramanum inibi condidit templum.* Ex eo, non solum ab Asianis, Afrisque, sed etiam ab Europæis sacra illa loca solito magis celebrari cœpta: & natâle B. Mariæ tectum cælesti nuncio, diuinæque sobolis conceptu inclytum à pijs hominibus impensius cultum. Argumento est, quod S. Hieronymus Romanæ Ecclesiæ columen, & B. Paula mulier e prima nobilitate Romana sanctam illam terram lustrantes *Nazareth nutriculam Domini* (vt Hieronymus appellat) adiere. Tenuit hæc religio multa sæcula. Namque etiam anno à Virginis partu circiter D. CCC. cum Hierosolyma Saracenis capta teneretur armis, sacra Syriæ loca, & templum ubi domus erat, in qua Angelus B. Virginem salutauit, à peregrinis Europæis viscebatur. Huius rei author est Beda ab illa ætate recens. Neque enim adeo iniqua Hierosolyma, & in Palæstina Christianorum conditio sub Saracenis erat, vt deinde sub Turcis fuit. Hi quippe anno circiter M. L. Syria, ac Hierosolymis potiti Christianum nomen indignis modis vexare cœperunt. Cuius rei fama Vrbanum II. Pont. Max. ad indicendum nouo instituto sacrum bellum accendit. Quo bello Europæorum, ac præcipue Francorum Principum arma Gothofredi Ducis Lotharingi ductu Hierosolymam, Palæstinamque recepere, anno ferme M. C. Inde quamdiu Hierosolymitanum stetit regnum, vixit, vt cum maxime Sanctorum religio locorum. Inter quæ non postremum locum obtinebant Deiparæ Virginis incunabula. Ergo Tancredus genere Normanus, is cuius egregia virtus sacro bello enituerat, Galilææ præpositus Nazarenam Ecclesiam ingentibus donis coluit. Et eam deinde non

A S. Helena
templo decoratur.
Niceph. lib.
8. cap. 30.

A S. Hieronymo & B. Paula visitat.
Hier. epi. 27.
ad Eustoch.
Guliel. Tyr.
lib. 1. bel. sac.

Bed. de loc.
Sanct.

Gul. Tyr.
lib. 1.

Idem lib. 3.

Paul. Aem.
lib. 4.

Hierosolyma recepta.

Nazarena
Ecclesia Me
trop. sacra.

magis

magis opulentia, quam loci sanctitas Metropolim fecit. Harum rerum authorem habeo Gulielmum Tyri Archiepiscopum, qui suppar fuit temporum illorum. Quin etiā huius fere æqualis Iacobus Viētriacus Patriarcha Hierosolymitanus tradit, crebro se Nazarethum religionis ergo perrexisse, ac sæpe in æde, vbi ab Angelo salutata est B. Maria, rem diuinam fecisse, ipso anniuersario Angelicæ salutationis die. Per eadem tempora duo nobilissimi sacrorum militum ordines nati, Templariorum, & S. Ioannis, vterque destinatus excipiendis tutandisque præcipue peregrinis sacra illa loca visentibus. Tantumque valuit huius præsidij fama, vt etiam à transmarinis, trāsalpinisque gentibus perinde Natalis B. Mariæ domus celebraretur Nazarethi, vt Hierosolymæ sepulcrum, Bethlemi cunabula Saluatoris. Sed hæc quies parum diuturna. Saladinus Rex Aegypti Balduinum huius nominis Quintum Regem Hierosolymitanum acie victum cepit. Protinus bellum circumferens Hierosolymam, aliasque circa vrbes, & oppida in ditionem suam redegit, anno ferme XC. quam in Christianorum potestatem venerant. Transmiserunt exinde in Syriam, vel ad Hierosolymam recipiendam, vel ad Palæstinæ possessionem retinendam Conradus Cæsar, Philippus II. Franciæ, & Robertus Angliæ reges cum ingentibus copijs. Cæterum siue hostium insidijs, seu fraude locorum, siue ipsorum discordia circumuēnti fractique, irritò incepto domos redierunt. Secutus deinde Federicus II. Cæsar, idemque Siciliæ rex, & Hierosolymitani regni titulo nitens. Hic Gregorij viiij. hortatu, impulsuque tandem in Syriam transiuit exercitum. Sed amicitia, ac societate cum Aegypti rege inita, Hierosolymam, aliaque finitima oppida auro, non armis recepit anno circiter M. CC. XXV. maiore vtique fama, quam gloria. Nec diuturna magis fuit, quam gloriosa possessio. Paucis interiectis annis Parthi ab Scythijs, seu Tartarijs pulsi suis sedibus, inuasērunt Syriam.

Gul. Tyr. li.
9.

Iac. Viētr.
in descript. terr.
re sanctæ.

Gul. Tyr. li.
12. & 13.
P. Acem. l. 5.

Paulus Acem.
lib. 4.

Paulus Acem.
lib. 6.

Paulus Acem.
lib. 7.

Syriâ. Hierosolymam nuper à Federico Cæsare resectâ solo æquarunt. Igitur Ludouicus viij. Rex Franciæ annò eius sæculi XLV. copias in Syriam traiecit Christianæ rei iam labentij opem laturus. Sed omnis conatus tandem ad irritum cecidit. Pius Rex potitus claustris Aegypti (Pelusium olim, tunc Damiatam vocabant) primò multa secunda prælia cum Aegyptio rege fecit: deinde premente lue, cogitur, reddita Damiatam pacem redimere ab hoste. Ad vltimum cum minus prospero euentu res gereretur in Syria, deportat exercitum. Cæterum ante discessum, ne gratuita foret Syriaca expeditio; aliquem inde si non belli, at pietatis fructum referre statuit. Ergo sacra illa Palæstina loca perlustrans (vt nonnulli authores sunt) ex Tabore monte Nazarethum iter intendit. Vt primum B. Mariæ conspexit ædem, strenue equo desilit, procumbit in genua; & venerabundus natalem Virginis domum, ipsamque salutat Virginem. Inde ad templum progressus pedibus, Dei filium inibi pro hominibus hominem factum, & simul sanctissimam eius parentem enixius veneratur, colitque. Et aderat Gabrielis Archangeli nuncio, Deoque à Virgine concepto sacer, ac solemnus dies. Itaque pius Rex (vt eum loci sanctitas, ac sua pietas admonerat) pridie pane dumtaxat, & frigida ieiunat, cilicio quidem ad carnem indutus. Festo autem die rem diuinam solemnè carimonia, regioque apparatu celebrari iubet. Sub sacrificium in augustissima Deiparæ cella sacrosanctam Eucharistiam sumit, magna lacrymarum vi, ingentique religione perfusus. Rarum utique Christianæ pietatis in Rege præsertim, ad posteros documentum. Ex quo coniectari licet, quanto in honore, vel illa tempestate fuerit sanctissima Virginis Domus. Nec vero discessu Ludouici Regis extinctum est Christianum nomen, Sanctorumque locorum cultus in Syria. Templarij enim adhuc in fide, & officio manebant: & transmarinis subinde auxilijs summi ope turabantur sacræ terræ reliquias. Verum
enim

Paul. Acem.
lib. 7.

S. Ludouic.
Domū Vir-
ginis vencia-
tur.
Iodoc. Cliton.
Ser. de S. Lu-
dou.

S. Antonin.
PAT. 3.
Paul. Acem.
lib. 2.
Io. Vill. l. 7.

enim vero simul gliscentibus in Italia ciuilibus bellis, ex
 functis, Velforum Gibellinorumque factionibus; simul
 Angliæ, Franciæ, Aragoniæ regibus ad arma ruentibus,
 destituta ab Europæis, concussa à barbaris Christiana res
 in Syria ad vltimum concidit. Aegypti quippe Rex Chri-
 stianorum Principum dissensionem, suam occasionem ra-
 tus Tripolim vi cepit, diruitque. Inde Ptolemaidem ce-
 leberriam, frequentissimamque Phoenicis urbem, quæ
 sola iam in Palæstina pro Christianis stabat, obsedit: tan-
 demque expugnatam ferro, flammaque deleuit. Et exi-
 tit in barbaris insigne Christiani nominis odium. Ciues
 ad vnum cæsi: muri, ac tecta solo æquata: ad hæc ipsa quo-
 que moenium fundamenta eruta, vt ne vestigium qui-
 dem Christianæ rei extaret in Syria. Ita demum amissa,
 Ptolemaide, pulsi in perpetuum (vt videmur) Palæstinæ
 possessione sumus, anno à Virginis partu M. CC. XCI.
 Ex quo indigenæ Christiani partim dilapsi è Syria, partim,
 vt fit, in dominorum mores prolapsi. Exteri porro, ac pe-
 regrini terrore Turcici furoris (nisi auro via aperiatur)
 exclusi. Ac suprema illa clades veterem sacrosancti se-
 pulcri, quod primas religionis tenebat, cultum haud pe-
 nitus aboleuit. Inuitat peregrinos opportunitas Hiero-
 solymæ urbis olim regiæ, nunc præcipuæ. cuius propin-
 quitas Christi cunabulorum quoque celebritati fauet. At
 natalem Deiparæ domum in Galilæa sitam interualla lo-
 corum, ac deuia itinera, telis barbarorum infesta haud
 quaquam aduenarum religioni opportunam faciebant.
 Quæ causa admirandi, & post hominum memoriam ad
 eum diem inauditi miraculi fuit.

*Amisso cultu in Galilæa, diuinitus asportatur
 in Dalmatiam. Cap. I I.*

NAm cum neque ab indigenis, neque ab exteris po-
 pulis debitus sacrosanctæ cellæ honos haberetur,
 non

non diu passus est Deus sua, matrisque suæ vestigia neglecta inter barbaros iacere. Eodem quippe anno, qui fuit suprema Palæstinæ clade insignis, Deo dilecta domus e Syria pariter cum religione discessit. Author est Ioannes Villanus historicus eius ætatis sane nobilis, Aprili mense circiter medio anni M. CC. XCI. Ptolemaidem captam. Mense igitur insequenti eiusdem anni, hoc est vij. Idus Maias, Nicolao IV. Pont. Max. (vt Illyrici annales perhibent) Deiparæ Domus asportatur in Europam, eadem orientis tanto occidentis bono compensans. Sunt qui facultates Ioachimi patris B. Mariæ spectantes, non tam domum eius, quam cubiculum putent à cætera seiunctum domo. Me quidem haud pœnitet eorum sententiæ esse, quibus simul cubiculum fuisse, & domum Virginis, idest recti paterni partem præcipuam, placet. Argumento est (vt de fictilium armario taceam, quod inibi visitur) ianua longe maior, quàm pro modo cubiculi à cæteris ædibus separati. Nec Ioachimi fortunæ mouere nos debent. Nicephorus quippe Callistus tradit, Deiparæ Virginis parentes, propter bellicos ludææ tumultus, ex oppido Bethlema auita sede, in Galilæam commigrasse: & Nazarethi domicilium collocasse. Vt intelligamus hanc non auitam, sed paternam Virginis fuisse domum, parum fortasse dignam paternis opibus; cæterum, vt temporis causa paratam, haud sane incommodam, nec ab antiquæ illius simplicitatis studio abhorrentem. Omnino talis est, vt eximium illum B. Mariæ amorem paupertatis spirare videatur. Sed siue illud cubiculum, siue domicilium Deiparæ fuit; certè ab Apostolis dedicatum (vt supra diximus) & in templi formam redactum Christiani deinceps excoluerant, ornauerantque. Hæc igitur ædes eius vi, ac potestate, qui ad preces D. Gregorij Taumathurgi, montem olim sede sua molitus alio transtulit, in gratiam cælitum Regina, à fundamentis auulsa est: atque haud dubio Angelorum ministerio, inde vsque à Galilæa (mirum

10. Vill. l. 7.

Ann. plur.
apud Hieron.
Angel.Niceph. l. 1.
cap. 10.

dictu, audituque) peringentes terrarum, marisque tractus in Dalmatiam translata. Quippe id spatium patet, amplius vices centena passuum millia. Tersactum inter, & Flumen, (oppida sunt Dalmatiæ) leniter acclivis mons eminet: quo in summo æquata agri planities sedem efficit peramānam, Adriatico imminente mari. Quod olim crebris fadisque tempestatibus infame, ex eo tempore satis mitigatum ferunt. credas Virginem insanos freti illius æstus cellæ suæ obiectu cohibere voluisse; ut vel hinc conijceremus, quid ipsa effectura esset in mortalium vita, quæ varijs quotidie casibus, & quasi procellis agitur. Hic igitur Nazarena domus, velut præcipua tutela periclitantium à cælestibus ministris, Deiparæ iussu, sita est secunda circiter noctis vigilia. Ut primum divinæ liberalitatis donum accolis lux ostendit; enimvero animos rei novitate attonitos non admiratio tantum, sed etiam religio incessit. Ergo qui propius aberant, ut quisque primus rem notauerat, certatim visendi studio accurrunt. Aediculam conspiciunt fastigiato tecto, & simul camini culmine, simul sublimi tintinnabulo insignem: at nulla, re magis, quam vetustate visendam. Protinus limen ingressi prostrernere humi corpora: Deum venerari sacro quodam honore pariter, gaudioque perfusi. Inde orato Christo, Christique parente, quorum simulacra cernebant, cuncta otiose contemplari, & perlustrare oculis coeperunt. Sacellum animadvertunt figuræ quadrangulæ oblongæ, e vulgari structum lapide. Tectum perbelle laquearibus concameratum: quod modicis distinctum quadratis, caruleoque colore obductum in aëratæ stellæ, velut in cælo quodam intermicantes honestabant. Sub tecto laqueato eminebant undique è parietibus modica specie semicirculi se mutuo contingentes: quos medios pietæ adornabant capedines. Parietes cubitali ferme crassitudine, non ad perpendicularum, neque ad regulam exacti, loricati tamen opere tectorio. Huic superinducta antiquus

Descriptio
ædis, Laure.
qualis tum
erat.

quitus pictura ædis ipsius mysteria referebat: quæ super-
 ne multis locis hodie manet, inferne temporis vetustate
 defluxit. Aedis longitudo pedum amplius XL. latitudo
 minus XX. altitudo circiter XXV. In medio ferme parie-
 te, qui olim, vt reor, faciem obtinebat domus, ianua satis
 ampla, sed à vulgari vsu haud sane abhorrens. Pro super-
 liminari trabs radis superiecta est. Ad læuam armariolum
 miræ simplicitatis asseruandis fœtilibus aptum. Ad dexte-
 ram in proximo pariete fenestra non magna: e regione
 fenestræ caminus humilis, tenuisque opere, vt cætera,
 vulgari. Inibi sublime loculamentum columellis in orbē
 striatis latera cingentibus conspicuum: arcusque eiusdem
 operis, quinque iunctas pariter lunas imitante fastigia-
 rum. In loculamento B. Mariæ stantis, ac puerum Iesum
 altera manu medium amplexantis, altera sustinentis ef-
 figies cedrina fere bicubitalis. Cuius facies electro ar-
 gentum referente oblita, sed luminum infuscata fumo.
 Cæterum illa ipsa infuscatio antiquitatis, ac religionis in-
 dex, impense auget Virginalis oris maiestatem. Gemma-
 ta corona sublimem distinguit verticem. Discriminati
 crines Nazarenorū ritu per nuda colli, & humeros fluunt.
 Simulacrum stola aurea tegit, latiore zona, gentis more
 succincta, demissaque ad pedes. Palla cærulea stolæ su-
 perinducta pendet ex humero: vtraque in eodem trunco
 cælarata pictaque. Insistit maternæ dextræ puer Iesus mor-
 tali specie augustior, diuinæ cuiusdam maiestatis indol-
 lem vultu præferens. Priores dextræ digitos, bene præ-
 cantis in morem tollit. Sinistra aureum tenet globum.
 Et ipse discriminato capillo, tunica talari, zonaque Na-
 zarenum habitum refert. Ante Deiparæ effigiem, ara
 solido è saxo quadrato visitur spirans sanctitatem. Dal-
 mata igitur cuncta per orium contemplati, & si quid tan-
 dem rei esset ignari, communi tamen consensu ita statuūt,
 quicquid sit, profecto donum id esse diuinum. Neque
 enim eadem illam repente humo excitatam, sed aliunde,

Simulacrū
 Virg Laur.

Dei nutu ac voluntate utique aduectam. Igitur inde digressi, ut quisque obuius sit, ab se visa commemorant. Nec mora. mortalium plerique, atque in his agrorum nonnulli ad nouum tantę rei spectaculum confluere: aliquid inde opis expectare. Nec sua eos spes fefellit. Loci religio sanis corporibus mentis ferè sanitatem, agris etiam morborum curationem impertiebat.

Deipara admonitu, eius Domus agnoscitur, & euidenti miraculo illustratur. Cap. III.

*Anna. Flum.
Hier. Ang.*

*Alexander
Tersactēsis
Antistes.*

Celeriter Tersactum, ac Flumen prodigiosi sacelli fama perlata valentes ad visendi cupidinem, egros ad spem valetudinis accendit. Alexander erat sacrorum Antistes in æde S. Georgij Tersactensis, vir antiqua probitate, æquè Deo, & hominibus carus. Is longinquo, grauique implicitus morbo iacebat: iamque exigua in spectrahebat animam, cum peropportune à familiaribus de diuina illa cede fit certior. Extemplo ingens animum eius cupiditas cepit hauriendi oculis tanti miraculi voluptatem. Ceterum vrgente morbo, deferri eo sine certo vitę periculo nequibat. Igitur hoc egrius febris æstum patiebatur, quod affecta membra impetum animi haud quam sequebantur. Nec tamen deseruit se. Deiparę effigiem simul cum diuina illa cedula delatam acceperat. Itaque B. Marię sacellum haud falso esse ratus, impense eius implorat opem: votum nuncupat non magis salutis recuperandę audius, quam celestis. illius doni diuinitus cognoscendi. Nec incassum missę preces. Intempesta nocte, somnum inter, & vigiliam, Dei parens repente cęlo delapsa, celestibus latera tegentibus, se illi obtulit: cubiculumque omne clarissima luce compleuit. Mox benigno vultu, Bono animo, inquit, esto fili. En vocata adsum presentem tibi opem, optatęque rei notitiam ferens. Sic igitur habeto, sacram eadem vestris nuper illatam finibus, illam ipsam esse domum, vbi ego olim genita, vbi

*B. Maria
Alexandro
apparet.*

ferme

ferme educata sim. Hic ego Archangeli Gabrielis nuncio, Spiritus sancti opera, diuinam concepì sobolem. Hic *Verbum caro factum est*. Ergo post nostrum excessum, domum talibus mysterijs insignem Apostoli consecrarunt, celebraruntque certatim rem diuinam inibi facitantes. Ara pariter cum eade allata ea ipsa est, quam Apostolus Petrus sacris initiauit. Christi crucifixi imago, quæ cernitur, olim ab Apostolis inibi posita. Simulacrum porro cedrinum effigies nostra est Lucæ Euangelistæ manu, qui pro familiaritate, quæ illi nobiscum intercesserat, nostram similitudinem coloribus, quantum mortali fas erat, expressit. Hæc igitur dilecta cælo domus per tot ætates in Galilæa maximis honoribus culta, nunc demum deficiente cum fide cultu, ex oppido Nazaretho ad vestras migravit oras. Nec dubia fides. Deus facti author, apud quem *impossibile non est omne verbum*. Cæterum ut horum tu ipse sis testis idem, præcoque; sanus esto. Tua ex longinquo morbo subita valetudo fidem miraculi faciet. Hæc effata sublimis abit in cælum, cælesti quodam odore in testis relicto. Id vero non ludibrium sopitæ, aut ægræ mentis, sed veram fuisse speciem, rei ostendit euentus. Protinus Antistes mista pauori lætitia euigilans, totus sudore fluere cœpit: depulsaque repente febri, valens, ac vegetus surgit è lectulo. Mox non magis valetudine, quam Nazarenæ domus indicio lætus submittit genua; & oculos pariter, manusque in cælum tollens Deo, ac Deiparæ Virgini pro duplici beneficio multiplices grates agit: tantum donum sibi, patriæ, gentique suæ gratulatur. Inde simul illuxit, præ gaudio gestiens in publicum prodit: & decori oblitus, homo id ætatis, authoritatisque lymphato similis per vicos, per plateas, per compita cursare cœpit, nocturnum visum (ut quisque obuius erat, seu notus, siue ignotus) exponere: Dei, ac Deiparæ donum, vel proprium, vel commune passim prædicare. Et erat ea vox, & vultus; is ardor animi ex oculis eminebat, qui facile

Alexander
sanatur.

cile dictis faceret fidem. Accedebat haud dubium argumentum, subita corporis sanitas, roburque in eo, quem graui diutinaque consiliatum febris hesternâ die vehementer laborasse constabat. Quæ posteaquam ad oppidanorum plerosque pertulit rumor, confestim magni ad Antistitem concursus fieri: & cæleste donum gratijs Deo, Deique parenti agendis, certatim vno omnium ore celebrari. Princeps inter gratulantes, lætantesque gaudio exultans ibat Antistes: & addebat ad gradum natalem Virginis domum videre festinans. Quo ut venit, venerabundus votum, cuius se damnatum profitebatur, enixius exsoluit. Maior secundum hæc religio mortalium incessit animis. Neque enim vanus author, aut dubia fides ferebatur. Itaque ædes miraculis inclyta maioribus in dies accolarum studijs celebrari, colique cœpta. Manare hæc primo ad finitimos fama; inde etiam ad remotos. Iamque omnibus circa populis templum illud sanctum erat: omnes ardebant cupiditate tam insolite tam celebratæ rei aliquando visendæ.

Certis hominibus in Galileam missis miraculum exploratur. Cap. IV.

*Anna Flum.
apud Angel.*

Peroportunè illa tempestate Nicolaus Frangipanius, è prima nobilitate Româna, Croatiæ, Dalmatiæ, Istriæ Prætor (Magnus Ban ab incolis vocabatur) regionem illam administrabat, vir pietate iuxta, ac virtute inclytus. Idemque Dominus erat Fluminis, Tersactique. Is igitur simul rei miraculo, quod in suo fundo euenerat, simul Alexandri Antistitis sermone, ac repentinâ sanitate motus obstupuit primo; inde lætus cæleste munus in suo potissimum agro consedissee, & ipse strenuè in montem accurrit: sanctissimamque ædem haud secus quam dignum erat, donis colere, atque ornare instituit. Cæterum quia

rei nouitas hominum memoriam, magnitudo superabat fidem; tam insolitum, inauditumque miraculum diligentius explorandum existimauit. Verebatur quippe ne ipsorum credulitas suspecta cæteris foret: neue tanta res plus admirationis, quam fidei esset ad posteros habitura. Itaque re cum Antistite communicata, placuit certos homines in Galilæam mittere, totam rem intentius inspecturos. Ex omni numero lecti quatuor expertæ fidei, ac probitatis viri, in quibus Alexander ipse Antistes fuit. Hi Nazarethum missi, omniaque explorata referre iussi. Igitur impigre conscensa naui; transmissoque Adriatico, Ionio, Cretico, Cyprio mari Palæstinam secundo cursu tenere. Nec mora. barbarorū animis auro delinitis, Hierosolymæ sacrosanctum Christi sepulchrum venerantur. Inde fide publica, firmoque armatorum præsidio septi Nazarethum Galilææ urbem, quod navigationis caput erat, protinus pergunt. Ibi impensius inquirentes comperiunt ex incolis non tam re, quam verbo Christianis, domum natalem B. Virginis inde pauloante sublatam. deducuntur ad templum ab Helena Augusta olim sacræ domui circumdatum. cernunt templi diuinitus perrupti ruinas: cernunt eisdem monstrantibus aream, vbi sacrosancta domus steterat: cernunt fundamenta, recentia sanctæ domus auulsæ vestigia. Dimensi longitudinem, ac latitudinem areæ, fundamentorumque crassitiem, reperiunt omnia cum translata in Dalmatiam ædis, parietumque mensuris, quas ad id secum attulerant, prorsus congruere: tempus quoque augusti sacelli illinc ablati, auctique in Illyricū conuenire. Ergo effusa cum lætitia, & gratulatione domum reuerti Frangipanio Prætori explorata renuntiant. Ille enimvero tali nuncio admodum lætus manantibus gaudiolacrymis, Deo, Deique parenti grates ingentes agit: quod se non solum viuente, sed propemodum vidente, tantum miraculum extitisset, tam euidentibus prodigijs, talium virorum authoritate firmatum. Exem-

plō igitur ad ædem Virginis solemnīs , ac celebris indiēta est supplicatio : maximoque peracta concursu virorum , mulierumque . Ibi Alexander Antistes pro concione ad populum rem ordine exponit : ac Deum , Deiparam , mortales omnes , immortalesque contestans propalam confirmat , nihil se compertis affingere . Si secus sit , non recusare quo minus cælestis ira meritas ex ipso exoptat pœnas . Nimirum hoc ipsos Dei matri gratiores esse oportere , quo res pene incredibilis exploratior afferatur . Quas velut missas è cælo voces cum circumfusa audiret concio , repente ingenti gaudio efferri , nec temperare , quin gratulationibus lacrymisque ipsum confunderent dicentem . Perorationem Antistitis exceperē preces auditorū , Deo ; Deique matri grates , quibus signis , quibus vocibus poterant , agentium . Mirum quanta illi viro hæc nuncianti , affirmantique fides fuerit , non apud incolas solum , sed etiam apud externos : quantumque talium virorum testimonio , frequentię religionisque sacrosanctę accesserit cellę . Nec deerant crebra , illustriæque miracula , cum vndique ægri membris capti , energumēni adessent . Defuit tamen qui ea sigillatim rite consignata litteris proderet . Crescebat cum populorum miraculorumque frequentia , religio loci , crescebat & cultus . Augustissimę quippe Aedis insidens accolarum animis cura (cum interesse supplicantium precibus Virgo ipsa videretur) tanta religione omnium pectora imbuerat , vt eum locum à Deipara incolī , non solum diligere existimarent . Itaque natalem Virginis domum , ipsamque Virginem quibuscunque rebus sciebant , poterantque certatim colere , & ornare cœperunt . Cæterum benignę voluntati facultatum tenuitas obstabat . Proinde ab eis pie magis , quam munifice est ornata . Mox etiam longinquorum populorum concursibus celebrari , honestarique cœpta . Gliscebant in dies rumor fortunatę domus : natale B. Marię tectum diuinitus ad Tersactum è Galilęa deportatum : missos Nazarethum

thum spectatæ fidei, virtutisque viros rem perspectam, ac testatam attulisse. Exciuit ea fama non Illyricos solum remotiores; sed Istros, Croatas, Bosnios, Scruios, Epidaurios, cæterosque eius tractus longe, ac late patentis populos, ad tantum miraculum, donumque visendum. Multis quoque eorum præsens Virginis auxilium in dubijs, aduersisue rebus oblatum augebat in dies celebritatem loci. Enimuero Illyrici sacræ Domus accolæ gaudere concursu populorum: gestire suam regionem apud exterarum gentes, ac nationes ingenti gloria esse: credere se diuino iudicio cæteris gentibus esse prælatos, humanæ arrogantia vitio, cælestia dona meritis hominum magis, quam Dei benignitate æstimantis.

Demigrat ex Illyrico ingenti cum luctu Dalmatarum. Cap. V.

C Aeterum haud quaquam diuturnum gaudium, ac donum Illyricis fuit. Quadriennio non toto (decerant quippe menses quinque) interiecto, sacrosancta ædes ex ipsorum finibus cessit. causa in incerto est; alij aliam tradunt. Ergo siue quod ab accolis minus impense, quam dignum erat, coleretur; seu quod ab initio ad breue illius gentis solatium Beata Maria diuersorium ibi potius, quam domicilium collocasset; siue vt Italiam Christianæ religionis arcem bellis, cladibusque afflictam præsentī refoueret ope, repente Dalmatis nil tale opinantibus, cæleste munus aufertur: deserturque in Italiam, haud maiore Italicorum bono, gaudioque, quàm Dalmatarum damno, atque luctu. Namque vbi diuinum illud pignus augustissimamque Deiparæ cellam alio auctam fama vulgauit; enīuero Tersactenses, finitimosque circa populos tam inopinatæ rei admiratio ingenti stupore defixit. Inde sanctissimæ domus desiderio stimulante, lymphati discurrere: concessum ademptumque:

*Anna, Flum.
Hier. Ang.*

Deo munus, quacunque eorum patebat regio, oculis diu, ac voce quæritare. Posteaquam id nusquam apparebat, nec quo tandem migrasset, constare poterat; promiscua virorum, mulierumque multitudo orbitatis dolore icta moestum paulisper silentium tenuit. Tum vero emerso ab stupore animo, effusi simul omnes in lacrymas, querelaque ingens suæ gentis vulnus prodere infinita lamentatione coeperunt. Nimirum illud cæleste donū ipsi ostensum, alijs traditum. Illud Dalmatiæ perfugium, illud ægrorum auxilium, illud miserorum solatium, illud decus, ac præsidium nationis sibi ereptum: talem patronam Dalmatis, talem tutelam ademptam finitimis gentibus. Vtique ipsos indignos tali pignore fuisse: minore id ab se religione, minore studio quam par foret, cultum; sed quam tandem vbiuis gentium religionem, quod studium, quem cultum cælesti illi, præcellentissimoque dono parem esse posse? hæc si causa mutandæ sedis fuerit, vbiunque confederit, subinde sedem mutandam fore. Hæc, & alia pro se quisque memorant, quæ præsens damni sensus, dolorque subijcit haudquaquam relatu facilia scribenti. Ad ultimum lamentandi defatigatione magis, quam satieta- te victi, ad Frangipanium frequentes coeunt; integratoque fletu, auxilium ab eo, & consilium petunt. Ille, & si communi vulnere ictus, moestusque plusquam pro virili parte, egebat ipse solatio; vicit tamen animum, & moerore dissimulato, populi luctum sua authoritate, sapientiaque absterfit. Graue utique damnum acceptum esse, & quo vix maius ullum accipi potuerit ab irato Deo: ut nullæ lacrymæ, nulli gemitus, eiulatusve exhaustire animi dolorem queant. Cæterum immerito ipsos tantopere queri. Cælestis doni vsuram à Deo datam nulla præstituta die. Proinde non esse cur quererentur repetitam, cum voluisset is, qui dedisset. Quin potius grates agerent numini de concessio aliquot annis vsu tanti, ac tam frugiferi pignoris; & præsens incommodum præteritorum

commo-

commodorum memoria compensarent. Porro daturum se operam, ut ademptum diuini muneris fructum aliqua ratione reuocet, tantique boni desiderium leniat. Quippe in ipsis sanctissimi sacelli vestigijs consimilem ædem B. Virgini excitaturum: quæ simul posteris tantæ rei monumentum foret, simul ipsis tam grauis damni solatium. Confidere utique se, etsi absit natalis Domus B. Mariæ, eius opem non defuturam. Nec Prætoris dicta magnificentiora factis fuere. Paucis annis, ipsius ære, sumptuque noua ædes Deiparæ dicata in iisdem stetit vestigijs. Templum insuper ædi circumdatum est opere, cultuque magnifico. Quod hodie exstat haud clarius Frangipaniorum munificentia, quam tanti miraculi monumentum. Nec vero conditoris vocem B. Virgo irritam esse passa. crebra inibi deinceps edita miracula, & illam sedem Deiparæ cordi esse; nec eius Illyricis deesse præsidium satis ostendunt. Id templum hodie Franciscanis, qui ab Obseruantia nomen accepere, commissum est, celebritate, ac fama illis locis clarum. Cæterum ea res Dalmatis Nazarenæ domus desiderium, non tam expleuit, quam accendit. Namque ab eius discessu annus iam agitur trecentissimus: Et tamen illi adhuc tanti crepti boni memoria, haud secus, ac recenti vulnere, ingemiscunt. Argumento est, quod cateruatim quotannis transmissio Adriatico mari, Lauretum ventitant, non magis B. Mariæ incunabula venerantes, quam orbitatem lamentantes suam. Quorum solemnes illæ voces, REVERTERE AD NOS MARIA, REVERTERE, haud parum ostendunt, eorum desiderium æternum fore, cum trecentorum annorum spatio nulla sit lenitum ex parte. Eadem porro voces testes haud dubiæ sunt Nazarenæ domus ex Illyrico in Italiam asportatæ.

Dalmatarum
desiderium
Sacros. Do-
mus.

*In Picenum aduecta Recinetensem insidet syluam.**Cap. V I.*

*Præp. Ter.
Hier. Ang.*

CAeleste autem hoc donum mira opportunitate trāsmis-
sum Italiæ est, anno M. CC. XCIII I. qua
tempestate funestis Velsorum, Gibellinorumque factio-
nibus diuisa, odijs, bellisque plusquam ciuilibus tota fla-
grabat. Igitur ipso interregno, quo Bonifacius VIII.
Pont. Max. creatus est, Quarto Id. Decembris, insigni ac
sempiternæ memoriæ commendando die, Virgo Deipara
pacem, salutemque Italiæ ferens in Piceno suæ domui se-
dem optauit. Picenum regio Italiæ est haud ignobilis, &
fatis opulenta, e regione Dalmatiæ sita, interiecto Adria-
tico mari, quod etiam superum appellatur. Ergo sacro-
sancta domus è Dalmatia trans Adriaticum sinum, (qua
traiectus patet millia passuum ferme C.) in Picenum de-
lata, consedit in Recinetensis agri sylua, mille circiter
passus à mari. Ea sylua matronæ cuiusdam Recinetensis
erat diuitis iuxta, piæque Lauretæ nomen fuit. Cuius de-
inde nomine Lauretana ædes appellata immortalem vi-
cissim reddidit celebritatem ei, vnde nomen acceperat.

*Arbores ad
S. ædis ad-
uentum in-
clinantur.*

Tenet fama (nec vana est fides) venienti Deiparæ domi-
cilio arbores obuias, velut venerabundas inclinasse se:
ac deinde pronas perstitisse, quoad æuo, ventis, ferro
procumberent: Proinde dum staret nemus (quod hodie
excisum est) inclinatæ ad ædis aduentum, longo ordine
arbores monstrari solitas peregrinis, tanti miraculi testes.
Recens est adhuc memoria. Narrauit mihi haud dubia
fide vir, abse complures illarum arborum non fere am-
plius viginti ab hinc annis, nec semel, nec sine admira-
tione conspectas: toto videlicet trunco pronas eas fuisse,
ac proclinatæ versus mare, qua sacrosancta Domus in-
destinatam syluæ sedem sublimis inuecta transierat: Eas-
dem

dem porro arbores, exciso etiam saltu superstites diu fuisset, religione tutante. Demum annis ab hinc circiter xx. rusticorum accolarum inscitia cæsas, ne impedimento arationi forent. Intempesta nox erat, cum Virginis domus vacuum sylvæ spatium insedit. Custodiebant tum armenta Recinetensium in proximo saltu pastores, diuisis inter se de more vigilijs; cum subito lux sacræ circumfusa domui excubantium oculos eò repente conuertit. Mirum eis videri, nouum in solitudine illa rectum, & quidem luce conspicuum subito extitisse. Et fuit inter eos, qui eam cõspexisse se diceret, cum sublimis supra mare ferretur. Igitur socijs ad spectaculum excitatis, primò multa inter se (vt est admirantium mos) sciscitari: inde mutuis se vocibus ad rem explorandam accendere: omnesque pariter id quod erat, coniectare coeperunt, ibi aliquid esse diuini. Accedunt, tectum subeunt. Limen ingressi cohorrere primum animos, mox inusitata quadam dulcedine perfundi sentiunt. Itaque venerabundi precibus reliquã exegere noctem, quæcumque sub tecto erant, intentius contemplantes. Prima inde luce, ex ijs nonnulli Recinetum (aberat ab eo loco millia passuum ferme quatuor) iter intendunt: quæ viderint dominis nunciant. Tota res primo ob authorum simplicitatem, cum ipsis authoribus spreta; vana scilicet ab eis afferri, & fortasse obiectam in somnis imaginem. Pastoribus deinde omni assueuatione affirmantibus, enimvero oculos facturos fidem, si vellet; domini magis velle credere, quàm audere. Ad vltimum, ne aut creditum temere tam insolitum miraculū rusticorum hominum testimonio, aut pro vano prætermissum, quod verum esset, ipsorum incuria videretur; illis comites addunt se, quid tandem rei foret exploraturi. Vbi ventum est in demonstratum nemoris locum, & pastorum fides extitit; vix satis oculis, vix sibi quisque credebatur. Certe illam ædem ibi nunquam antea visam; nec recens conditam, quod eius vetustas satis ostendat. diuinitus



nitus utique aliunde aduectam, aut cælo delapsam. Talia admirabundi inter se mussitantes propius accedunt: tectum cernunt non tam specie, quā antiquitate insigne. mirantur adeo vetustum ædificium stare nullis innixum fundamentis, nullis suffultum adminiculis. Mox suspensis animis limen intrant. B. Virginem Iesum puerum manibus complexam supplices venerantur. Nec pietatis defuit fructus. tantus repente eos lætitiæ mistus horror incessit, nusquam ut in omni vita præsentius Dei numen sensisse se dicerent. Confestim igitur in urbem citato recurrunt gradu, diuinum munus inter se sibi, & patriæ gratulantes. Præcipuum Lauretæ matronæ gaudium fuit, cuius saltum diuina illa ædes infederat. Ut primum urbē tanti miraculi fama peruasit; velut signo dato, mirus hominum cuiusque ordinis, ac generis insolito spectaculo oculos implere cupientium concursus fieri in syluam. Non pueri, non puellæ, non senes, non debiles domi continere se posse. Aegri quoque relictis grabatis, adrepere, visendi cupiditate, ut sit, vires subministrante. Plerique impetu quodam ardoris ruentes certatim ante alios prouolabant, ut tale spectaculum oculis capefferent primi. Quo propius perueniendi spes admovebatur, hoc magis concurrentium multitudo, visendique cupido crescebat. Vbi vero sacrosancta sedes, cuius conspectum rami arborum interseperant, in apertiore saltu ingressis subito apparuit; confestim omnes in vnum conuolare coeperunt. tantique vndique ex syluæ semitis repente concursus facti, adire, contingere, osculari sanctos parietes cupientium, ut se mutuo prementes pene alij super alios corruerent. In augustæ sedis ingressu, dum venerabundi salutant Virginem, ingenti religione perfusi lacrymarum vim profundunt; consilia ineunt melioris vitæ: ab eo loco diuelli nequeunt. Inter hæc ingentes vndique ægrorum præcipue, ac debiliū clamores exaudiri, confusis vocibus patronam, matrem, cæli reginam, Dei parentem appellan-

Recineten-
sum cōcur-
sus.

pellantium : valetudinemque ac sanitatem crebris ex-
 pellantium precibus . Nec voces vanæ , nec preces irritæ ca-
 debant . Protinus depulsis morbis , restitutisque viribus
 multorum , diuina vis exitit . Tum vero ingeminari cla-
 mor cœptus agentium Deo ac Virgini grates , & cœlestem
 vim , opemque prædicantium in se ipsis expertam . Ergo ,
 vt Recinetensibus diuinæ lux liberalitatis affulsit ; certa-
 tim sanctissimæ Virginis cella coli ab eis , celebrarique
 cœpta est . Sed priuata inter publicos honores , Lauretæ
 studia eminebant : ex quo Aedi Lauretanæ deinde nomē
 factum . Fama interim (qua nihil talibus in rebus est ce-
 lerius) ad finitimos populos discurrit , Lauretanam ædem
 miraculis inclytam ferens . Extemplo igitur , prout sua
 quemque religio , aut necessitas stimulabat , ad nemus ac-
 currere , adducere , aut deferre ægros necessitudine ali-
 qua iunctos , opem poscere , vota facere cœperunt . Voti
 eos compotes fuisse , & ipsorum Deo , ac Deiparæ grates
 agentium voces , & votiæ deinde tabellæ de parietibus
 vulgo suspensæ docebant . Facilis quippe , ac potens pa-
 trona Dei mater apud Deum erat : quæ , & viam impetra-
 turis ostenderet , & vltro opem , salutemque supplicibus
 impetraret . Porrò confluentium populorum religionem
 commendabat loci solitudo . Nulla tum erat in sylua do-
 mus , nullum hospitium , nullum saltem receptaculum ,
 præter arbores , quæ nudatæ per hyemem frondibus , te-
 ctum peregrinis parum hospitale præbebant . Videres ho-
 mines , etiam opulentos domi suæ , ac delicatos pernocta-
 re sub dio , quamuis infesta imbris , frigoribus , niuibus ,
 tempestate : populos per contubernia diuisos circa sanctis-
 simam ædem super herbam inter arbores vesci : humique
 cubantes , quâ somnum , aut quietem capere , quâ psalmos ,
 hymnosque modulari sine vlllo prorsus , aut ferarum , aut
 latronum metu . adeo incensa pietas omnia incommoda
 periculaque vincebat .

Laureta syl-
 uæ domina
 Lauretanæ
 ædi nomen
 dedit .

E sylva transfertur in Collem duorum fratrum.

Cap. VII.

*Præp. Tere.
Hist. Ang.*

AT sempiternus humani generis hostis tanto cælestis Reginae cultu, tantoque Christianorum bono, haud quaquam lætus effusam Picentium lætitiā, religionemque omni ope disturbare decreuit. Igitur ne conualesceret pieras populorum, prius quā tantum loco religionis esset, quantum futurum apparebat, occupat aduenis, ac peregrinis inferre bellum. Erat B. Mariæ sacellum in loco deuio, ac mari proximo, & frequenti sylua, procerisque arboribus septo. Adibatur semitis densa inter virgulta, arboreque. Et plerique inermes ibant, satis sibi præsidij in Virgine loci præside reponentes. Ergo facinorosi quidam proiectæque audaciæ homines, non magis prædandi opportunitate illecti, quā ab infernis, vt creditum est, furijs instincti, semitas quæ ad Aedem ferebant, obsidere, & circa densis obsita virgulis loca, in obscuris subsidere insidijs cœperunt. Inde subito exorti venientes peregrinos excipere, adoriri incautos; pecunia, vestibisque, & si armis obsisterent, vita quoque spoliare. Itaque breui totus ille saltus latrocinij, cædibusque infestus, atque infamis, absterritis aduenis, ad solitudinem est redactus. Iamque obsolescente in dies cultu, sacrosancta Aedes euanescebat; cum Deus indignum ratus paratum ab se mortalibus perfugium salutis, inferni hostis scelere in perniciem versum; tutiorem opportunioremque aduenis sedem suo matrisque suæ domicilio delegit. Collis erat leniter accliuus mille fere passus ab eo loco, propius Recinetum, non longe à via militari. Huc igitur sacra domus octauo circiter mense, quam lucum infederat, sublimis aufertur ab Angelis, & in collis sistitur vertice. Possidebant eum collem communiter fratres germani duo Recinetenses

netenses concordibus animis, qui cælesti dono mirè læti sanctissimam ædem coniunctis studijs colere cœperunt. Auxit loci mutatio, nouique miraculi fama, vt admirationem, sic religionem accolarum æque aduenarumque. Quippe, vt Lauretanam Aedem locum mutasse, & relicto obnoxio grassatoribus saltu, tutum à latronibus, opportunum peregrinis occupasse collem distulit rumor; exemplo finitimis populis eius reuiscendæ cupidinem accendit. Proinde siue intermissam latrociniorum metu tanti boni vsuram sarcire, siue nouam migrationem, quam auribus acceperant, oculis subijcere cupientes, eo summis vndique studijs conuolant. Horum plerique eandem ædem nuper in sylua coluerant, quam nunc in collis vertice extra syluam colunt. Quo maior omnes admiratio, & stupor defixos tenebat. Ergo sacellum, & veteribus prodigijs, & mutatæ denuo sedis miraculo venerabile, certatim accolæ votis, vocibusque celebrabant. Grates inde, & Deo, & Dei parenti pro se quisque agebant, quod religiosissimam sedem latrocinij violatam non abstulissent alio, sed in tuto colle statuissent, opportuno aduenis loco. Porro crescente in dies peregrinorum multitudine, cœpit augeri quotidie celebritas Aedis: parietes votiuis tabellis, cereis imaginibus, preciosis vestibis contegi: ara congestis vndique donis, pecuniaque compleri. Sed aucta sacelli opulentia imminuit religionem eorum, quorum studia maxime augere debuerat. Itaque auaritia breuiorem etiam, quàm in sylua fecerat, angustissimi sacelli stationem in colle fecit.

Ex fratrum colle ob eorum auaritiam, discordiamque demigrat. Cap. VIII.

ERat is collis (vt supra demonstrauius) communis duorum fratrum, qui primo sanctissimum domiciliū, *Prep. Terr.
Hier. Ang.*
D haud

haud secus quàm par erat, sanctè, ac piè colebant. Felices si diuino munere ad cultum vti, quam abuti ad quæstû maluissent. Cæterum opulentioribus in dies donis religiosissimam ædem cumulari cum viderent; cupido angustos animos vicit: & religionem, pietatemque penitus extinxit. Namque hæreditatem sibi vterque venisse rati, sacro auro, argentoque inhiare primo: inde stimulante auaritia, odio plusquam fraterno inter se dissidere cœperunt. Ad vltimum, dum vterque ad se emolumentum trahit, cū altercatione congressi, ab irarum certamine ad arma venire. Iamque haud procul erat, quin germani fratres se, augustissimamque Deiparæ cellam (adeo nihil sanctum auaritiæ est) fraterno cruore respergerent; cum Deus tantum facinus, sublata facinoris causa, præuertit. Ergo non minus fraternæ discordiæ, quam syluestri latrocinio infensus, maternam domum ad iactum ferme sagittæ ab eo loco in proximum collem, versus mare submouit: atque in ipsa via militari, quæ ducit ad portum Recinetensem, locauit, à mari millia passuum circiter duo. Ita, & discordiarum, & latrociniorum materies adempta; ac stabilis aliquando, ac certa sedes capta. Stetit sacra Domus in colle fratrum paucos scilicet menses. constat quippe nondum vertente anno, post eius in Italiam aduentum, in eo colle, vbi nunc visitur, consedisse. Ita in agro Recinetensi ter intra anni vnus spatium, siue accolarum vitio, seu potius diuino consilio, sedem mutauit. Intra quinquennium vero post eius à Galilæa discessum, quatuor loca suis vestigijs nobilitauit. Nec tamen mutatis locis religionem mutauit, sed magis, magisque auxit.

Vestigia locorum, quæ sancta Domus occupauit.

Cap. V I I I I.

Nicr. Ang.

ET extant his omnibus locis hodie haud dubia rei argumenta. Nicolaus quippe Frangipanius (vt supra

pra ostendimus) nouam ædem Nazarenæ parem, ac geminam in iisdem vestigijs, vbi illa steterat, ab se extructam magnifico circumdedit templo. Id templum S. Mariæ à Tersacto vocatur, vel veteri sanctissimi sacelli memoria, vel nouis miraculis nobile. Et in eo templo ad ianuam assemblatæ Nazarenæ Domus egregium Nicolai Frangipanij monumentum hodie visitur; qui templi conditor pro sua erga natalem Virginis domum eximia religione, proximum illius vestigijs sepulcrum elegit sibi, posterisque. Quin etiam marmorea inibi tabula exstat perantiqua tanti miraculi ad posteros testis. In qua incisum: HIC EST LOCVS, IN QVO OLIM FVIT SANCTISSIMA DOMVS B. VIRGINIS DE LAVRETO, QVAE NVNC IN RECINETI PARTIBVS COLITVR. Harum ego rerum authores habeo haud dubiæ fidei viros complures, qui mihi se vidisse narrarunt. Eo autem loco, vbi primum in Picenum delata confedit, quamdiu sylua stetit (stetit autem vsque ad annum sæculi huius ferme LXXV.) haud obscura extiterunt ædis ablata, miraculique indicia. Quippe area, quam sacra occupauerat Domus, nitebat semper vernantibus herbis floribusque, cum omnia circa densis obsita virgultis, ac sentibus horrerent. Nec dubia res. author est Hieronymus Angelita in Virginis Lauretanæ historia, quam Clementi VII. Pont. Max. dicauit eo ipso tempore, cum hoc visentibus miraculo erat. Visebantur pariter cum area sanctorum parietum solo impressa vestigia, sanctitatem & quasi diuinum quiddam spirantia. Id adeo ipsemet accepi à Raphaele Riera spectatissimæ fidei, ac religionis viro, qui Aedis vestigia, atque areæ nitorem sæpius magna cum voluptate se spectasse memorabat. Cæterum exciso nuper nemore, ac solo arationi destinato, eximia illa amænitas ab imperito rerum agricola, & fossione, & satu olerum violata defecit. Itaque ad retinendam loci religionem, ab eo-

dem illo Riera in ipsiſtigijs quoquo verſus parietes paulum à terra ſunt excitati, ſiue monumentum ad poſteros, ibi olim Lauretanam ſtetiſſe Domum; ſiue aduerſus pecudum, & ruſticorum iniurias munimentum. Vidi ego ipſe, & inſpexi locum cum hæc ipſa litteris proderem. animaduerti parietibus illis aream includi, & longitudine, & latitudine Aedi Lauretanæ vſquequaque parem. Areæ porro ſolum cætero circa ſolo ſimile, amiſſa inſigni illa amænitate, quam habuerat prius, quàm ſanctitatem loci ruſtica temeritas violaret. Verum enimvero ita amiſit amænitatem, vt retineat religionem. Hodie religionis ergo à multis viſitur, à pluribus etiam viſeretur, niſi vulgo ignotus eſſet locus. Olim quidem, cum eſſet ſiue ob inſignem illam amænitatem, ſiue ob commoditatem viarum notior, adeo coli à peregrinis ſolebat; vt nemo fere Lauretanæ Virginis cellam ſe adiſſe crederet, qui non illa quoque prima eiſdem cellæ veſtigia coluiſſet. Deuius omnino eſt locus, atque auis: neque enim certis ſemitis aditur, & perito itineris duce opus eſt. Diſtat ab oppido Laureto mille ferme paſſus, tantundem etiam à mari, nō tam recta regione, quam per anfractus ſemitarum. Situs eſt inter Montem Vrſum, & Muſionem fluuium, pari fere interuallo, atque inter Lauretum, & mare. Vulgo Banderola dicitur, fortaliſs ex vexillo, quod olim ex arbore quapiam eminebat pariter omnibus conſpicuum, vt ſacroſancti ſacelli in nemore latentis ſedem peregrinis venientibus; & nautis præter eam oram nauigantibus ſignificaret. Certe paruum vexillum Itali Banderolam appellant. Propter ſacram aream, quam dixi, puteus eſt ingens, qui perennes, & haurienti faciles ſubminiſtrat aquas. Inſolitam illam putei amplitudinem ad ingentis alicuius multitudinis, ideſt ad populorum illuc confluentium vſum conditam ſentias. In colle porro duorum fratrum obſcuriora argumenta cernuntur. Namque is colliſ ad ædificiorum commoditatem, oppletis conuallibus,

æqua-

æquatus, cœdificatusque est, cum Lauretum oppidum conderetur. Locus tamen, aut loci potius vestigium monstratur. Extra priuatarum ædium parietem extat rudis quædam, metæ instar, turbinata particula excisi collis, recto modico insignis. Id vnum superest captæ inibi, desertæque à B. Maria sedis indicium. Domus cui vestigium hoc adhæsit, non procul Pontificiarum ædium ianua, ad dexteram ingredienti sita, Laureti oppidi velut umbilicus est. Ac procedens inchoata Pontificiorum tectorum pars totam ferme illam regionem occupabit. Sed tum quoque (vt reor) aliquod relinquetur monumentum rei, locique: ne tam memorandæ rei vestigium intereat.

Præcipuus locus, situsque admirabilis Aedis Lauretane. Cap. X.

C Aeterum in illis locis sedem sibi Deipara Virgo delegerat ad diuersandum magis, quàm ad habitandum, minimè scilicet diuturnam. Quippe cum eo demum loco vbi nunc est, ab initio sedem animo destinasset stabilem, & (nisi incolarum, accolarumue aliquod delictum obftet) vt speramus æternam. Neque enim ambigi fas est, quin Dei mater, & Dalmatarum in Illyrico indiligentiâ, & immanitatem latronum in sylua, & in communi duorum fratrum colle fraterna odia, vt providere à principio, sic vitare potuerit. Nimirum illa istarum rerum satis gnara, ex quo primum tempore Nazaretho Domus excelsit, relicto natali solo, hunc sibi locum elegit, vbi stabilem, ac perpetuam figeret sedem. Verum enimvero opus fuit ad fidem tam insolito, inauditoque antea miraculo affirmandam, eiusdem miraculi frequentatio: vt rem per se incredibilem crebra intra paucos annos loci mutatio credibilem faceret. Qui enim ambigerent deinde mortales, an domus illa e Galisæa esset aduecta, cum eadem illi ipsi audissent

Causa multiplicis migrationis.

*Præp. Terz.
Hier. Ang.*

audissent suo ævo, ex Illyrico in Picenum migrasse, qui vidissent in ipso Piceno intra spatium vix mille passuum, anno nondum circumacto, ter mutasse sedem, locumque. Incidit quippe tertia hæc, & postrema migratio in annum à Christo nato M. CC. XCV. qui aduentum sacræ Domus in Italiam est consecutus. Operæ autem pretium est de admirabili eius situ cognoscere: Situs enim ipse sacrosanctam illam sedem non humana, sed diuina prorsus arte, manuque locatam facile declarat. Sita igitur est, sit qua vsquam, ad quatuor cæli mundique regiones, ex Mathematicorum disciplina. Neque id solum, sed ex veteri etiam Sanctorum Patrum instituto, qui aras sacrarum ædium ad solis spectare ortum iubebant. Namque anterior paries, vbi fenestra visitur Angeli ingressu (vt ferūt) nobilis, ad occidentem solem vergit: posterior, vbi ara est ante B. Mariæ simulacrum posita, vèrum ferme orientem spectat, adeo quidem directo, vt per vtrumque æquinoctium, decem circiter dierum spatio, sol oriens posteriori, occidens anteriorem aspiciat partem. Itaque sub occasum sol per eam, quam dixi fenestram ingressus ad B. Virginem velut vespertinus saluator accedit, quando matutinus esse nequit obiectu parietis exclusus. Id adeo etiam post sacram Domum templo inclusam obseruatum ferunt; priusquam obuersa templo facies Pontificiæ Domus obijceretur ab occasu. Cæterum non dubito quin eius ianua (perfecto deinde opere) patefacta, illud idem solis Deiparam à templi aditu, per sacelli fenestram quodam modo salutantis, sit præbitura spectaculum. Sinister porro sanctissimi sacelli paries ad septentriones vergit, dexter ad meridiem. Ac proinde Pontificalium testorum porticus sane magnifica, ad meridiem versa (B. enim Virgo suæ cellæ situ situm Pontificiarum ædium velut præscripsit Architecto) quotidie cum aduersum recta excipit solem, meridiem haud dubium indicat. Hunc autem tam admirabilem sanctissimi sacelli situm non casu occupatum,

Sol per æ-
quinoctium
Lauretanā
Virg quodā
modo salu-
tat.

patum, sed diuino quæsitum consilio, vel illud argumēto est, quod in ipsa quoque sylua, eundem plane situm à B. Virgine optatum (vt egomet intentius obseruauit) vestigia, quæ exstare diximus, satis ostendunt. Idem fortasse in colle fratrum accidit: nam ex obscuris vestigijs iudicari non potest. Fortassis idem quoque in Dalmatica sede vsu venit: nihil enim comperti habemus. Sane res ipsa consentanea est. Sacrosanctam quippe Domum duo præcipua mysteria, ortus B. Virginis, & æterni Verbi conceptus insignem fecere; quorum ille fere in autumnale hic in vernum incidit æquinoctium. Igitur haud immerito eam sol per vtrumque æquinoctium lustrat, sic prorsus, vt velut illorum mysteriorum memor, & sub ortum, & ante occasum Deiparam Virginem pene ambitiosè adire, & quodammodo salutare videatur.

Dalmatarum indicio Picentes natalem B. Virg. Domum penes se esse cognoscunt. Cap. XI.

Sed vt ad rerum ordinem, vnde egregij situs admiratio auertit cursum historiæ, redeamus; mira primo Recinetensibus noua Aedis migratio videri; deinde etiã grata, iucundaque esse. Namque multiplicato trina migratione miraculo, vt creuit fama, & admiratio loci; sic Deus parentis suæ venerationem apud accolae pariter, & exteros auxit. Vtique cum sub id tempus nunciata Nazarena, Dalmaticaque eiusdem Domus migratio Picentium animis ingentem incussisset metum, ne sacra Aedes ipsos quoque, præsertim duobus iam locis violata, aliquando defereret. Iamdudum per mercatores, Aedis Lauretanæ rerumque admirabilium fama in Illyricum perlata, Dalmatas nonnihil suspicantes ad inclytam miraculis ædem visendam, Picentiumque pietatem æmulandam accendebat. Dalmatarum ergo nonnulli Lauretanum contem-

*Prep. Torr.
Hier. Ang.*

plati

plati, facellum. (vt erat recens Illyricæ migrationis memoria) haud ægrè scilicet agnouerunt . Itaque obortis lacrymis, venerationis munere perfunguntur . mox velut reficato vulnere, ac desiderio ex amissi boni conspectu ingemiscetes, suum detrimentum effusè deplorare cœperunt . Aedem illam, quæ tum in Piceno tanto mortaliu concursu celebraretur, paribus ferme populorum studijs nuper in Dalmatia celebratam . Natale illud Virginis tectum Illyricis primum è Galilæa diuinitus missum, quo tum Picentes transmissio è Dalmatia fruerentur . Id & cælesti iudicio enunciatur Dalmatis, & destinatis in Galilæam certis hominibus exploratum . Agnoscerent proinde, & impensius colerent Picentes cæleste donum; ne quod alijs euenisse audiant, ipsis eueniat : & cuiusmodi tandem illud munus sit, carendo magis sentiant, quam fruendo . Se quidem nequaquam desperare (si optatis vota respondeant) illam ipsam Virginis Domum in Illyricum, vnde paucis ante annis abierit, redituram . Hæ & aliæ tales Illyricorum voces, quodd nouæ ad Picentium, aures acciderent, (nondum enim quicquam de Nazarena, & Dalmatica migratione fando audierant) à plerisque pro vanis habitæ, irritæque . Cæterum breui noua res diuinitus oblata eas esse veras ostendit .

Heremita B. Maria monitu Picentes ad rem explorandam impellit. Cap. XII.

*Præp. Terr.
Hist. Ang.*

Collis est nemori, ac sedi, quam in Piceno primam Virgo Deipara elegerat, satis propinquus . Montē Vrsū incolæ appellant . Huc receperat se paucis ante ante annis homo solitarius egregia sanctitate, sacrosanctæ cellæ propinquitatem secutus . nomen non proditur . Illū ipsum fuisse Paulum à Sylua, cuius deinceps mentionem facturi sumus, vt credam, inclinatur animus . Is igitur, vt erat

erat B. Mariæ vnice deditus : ad Lauretanam eius sedem ventitabat quotidie : pluresque inibi precibus extrahebat horas . Intererat auidè miraculis , quæ Virginis ope patrabantur , aut patrata narrabantur ab aduenis . Multa etiam subinde audiebat , quæ à Dalmatis ferrentur haud dubijs vulgata sermonibus : non nunquam ipsos audiebat Dalmatas suam vicem lamentantes , descentesque nationis suæ orbitatem , erepta natali B. Virginis domo , præsentique tantæ patronæ præsidio amisso . Pius heremita cæteris B. Mariæ laudibus lætus , vbi natalem illam Virginis domum esse accepit , obstupuit . Enimuero illi res pene incredibilis , sed tamen digna visa , quæ summa exploraretur ope : utpote cum tanta res explorata , atque comperta Aedi Lauretanæ , cui ipse mire fauebat , ingens nomen , ac decus esset additura . Ergo hominem veri sciendi , religionisque erga B. Virginem augendæ auidum cupido ingens cepit , verum , vanum ne id esset diuinitus cognoscendi . Nec mora : inedia , cilicio , verberibus corpus afflictare , mentem in preces effundere , nihil eorum omittere , quibus speraret Deum placari , conciliarique posse . Præcipuè orare , atque obtestari Deiparam Virginem , ut quid tandem sacelli illud esset , aut vnde esset , certo aliquo indicio declararet . Nec incensæ eius pietati , votoque Virgo defuit . Alter agebatur annus à sacra Aede in Italiam aduecta , cum per somnium ei B. Mariæ species offertur , quæ bono illum animo esse iussu docet , se domicilio , quod in terris olim habuerit , in Italia sedem elegisse . Id quippe quod negligentius coleretur , è Galilæa in Dalmatiam , inde in Picenum , Dei nutu , cælestium ministerio deportatum : ibi semet genitam , ibi diuinam concepisse prolem . Idcirco illam ædem Deo semper , ac sibi cordi fuisse , ac fore . Addit cætera , quæ Alexandro Tersactensi Antistiti (ut antea dictum est) exposuerat in quiete . Ad extremum adiungit id donum superum concessu , ac munere singulari , Picentibus atque Italis datum , uti-

S. Domus
B. Mariæ in-
dicio agnos-
citur.

que in tantis calamitatum procellis, malorum solatium, veniæ pignus, pacisque: in cæteris deinceps mortalium, periculis, & ærumnis perfugium omnium gentium, præsidiumque certissimum. Proinde abiret, & hæc Recinetensibus finitimisque populis nunciaret. Ille somno excitus, & cælesti indicio mire lætus extemplo B. Mariæ mandata exsequitur. Ac primo Recinetum profectus primoribus ciuitatis visum enarrat, cætera exponit: Mariam ipsam sui sermonis authorem nominat. Recinetensibus stupore defixis, alios deinceps populos strenuè percurrit, eadem ingenti animi ardore denunciâns. Id Picentibus vanum primo somniû visum: & author à multis pro somniatore habitus. Deinde vero, quoniam de dato ademptoque diuinitus Dalmatiæ sacello, Dalmatarumque Aedem Lauretanam agnoscentium testimonio, obscura quædam per eos dies fama emanarat; colligere sese, ac tantam rem minimè negligendam existimarunt. Et recens eos admiratio stimulabat, quod eandem adem ter vno anno sedem in agro Piceno mutasse meminerant. Ergo internuncij ultro, citroque missi: ac demum Recinetensibus authoribus, communi Picentium consilio decretum, vt ære contributo, certi hominès in Illyricum, inde in Galilæam mitterentur rem oculis, certisque indicij exploraturi.

*Sexdecim viri in Dalmatiam, & Galilæam
missi adfirmant miraculi fidem.*

Cap. X I I I.

*Prep. Ter.
Mier. Aug.*

Igitur sexdecim viri fide, religione, autoritate præstantes ex omni Piceno lecti. His datum negocium, vt Dalmatiam primum, inde Galilæam explorantes, rem omnem intentius inuestigarent: & de natali B. Mariæ domo, quæ illis locis fuisse diceretur, comperta omnia domum

munum referrent. Confestim illi transmissis Adriatico sinu, Tersactum delati accolis aduentus causam aperiunt sui. Ardebant dolore ex recenti adhuc vulnere Dalmatæ omnes. Talis ergo boni amissi recordatione ingemiscens summum eius desiderium vocibus, ac lacrymis testabantur. Legatis amice rogitantibus aream monstrant, quam B. Virginis Domus infederat: atque inibi geminam illi, ac similem ædem, rei monumentum, exstructam. Et simul integrato fletu, queruntur, ea sola Illyricis cælestis doni reliqua esse vestigia. Alijs tam diuini muneris concessam gloriam, sibi tantum famam relictam. Itaque Picentium legati Aedis Lauretanæ mensura, quam secum ad hunc usum attulerant, quaquæ versus ducta, quod vacui erat spatij, id Lauretanæ Aedi prorsus congruere deprehendunt. Scitati inde tempus amissi sacrosancti sacelli comperiunt, id eodem planè tempore Illyricis ereptum, & Picentibus datum. Re satis explorata, cum utrique commemorassent præcipua utrobique patrata miracula, manantibus certatim lacrymis diuelluntur, alteri desiderio mœsti, alteri lætitia gestientes. Legati igitur è vestigio vela faciunt, & Corcyram, Cretam, Cyprum celeriter præteruecti in Palæstinam secunda tempestate perueniunt. Cæterum cum iter tutum non esset, vagantibus passim, per totam Syriam Turcicis armis; pecunia præsidium emunt, quo in Galilæam perducantur, ac deinde reducantur ad nauim. Ergo augustissimum Christi sepulcrum, Hierosolymæ venerati in Galilæam ire pergunt. Nazarethum ut venere, natalem B. Mariæ inquirunt domum. De Christianis, qui qualescunque supererant in medio nationis prauæ, sedulo sciscitantur. Ab his edocti, quæ vigente adhuc Christiana re in Syria, partim ipsi à maioribus acceperant, partim suis ipsimet oculis viderant, ad optatum ducuntur locum. Reperiunt aream cum fundamentis auulsæ domus in solo relictis, quæ intentiore cura dimensi, omnia omnino cum Illyricis vestigijs, Aedisque

Lauretanæ forma, ac parietibus conuenire comperiunt. Re utrobique gesta ex sententia, admodum læti conscendunt nauim: ac remenso mari, Anconam vnde soluerāt, reuehuntur incolumes. Protinus domos repetunt, Magistratibusque, ac primoribus ciuitatum, vnde missi erant, comperta referentes, suam illis lætitiā impertiunt. Et Recinetenses successu læti legationis, cuius auctores fuerant, monumentum exstare voluerunt. Rem omnem in publicas tabulas referre placuit, additis sexdecim legatorum nominibus, testimonijsque, quò res testatior ad posteros foret. Earum litterarum exempla in priuatorum ædibus asseruata ad nostram vsque ætatem peruenerunt. Hæc autem per legatos cognita sunt anno à Virg. Partu M. CC. XCVI.

Elor. Ang.

Præp. Terr.

*B. Virgo Lauretana Patrona à Picentibus
adoptatur. Cap. XIV.*

EXtemplo fama, ut solet, strenuè finitimas vrbes patgosque discurrit, sexdecim legatos ex Illyrico, & Galilæa reuectos renunciassè, manifestis compertum indicijs, Lauretanam Aedem esse eam ipsam domum, ubi Deiparens genita sit, & ab Angelo salutata. nimirum eandem primum ex Galilæa in Illyricum, deinde ex Illyrico in Picenum diuinitus transportatam. Et per idem fermè tempus tertiam in agro Recinetensi migrationem eadem fama vulgauerat. Ergo plerosque mortales, velut nouo ex noua fama animorum ardore concepto, ingens cupido cepit cælestis doni ad se inde vsque ab oriente transmissi in noua sede visendi, colendique. Omnes quippe ita rem vulgo interpretabantur, Deiparam Picentibus suam ostentasse tutelam. Proinde reliquum esse, ut ipsi in eius clientelam, fidemque committerent se. Confestim igitur ex omnibus prope oppidis incolæ plenis effusi
portis,

*Picentium
concurfus.*

portis, vijsque ad Lauretanam Aedem contendere cœperunt. Nec firmi tantum, ac valentes procurrere, sed etiam ægri & imbecilli, neglecto medentium imperio, prorepere ipsi si possent, sin minus, ab alijs, vt cumque se iubere deferri. Cæterum ex plerisque Piceni vrbibus, oppidisque paulo opulentioribus, populi linteati pluribus agminibus, tanquam cohortes sub signis, incedebant insignibus, coloribusque distincti. Qui certatim Deo, Deique parenti carmina canentes, symphoniarum, tympanorum, tibiarum cuncta circum loca festo complebant sono. Hos deinceps misti mulieribus, pueri, puellæque vno velut agmine sequebantur. Ad sacellum Virginis, vt ventum est (quoniam loci angustia tantam hominum multitudinem excludebant) in ipso conspectu sanctissimæ Domus, submissis genibus tanti muneris largitorem vniuersi pariter adorant. Exinde ad agendas Deo Deiparæque grates versi, in tanta malorum, partim instantium, partim vrgentium mole, pacem ac veniam precibus exposcunt. Ipsamque Dei parentem enixius orant, vt quoniam Piceno cladibus afflicto voluntariam se Patronam obtulerit; Picentes in suam fidem, tutelamque recipiat: & volens, ac propitia suam semper sospitet gentem. Nec inane tutelæ, clientelæue nomen fuit. Ex eo tempore, & B. Maria certissimam se Picentibus Patronam, & illi vicissim se deuotos B. Mariæ clientes perpetuo præbuere, Lauretana eius Aede non solum ornanda, sed etiam tuenda.

Sacra Domus celestibus illustrata flammis in dies magis celebratur. Cap. XV.

NAm quotidianis in salute humanis corporibus reddenda miraculis, interdum accedebant prodigia cælestia haud dubiè significantia B. Virginem Picentibus adesse. Visa non semel est per noctem subita de cœlo effundi

Hier. Aug.

fundi flamma, quæ primo velut pluribus sparsa locis coruscabat, deinde vno quasi facto agmine, ad Deiparæ cellam tendens omnia circum cælesti luce complebat. Visum etiam sæpe crebris luminibus collucere tectum summa cum admiratione, læritiaque intuentium. Angelorum manum ad cælestis reginæ domum excubantium videre te crederes. Ergo Recinetensis Antistes, in cuius dioecesi is locus erat, ad religionem id pertinere ratus, pro officij sui ratione Bonifacium VIII. Pont. Max. tota de re certiolem facit. Impetrata ab eo Lauretani sacelli procuratione, optimum factu existimauit, laxare spatium aduenis. Extemplo igitur solum quod circa Aedem erat, Recinetensium dono consecrat Virgini. Cum aræ spatio etiam loci celebritas aucta. Excipiendis quippe hospitio peregrinis (qui ante id tempus conferti sub dio cubitabant in via) casæ primum, ac tuguria; inde recta exstrui cœpta. Et quoniam dorsum inæquale vtriusque collis (interiacente præsertim conualle) haud sane commodam præbebat ædificijs sedem; duorum fratrum collis plus æquo eminens æquatus: conuallis expleta: dorsum dilatatum, vt excitandis circa viam rectis æqui spatij satis foret. Ita breui haud infrequens qua syluestribus tectis, qua domibus extitit pagus in dorso collis vtriusque porrectus. Pago Lauretum nomen inditum: vt ab eadem illa Laureta, quæ B. Virgini vnicè dedita fuerat, appellaretur ædes, pagusque. Hospitiorum opportunitas loci religioni iuncta mire hospitum, aduenarumque frequentiam auxit. Cui quidem noua subinde res celebritatis adiecit vel plurimum. Per id tempus Bonifacius VIII. Pont. Max. (cuius Pontificatum sacræ Domus in Italiam aduentus insignem fecerat) ingentibus terræ motibus, cladibusque partim illatis, partim impendentibus Italiæ commotus, ad auertendam cælestem iram curas omnes intendit. Salubri ergo consilio secularem annum (Iubilæum vocamus) vel instituit, vel instaurauit, Apostolorum Petri & Pauli limina ritè aduentibus

Lauretum
pagus con-
dicitur.

S. Anton. p. 3
Plati. Bonif.

Io. Vill. li. 1.

tibus delictorum omnium indulgentiam largiens. Itaque ipso anno post Christum natum M. CCC. qui primus Iubilæi celebritate insignis fuit, noui Pontificalis beneficij fama in omnes orbis Christiani regiones perlata incredibilem omnium gentium, totiusque occidentis exciuit sedibus suis molem. Quippe tanti vndique cunctarum nationum concursus ad Urbem facti aduenarum, vt multitudinem Vrbs quamuis ampla vix caperet. Nullus pene dies abibat, quin Vrbs ducenta peregrinorum millia hospitio exciperet, præter innumerabilem multitudinem, quæ erat in via. Horum igitur plurimi præsertim, quibus Recinctum minimè deuium erat, miraculorum fama exciti ad Aedem Lauretanam vtique diuerterunt, testes ac nuntij suis quisque popularibus futuri eorum, quæ de tam inusitato, inauditoque miraculo, non tam aliorum sermonibus acceperant, quam suis ipsimet oculis hausissent.

Parietes sanctæ Domui pro fulcimento adiecti recedunt: his tamen amplæ porticus applicantur. Cap. XVI.

INter hæc Recinetenses tantis populorum concursibus accensi sacrosanctum sacellum impensius colere, tutarique institerunt. Videbant parietes, & tenues, & perantiquos tot iam sæcula stare sine vlllo penitus fundamento. Ingens ergo eos incessit cura veritos, ne paulatim temporum iniuria, procumbentibus parietibus, augustissima orbis terræ sedes Virginis pessum iret, rueretque. Itaque optimum factu rati, ædem specie ruinosam (quoad humana arte atque industria valerent) vndique communire, iactis quantum res ferebat, fundamentis, lateritio eam pariete circundant. Fama est haud dubijs vulgata authoribus, nullo modo potuisse nouam substructionem cum sacris parietibus cohærere. diceres sacram Domum diuina
vi sub-

*Hier. . Ang.
Eapt. Mant.*

*Tradit. Lau.
Eapt. Mant.*

vi subnixam aspernari humanam opem. Quin etiam procedente tempore, noui illi parietes veteribus pro fulcimentō adiecti paulatim recesserunt adeo, vt inter vtrosque parietes, quoties opus foret, puer cum accensa face discurreret, quo disiunctorum parietum fidem explorantibus faceret. Nec vetus est eius rei memoria. Viuebant paucis abhinc annis viri probi, pijque complures, qui discurrentem inter parietes puerum sapius se vidisse narra-
runt Raphaeli Rieræ homini spectatæ virtutis, ac fidei (cuius supra fecimus mentionem, & deinceps facturi sumus) vnde ipse cognoui. Huic eidem Rieræ Rainerius Nerucius Architectus egregius, ædificationi Lauretanæ præpositus pro familiaritate commemorauit, se Clementis VII. Pont. Max. iussu, demoliendis lateritijs illis parietibus præfuisse, cum marmoream crustam, quæ hodie cū omnium admiratione visitur, substituere moliretur: ac tū admirandum reperisse parietes illos contra omnem Architecturæ rationem, à sacro cubiculo dimotos, neque tam vetustate, quàm arcano quodam consilio ruinosos: vt satis appareret, Dei parentem ad sustentandam suam domum excludere hominum industriam voluisse, quod diuina vis insignior foret, si tectum longe antiquissimum sine fundamentis, vlloue humano auxilio per tot sæcula staret. Fama etiam tenet, antiquissimam Christi crucifixi imaginem simul cum domo aduectam, multiplici per eadem tempora miraculo insignem extitisse. Nam cum eā efferri, & in facello ad id exornato, vt maiore honore coleretur, reponi Recinetensibus, & Episcopo placuisset; translata subinde in sacram remigrasse Domum, & in suam sedem recepisse se. Itaque illos, re nequicquam sepe tentata, irritō demum incepto destitisse. Exin alio Recinetensium curæ versæ. Nondum excipiendæ aduenarū multitudini satis, siue tectorum, siue tuguriorum erat. Nec iam supererat in sacra æde locus votiuis simulacris, donisque. Itaque ne peregrini, quorum plerique tectis exclu-

si, qua-

Tradit. Lau.

Christi crucifixi effigies in S. Aedem remigrat.

ſi, quaſi in ſtatione pernoctabant, ſub dio eſſe cogerentur; neue votiua dona iniurijs temporum expoſita interirent; circa ſacellum ſacis amplas porticus exſtruunt, vel aduenarum, vel donorum receptacula. Ara quoque ſacello extrinſecus adſtructa: vt aduenæ ſacelli anguſtijs excluſi operantem inibi ſacris ſacerdotem proſpectare poſſent. His adiecta ferunt tecta, vbi ſacerdotes, cuſtodes, miniſtri ſacroſanctæ cellæ habitarent. In parietibus por-

Hier. Ang.

Cæleſtia lumina natalem B. Virginis diem celebriorem in natali eius domo faciunt. Cap. XVII.

INterim mira dictu, viſuque res diuinitus oblata mortalibus oſtendit, quo potiſſimum tempore cordi foret Deiparæ Virgini, natalem domum ſuam eximio cultu celebrari. Paulus erat quidam homo ſolitarius, abſtinentiæ & ſanctimoniæ miraculo venerabilis: cui à ſylua vbi, inde uſque à primo ſacræ Domus in Italiam aduentu habitabat, cognomen fuit. Is igitur poſt ſanctæ Domus à ſylua migrationem, ſibi quoque migrandum ratus, in proximo nemore, opportuno loco ſtruxerat caſam: vnde ſacroſancta Aedes, & conſpiceretur facile, & adiretur. Eā quippe veteri inſtituto adibat quotidie adoraturus Deum cum eius matre, in loco vbi ſteterant pedes eius. Paulus ergo intra tugurium, in ſacroſancti ſacelli, velut in B. Mariæ conſpectu, precibus cæleſtiumque rerum meditationi de more inſiſtens, notauit ſæpius, cæleſtem flammam longe, lateque diffuſam, inſtar ingentis cometæ, quæ B. Virginis cellæ incumberet. Rem ac tempus intentius obſeruans comperit, V. Idus Septembris, hoc eſt ipſo natali B. Virginis die, quorūannis quarta ferme vigilia, plurimum la-

Bapt. Man.
Hier. Ang.Paulus à
Sylua.Flamma cæ-
leſtis S. Do-
mui incu-
bat.

bi de cælo ignem, & æquabili tectum ædis splendore operire: nec ita multo post sublimem vnde venerat, recipere sese. Stupere Paulus ad tam præclarum spectaculum ingenti voluptate perfusus. Atque, vt erat homo antiqua simplicitate, existimabat B. Virginem ipsam in suam natalem domum flammæ specie delabi cælo, ad sua incunabula celebranda. Itaque tantæ rei propius spectabile auidus cœpit opportunitatem temporis captare. Nihil illi longius eo die videri. Demum vertente anno, simul ac cælestis flamma se ostendit; impigre accurrit, cælestem scilicet Reginam superum comitatu septam conspecturus oculis, vt credebat, & impense salutaturus. Cæterum appropinquanti, quo propius spes admouebatur, hoc magis res, ac flamma primum extenuari, ad vltimum euanescere, elabique ex oculis, credulo spectatore spei irritato relicto. Eius itaque animus, quasi illum in se totum transfudisset igne, ardentiore desiderio, curaque æstuat, ignarus quid tandem cælestis illa flamma portenderet. Et iam decennium abierat, cum quotannis eodem semper die cælestis ille ignis sacro tecto incubans, visentisque spem fallens pium accenderat pectus. Ad vltimum cælesti numine precibus exorato, fit compos voti. In quiete per noctem cælesti indicio discit, natali Deiparæ Virginis die, domum eius natalem anniuersaria insigniri flamma: propterea quod ei cordi esset, eum inibi diem insigni cerimonia agitari collique. Igitur Paulus, qui admirabile illud spectaculum obfirmato ad eam diem silentio texerat, siue religione tactus, siue, vt creditum est, B. Virginis per quietem subactus imperio, Recinetum strenuè tendit: sacrorum Antistiti primoribusque ciuitatis rem omnem enuntiat. Erat Paulus ab opinione sanctitatis eximix, grauis quamuis magnæ rei author. Antistes ergo simul autoritate viri, simul rei ac temporis congruentia motus, cælestia signa haud vana credidit. Extemplo res in vulgus edita Recinetenses perpulit, vt augustissimam Virginis cellam ipso

ipso natali eius die præcipuo celebrare cultu, rituque. Quo factum est, ut finitimi deinceps, ac longinqui etiam populi, siue Recinetensium exemplum, siue miraculi famâ secuti, Septembri potissimum mense Laureunt accensis studijs confluant, ad agendum natalem B. Mariæ diem. Et inflare mauit deinde studia populorum noua Pontificû largitas, qui illud maximè tempus (ut sup' loco demonstraturi sumus) Indulgentijs amplissimis cumularunt. Talla porro cælestium ignium spectacula complures non annos modo, sed ætates tenuere. Vigésimus circiter annus est, cum Recinetensium plures non minus probitate, quàm ætate conspicui Raphaëli Rieræ, vnde ipse accepi, ita narrarunt. Sub natalem Virginis Deiparæ diem, nocturnos ignes de cælo super Lauretanum tectum labi visos sua memoria, inspectante Recinetensi ciuitate vniuersa: nec semel ab ipsismet cum incredibili animi lætitia esse conspectos. Simul addebant, Pridie eius diei sub noctem intendentibus se tenebris, Recinetenses vulgo concurrere solitos ad tam gratum, iucundumque spectaculum; ut ex mœnibus tectisque, vnde modo Lauretana sedes conspici posset, admirabili illa cælestis flammæ specie oculos, atque animos pascere. Tenet fama anniuersarium hoc spectaculum ad Pauli Tertij Pont. Max. tempora durasse. Nec fermè ex Lauretanis rebus res est alia nobilior. Itaque id non tantum historici memoriæ prodidere, sed etiã Nouidius Poeta minimè obscurus in egregio carmine, quod dicauit Paulo Tertio Pont. Max. mandauit versibus, quos huic historiæ intexere pretium operæ duximus. Is igitur B. Virginem laudibus efferens ita canit:

Euenere igitur, tot stant tibi templa, quot astra,

Quotque sibi gentes maximus orbis habet.

Stent licet, illa placent quibus est hac orta, inuatque

Dicere in hoc ingens est Dea nata loco.

Scilicet illius, visu mirabile, in auras

Parthum exosa domus vñsa recessit humo.

Natali B.
Virg. die S.
Domus præ
cipue cele-
bratur.

Cælestis fla-
mx prodia-
giū recens.

Riera in An-
nal. Laur.
Anbr. Nou.
Fast. lib. 9.

*Cumque locis diuersa foret, titulosque referret,
Vltima Piceni nomina gentis habet.
Neue sequens atas mendacia credat, Olympi
Hac in nocte illam lambis ab axe inbar.*

*Laureto pago legibus temperato, Recinetenses tem-
plum sacrae Domui circumdant. Cap. XVIII.*

*Bapt. Mant.
Hier. Ang.*

*Lauretanis
Præses da-
tur.*

CAelestibus hisce prodigijs acti Recinetenses ad Lau-
retanam Aedem summa ope tuendam, ornandam-
que omnes intendere curas. Iam Lauretanus pagus, mul-
tis vndique eo, seu Virginis, seu commercij studio com-
migrantibus, magis ac magis frequentabatur in dies. Igi-
tur commodissimum rati, incolas vnum in locum congre-
gatos legum institutorumque societate adstringere, iura
pariter eis, & Præsides dant, qui præsit iuri dicundo. Re-
bus intra pagum compositis, foras versæ sunt curæ. Egen-
tes, ac facinorosi homines, siue prædandi occasione, seu
prædæ dulcedine illecti peregrinos in saltibus circumie-
ctisque militari viæ nemoribus, palantes, ac vagos ador-
ti spoliabant. Ea res ad Recinetensium dignitatem, exi-
stimationemque pertinere visa. Itaque Prætori ciuitatis
negotium datum, vt aucto satellitum numero, itinera
quæ ad Lauretanam Aedem ferrent, à latrocinij tuta
præstaret. Consilium vt pium, ita felix fuit. Prætor ab-
strusissimas sylvarum latebras solertissimè rimatus, graf-
satoribus extremo supplicio affectis, breui summa cum lau-
de omnem repurgauit regionem. Et Prætoris laus in ci-
uitatem, à qua constitutus Prætor fuerat, redundauit. Ex
eo Recinetensi ciuitati Iustissima cognomen inditum. No-
ua subinde illorum temporum calamitas, sacrorumque in-
curia pietatem Recinetensium fecit illustrem. Interim dū
hæc in Piceno aguntur, Clemens V. Pont. Max. tertius à
Bonifacio (Benedictus enim XI. Bonifacij successor pau-
corum

eorum mensum Pontifex fuit. Pontificiam sedem anno eius sæculi quinto transtulerat in Galliam, ingenti cum detrimento Italiæ, Christianæque Reipublicæ pene vniuersæ. Id adeo fortuitum Lateranensis basilicæ incendiū per id tempus portendere Vrbi visum. Nam Clemente Rom. Pont. Lugduni nouam statuente sedem, Romæ Lateranensis basilica, antiqua sedes Romanorum Pontificum (incertum fraude hominum, an casu) deflagrauit. Nec multo melior Italiæ conditio fuit, aut Ioanne XXII. qui Clementi subrogatus Pontificiam Auenione constituit sedem; aut Benedicto XII. cæterisque Romanis Pontificibus, qui Ioannis exemplo deinceps Auenione federunt. At Recinetensium in nouo templo condendo religio enituit, iniquissimo vel Christianæ Reipublicæ, vel suo tempore. Nuper quippe, hoc est anno M. CCC. XXII. Recinetum iussu Ioannis XXII. quod à Pontifice descuiisset, excisum fuerat; ciuesque alio commigrare iussi. Rebus ergo cum Pontifice compositis, oppidoque in noua sede, vbi nunc est, condito, vel ob direptionem Urbis, vel ob nouarum ædium ædificationem, omnibus fermè erant rebus exhausti. Tamen B. Mariæ Patronæ suæ religione stimulante, templum Lauretano sacello circundare moliebantur. Namque crescente in dies aduenarum, donorumque copia, cum peregrinos votiuaque eorum imagines, ac tabellas adiunctæ porticus haud quaquam caperent; Episcopus Maceratensis, in cuius dioecesi Recinetum erat, summa Recinetensium approbatione ædificando circa sacellum templo adiecerat animum. Igitur magnum circumiacentis agri spatium ad eam rem facile impetratum: disturbatisque porticibus, templum ære publico à fundamentis exstructum est, humile illud quidem pro magnitudine; sed tamen satis amplum, capaxque. Adiectæ templo ampliores ædes Sacerdotū, ministrorumque habitationi, & nobiliū aduenarū hospitio destinatæ. Quibus deinde diuersoriū pauperū peregrinorū accessit.

Pontificia
sedes trans-
fertur in
Galliam.
S. Anon. p.
3. Platin.
Clem. P.

Id. Vill. li. 9.

S. Domus
templi cir-
cundatur.

Nova Aedes Lauretana à Benedicto XII. Indulgentijs ornata impensius celebratur. Cap. XIX.

Hier. Ang.

Benedicti XII. Indul.

Condito ornatoque templo ornamentum deinde maius adiectum. Postulatum est à Benedicto XII. Pont. Max. ut certam delictorum Indulgentiam Lauretanum templum rite visentibus largiretur. Haud ægre impetratum. Ex eo tempore tantus Recinetensium pectoribus ardor iniectus, ut plerique eorum nullis fere negotijs impedirentur, quominus Lauretanam Aedem a tertio milliario (tantum quippe distat ab oppido) reuiferent quotidie. Quin etiam parui eorum filij a parentibus, ac nutricibus assuescieri coepti, ut quotidie mane cunabulis prodeuntes ad natalem ædem Virginis versi, Lauretanam matrem agnoscerent, salutarentque venerabundi. Cæterum senes, ac valetudinarij senio morboe tardante, cum de more ad Lauretanum templum itare non possent, B. Mariæ Lauretanæ effigiem coloribus exprimendam curarunt in foro. ibique sacello, araque excitata, ab eodem Benedicto Pontifice aureis exaratum litteris diploma impetrarunt, quo diplomate ad aram illam orantibus peccatorum venia impertiebatur. Id ipsum diploma carie, ac vetustate confectum Hieronymus Angelita, vnus è primoribus Recinetensis ciuitatis, qui circiter LXX. ab hinc annis floruit, abse visum esse confirmat. Maceratensis porro Episcopus (qui idem illa tēpestate & Recinetensis erat) prodendam posteris Aedis Lauretanæ memoriam ratus, libellum edendum curauit, qui admirabilem sacrosanctæ Domus in Italiam aduentum, triplicemque eius in Recinetensi agro migrationem; præcipua insuper B. Mariæ Lauretanæ prodigia, ac miracula contineret. Et quo altius in teneræ ætatis animos Virginis Lauretanæ religio descenderet, Recinetensis ciuitatis decreto sancitum est,

est, ut ludi magistri omnes in tradendis primis litterarum elementis, omnium primum talibus narrationibus imbuerent pueriles aures, animosque: libellique illius lectioni paulatim rudem assuefacerent ætatem. Hinc eximia illa Recinetensium animis insita religio, pietasque aduersus Lauretanæ Virginis Domum.

Aedis Lauretanæ status, Romanis Pontificibus Auenione sedentibus. Cap. XX.

QUam porro altas in Picentium pectoribus radices egerit per id tempus Aedis Lauretanæ religio, vel illud indicio est, quod nullo fermè Romanorum Pontificum adminiculo erecta, suis ipsa propemodum viribus innixa stabat. Quippe per eadè tempora, ut diximus, transierat Romana sedes in Galliam. Et quia aberat ab Vrbe atque Italia Pontifex, multa ab Aede Lauretana, & decora & subsidia aberant, quæ nunc sunt, ac tum fuissent, nisi augustissima Aedes tot, tantisque miraculis, ac prodigijs clara, tam procul abfuisset à Pontificum oculis auribusque. Caterum ne sic quidem Pontificijs ornamentis omnino caruit. Quanquam Pontificiæ sedis longinquitas fecit, ut à Romanis Pontificibus, quamdiu sederunt in Gallia, non tam ornata, quam non neglecta videretur. Erat iam Lauretana Aedes à Benedicto XII. Indulgentiæ munere insignita, cum Clemens VI. eius successor sæcularem Iubilæi celebratam ad quinquagesimum annum reuocatam absens ab Vrbe (sedem quippe Auenione habebat) indixit egitque. Et vndique concurrentium Romam populorum multitudo fuit pene incredibilis. Ex qua complures, Flaminia scilicet, Aemiliaque incolas ad Lauretanam Aedem fama iam celebrè, ex itinere deflexisse oportet. Atrox inde pestilentia ab ipsa Vrbe orbis terræ capite orsa totam fermè funeribus ex-

hauit

*S. Anto. p. 3.
Plat. Clem.
VI.*

hausit Italiam. Triennium omnino tenuit: quo tempore Italiae vrbes vix centesimo quoque superstitae, pene ad solitudinem ac vastitatem redactae. Quae prope infinita clades multos profecto perpulit Italorum, vt implorata B. Mariae Lauretanæ ope, in tam horribili tempestate, ac procella, caelestis auxilij vmbra tegerentur. Vigesimo fere anno interiecto, Clementi successit Urbanus V. qui Romam aliquando reuisit, non quidem ea mente, vt Pontificiam sedem eo reuocaret, sed vt res urbanas, & Italiae turbas componeret. Cæterum sub reuersionem ab vrbe in Galliam, cessit è vita. Gregorius inde XI. Pontificatum coepit. Is simul Italiae incommodis, simul Catharinæ Senensis, Virginis mirificæ sanctitatis insignibus inclinatae precibus motus, Pontificalem sedem aliquando retulit Romam, anno LXX. quam translata erat in Galliam.

Schismatis diuturnitas Lauretanam Aedem multis Pontificum fraudat beneficijs. Cap. XXI.

S. Anso p. 3.
T. latm. Vrb.
VI.

Gregorio breui rebus humanis exempto, Pontifex creatur Urbanus, huius nominis sextus. Huic à factione Gallicana Clemens VII. pseudopontifex obiectus, qui Romanæ Sedi sedem suam Auenionensem, quam Romanam dici volebat, opposuit. Ex quo turbata, diuisaque duas in partes Ecclesia. Cæterum Romani Pontificis absentia, quantum Aedis Lauretanæ ornamentis, commodisque obstitisset, vel illa ipsa tempestate, ex eius præsentia intellectum est. Quippe Urbanus quamuis schismate, & schismaticorum Principum armis, atque insidijs exercitus agitatulusque; tamen in tanta curarum & negotiorum mole, ad Lauretanam Virginem ornandam curae aliquid deriuauit. Nam de caelestibus flammis V. Idus Septembris supra Aedem Lauretanam spectari solitis certior factus, caelesti Reginae honestandæ animum adiecit. Nallemque

Urbani VI.
beneficia.

Ex Bull. Bonifacij IX.

lemque Virginis lucem cœlestibus à Deo prodigijs decoratam Pontificijs à Dei Vicario muneribus decorandam existimauit. Lauretanam igitur Domum ipso natali Virginis die visentibus cumulatissimam delictorum omnium Indulgentiam impertiuit, anno eius sæculi XC. mira omnino opportunitate. Urbano enim subrogatus Bonifacius IX. non modo Urbani exemplo, nouis Indulgentijs Lauretanam cumulauit Aedem, sed Iubilæi celebritatem egit, quæ Bonifacij VIII. instituto in annum M. CCCC. incidit. Itaque ut sedes Pontificalis Romam aliquando reuocata, cupidoque visendi Pontificis mortales innumera- biles vndique in Urbem ad Basilicas Apostolorum exciuit; ita cœlestium ignium, Pontificiarumque Indulgentiarum fama complures eorum ad Lauretanam cellâ Septembri potissimam mense visendam, natalemque Virginis diem inibi agitandum accendit. Per ea tempora Recinetenses viam, quæ ducit Lauretum (ut etiam per hyemem sacra Aedes commode adiri posset) laterculo ster- nendam, marginandamque locauerunt. Sacella etiam propter viam, iusta per interualla excitarunt, siue pietatis incitamenta, siue in sua tempestate, suffugia. Recinetensium exemplum alios Picentium populos ad par pietatis decus excitauit. Igitur ex finitimis oppidis vrbibusque viæ, quæ Lauretum ferrent, sterni cæptæ: & ab Ancona, Auximo, Montesâncto, Firmo, Lauretum vsque perductæ. Amnes etiam agrum Picenum interfluentes pontibus iuncti, ut tutum peregrinis, expeditumque iter darent. Cæterum Lauretanæ Domus ornamentis haud multo minus continuata rei Christianæ distractio obstitit, quàm Romani Pontificis commoratio Gallicana obstitit. Schisma quippe multiplex, ac varium, quale nunquam antea, plures Pontificum exercuit per annos circiter XL. Quoad Martinus V. summo omnium consensu Pontifex Max. in Constantiensi Concilio creatus pacem aliquando orbi Christiano, & concordiam peperit. Ve-

Hier. Aug.

S. Anst. p. 3.

rumenimvero illa tam fæda discordiarum tempestas, sicut Ecclesiam, ac Pontifices ingenti malorum mole oppressit, ita Lauretanam Aedem haud paruo fraudauit cumulo bonorum. Id adeo quæ consecuta sunt tempora declararunt.

Martinus V. Indulgentijs, & Nundinis Lauretanam ornat celebritatem. Cap. XXII.

QUæ ab translata Aede B. Mariæ ex Galilæa, ad eandem Laureti constitutam, celebrarique cœptam in multiplici Christianæ rei varietate, motuque gesta sunt, adhuc exposui, res cum vetustate, ac rerum perturbatione subobscuras; tum raris per ea tempora litteris illustratas. Ad hæc, si quæ in Recinetensium commentarijs, alijsque publicis, priuatisque erant monumentis, incenso (vt supra diximus) cum vrbe tabulario, pleraque interiere. Cæterum subleuauit Recinetensem cladem Dalmatarum industria. Flumenses Tersactensibus finitimi, Leone X. Pontifice Maximo, Lauretanæ historiæ origines ac primordia haud mediocriter illustrarunt. Nam de prima sanctissimæ huius domus in Dalmatiam migratione, exploratione, cultu, ac miraculis consignata litteris Recinetensi populo miserunt ea, quæ in vetustis maiorum suorum annalibus repererant. Et Recinetenses Leonem Pont. de hisce rebus certiores fecerunt. Authorem habeo Hieronymum Angelitam, qui illo ipso tempore Recinetensi ciuitati erat à secretis: & subinde Lauretanam historiam, vbi hæc memoriæ prodidit, Clementi VII. Leonis patrueli, & participi secretorum dicauit. Nos igitur Angelitam haud dubiæ fidei authorem secuti ex Illyricorum annalibus primam huius historiæ partem texuimus, ijs quæ in proprijs Recinetensium monumentis calamitas vrbs reliqua fecerat, adiectis. Clariora deinceps, & vberio-

vberiora tradentur, quæ paulo diligentius, vel memoriæ prodita, vel litteris custodita ad nostram ætatem, nostraque manus peruenere. Martinus ergo pace, & orio Ecclesiæ parto, antiquissimum habuit Lauretanam Aedem miraculis, ac prodigijs nobilem suo aliquo munere insignem relinquere. Itaque multis magnisque Indulgentiarum propositis præmijs, mortales omnes ad Lauretanum sacellum Septembri potissimum mense visendum, colendumque inuitauit. Porro anno eius sæculi ferme XX. hoc beneficium nouo beneficio cumulauit. Solemnes Recineti Nundinas *ad laudem, & gloriam, & honorem Lauretanæ Virginis* (vt ipse in litteris Apostolicis ait) instituit, ratus fore, id quod euenit, vt ob locorum propinquitatem, Recinetensis emporij celebritas celebritatem augeret Lauretanæ Domus: quippe cum finitimos populos mercium illecebra, mercatores Indulgentia delictorum ad Lauretanam Aedem celebrandam alliceret. Lauretanæ porro Indulgentias trimestres esse voluit, & Recinetensi mercatui pares. nimirum, vt Septembri, Octobri, Nouembri mensibus, quibus Recinetensis mercatus celebraretur, indulgentiæ Laureti percipi ab adeuntibus rite B. Virginæ, possent. Martini exemplum plures deinceps Pontificum secuti, Iulius II. Xystus IV. & Leo X. (vt suis deinde locis dicturi sumus) Recinetensem mercatum sua auctoritate firmarunt: & Lauretanum templum Pontificalibus beneficijs adauxerunt. Cæterum Martino V. Pont. Lauretani templi non celebritas modo, sed etiam cultus maximè auctus. Affluentibus Sacerdotibus voluntarijs Aedis Lauretanæ ministris, ædes egregiæ (Canonicam vocant) ad meridiem excitatæ. Prætorium quoque exstructum, & hospitium quàm nobilebus, quàm pauperibus aduenis destinatum.

Martini V.
beneficia.

Ex Bull.
Iul. II.

Lauretani templi opulentia Eugenio Quarto Pont.
Cap. XXIII.

EVgenius Quartus Martino subiectus simul virbanis turbis, simul nefarijs Basilænsis Concilij iam corrupti decretis exagitatus, insuper Felicis V. Pseudopontificis schismate, & Florentino Concilio ab se indicto implicitus, spatium fere nullum habuit de Lauretanæ Domus ornamentis cogitandi. Verum Flavius Blondus qui Eugenio ab epistolis fuit, historicus illis temporibus haud ignobilis, veluti Pontificis vicem implens Lauretanam Virginis cellam amplissimis verbis ornauit. *Recanetum inter, & Adriaticum mare* (inquit) paululum a *Musione flumî* recedit celeberrimum totius Italia, ut in aperto, immunitoque uico sacellum gloriosa Virginis Maria in Laureto appellatum: quo in loco preces supplicantium a Deo, genitricis suæ intercessione exaudiri, illud maximum certissimumque est argumentum, quod eorum, qui uotis emissis exauditi fuerunt, ex auro, argento, cera, pannis, ueste linea, laneaque appensa donaria magno luenda precio, basilicamque omnem pene complentia, Episcopus in Dei Virginisque gloriam intacta conseruat. Ex quo satis apparet, quæ fama, quæ religio, quæ celebritas Lauretanæ Domus, quæ varietas, & copia donorum fuerit Eugenio Pontifice, hoc est anno post Christum natum circiter MCCCCL. Qui annus Iubileo celebret Lauretanam de more auxit celebritatem, opulentiamque. Sub id tempus Franciscus Sfortia, Philippi Vicecomitis Mediolanensium Ducis impulsu, bellum aduersus Pontificem gessit. Et Piceno qua vi, qua dolo in suam ditio- nem redacto, victor B. Mariæ Lauretanæ templum fama celeberrimum visere statuit. Præerat Piceno cum summa potestate Ioannes Vitellescus Recinetalis Antistes, vir consilio, manuque promptus. Is ergo veritus nequid detrimenti sacellum donis opulentum caperet ab insolenti victoria

Fl. Blondus
Flumenium.

Blon. lib. 5.
De 3.
Sabel lib. 2.
En. 10.

Jo. Vitelles-
si Ep. Re-
ginet.

Victoria milite; materiam auaritiæ subtrahere occupat: & præcipua Lauretani templi ornamenta clam in nauim ad id paratam imposita secum propere Venetias primum, inde Rauennam asportat. ita, & sacrilegij materies subducta, & sacra dona in tutum recepta; ac deinde sedata illa tempestate, reportata. Nec dubium Deiparæ præsidium per ea tempora in Aede Lauretana tuenda apparuit. Nā cum diuturno, grauique bello tot exercitus Sfortiæ, Pontificis, Alphonsi Regis Neapolitani toto Piceno impune volitarent, tot copiarum Duces Lauretum accederent; tamen in direptione tot oppidorum, atque vrbium, vicus immunitus, templi opulentia, vt tum res erant, inclytus, semper intactus, inuiolatusque permansit: tanta seu loci sanctitas apud homines, seu Virginis tutela rerum suarum fuit.

*Lauretana Domus à Nicolao V. Indulgentijs
augetur, contra vim Turcarum munitur. Cap. XXIV.*

Nicolaus inde Quintus Eugenio mortuo, Pontificatū excepit, qui ne à Martino in B. Mariæ cultu vince-
retur, Lauretanam eius cellam Pontificijs muneribus au-
xit. Videbat diem B. Virgini ab Angelo salutatæ sacrum
maximè insignem illi Domui, ac memorabilem esse; quip-
pe cum Deus eo ipso die inibi naturam humanam induis-
set. Lætissimam ergo illam lucem, qua in æta sunt funda-
menta salutis humanæ, anniuersaria Indulgentia decora-
uit. Ex quo templum Lauretanum, vt tanti mysterij me-
moriam dignum erat, quotannis illo die eximie celebrari
est cœptum. Porro Nicolaus Lauretana Aede Indulgen-
tius cohonestata, opulentia quique artis consulendum
putauit. Igitur magnopere cauit, ne Lauretana dona a-
uerterentur, neue diuenderentur, arcens ingressu Eccle-
siæ

Nicolai V.
Benef.

Hier. Ang.

siæ Antistitem Recinetensem, si quid eorum in posterum distrahere, aliosue in vsus conuertere ausus foret, sin autem vendita iam, ac distracta intra viuis mensis spatium, non recuperaret, Episcopatu deiiciens. Ciuitati insuper Recinetensi eodem diplomate negocium datum, vel recuperandi Lauretana dona, vel tuendi. Nec pace solum, sed bellico etiam tumultu, insignis Nicolai Pontificis pietas in Lauretanam sedem enituit. Sub id tempus Mahometes Turcarum Rex Constantino Palæologo Orientis Imperatore cæso, Constantinopoli vi capta, fædeque direpta, Turcici sedem imperij transtulit in Europam, anno post Christum natum M. CCCC. LII. Ergo, vt Constantinopolim Christiani Imperij arcem à barbaris captā, Imperatorem ipsum cum nobilitate cæsum, Turcarum Regem tanta victoria inflatum ex propinquo insultare Græciæ, minitari exitium Italiæ fama tulit; enimvero tantus Christianis viribus terror incessit, vt tota Italia trepidatum sit. Itaque Nicolaus satis memor Aedis Lauretanæ, eam aduersum barbarorum excursionses satis firmo præsidio munit: & simul in hostem omnibus viribus consurgere parat eius rabiem compressurus.

*A Callisto III. aduersus Turcas comuunita Domus,
barbaros alio vertit ingenti clade percussos.*

Cap. X X V.

CAeterum Nicolao in ipso apparatu, ac meditatione Turcici belli ex mœrore, vt ferunt, extincto successit Callistus Tertius. Is, quia fama erat, Turcas victoria vsos magna Peloponnesi, Epirique parte in suam ditionē redacta, in Dalmatiam, atque in ipsam Italiam furore ac rabie instinctos rapi; nihil habuit antiquius, quam vt Lauretanam Domum tutaretur, haud dubius quin illa salua, Deiparæ præsidio cætera in Italia salua essent futura. Igitur

tur

S. Anst. p. 3.

*Constantinopolis à
Turcis capta.*

*S. Anst. p. 3
Plas. Callist.
III.*

*Callisti III
beneficia.*

tur Rodericum Borgiam fratris, & L. Ioannem Milianum fororis filios cum Legatorum Pōtificiorum munere, ac nomine, copijs præficit. Horum alterum in Picenum, Lauretana Domo præcipue eius curæ demandata, alterum Bononiam è vestigio destinat. Veniunt ambo Legati cum suo vterque exercitu Lauretum; ibi pacem, veniamque à Deo, Deique parente comprecati sacram Aedem à muris, & propugnaculis nudam tumultuario opere aggeribus cingunt. Cæterum B. Virgo, tametsi Pontificis, Pontificiorumque Ducum erga se voluntatem minimè aspernata; suam ipsamet cælesti ope protexit domum, Turcarum rabie alio auersa, domitaque. Quippe per id tempus Pontificia classis non magna, duce Patriarcha Aquileiensi, Asiæ oras felici ausu, euentuque populata, effusum Barbariæ impetum fregit. Turcica classis acie victa, pleræque triremium capræ. Vsumcassanus insuper Persarum Rex, Callisti instinctu, Turcarum fines infesto agmine ingressus, egregias reportauit de superbissimo hoste victorias, non tam humana vi (vt ipsemet litteris ad Pontificem datis professus est) quam ope diuina. Ioannes quoque Hunnates Præfectus Vngariæ per eadem ferme tempora Turcas Belgradum Vngariæ oppidum nobile, maximis copijs ac viribus obsidentes adortus, non magna militum manu ingentem eis intulit cladem. Haud humanæ opis res visa. Ioanne Capistrano viro sancto ex Franciscana familia Christi crucifixi signum inferente, barbari fusi, cæsique. Mahometes ipse Turcarum Imper. vulneratus. Nec obscurum Dei auxilium fuit; tam insignem victoriam ipsi belli Duces diuino numini acceptam retulere. Itaque tot, tantæque de præpotenti hoste victoriæ omnium consensu diuinitus partæ, ad bene de Rep. sperandum Christianorum animos crexerunt. Haud parua deinde dictures, & spem piorum auxit, & S. Mariæ Lauretanæ nomen toto pene Christiano orbe propagauit.

*S. Anst. p. 3.
Sabel. Ann.
10. lib. 6.*

Sanitate Pio II. reddita, longe celebrior, clariorque esse capit. Cap. XXVI.

Plas. in Pio II.

PIUS Secundus Pont. Max. Callisto subiectus est, vir ingenio & virtute clarus. Is Christianis Regibus, ac Principibus non modo per litteras, legatosque, sed etiam per se in Concilio Mantuano sua præsentia, ac voce ad Turcicum bellum incitatis, ex itinerum laboribus in longinquum, periculosumque incidit morbum, alienissimo Christianæ Reipub. tempore. Quippe magna sacrorum militum pars, qui cruce insignes sacræ militiæ dederant nomen, Anconam Pij Pont. iussu conuenerant: iamque Pontificis ipsius ex composito præstolabantur aduentum. Cæterum senile, laboribusque fractum Pij corpus, alienissimo tempore ardens febris, molestissimaque tussis adeo affligerant, ut non dicam ire, sed aspirare Anconam, uti constituerat, haud quaquam valeret. Damnata igitur spe, atque ope medicorum, B. Mariæ Lauretanæ, cuius egregiam vim in morbis diuinitus curandis, fama acceperat, implorat opem, non tam urgentis morbi, quam Anconitani itineris remedium quærens. Nec dubius auditas preces, extemplo calicem aureum opere, ac pondere insignem B. Virgini donat, dicatque. Addita votiui calici ab ipso Pontifice in voto nuncupando dictata inscriptio, Pontificij voti donique monumentum.

Tradit Lauret. Bern. Cysil.

Pij II. Pöt. donum.

PIA DEI GENITRIX

QVAMVIS TVA POTESTAS NVLLIS COARCTETVR FINIBVS, AC TOTVM IMPLEAT ORDDEM MIRACVLIS; QVIA TAMEN PRO VOLVNTATE SÆPIVS VNO LOCO MAGIS, QVAM ALIO DELECTARIS: ET LAVRETI TIBI PLACITAM SÆDEM PER SINGVLOS DIES INNUMERIS SIGNIS ET MIRACVLIS EXORNAS; EGO

INFE-

FELIX PECCATOR, MENTE, ET ANIMO, AD
TE RECVRRO SVPPLEX ORANS, VT MIHI AR-
DENTEM FEBRIM, MOLESTISSIMAMQVE TVS-
SIM AVFERAS: LAESISQVE MEMBRIS SANI-
TATEM RESTITVAS. REIP. VT CREDIMVS

SALVTAREM.

INTERIM HOC MVNVS ACCIPITO MEAE

SERVITVTIS SIGNVM.

PIVS PAPA II. ANN. HVM. SAL.

M. CCCC. LXIII.

Et donum Virgini cordi fuit, nec sua spes pium Ponti-
ficem vlla fefellit ex parte. Mirum dictu. voto nuncupa-
to, extemplo febris ardor refrigescere coepit, tussis re-
mittere, redire vires affectis ac pene consumptis, morbo
pariter & ætate, membris. Pius ergo moræ impatiens, nō-
dum satis confirmata valetudine, committit se viæ, An-
conam iturus, & Lauretanæ Virgini ex itinere votum ex-
soluturus. Lætica delatum complures Cardinalium Ro-
manorumque procerum prosecuti, quos partim Pontificis
caritas, ac reuerentiâ, partim miraculi fama, partim e-
tiam sacri exercitus visendi cupido ab Vrbe exciuerat. In
itinere Pontifex quo propius Lauretanam Aedem acce-
debat, hoc melius habebat: vt facile appareret inde vires
augeri. Itaque ad B. Mariæ patronæ suæ conspectum va-
lens, ac vegetus peruenit: & præsentis opis in Vrbe, at-
que in via expertæ memor vota persoluit. Nunquam aliàs
ante maior Lauretanæ maiestatis species visa. Vno tem-
pore Cardinalium, primorumque Romanæ ciuitatis plu-
rimos Pium prosecutos, satis etiam multos egregios bello
Duces ex Ancona Pontifici obuiam progressos, ipsumque
Pontificem Max. ante Lauretanam Virginem supplices,
ac venerabundos videres. Pius ergo voti religione exso-
lutus, iisdem comitantibus pergit Anconam. Cæterum
quo minus voti, cuius compos a Lauretana Virgine

Pius II.
Laur. Virg.
adit.

factus erat, fructum perciperet, impedimento fuit sociorum sacri belli mora. Nam dum grauior iam ætate, ac viribus Pontifex per æstiuos calores Anconæ sedet, Venetæ classis Ducem, aliosque belli socios expectans, siue moræ tædio, siue senio affectum corpusculum vrgente, languere cæpit. Inde in lentā, ac pertinacem incidit febrem, cuius demum tabe consumptus ad suorum laborum, egregijque illius conatus præmia migravit in cælum, anno eius seculi LXVI. Pontifex omnino cum cæteris egregijs animi dotibus; tum vero pietate, ac religione memorabilis. Nec in postremis Pij laudibus illa est numeranda, quod reddita tali viro, Lauretanæ Virginis ope salus, actot Principum, gentiūque sermonibus celebrata, Aedi Lauretanæ plurimum nominis ac religionis adiecit. Quippe ad id vsque temporis (per annos fere centum sexaginta, ex quo demigrarat in Italiam) Lauretanæ Domus fama Piceni finibus se ferme tenuerat: in finitimas ac longinquas regiones vix tenuis quidam, & obscurus manauerat rumor, vt mirum cuiquam esse non debeat, sacrosanctæ Domus inde vsque à Galilæa in Italiam translatae famam, neque ad S. Vincentium Ferrerium in Hispaniam Auenionensi schismate implicatam, occupatamque insuper religione Montis Serrati, neque ad S. Antoninum, aliosque Etruscos superiorum temporum scriptores, in Etruriā ciuilibus ardentem bellis, inter strepitum fragoremque armorum penetrasse. Quæ profecto causa fuit, cur S. Vincentius veterem famam secutus in quodam sermone, B. Virginis Domum in Galilæa tum esse dixerit: D. vero Antoninus, & cæteri illo antiquiores historici Etrusci nullam omnino de Lauretana Domo fecerint mentionem: memorandæ videlicet eius in Italiam translationis ignari. At Blondus illorum fere æqualis historicus, vt assecla Pontificis, qui rei esset satis gnarus, illustre (vt supra demonstrauimus) Lauretano templo testimonium dedit. De transportata autem diuinitus Lauretana Domo, idcirco fortasse nullū verbum

verbum paulo antiquiores historici fecere, ne vana & incredibilia afferre viderentur. Quippe cum tam inuiscatum & à condito æuo inauditum miraculum non dum Pontificia auctoritate firmatum esse constaret. At valetudo Pio Pontifici Romano pene moribundo in Vrbs, ac prope dicam orbis totius Christiani oculis, euidenti miraculo restituta Lauretanæ Virginis ope, immensum illi addidit nomen. Ex eo namque Aedes Lauretana omnes etiã remotissimas terras impleuit fama nominis sui: & vel ex vltimis orbis terræ angulis Lauretum peregrinos exciuit, quibus per opportunum paucis ante annis Laureti subsidium diuina prouidentia præpararat.

Ab Episcopo Recinetensi luculentis prædijs donatur subsidio pauperum peregrinorum.

CAP. XXVII.

Hier. Ang.

Nicolaus Astius Episcopus Recinetensis vir sanctimonia pariter, ac doctrina inclytus fuit. hic, vt erat Lauretanæ Virgini eximie deditus, eius cultum omni ope fouere, atque augere statuit. Ingens quotidie peregrinorum pauperum multitudo, seu vota reddendi gratia, siue Indulgentias consequendi studio, confluebant Lauretum: quibus arca Lauretana benigne satis pro facultatibus subueniebat, largam singulis stipem impertiens. Hunc igitur benignitatis fontem, ne quando deficeret, certis prædiorum fructibus Recinetensis Antistes augendum existimauit. Complura is habebat luculenta sane, ac frugifera prædia ædi Lauretanæ propinqua. Ea Deiparæ Virgini donauit, dicauitque anno eius sæculi LVIII. Cuius donationis caput visum est hoc loco interponere, vt appareat simul quam eximia Nicolai Episcopi erga Lauretanam Virginem pietas extiterit; simul quantum pecuniæ, vel illis temporibus, cum nihil omnino possideret

Ex Bull. Iulij II. Pör.

Liberalitas S. Domus in pauperes.

Lauretana Domus pauperibus aduenis erogavit. Id est eius modi: Cū Nicolaus Episcopus Recinensis, & Maceratensis, qui Ecclesiā B. Mariae de Laureto Recinensis Diocesis ex dispensatione sedis Apostolica obtinebat, considerans deuotionem continuam, & dilectionem sinceram, quam sedulo habebat ad prædictam Ecclesiam B. Mariae, ac peregrinorum, & aliarum personarum, quæ tam ex votis, quam propter Indulgentiam consequendam, & aliorum debiliū, ac pauperum hominum numerum copiosum in dies ad ipsam Ecclesiam B. Mariae, ultra diem festum dicta gloriosissima Virginis Mariae, confluentium, & ELEEMOSYNAS IMMENSAS, QVAS CHRISTI PAUPERES EX DOMIBVS PRAEFATAE ECCLESIAE RECIPIEBANT, ET NECESSARIO RECIPIERE HABEBANT, & quæ sequuntur. Quæ res hoc exploratior esse debet, quod memoriæ prodita est ab eo, cui pro suo officio, ac munere Lauretanas res exploratissimas esse oportuit. His igitur facultatibus aucta domus Lauretana benignitate in aduenas auxit suā. Et huius largitatis fama religio ni iuncta longe, lateque iucundissimum Aedis Lauretanæ nomen diulgauit, omnes Lauretum inuitans. Quippe remotissimarum nationum egentes peregrini, qui opportuni illius subsidij participes fuerant, domos suos regressi, non magis religionem, quam benignitatem prædicabant Lauretanæ Virginis. Ea res alios deinceps ad experienda quæ audierant, accendit. Mira verò opportunitate huius famæ per Vrbes, atque exterarum etiam nationes strenue discurrenti parua dictu res magnas per idem tempus addidit vires.

*Lauretana historia summa à Præposito Teremano in
ade proponitur. Cap. XXVIII.*

Petrus Georgius Præpositus Teremanus eximia integritate, ac prudentia vir complures iam annos Lauretanæ

retanz Domus Gubernator erat: Nicolao autem Astio vi-
ra fundito, etiam Administrator Recinetenſis eſt factus.

Hic igitur Pio Secundo Pontifice, anno eius ſeculi circi-
ter LX. Lauretanæ hiftoriæ ſummam (depromptam ſci-
licet ex ea, quæ olim, vt ſupra oſtendimus, Recineti edi-
ta fuerat) in Lauretana Aede propoſuit in gratiam pere-
grinorum: vt eius cognoscendæ poteſtas omnibus foret.

Et ſcripta eſt ſtylo rudi, ac ſimplici, atque ad vulgi intel-
ligentiam accommodato: gratum aduenis non illiteratis
pabulum, nec leue Lauretanæ Domus monumentum.

Porro hoc Teremani inſtitutum adeo probatum eſt poſte-
riſ, vt ſcriptum illud quoties vetuſtate obſoletum vide-
retur, toties deinceps inſtaurari placuerit. Sane & hifto-
riæ ipſa à prima Recinetenſium memoria repetita eſt; &
eius authoritati religio, ac diligentia Teremani, vel plu-
rimum adiecit. Is quippe interrogatis, qui adhuc ſupe-
rerant teſtibus, tantam rem quoad eius fieri poſſet, voluit
eſſe teſtatam. Teſtes igitur ſatis locupletes ab illo citan-
tur duo, Paulus Rinalducus, & Franciſcus cognomento

Hier. Anz.
Præp. Ter.

Prior, ambo ciues Recinetenſes, viri boni, ſpectataque
fidei. Rinalducus quippe ſæpe Præpoſito Teremano (vt
ipſemet refert) teſtificatus eſt, ab ſe auum ſuum ſæpenu-
mero auditum eſſe narrantem, ſe met B. Virginis Domū
conſpexiſſe, cum ſublimis ab Angelis ſupra mare ferre-
tur, & in Recinetenſi ſylua collocaretur. Quin etiam ſe
ſacroſanctam Aedem in nemore ſitam cum ciuibus alijs
compluribus ſæpius acceſſiſſe. Franciſcus autem Prior,
auum ſuum, CXX. annos natum, integriſque adhuc vten-
tem ſenſibus non ſemel audierat (vt ipſe pro teſtimonio
dixit) cum referret, ab ſe frequenter ad ſacram Aedem in
ſyluam cum alijs itum: eamque ſua memoria in Collem
duorum fratrum eſſe tranſlatam. Porro Hieronymus An-
gelita perpetuus Recinetenſis ciuitatis Secretarius, in Hi-
ſtoria Virginis Lauretanæ author eſt, Paulum Rinalduciū,
& Franciſcum Priorem à Lauretanæ Eccleſiæ Rectore, eo-
demque

demque Antistite Recinetensi, Præposito Teremano, etiã sacramento adactos illa quæ Teremanus ipse commemorat, pro testimonio dixisse. Ex quo satis apparet Præpositum Teremanum, cum testes huiusce tanti miraculi, rite deinde interrogaret, Administratorem Recinetensem, nō solum Gubernatorem Domus Lauretanæ fuisse. Ac ne cuiquam Præpositi Teremani fides in dubium venire posset, Nicolaus Astius Recinetensis Episcopus in tabulis donationis (cuius ante meminimus) haud obscurum egregiæ eius fidei, ac religioni testimonium tribuit his verbis: *Considerans grata deuotionis, sinceræque fidelitatis obsequia, & diligentiam valde grandem, qua viri venerabiles, & circumspetti D. Petrus Georgij Præpositus Ecclesiæ S. Sinidei de Teramo gubernator alma domus, nec non D. Antonius &c. Præbyteri residentes in alma Domo tam longo tempore ipsi Ecclesiæ in spiritualibus, & in rebus, ac negocijs ipsius Ecclesiæ, & alma Domus temporalibus impenderunt, & adhuc cura vigili, & diligenti, ac solertibus studijs, & sollicitudinibus impendere, & impertire non desinunt, & quæ sequuntur. Igitur talis viri spectata religio & authoritas magnam adiecit historiæ fidem. Ex eo autem tempore, siue reddita Pontifici sanitas, siue fama benignitatis in pauperes aduenis, siue etiã Lauretanæ historiæ promulgatio B. Mariam Lauretanam apud omnes gentes claram, ac nobilem fecit.*

FINIS LIBRI PRIMI.



63

HORATII TVRSELLINI
E SOCIETATE IESV
LAURETANAE HISTORIAE
LIBER SECVNDVS.



PAVLVS II. PESTILENTIÆ EXEM-

ptus Lauretanam Aedem decretis ornatam

nouo templo decorare molitur.

Cap. I.



ELEBRIS, inclytæque iam hinc
toto fermè orbe Christiano Aedis
Lauretanæ miracula, atque orna-
menta exsequar, quorum fama om-
nium iam aures, animosque comple-
uit. Post Pij Pontificis decessum.
Cardinales Pium Anconam profecu-
ti, Romam ad comitia Pontificia iter intendunt. Atrox
per id tempus ex tanta hominum colluione, vt fieri so-
let, Anconæ orta pestilentia erat, quæ intolerabili æstu
per autumnum humana corpora mouente, per vulgaria
primum capita vagari cœpit. Inde nobilitatem quoque
primoresque corripuit. Ergo præsentis periculi terror pro-
fectionem Patrum, aut fugam potius maturauit, & si quen-
dam eorum nè fuga quidem eripuit morbo, Lauretanæ
gloriæ materiam futurum. Petrus erat Barbus Cardina-
lis S. Marci, ætate, prudentia, ac rerum vsu inter cæteros
eminens. hic pestilentia tactus, æstulare animo cœpit, cū
fœda impendentis mortis facies oculis obuersaretur. Sed
Pius

Hier. Ang.

Card. Mar-
ci pestilen-
tia liberatur
in Aede Lau-
ret.

Pius II. Pontifex Lauretanæ opis recens erat documen-
tum. Itaque valetudinis Pio diuinitus reddita memòr de-
ferri se confestim ad templum Lauretanum iubet. Quò vt
ventum est, eiectis arbitris, in Deiparæ cellam infertur,
ibi venerabundus procumbere humi, omnem in B. Virgi-
ne secundum Deum suæ curationis spem reponere: vrgen-
tis morbi, mortisque impendentis remedium exposcere:
Rempublicam Pontifice orbam Deo, ac B. Virgini impen-
sus commendare. Nec frustra. precibus insistenti lenis
quidam, ac dulcis somnus obrepsit. Fama est illi in quiete
Deiparam Virginem celesti quadam specie oblatam, quæ
bonum habere animum iusso, auditas eius preces nuncia-
ret: mox discussum iri morbum: insuper ipsum propediem
Dei nutu Pontificem Maximum futurum. Haud vanum
fuisse visum docuit euentus. Extemplo cum somno mor-
bus abiit: ipse voti compos, animi, corporisque vigorem
omnium spe maturius recuperavit. Igitur admodum lætus
multiplex Dei, Deiparæque beneficium agnoscit: & gra-
tiji vtrique impense actis, sospes ac vegetus exit è facto-
sancto sacello, cunctis qui eius morbi conscij erant, atto-
nitis, & ingenti admiratione defixis. At ille B. Mariæ pro-
misso ad summi sacerdotij spem erectus, & simul accepti
beneficij satis memòr, Lauretanæ Aedis Præsidem protin-
us accersit iubet. Huic propalam enunciat, sibi esse in a-
nimo magnificentissimum S. Mariæ Lauretanæ templum
condere. Proinde primo quoque tempore calcis, cæ-
mentorum, materiæ, quod satis sit, comparet suo nomine,
sumptuque. Inde Romam ad comitia profectus, Pontifex
creatur. Pauli Secundi inditum nomen. Vix dum Ponti-
ficatu inito, haud immemor cuius ope, & valetudinem, &
summum illud fastigium adeptus esset, Lauretanum tem-
plum moliri instituit. Ac præfagiente iam animo futurâ
olim amplitudinem eius loci, veteri templo disturbato,
ingentem circa arcam insanis occupat fundamentis. In-
de opus cœptum strenue ædificare pergit. Bonam templi

Paul. II. tē-
plum Aedi
Laur. cœdū-
dat.

Lau-

Lauretani partem à Paulo II. exstructam esse, fidem facit Baptista Mantuanus. Apud quem in Agelariorum carmine, Antonium Principem virum præter Piceni orā nauigantem, sic gubernator navis affatur:

Bapt. Mant.
lib. 6.

Quod cernis Picentia iuxta

*Littora, delubrum est illud venerabile Magnæ
Matris, ab Assyrijs, quod Dij super aquora quondam
Huc manibus vexere suis.*

Et paulopost:

*Laureta delubra vocant; neu crede superbam
Hanc adem venisse fretis; superaddidit ista
Templa sacerdotum Princeps ingentia Paulus.*

Ex quo profectò coniectari licet, Lauretanum templum ab eo pene ad fastigium esse perductum. Inter hæc, dum templum summa ope exstruitur, Pontifex non ædificijs solum, sed litteris quoque, ac muneribus Pontificijs Deiparæ Domum adornauit. Nam visentibus Aedem Lauretanam diebus omnibus B. Mariæ sacris, ac præterea Dominicis diebus, peccatorum omnium veniam indulgit. Pretium operæ visum est caput litterarum inferere, ut extet egregium summi Pontificis de eximia Lauretanæ Domus sanctitate testimonium, idemque recuperatæ ab eo diuinitus valetudinis monumentum. Pauca igitur, veteri Rom. Pontificum more præfatus, ita scribit. *Quamvis pro magnitudine gratiarum, quas diuina Maiestas ad intercessionem gloriosa Virginis Mariae filij eius genitricis, fidelibus ad eam pia vota dirigentibus quotidie facit: sanctæque Ecclesie in honorem nominis sui dedicata sint: summa deuotione veneranda; id tamen erga illas propensius est agendum, in quibus altissimus ad intercessionem eiusdem Virginis, maiora, & euidentiora miracula frequentius operatur. Manifestat autem rei experientia ad Ecclesiam S. Mariae de Laureto Recanatensis Diœcesis, ubi est imago B. Virginis Mariae, ob magna, stupenda, & infinita miracula, qua ibidem eiusdem Almae Virginis opera apparent.* ET NOS IN PERSONA NO-

Pauli II. Indulg.

Pauli II. testimonium.

Pauli II. be-
neficia.

Aedes Lau-
ret. exēpta.

Pauli II. te-
stimon. al-
terum.

STRA EXPERTI SVMVS, ex diuersis mundi partibus confluere, & quæ sequuntur. Indulgentijs porrò singulares immunitates adiecit. Quippe Lauretanam Aedem vna cum ministris, cæterisque rebus ad eam pertinentibus ab Recinetensis Episcopi iurisdictione exemptam in suam, sedisque Apostolicæ, & Apostolorum Petri & Pauli tutelam recepit: Sacerdotibus Lauretanis absoluedi peregrinos à sceleribus ac flagitijs Episcopo, Sedique Apostolicæ reseruatis satis amplam dedit facultatem. Posterioris quoque huius decreti procemium, in quo perhonorifica fit mentio Lauretanæ Domus, libet apponere, id est tale: Cum ad Ecclesiam B. Mariae de Lanreto extra muros Recanatensis ciuitatis fundatam, in qua sicut fide dignorum habet assertio, ipsius Virginis gloriosa Domus, & Imago Angelico comitatu, & catu mira Dei clementia collocata existit, & ad quam propter crebra, ac stupenda miracula, quæ eiusdem gloriosa Virginis meritis, & intercessione pro singulis ad eam recurrentibus, & eius auxilium implorantibus cum humilitate, Altissimus operatur, in dies, & in diuersis mundi partibus etiam remotissimis eiusdem Virginis gloriosa liberati præsidijs populi constuat multitudo: & cætera quæ sequuntur.

Iacobus Franciscanus ab insanabili morbo, &

Dæmonum oppugnatione liberatur.

Cap. II.

P Roduntur autem quædam huius temporis non omit-
tenda miracula. Iacobus Picens vir sanctus è Fran-
ciscana disciplina, pariter pietate, ac doctrina clarus Euā-
gelii præco fuit anno eius seculi circiter LXX. Hunc in-
sanabilis morbus inuaserat, & animum ægritudo corpo-
ris vrgebat: quippe ea mali vis erat, vt omnem iuuandi
sacris concionibus homines spem præcideret. Ergo hu-
mani remedii inops ad Deum Deiparamque animum, ac

vota

Chro. Franc.
lib. 6. c. 3. &
4.

vota vertit. Mox quamuis afflicta valetudine, Lauretum peregrinatorum ritu venit. Virginis cellam ingressus inter sacrificandum, cœli Reginam enixe obortis lacrymis orat, vt Iesu filio propitiato, impetret sibi corporis sanitatem; quæ sanctum eius Euangelium prædicando, multis fortasse populis salutis foret. Nec mora. oblata illi protinus est Deiparæ species iubentis eum alia ab se petere: Nam quod peteret, esse iam datum. & Iacobus illico salutem sibi redditâ sentit. Itaque gratias B. Virgini actis, non tam suam, quam eorum, quorum salutis studebat vicem latus, remeat domum. Nec vna hac in re B. Mariæ Lauretanæ is expertus est opem. Interiectis aliquot annis, ab importunis diabolis diu, multûque vexatus Lauretum certissimum malorum leuamentum, accurrit. Ante aram Virginis non sine animi angore, sacris operatus, expertum eius auxilium exposcit: finemque tandem orat tam molesto periculosoque certamini. Auditæ preces. Impensius oranti B. Maria se rursus ostendit. Et bono animo esto fili, inquit, ac summo rerum parenti grates agito. Adest pugnae finis, & te cœlestis corona victorem manet. Prædictionem comprobauit euentus. Haud ita multo post fractę infestorum hostium vires: Læta repente secuta pax: ipse deinde cœlesti præmio donandus euocatus in cælum.

*A Xysto Quarto Pont. vetera decreta cumulantur
nouis. Cap. III.*

NEc Paulo Secundo Xystus Quartus Pauli successor studio ornandæ Lauretanæ Virginis cessit. Nam & veteribus Indulgentiis addidit nouas, & Pauli immunitates sua auctoritate firmatas, adiecta immunitate decumarum, auctisque Lauretanis sacerdotibus facultate dispensandi vota, cumulauit. Donationem insuper Nico-

*Hier. Aug.
Bern. Cyril.*

lai Aftii Epifcopi Recinetenfis (de qua antè diximus) authoritate Apostolica lanxit anno eius feculi circiter lxxv. qui Iubilæi celebritate insignis fuit: Egregium porro suū erga B. Virginem Lauretanam studium, pietatemque in cuiusdam diplomatis sui procemio testatum reliquit his verbis: *Cupientes, ut ipsa Ecclesia Lauretana, ad quam specialem gerimus deuotionis affectum, congruis honoribus frequenterur: & ut fideles populi libentius, eo deuotionis causa confluant, confirmamus: & quæ sequuntur.* Nec nihil vel ad Xysti laudem, vel ad Lauretanæ Domus authoritatem, facit, quod idem Pontifex, cum Carmelitani certissimis argumentis fidem ei fecissent, sacra omnia Palestinæ loca (atque in his ipsum domicilium Virginis) priusquam Saracænorum armis occuparentur, Carmelitanæ familiæ credita & commissa fuisse; hoc ipsum litteris Apostolicis in eorum gratiam scriptis testatus est: Quæ causa fuit cur deinde Carmelitanis sacrosanctæ Domus sit procuratio redditæ, ut dicturi sumus in loco. Ad hæc Xystus Hieronymo Robureo sororis filio Cardinali cum Episcopatu Recinetenfi tutelam permisit Aedis Lauretanæ, haud paruo ipsius Aedis bono. Quippe & auunculi instinctu, & sua voluntate templum à Paulo inchoatum exædificauit: eiusque cultum sacra suppellectili, lectissimis Sacerdotibus, Cantoribusque adauxit.

Hiero. Robur. Card.
patronus
Lau. Aedis.

*Ingens Turcarum manus Lauretanæ opulentia
imminens diuinitus fugatur.*

Cap. IV.

SVbidè tempus ingens procella exorta, & opulentiam & religionem Lauretanæ Aedis ostendit. Mahometes Turcarum Imperator Rhodo Insula nequicquam oppugnata, vnum è suis Ducibus cum classe in Italiam destinauit: Is igitur anno eius feculi circiter LXX. ex improviso

Hier. Aug.

prouiso Hydruntum oppidum nobile in Salentinis, velut claustra Italiae occupauit. Exin finitima circum loca populatus, ceterae orae maritimae Adriatici sinus imminabat. Ergo Recineterenses, & si impendentis periculi fama conterriti; tamen immemores patriae Lauretanam Domum summis opibus propugnare statuerunt. Valido igitur praesidio imposito, excubias agitabant dies noctesque. Ac ne barbaros opulentae praedae spes ad Lauretanam Aedem oppugnandam alliceret; Lauretana dona praecipua in tutum recipi placuit. Mox deprompta, ac de more relata, in tabulas, à certis hominibus Recinetum deferuntur, & in arce conduntur. Satis constat ea dona tum sex ferme aureorum millibus aestimata. Inter cetera Laurentij Medicei (is Petri filius, Magni Cosini nepos fuit) statua argentea, quae nixa genibus altitudinem excedebat cubitalem. Compendiaria fortasse simulacri eius inscriptio (in qua erat Laurentius P. F. Medices) Angelitam decepit, ut Laurentium per Franciscum interpretaretur, quod significabat Petri filium. Credo equidem Laurentium cum Xysti Pontificis, sociorumque armis premeretur adeo, ut ad ipsum Ferdinandum Neapolitanum Regem, acerbissimum hostem suum confugere cogeretur, donum eiusmodi vouisse bello deinde periculoque defunctum Lauretanæ Virgini, vel tulisse, vel misisse. Ceterum sapiens Recineterensium consilium, subductumque periculo sacrum aurum, argentumque haud quaquam barbaros à conando scelere auertit. Turcae populabundi ad Castrum Portus Recineterensis classe delati, omissa minorum praedarum cura, ad Lauretanam praedam, quam opulentissimam sciebant esse, asportatam alio nesciebant, iter intendunt. Tuebantur Lauretanam Aedem, ut diximus, Recineterenses, leue aduersus Barbarorum exercitum insolentem victoria praesidium; nisi ipsa loci Praeses suae domui praesidio foret. Itaque ad sacrae Domus conspectum, ingens repete terror totam Turcarum peruasit, aedem cunctosque è vestigio inui-

inuitissimis animis referre coegit pedem, stupore attonitos, & Deum profecto pro illa Acde stare memorantes. Nec tamen illis sacrilegus conatus impune fuit. Superbissimus Tyrannus haud ita multo post, subita morte extinctus: Hydruntum à Christianis receptum: Turcæ Italia pulsi. Cæterum id ipsum periculum Cardinalem Robureum Laureti Patronum admonuit, vt Lauretanum templum destinatis propugnaculis primo quoque tempore communiret. Ex eo templum ipsum in arcis modum impense muniri cœptum aduersus repentinos hostium incurfus.

Ab Innocentio VIII. donis colitur. Carmelitanorum curæ committitur.

Cap. V.

Xysto sublectus Innocentius Octauus, cuius Pontificatus quâ vrbanis, ac domesticis turbis exercitus, quâ Neapolitano implicitus bello, nullam pene facultatem, opportunitatemue habuit bene de Lauretano templo merendi. Attamen huius laudis non penitus expers fuit. Innocentius quippe eximia pulchritudine auream bullam cum gentilitijs insignibus donum misit Lauretanę Virgini suspendendam è collo, velut suæ erga illam religionis indicium. Pontificale insuper amiculum (pluuiale appellant) ex holoserico villoso, auroque magnificis sane ac præclaris floribus pictum, & opere Phrygio prætexto, margaritisque conspicuum. Ad hæc peripetasmata intexta ex auro, sericoque. Eodem Pontifice Card. Robureus, Lauretanæ Domus pariter, & Carmelitanæ familiæ Patronus, haud parum memor Carmelitanos patres nuper certis argumentis probasse Xysto Quarto auunculo suo, sacram Domum priusquam è Galilæa discederet, Carmelitanorum commissam fuisse curæ; eosdem ex autoritate Ponti-

Cod. Laur.

Supl. Man.

Pontificis Lauretano præposuit templo. Hi iam pridem à Barbaris ex Asia pulsi Europam non magis cœnobijs, quam optimis exemplis impleuerant. cæterum laxatam paulatim disciplinam nuper in Italia nouis adstrinxerant legibus. Lecti xxx. ex eorum numero maximè ad eam rē idonei. Horum ex numero Baptista Mantuanus fuit Congregationis Mantuanæ Vicarius Generalis, qui Lauretanæ Domus scripsit historiam, & Robureo Cardinali dicauit eo ipso anno, quo Lauretū venit, hoc est M. CCCC. vnde nonagesimo.

Baptiste Mantuani testimonium.

Cap. V I.

Baptista igitur Mantuanus Theologus idem, ac Poeta egregius initio suæ historiæ, egregium Aedi Lauretanæ tribuit testimonium, quod ab re non erit nostræ historiæ intexere. *Cum nuper, inquit, venissem ad sacratissimam Virginis Mariæ sanctum domicilium, vidissemque qualia, & quanta Deus ostendit in eo loco miracula, & suæ virtutis, atque clementiæ signa manifestissima; me subito horror inuasit, & visus sum audire vocem Domini loquentis ad Moysen: Non appropinques huc, solue calciamentum de pedibus tuis, locus enim in quo itas, terra sancta est.* Inde præfatus legisse se in templo Lauretano tabulam parieti affixam, situ & carie corrofam, in qua vnde, & quonam pacto locus ille tantam sibi vendicasset auctoritatem, conscripta erat historia, hæc inquam præfatus adiecit. *Historia igitur in tabella continebatur eiusmodi, Templum B. Dei Genitricis Lauretanæ quondam ipsius Virginis cubiculum fuit, in quo nata, nutrita, ab Angelo Gabriele salutata, & Spiritu sancto fuit obumbrata.* Cætera inde persequitur, quæ à Præposito Teremano memoriæ prodita, & in Lauretana Aede proposita diximus: vt ex Teremani tabula esse deprompta satis appareat.

Bapt. Mant.
testimonium.

pareat. Ad extremum augustissimæ huius Domus laudationem ingressus, eam non modo terrestri paradiso, vbi Eua ex Adæ latere efficta est: Monti Sinæo, vbi lex data: templo Salomonis præcipua numinis præsentia, inclyto; Bethleemio antro, quæ cunabula fuerunt Saluatoris: Tabori Monti, vbi Christus clarissima luce circumfusus apparuit cum Mose, & Helia colloquens: Monti Oliuarum, vnde Christus triumphans ascendit in cœlum; verum etiam augustissimo Christi sepulchro, quo nihil in terris sanctius habetur, longe multumque anteponebat. præcipuè quod hic Deus humanitate indutus fundamenta iecerit salutis humanæ. Cuius laudationis illa est insignis sane, ac frugifera clausula. *Sed quid plura de Domus huius ineffabili dignitate commemorare pergo? libet mihi Iacob Patriarchæ sermone concludere. Terribilis est locus iste, non est hic aliud, nisi domus Dei, & porta cæli.* Ergo à Mantuano viro celeberrimo prodita litteris est Lauretana historia, quæ ad eum diem sermonibus tantum vsurpabatur. Ex eo tempore vulgari cœpta, magno, vel Lauretanæ religionis incremento, vel mortalium bono. Namque ea, quam dico, historia breui volumine circumlata, cum auidè ac passim lectitaretur; plurimorum animos ad Lauretanam Aedem visendam colendamque pellexit. Cæterum annus ille non magis Mantuani historia, quam egregio nobilissimi Principis dono insignis fuit. Quippe eodem ipso anno M. CCCC. LXXXIX. Stephanus Bathorius Transylvaniæ Princeps (Vaiuodam ipsi appellant) argenteum B. Mariæ simulacrum ferè sesquicubitale, egregiè factum, pulchrèque auro interlitum Lauretanæ Virgini donum misit. Ad Virginis pedes Vaiuodæ ipsius armati effigies, item ex argento supplex visitur. Votiuum esse donum causa basi inscripta declarat.

Vaiuodæ
Transyl. D.

MAGNIF. D. COMES STEPHANVS DE BATHOR
VAIVODA TRANSILVANVS. ET SICVLORVM COMES
NECNON IVDIX CVRIÆ SERENISSIMI PRINCIPIS
D. MATTHIÆ DEI GRATIA REGIS VNGAR. BOEM. &c.

IN HONOREM DEI

ET EIVS GENITRICIS MARIÆ
OB EAM CAVSAM. QVOD IPSE PER INTERCESSIONEM
EIVSDEM VIRG. GLORIOSÆ A QVODAM MAXIMO
PERICVLO LIBERATVS FVIT.

AN. M. CCCC. LXXXVIII.

DICAVIT.

*Nobilis mulier è Gallia à septem diabolis obfessa
liberatur. Cap. VII.*

IDem porrò annus insigni miraculo memorabilis per-
hibetur. Petrus cognomento Orgentorix ciuis Gra-
tionopolitanus fuit genere, atque opibus clarus. Huius
vxor Antonia nomine pari nobilitate mulier à septem te-
terrimis diabolis obfessa tenebatur. Petrus igitur libe-
randæ cuniugi intentus, cum nihil in Gallia inexpertum
reliquisset, eam adduxit in Italiam. Ac primo Mediola-
ni ad S. Iulij, inde Mutinæ ad S. Geminiani, denique Ro-
mæ ad sacram columnam solemnes exorcismi, nequicquā
adhibiti, Deo liberatæ mulieris decus Lauretanæ Virgini
reseruante. Iamque Orgentorix consilij auxiliique inops
in patriam desperata re, cogitabat; cum in Rhodium,
equitem incidit sibi notum, & Lauretanæ Virginis satis
gnarum. Huius suasu, fiduciæ plenus venit cum vxore
Lauretum anno eius sæculi LXXXIX. Quo vt ventum
est, mulier summa vi obluctans à decem robustis viris al-
leuatur, & in sanctissimam cellam delata ante B. Mariæ
effigiem sistitur. Stephanus Francigena Canonicus Au-

*Eapt. Man.
Hier. Ang.*

ximanus erat tum custos sacrosancti sacelli, vir probitatis ac virtutis expertæ, qui vexatores diabolos exorcismis de more urgere cœpit. Illi iubente Stephano nomina sua professi, exire obstinate recusabant. Sed vicit dæmonum obstinationem constantia sacerdotis, & scilicet diuina vis. Itaque eorum quatuor Dei numine, & Deiparæ nomine, alius post alium exacti, ingentibus ædem clamoribus impleuere. Tres erant reliqui pertinaciores cæteris. Hos igitur Stephanus maiore vi adortus, & Mariæ nomen inclamans premere institit. Haud ita multo post quintus (Heroth nomen erat) malis fessus excessit signo dato. Stephanumque compellans ait: Maria nos eijcit, non tu. Inde sextus (cui nomen Horribilis) erumpens vociferatur queribundus. Maria, Maria nimium in nos sæuis. Cæteris eiectis, postremus nomine Arcto ante omnes alios pertinax lamentari magno gemitu, eiulatuque cœpit. Nimis potens es Maria, vtique in hoc loco, vbi nos ex nostra possessione exigis inuitissimos. Illata cum honore eius loci mentio sciscitandi cupidinem Stephano iniecit. Ergo mendaci ad verum extorquendum, sedulo instandum ratus, percontari, quis tandem ille esset locus: in eoque perstans Dei, ac Deiparæ nomine imperare, vt verum eloqueretur. Nec frustra. Arctus exorcismorum vi subactus tandem profitetur, illud esse Deiparæ cubiculum, vbi Deum Gabrielis nuncio conceperit: & simul adiungit, se diuinitus subigi, verum in præsentia edicere. Tum vero Stephanum cupido incescit cognoscendi, vbi Angelus steterisset salutans Virginem; vbi Virgo cum salutaretur, oraret. Igitur, vt ex mendacij patre verum excusculperet, solemnibus exorcismis subigere institit, vtrumque vt locum demonstraret sedulo. Ille demum diuina vi coactus enunciauit, Virginem quidem in cellæ angulo vltra cornu Euangelij ad dextram sacrosancti camini (vbi nunc est scabellum aptum genibus flectendis) Deo supplicantem à Gabriele salutatam: ipsum vero Angelum ex diame-

diametro in aduerso angulo ad fenestræ dextram substitisse; vt facile appareat ab Angelo, Virginis reuerentia, quam remotissimum locum intra cellæ parietes esse quæsitum. Arcus ergo hisce rebus enunciatis, tandem ex corpore obsessæ mulieris excussus, eam reliquit exanimem. At illa haud multo post ex pauimento, vbi prostrata iacuerat, redeunte animo surgit: simul cum viro ingentes Lauretanæ Virgini grates agit, vota persoluit. Haud facile res alia huius generis nobilior, testatiorque. Interfuerunt plerique primorum Recinetensis ciuitatis, in quibus Ioannes Franciscus Angelita pater eius, qui Lauretanæ Virginis historiam texuit. Interfuit Antonius Bonfinis Asculanus, is qui Vngarici Regni Decadas scripsit. Itemque Io. Baptista Mantuanus, vt ipsemet in Lauretana historia profitetur. Qui ad ea quæ diximus hoc addit: Arcum illum rite exorcismis subactum, hoc quoque inter cætera indicasse, sacram Virginis cellam, antequam Nazaretho excederet, Carmelitanorum curæ commissam fuisse. Quæ quamuis mendacis Diaboli indicio enunciata, tamen quia veracis, ac præpotentis Dei vi, ac nomine sunt extorta; haud pro vanis habenda: præsertim cum veri similia sint, & Christianæ religionis augeant cultum.

Recinetensis ciuitatis donum ob depulsam pestilentiam. Carmelitanorumque discessus.

Cap. V I I I.

Alexander inde VI. Innocentio VIII. successit, cuius Pontificatus flagrante intestinis, exterisque bellis Italia, haud pacatior quàm Innocentij, quanquam lubilei celebritate, quæ in annum millesimum quingentesimum incidit, insignior fuit. Ea tempestate atrox Recineti grassabatur lues, quæ contagione vulgata ciuium pluribus absumptis, grauiorem in dies minitabatur ciui-

Hier. Ang.

tati cladem. Igitur à Magistratibus de primorum consilio, indicitur ad Lauretanam Aedem supplicatio: votum publicè nuncupatur. Nec spes precesue in irritum cecidere. Extemplo votiua supplicatione, veluti diuina manu pestilentia absterfa: Ciuitas periculo exempta. Ergo Recinetenses voti rei pro domesticis quisque copijs, magnam pecuniæ vim in votium conferunt munus. Decretaque supplicatione, coronam auream gemmis distinctam clarissimis Lauretanæ Virgini donum ferunt, anno eius seculi XCVI. Corona B. Virgini imposita, & simul à Robureo Cardinale impetratum est, vt ea nunquam remoueretur: Cardinalisque beneficium Iulij Secundi, & aliorum deinde Pontificum autoritate firmatum. Et valuit apud finitimos populos gratæ pietatis exemplum. Hinc ille mos increbuit, qui hodieque viget, vt Piceni vrbes, & oppida quotannis insigni supplicatione ac pompa coronam Lauretanæ afferant Virgini. Haud ita multo post Hieronymus Robureus Cardinalis sanctissimæ cellæ pauimentum, qua supplicantium genibus attritum, quæ auellentium manibus effosum (quippe auulsa inde saxa, sericoque inuoluta pro reliquijs auferebantur) quadrato marmore discolori pulcherrimè strauit. Opus scutulatum est egregium, & vel in tanta, quanta nunc Lauretanum facellum est, magnificentia visendum. Porro circa vestibulum templi magnificentissimas ædes à Bramante architecto illa tempestate inclyto descriptas Robureus moliri cœpit, annuente Pontifice. Cisternam quoque ingenti amplitudine in medio templi atrio exstruxit ornauitque, ne quando oppidanis aduenisue deesset aqua. Caterum incolarum, & peregrinorum commodis consulenti veteres Lauretani templi curatores instaurandi fuerunt. Cœli grauitas, quæ tum erat Laureti ex circumiectis nemoribus lacunisque, Carmelitanorum Patrum complures absumpserat. Itaque Petri Taruisini Vicarij Generalis iussu, relicta Lauretanæ basilicæ procuratione,

nono anno, quam venerant, ad salubriora migrarunt loca. Horum in locum pij aliquot Sacerdotes, sed mercenarij à Cardinali Patrono substituti, qui ad Leonis Decimi Pontificatum durarunt, qua tempestate res tandem ad Canonicos venit.

Iulij II. decreta, nouique templi molitio, & nobilium hominum dona. Cap. IX.

EXempto rebus humanis Alexandro Sexto, Pius Tertius sublectus Pontifex bonus, sed brevis adeo, ut vix tertiam hebdomadam excesserit. Pio Iulius Secundus subrogatus, religione erga Lauretanam Virginem nulli Pontificum secundus. Is quippe anno quarto Pontificatus sui, siue Xysti Quarti patruj exemplo, siue quod in Pontificia ditione armis recipienda, imploratam Lauretanæ Virginis sensisset opem, Lauretanam Aedem summa ope ornare cœpit. Omnium primum, rem ad augendam loci religionem efficacissimam, veterem Aedis famâ Pontificia autoritate altius in mortalium pectoribus defigendum ratus est. Itaque in primi diplomatis sui procœmio, Urbani VI. Bonifacij IX. Martini V. Maximorum Pontificum decreta Aedi Lauretanæ perhonorifica perstringit. Hinc Lauretanæ Domus primordia exsequens cubiculum esse ait (ut piè creditur, & fama est) B. Mariæ, ubi illa concepta, ubi educata, ubi ab Angelo salutata Christum conceperit alueritque. Hanc deinde ædem ab Apostolis consecratam, ac diuinitus primum è Nazaretho, exinde è sylua latrocinij infesta in collem duorum fratrum; hinc ob fraternas rixas in eum, ubi nunc sita est, collem demigrasse. Deinceps præfatus, se non minore studio teneri Lauretanæ Domus ornandæ, quam Paulum Secundum, aut Xystum Quartum, quorum præclara in eam extarent beneficia; confirmat illorum munera, immunita-

Iulij II.
Bulla, & testimonium.

Julij II.
beneficia.

Lauretum
exemptum.

Georgij
Monachi
D.
Card. Tra-
nensis D.

munitatesque . Lauretanam insuper Aedem, denuo in-
tutelam Pontificis receptam Pontificium sacellum appel-
lat, sacra inibi officia solemni ritu similiter, vt Romæ in
facello Pontificis, peragi iubens. Porro Lauretani templi
ministris omnibus indulgit, vt Pontificij familiares, & cō-
uictores essent eo iure, quo qui optimo. Ad hæc Præto-
rem Laureto præsidere iussit à Pontifice diligendum, cui
etiam mistum dedit imperium. Ex quo tempore oppidum
Lauretum Recinetensium ditioni exemptum sui iuris esse
cœpit. Annonam quoque & alia venalia Lauretum de-
ferentes omni portorio, ac vectigali immunes esse voluit.
Interdixit etiam ne quisquam dona, seu pecunias B. Ma-
riæ Lauretanæ oblatas auerteret, cum excommunicatio-
nis latæ sententiæ minis. Per id quippe tempus plurimis
non pecunijs solum, sed etiam muneribus sacram Aedem
auctam reperio. Georgius Monachus Patauinus B. Virgi-
nis Lauretanæ effigie ex argento expressam, pondo libra-
rum quinque, donum attulit. Cardinalis Tranensis alte-
ram eiusdem formæ ac materiæ effigiem, sed ponderis
duplo maioris. alij alia, quæ exsequi operæ non est.

Paralytica nobilis mulier sanatur.

Cap. X.

Bon. cyril.

F Vit hoc ipsum tempus etiam miraculis insigne. illud
autem præcipuum, quod incidit in annū M. D. VIII.
Longus quidam Neapoli fuit vnus è Consiliariis Regiis,
clarus in paucis. Huius coniux femina primaria (ex viri
cognomine Longa dicebatur) omnibus capta membris,
acerbissimis insuper discruciat doloribus miserrimā tra-
hebat vitam, morti quam vitæ similiorem. Itaque ad vl-
timum damnata ope medicorum, exorat virum, vt Laure-
tum deferri ipsam iubeat. Quò vt peruentum est, generū
suum itineris comitem rogat, certum vt sacrum in augu-
stissima

stissima Virginis cella faciendum curet suis rationibus accommodatum: nimirum cuius initium est: *Repleatur os meum laude*, in quo sanati à Christo Paralytici Euangelium recitatur. Id sacrum sextæ feriæ à Pentecoste assignatum, utique alienum ab eo tempore erat, cum iam pridem is abiisset dies; sed Longa votivum id sacrum expetebat. Vix hoc planè genero mandauerat, cum ipsa eodem genere prosequente, in sacrosanctam defertur Aedem, ac B. Virgini sistitur, haud dubia spe Deiparæ preces salubres sibi futuras. Ecce tibi prius quam gener socrus suæ mandata exsequi posset, ad aram accedit sacerdos ignotus: qui rem diuinam ab illo ipso introitu: *Repleatur os meum laude*, orsus, Longam ingenti admiratione percussit. Igitur stupore attonita paulisper hæsit. Inde versa ad generum, qui non dum ab ea, sacri curandi causa, discesserat, sed iam discedere parabat, Mane, inquit, nihil attinet te ire: hoc ipsum est sacrum, quod requirebam. Porro ut ad illum Euangelii locum ventum est, ait Paralytico: *Tibi dico surge*. mira res dictu, visuque. paralytica mulier repente diuina quadam vi, simul membra consolidari, simul mentem insolita dulcedine perfundi sentit. Exemplo igitur gratulabunda exsurgit è sella, cæteris rei nouitate, ac stupore attonitis: manantibusque gaudio lacrymis, nullum facit agendi grates B. Virgini modum. Ad vltimum re diuina peracta, suis ipsa pedibus ad hospitium tendit, cunctis utique eius familiaribus tantæ rei miraculo stupentibus. Aderat tum forte Laureti Dux Termalensis cum delecta equitum manu, qui a Iulio II. in Galliam Cisalpinam ad bellum euocabatur. Hic igitur (ut qui Longam, eiusque insanabilem morbum familiariter norat) ubi suis ingredientem pedibus eam vidit; hæsit scilicet rei nouitate obstupescens. euidenti deinde miraculo motus, diuinas cum illa laudes miscuit. Noua exinde res auxit miraculi fidem. Sacerdos ille, qui Longæ rem diuinam fecerat, diu multumque requisitus nusquam comparuit;

paruit ; diuinitus missum crederes , vt diuini operis minister foret . At Longa voti compos Neapolim regressa, valetudinem diuinitus receptam Deo consecrandam existimauit . Proinde sacrarum Virginum cœnobium Neapoli instituit : ipsa ægrorum insanabilium ministerio se se deuouit, Raimundo Cardona Prorege Neapolitano .

Iulius II. Lauretanum templum absoluit , munitque.

Cap. X I.

Iulius porrò alia multa beneficia , quæ longo explicata diplomate opere pretium non est referre , superioribus adiecit . Aucta hisce immunitatibus Aede Lauretana, ad eius munimentum cura Pontificis versa . Igitur haud minore animo pacis opera aggressus, quam quanta mole gerebat bella , Lauretanum templum à Paulo Secundo inchoatum , cuius absolutio varijs casibus turbata fuerat, nō exstruere solum, sed etiā permunire parat. Videbat quippe ædem non minus sanctimoniæ , quam opulentia fama inclytam in vico immunito expositam , seu militum, seu barbarorum avaritiæ fore . Bramantis ergo nobilis architecti consilio atque opera vsus , per Hieronymum Robureum Laureti Patronum rem vrgerè, cœpit . Et Hieronymus Lauretanam Aedem omni ope ornare, munus ac decus Roburæ familiæ ratus, basilicam in arcis modum exfluxit muniuitque . Quippe sacella ipsa propugnaculorum instar assurgunt . additæ vndique in summis muris pinnae, aditusque sub tecto, vt ad propugnandum quoquo versus tuto discurrere miles possit . Omnino eminus intuenti arcis potius , quam ædis speciem præbet . Et adiuuat tēpli munitionem collis, cuius in vertice sita eminent, præsertim quā vergit ad mare . Basilicæ corpus ex pilis ingentibus columnarum instar duodecim constat, quarū vtrinque senæ concameratum tectum sustinent . Huic corpori duæ

ri duæ velut alæ, hinc atque hinc adiectæ, cum senis sacellis minoribus, quæ intercolumnijs vtrique respondent. Alia porro maiora circa templi caput sacella disposita numero septem: his interiecta sacraria quatuor, quibus fere Lauretana conduntur dona. Sub tholo, quod est velut basilicæ caput, sacrosancta B. Virginis cella, præcipuam obtinet sedem, & vndequaque aspectabilem; multis circa, vt diximus, sacellis maioribus, admirabili artificio excitatis.

Iulius II. à bombarda ictu protectus Lauretanam Aedem donis colit. Cap. XII.

INter hæc euidenti miraculo nouus Pontifici iniectus est ardor Lauretanæ Virginis honestandæ. Bononiam pergens ad comprimendos Bentiuolorum motus, Lauretum venit: & ipso natali B. Virginis die in natali eius cella sacrum fecit. sub sacrum solemnem pompam in suggestum ad id fabricatum ascendit. Hinc populo, qui ad Pontificis aduentum maior solito confluxerat, bene precatus, amplissimam delictorum Indulgentiâ largitur omnibus Lauretanam Aedem eo die ritè visitantibus. Sunt qui scribant, Iulium eo tempore vota B. Virgini nuncupasse, pio iustoque bello Tyrannos persequi molientem. Certe id, & belli euentus, & Pontificis ob partam victoriam dona testantur. Iulius igitur Bononiam profectus, expulsis Bentiuolis, urbem pacauit. Inde Fauentia, Foroliuius, Rauenna, aliisque Pontificiæ ditionis urbibus, oppidisque receptis, cum Mirandulæ obsidio Ducum incuria traheretur; ipsemet Pontifex nouo exemplo pergit in castra, Duces militesque sua præsentia excitaturus. Ibi dum belli confilia cum Cardinalibus agitatur sub tentorio; manifestum periculum diuina utique euasit ope. Quippe globus ferreus instar humani capitis, repente ab hostibus æneo tormento

Diarium
Iul. II.

Picciar. l. 9.
Onufr. in
Iul. II.

Picciar. l. 9.
Tradit. Lan.

prægrandi excussus, deiecto Prætorio, nihil omnino Pontificem ipsum, aut quemquam eorum, qui Pontifici in consilio aderant, læsit. Id enimvero Pontifex B. Mariæ Lauretanæ debere se professus est; siue quod ad bellum iterus, ei vota fecerat, seu quod ad primum bombardæ fragorem Lauretanam Virginem inclamarat. Ergo Mirandulæ expugnatione, alijsque victorijs clarus Lauretum pergit ad vota reddenda. Gratijs Deo Deiparæque impense actis, globum illum in sacrosancto sacello suspendi iubet, monumentum posteris, quanta pestis esset ab suo capite, Lauretanæ Virginis præsidio depulsa. Suspensus est globus è pariete ab latere sinistro aræ, quod vulgo cornu epistolæ vocatur: vbi nunc quoque monstratur visiturque. Inde Pontifex, vt gratus non tantum pius in Virginem foret, Lauretanam basilicam decorare impensius cœpit. Namque aram maximam sacra supellectili augendam ratus, egregium aræ amiculum ex veste Attalica crispante, argenteâ crucem pondo librarum quadraginta illusam auro, & antiquo opere cælatam: Bina item scsquicubitalia candelabra eiusdem materiæ atque operis, pondo xxvj. ab vrbe misit. Et exstat in turbinata crucis basi titulus, haud obscurum indicium partæ à Pontifice, Deiparæ Virginis ope, victoriæ:

Iulij II. D.

Hier. Ang.
Bern. Cyril.
Cod. Lau.

IVLIVS II. PONT. MAX.
DEIP. VIRGINI LAURETANÆ DICAUIT
ANNO M. D. X.
IN HOC SIGNO VINCES.

Neque his contentus Iulius binos insuper aræ ornatus, (frontalia vocamus) ex holoserico villosa caruleo, insignes auro, margaritis, & opere Phrygio addidit. Altarium ornatui ornatum ministrorum adiecit, mitram egregio opere, aliaque Pontificalia ornamenta, quibus videlicet, vel Pontifices, vel Episcopi sacris operantes uterentur. Super hæc conchyliata peristromata exornandis
templi

templi parietibus, aliaque compiura dona Lauretanæ Virgini dedit dicauitque.

Septennis puella à B. Virgine ipsa Lauretum adducitur. Cap. XIII.

Eodem fere tempore B. Virgo Lauretana, & Pontificem in bello texit, & inopē puellam in pace inusitato miraculo sibi adiunxit. Sabino cuidā, ex pago haud ignobili agri Piceni (Rocham Contradam vocant) filia erat septennis nomine Alexandra, quæ haud longe à pago paternum pascebat gregem. hæc dum oues pascerentur, sub arboribus venerabunda cœlesti numini supplicare consuebat. itaque diuinitus nondum septennium egressa dicauit se Deo. Quo magistro dum precibus instirit, Deiparam enixè colens; repente obtulit se illi cœlesti specie Virgo (haud dubiè Dei mater fuit) quæ puellam manu præhensam se sequi iubet. Mira res dictu. triginta millia passuum ab eo loco, ipsamet cœlitum Regina paruam puellam ad Lauretanam deducit Aedem: & ingenti perfusam gaudio ex suæ imaginis ac domus aspectu, reducit ad pascua. Ibi Alexandram, etiam si quæ tandē illa ædes, quæ Virgo esset ignoraret; tamen ingens eius loci, & spectaculi desiderium tenebat. Ergo, ut gustata semel Lauretanæ Domus dulcedo subibat animum, flens precibus vrgeret, ac fatigare Sabinum patrem non desinebat, ut ad ædem illam tot liminibus illustrem (neque enim aliter designare nouerat locum) se duceret, ubi pulcherrima illa Virgo habitaret. Eludebat filiæ postulatū pater, siue pueriliter delirare eam ratus, siue quem tandem locum illa describeret, ignarus. Cæterum haud multo intermisso tempore, euenit ut Sabinus cum vniuersa familia Lauretum pergeret. Tum vero Alexandra locum agnoscens, gestire, & exultare gaudio: ac versa ad parentem, En pa-

*Ann. Laur.
Raph. Rier.*

ter, inquit, hæc, hæc illa est Domus, quo me pulcherri-
ma illa Virgo candida veste amicta deduxerat. huc ego
redire, hoc spectaculo iterum frui expetebam. Obstupuit
ad hæc pater, & eximiam puellæ erga Deiparam religio-
nem animo reputans, sensit eam B. Virgini esse cordi, vri-
que cum Dei mater illam ad se à primis annis inusitata
quadam ratione pelliceret. Igitur pietatem filix fouere
non destitit. Remque omnem, nec ipse tacuit, & Alexan-
dra ubi adoleuit, pijs hominibus sæpe narrauit, qui dein-
de alijs, ac mihi ipsi retulerunt. Incidit hoc miraculum in
annum seculi huius VII. Nec frustra hæc fuerunt. Alexan-
dra deinde hoc Tyrocinio imbuta virginitatem perpetuo
coluit: vitamque sanctissimè egit ad annum nonagesimū,
Lauretanam Virginem quotannis reuisens. Tanta porro
fuit sanctimonix fama, vt in oppido Montalbodo Virginū
cœnobio Antistita data sit, ubi miraculis etiam, non tan-
tum virtutibus floruit.

*Circa vestibulum Templi Lauretani ædes Pontificiæ
à Iulio II. inchoantur, & sacrosancti sa-
celli celatura destinatur.*

Cap. XIV.

CAeterum intentus perficiundo, exornandoque tem-
plo Lauretano, augebatur ad impensas Pontificis a-
nimus. Itaque sacrosancto sacello muris basilicæ commu-
nito, munimentum Lauretano vico aduersus hostium im-
petus, incursionisque addendum ratus est. Dudum Hie-
ronymus Robureus Laureti Patronus, vel maxime memo-
rabilis, qui id operis susceperat, excesserat vita, vix aper-
tis primis ædificij fundamentis. Proinde Iulius Pontifex
præclara coepta exsequens, eodem Bramante (cuius an-
te mentionem fecimus) authore, Pontificias circa tem-
plum ædes sanè ingentes, ac magnificas inchoauit, Prin-
cipum

cipum hospitio præcipuè destinatas. Quarum forma talis. Aedium sinus (vbi est aditus impluij) basilicæ obuersus eam duobus lateribus quasi brachijs cingit. In quatuor angulis totidem prominent propugnacula. Totâ moles quadrati castelli speciem refert, templum habet pro arce. Eius hodie pars vix dimidia assiduo multorum annorum labore sumptuque absoluta. Nec vero dum Pontificias ædes exstrueret Iulius, templum adornare destitit. Ad eius cultum cantorum chorus institutus: organa musica egregia, magnifico opere, auroque conspicua: campanæ duæ eximix magnitudine, ac specie fusæ: turris campanariæ fundamenta iacta Iulij Secundi opera sunt. Ita ornato templo, augustissimæ Virginis cellæ extrinsecus ornandæ, satis pretiosi marmoris comparat. Quod vtrique opus fuisset operum eius maximum, nisi iam matura æuo mors coeptis eius interuenisset, Deo tam insignem laudem alteri reseruante. Illud autem non postremo habendū loco, quod huius generis vltimum mortaliū eius operum fuit. Petrus Antonius Perottus Syluestrinorum Præpositus Generalis, D. Mariæ Lauretanæ studio accensus Abbatiam S. Laurentij Laureto proximam (ea est in agro Castri Ficardi) cum vniuersis villis, ædibus, pratis, agris, oliuetis, syluis ad eam pertinentibus, Pontifice approbante, Lauretano concesserat templo, anno huius seculi XII. Iulius ergo paucis ante mortem diebus, Abbatiam illam Pontificali diplomate Lauretanæ attribuit Domui. Perottum ipsum Laureti Governatorem constituit, ratus (id quod erat) cui cordi fuisset Lauretanæ fortunas augere, eidem conseruare ac tueri auctas, cordi futurum.

Hier. Ang.
Bern. Cyril.

Antonij Perotti D.

Aedes Lauretana à Reginis Neapolitanis aditur.

Cap. XV.

LEo Decimus haud Pontificatu magis, quam instituto successor Iulij, nihil potius habuit, quàm vt in Lauretana

Ricci in An.
nal. Laur.

retana Aede amplificanda nemini cederet. Et huiusce studij sui declarandi præclaram illi Deus materiam, inter primum Pontificatus rudimentum dedit. Per ea quippe tempora Lauretanæ Religionis, ac celebritatis fama Neapolim perlata duas Ioannas Aragonias, seniorē, & iuniorē (Reginas Neapolitanas, quia regia stirpe genitæ erant, vulgus appellabat) ad templum miraculis maximè inclytum visendum accendit. Itaque magnifico sanè comitatu Neapolitani Regni interiora penetrâtes, per Samnites in Picenum transeunt, ingenti populorum, quacumque transibant, gratulatione cultuque exceptæ. Quo tempore Leonis præcipuè magnificentia enituit. In omnibus Pontificiæ ditionis oppidis, quæ erant in via, Reginas regio apparatu excipi iussit, non tam illarum cultui, quam Lauretanæ Virginis celebritati fauens. Cumulatissimam insuper delictorum veniam, & ipsis Reginis, & cæteris Lauretum ad illarum aduentum occurrentibus, eodemque die Lauretanam Aedem rite venerantibus imperituit. Annus huius seculi quartus decimus Reginarum aduentu insignis perhibetur. Et exstat in Piceno celebre eius rei monumentum. Fama est per eam occasionem in agro Montis Sancti (oppidum id est Lauretum inter, & Firmum) viam illam pulcherrimam esse stratam, quæ hodieque via Reginarum vocatur, ab his videlicet Reginis olim appellata, in quarum gratiam sterneretur.

A Leone X. amplissimis decretis ornatur.

Cap. X V I.

Leonis X.
beneficia.

EXin Leo cunctas Iulij Secundi, superiorumque Pontificum Indulgentias, immunitates, beneficia Lauretanæ Domui tributa luculento diplomate rata esse iussit: ac deinceps alijs super alia diplomatis impense commulavit. Lauretanam quippe Ecclesiam Collegiatam insti-

tuit:

tuit: sigillo cæterisque collegialibus insignibus ei attributis. Duodenos inibi Canonicos (ex quorum numero Archipresbyter, & almæ Domus Custos forent) totidemque Sacerdotes assiduos, quos Mansionarios vocant. senos præterea Clericos chori adiutores esse voluit. Sui, cuique annui redditus pro rata portione assignati. Omnes porro Indulgentias, quibus in templorum stationibus Roma perfruitur, Lauretanæ concessit Aedi, ut iisdem temporibus Laureti percipere aduenæ possent in vna æde, quæ Romæ perciperentur in pluribus. Pretium operæ visum est, honorarium diplomatis præcæmum inferere. *Cum nos memoria repetimus grandia, ac ferè innumerabilia continua miracula, quæ apud Ecclesiam de Laureto multis Christi fidelibus pro varijs infortunijs, & necessitatibus ubicunque oppressis, quæ ad Ecclesiam ipsam de Laureto sola animi moderatione confluent, intercessione dictæ gloriosissimæ Virginis, illius unigenitus operatur Altissimus; dignum ducimus, atque debitum, eandem Ecclesiam de Laureto non solum in antiquis concessio- num gratijs fouere, & conservare illas; verum novis in dies prærogatiuarum muneribus, largitionibus, compendijsque decorare.* Inde Anconitano, Pifaurenfi, alijsque autumnalibus finitimorum oppidorum mercatibus abrogatis, Recinerti dumtaxat Septembri mense (ornando scilicet diei natali B. Mariæ) celebrari emporium iussit. Ad hæc Recinertensis emporij, immunitatumque nuntiis ad barbaras quoque nationes, non tantum ad Christianos populos circummissis, euocavit vndique mercium institores. Ergo gentium, generumque omnium mercatores hac fama excitati, Recinetum ad indictum mercatum confluunt, Itali, Dalmatæ, Germani, Flandri, Græci, Armenij, Iudæi denique Hispania nuper expulsi, Turcæque. Institorum ergo complures cuiusque generis, seu religione, seu miraculo loci (& vicinitas inuitabat) ad Lauretanam Aedem venisse constat: nec quenquam aditu prohibitum, præter obstinatos in auita superstitione, Turcas, Iudæos-

Leonis X.
testimoniū.

que,

que, ne videlicet proijcerentur margaritæ ante porcos. Græcos vero, & Armenios (tametsi plerique eorū schismatici essent) religione erga B. Virginem cum Latinis certasse accepimus: plures eorum detractis in ipso tēpli aditu sibi calceis, manibus & oculis sublati in cœlum, ad sacrosanctam accessisse Domum: quo vbi ventum esset; ad limen procubuisse venerabundos: ibique prostratis humi corporibus, Deum Deique parentem adorasse, demum ad conspectum Virginis, aramque adrepisse genibus, Iesu Mariæque nomina enixe inuocantes. Hæc porro Recinētēsis mercatus à Leone instituta celebritas plurimos deinceps durauit annos, ingenti cum Lauretanæ celebritatis incremento. At Leo ne quam Lauretani cultus amplificandi omitteret viam, ad vltimum sanxit, ne vota adeundæ S. Mariæ Lauretanæ vlllo modo possent cum alijs pietatis operibus commutari. Proinde votum hoc quinquē illis vulgo excipi solitis aggregauit. Et est diploma honorario procemio insigniter ornatum: quod quia est ad Lauretanæ Virginis laudem insigne, attexere placuit. *Gloriosissimi Virginis Matris Dei Maria, a cuius laudibus sicut neminē cessare fas est, ita ad illas explendas neminem sufficere arbitramur. Cum si quidem nullum promptius miseris, aut efficacius peccatoribus refugium apud Deum inueniatur, merito totius animi, mentisque affectibus recalescentes illam in cælis primum adorandam, deinde vbiq̃ue in terris venerandam, & loca eius nomini dicata omni studio ornanda esse censimus, & illa maxime, qua ipsa B. Virgo sibi angelicis comitata cœtibus elegit, & assidue in eis ad Christi fidelium auxilium, & subleuationem miracula fere innumera operatur. Inter quæ omnium consensu testimonio, ac deuotione locus ille Lauretanus fama celebris, ac deuotorum frequentia cultissimus meritis habetur primus. Cum enim Beatissima Virgo (ut fide dignorum comprobatum est testimonio) è Nazaret imaginē, & cubiculū suum diuino nutu trāsferens, postquam apud Flumen Dalmatia oppidum primo, & deinde in agro Recanatensi in loco nemoroso, ac rursus quodam in colle eius-*

Leonis x. testimonium aliterum.

le eiusdem agri particularibus personis addiſto poſuit. Demum in via publica ubi modo conſiſtit illud angelicis manibus collocando ſibi delegit, & in eo aſidue miracula innumera illius meritis operatur Altiffimus. Ob quod complures Romani Pontifices prædeceſſores noſtri, & præcipue ſel. Recor. Paul. II. Syſtus IV. & Iulius II. Sacraſſima Virginis merito deuotiſſimi, quo populum Chriſtianum omnipotenti Deo, & Virgini Matri redderent acceptabilem, Eccleſiam Lauretanam, quæ tanto miraculo creuerat, & augetur in dies varijs, ac præcipue ſpiritalibus decorarunt muneribus. Et cætera, quæ ſequentur.

Egregijs ornamentis, donisque decoratur.

Cap. XVII.

NEC Apoſtolicis litteris magis Lauretanam Aedem Leo Pontifex, quam Pontificijs opibus auctam voluit. Interim ab eo templi, Domusque Lauretanæ ædificia ſtrenue adiuta. Bina templi ſacraria circundatis ſegmentato opere armarijs adornata. Inde ad ipſam ſacroſanctam cellam honeſtandâ conuertit animum. Ac ſacros quidem parietes intrinſecus ornandos ratus non eſt, ne quid in eis ornati eſſet præter ipſos, quos Chriſti ac B. Virginis habitatio, contactusque ſatis ſuperque adornarant. Cæterum intentus ſacello extrinſecus magnifice exornando (& materies ad id nuper ab Iulio præparata ſtimulabat) eam ornatus amplitudinem concepit animo, quæ digna Deipara Virgine, digna Romano Pontifice Chriſti Vicario, digna ipſius loci maiestate religioneque, quoad paterentur humanæ opes, foret. Ergo Sanſouino Architecto ſimul ac ſtatuario illis temporibus nobiliſſimo, formæ deſcribendæ negotium dat monito quid ſui conſilij ſit. Sibi utique eſſe in animo tale moliri opus, quod in parua mole, omnem illius ſeculi magnificentiam vinceret. Nec deſuit regio Pontificis animo ſapientiſſi-

Leonis X. ornamenta.

mi architecti solertia. Formam quippe talem descripsit, quæ Leonis responderet optatis. Nec Pontifici minus animi in opere perficiendo fuit, quam studij in forma optanda probandaque fuerat. Preciosi marmoris haud quam satis erat: & descripta forma requirebat ingentes marmoris glebas. Igitur eas inde vsque à Carraria (quæ candidi marmoris lapidicina in Liguribus est in primis nobilis) peti iussit. Nullaque habita sumptus ratione Ligustica marmora nauigijs imposita longissimo circuitu (quippe infero superoque mari, Italiæ oram pene quam longa est, circumuehi necesse erat) subuehenda curauit. Quæ ad Anconam, siue ad Recinetensem portum demum exposita Lauretum aduehebantur plaustris: ibi ab eximijs fabris illius ætatis maxima mercede conductis, antiqua illa Græcorum, Romanorumque arte perpoliebantur. Inter hæc auxit loci maiestatem, religionemque haud exiguum Lauretanæ Basilicæ additum decus. Leo, vt augustiorem sedis Lauretanæ speciem faceret, Petrum Antonium Perottum Præsidem sacris operantem cum cætero habitu, tum verò Episcopalibus insignibus venerabilem fecit: eidemq. concessit, vt sacris operatus populo bene precaretur Episcopali ritu. Nec Leonis cura Lauretanum Antistitem magis, quam aram Pontificijs muneribus honestauit. Cædelabra argentea quatuor senquicubitalia auro interlita, & præclaro opere cælata pondo fere quinquaginta: umbella insuper quadrata egregia Leonis dona sunt. Per eadem tempora Lauretana Aedes alijs quoque nobilissimorum hominum muneribus culta. Antonius Leiuua Dux Hispaniensis exercitus sacerdotalē ornatum dono misit ex veste Damascena, auro crispo magnifice intertexta. Regina Vngariæ effigiem suam ex argento supplicem pondo xxx. Marchionissa Mantuana sacerdotis, ac ministrorum solemnī ceremoniā sacrificantium vestimenta, argento auroque contexta. Alij porro alia, qui etsi nobiles ipsi erant; tamen sua nomina

Leonis x.
Dona.

Cod. Laur.

Antonij Leiuua D.

Reginæ Vngariæ D.
Marchion. Mantuanæ D.

in suis donis ignota esse voluerunt. Quibus ex donis illa eminent maxime. Statua argentea B. Virginis cum effigie pueri Iesu globosum orbem tenentis manu, pondo librarum octo. Huic altera adiecta argentea item statua, & pōdere par, & specie similis: hoc vno differt quod Christus puer matris gremio insidet, dextra prærendens pyrū. Alia rursus ex argento expressa B. Mariæ effigies librarū x i. Itemque alia, pari fere pondere, cum Cæsaræ Aquilæ insignibus, vt vnde ea sit, haud ægre appareat.

Dona ab
ignotis.

*Sacerdos Dalmata Lauretum venit, exempta sibi exta
preferens manu. Cap. XVIII.*

Eodem fere tempore permira res, & magis propter infinitam Dei vim, quam propter facti nouitatem, credibilis, Lauretanam Aedem longe insigniorem fecit toto orbe terrarum. Sacerdos erat Dalmata vir antiqua simplicitate, idemque Lauretanæ Virgini vnice deditus. Hic forte captus à Turcis, cum ad deferendam religionem omni artificio pelliceretur; nefarias voces non dicam animo, sed auribus admittere nullo modo sustinebat. Itaque importunos illos hortatores auersatus, vt eis ægre faceret, vltro Christum, ac Mariam identidem inuocabat. Stomachantibus illis, sciscitantibusque cur tandem illa nomina vsurparet, quia hærent mihi (inquit) in præcordijs. Ibi Turcæ minitari, se præcordia ipsa extracturos; nisi exemplo Christum Mariamque exsecratur. Erratis (inquit ille) præcordia mihi auferre potestis, Christum & Mariam non potestis. Tum vero illi furentes ira sacerdotem ferro pariter inuadunt. Hic Dalmata Lauretanam inclamās Virginem vouet, si vita suppetat, primo quoque tempore se ad eam iturum. Ea vox iratos magis accendit. Igitur hominem circumstant, & discisso apertoque pectore, intestina à summo recisa extrahunt: eaque semineci, iam

Tradit Lau.
Ann. Laur.
Riez.

iamque vt rebantur, casuro tradunt, simul per ludibrium increpantes. Abi iam propera, & praeordia in quibus hæ-
rere ait Mariam Lauretanam, ad eam perfer, vti vouisti.
Excedit fidem, non tamen diuinam vim, quod deinde me-
moratur. Moribundus sacerdos, Deo mortem morante,
viresque suggerente, porro ire pergit: multorumque die-
rum itinere celeriter emenso, Lauretum peruenit sua extra
præferens manu. Quacumque incedit, concursus ad eum
fieri, seu visendi studio, seu rei cognoscendæ. Et ille Lau-
retani præcipue templi ministris apertum, vacuumque pe-
ctus, & prætenta manu viscera ostentans, totam rem bre-
uiter enarrat, cunctis stupore atque admiratione attoni-
tis. Ad vltimum gratijs Virgini enixe actis, & solemnibus
Confessionis, Eucharistiæque præsidijs communitus,
in Deiparæ conspectu, complexuque (vt credere par est)
efflauit animam. Extra ipsa e regione sacrosanctæ cellæ sus-
pensa diu aduenis spectaculo fuerunt. Quibus tabe ab-
sumptis, extra e ligno assimulata, atque ibidem affixa mul-
tos annos monumentum ei fuere miraculo. Caterum
quia rusticani homines Lauretanū templum ingressi, ani-
mistali spectaculo occupatis, Deiparam seigniore colebāt
cura; tandem ea tolli placuit. Itaque Paulo III. Pont.
per occasionem firmandi pilas, quibus tholus incumbit,
tigillum vnde illa pendebant, deiectum est. ad conseruan-
dam tanti miraculi memoriam, sacerdos praeordia præ-
tendens in tabella depictus, addita breui totius rei narra-
tione, & in publico propositus, qui hodieque visitur.
Miraculum quidem ipsum adeo testatum est, vt nefas sit
de eo dubitare. Multi adhuc viuunt, qui testantur extra
è ligno expressa ab se visa, pluresque accolarum auditos;
cum dicerent, extra ipsa adhuc recentia ab se conspecta es-
se Dalmatæ sacerdotis.

*Turcarum incurfiones ab Aede Lauretana diuinitus
arcentur. Cap. XIX.*

PER idem tempus B. Virgo; quam sibi Lauretana Do-
mus cordi efferet, haud dubijs argumentis ostendit.
Selimus Turcarum Imper. Mahometis nepos, intactis æuo
Lauretanae cellæ thesauris imminens, nihilo feliciore exi-
tu tantum facinus tentauit, quam Mahometes eius auis
tanto ante tentauerat. Iam Selimus suis, maiorumque
suorum victorijs erectus, omnia pene maria classibus ha-
bebat infesta, totam subinde Europam, vltimique occi-
dents oras imperio suo destinans. Igitur illo auctore, in-
gens piratarum manus in Italiam appulit: & Dalmatarū,
Appulorumque littoribus depopulatis, Lauretanae prædæ
spe inuitante, in Picenum vela fecerunt. Descensione inde
facta, Castro Portus Recinētensis potiuntur: tecta cædi-
būs & incendio foedant. Iam nemine contra arma feren-
te, Lauretum inflammatis studiis contendebant; cum de-
sertam à mortalibus propugnatoribus ædem à cœlestibus
defendi, propugnarique senserunt. Quippe ipsemet Lau-
retanae Aedis conspectus tantum eis terrorem incussit; vt
è vestigio trepidi re infecta, repeterent classem, haud du-
bii, quin dilecta illa cœlo domus cœlesti præsidio tegere-
tur. Selimus, porro conandi sceleris author paulo post
haud dubia diuini numinis ira periit cancro, foedissimo
iuxta, atrocissimoque morbo misere absumptus. Necta-
men exitialis Selimi exitus aliorum compressit audaciam.
Cognitum est deinde ex Turcarum captiuis, qui fuga elap-
si, Lauretum ad vōta B. Virgini reddenda venerunt, Ar-
chipiratas, in quorum ipsi fuerant potestate, sæpius Lau-
retani templi prædandi, spoliandique studio Lauretum
instructa classe petiisse. Cæterum vt in sacrosanctæ con-
spectum Aedis ventum esset, repente pauore ingenti di-
uinitus

*Ann. Eant.
Riet.*

uinitus iniecto, regredi coactos, latens utique numen inhibere esse confidentes. Ita audacia in venerationem vertit. Nam cum hæc fama inter barbaros increbuisse, ex eo tempore piratici myoparones oram Piceni legentes in conspectu Aedis Lauretanæ vix ausi sunt quicquam hostile conari, ne dum ad Aedem ipsam diripiendam accedere. Semel dumtaxat biremes Turcicæ duæ ex agro Lauretano prædas agere ausæ: quæ mox Deiparam Virginem expertæ sunt vindicem rerum suarum. Eodem ipso die à Canaletto Venetæ classis Duce captæ: prædatores suspensi: præda omnis recepta. Lauretana res barbarorum clade sancita.

Christiani exercitus avaritiam eludit.

Cap. X. X.

NEc à Barbarorum vi magis, quam ab avaritia Christianorum militum Lauretana Domus per idem tempus cælesti utique præsidio intacta mansit. Franciscus Maria Urbini Dux ditione à Leone Decimo exutus fuerat. Qua deinde armis recepta, ultro ipse Picenum agrum infesta populatione percurrit, Pontificis, ut ipse dictitabat, iniuriam ulturus. Exercitum habebat ex multarum gentium colluvione mistum, quibus nec mos, nec lingua communis, & præda potior religione erat. Proinde neque Ducis imperio satis regi poterat, neque vlla ratione à rapina prohiberi. Et Præfectorum, Centurionumque plerique iampridem Lauretanis thesauris inhiabant. Iamque per internuncios de his diripiendis clandestina inter se consilia agitarant. Ergo ex composito ad Montem Filatranum non procul Laureto sub vesperam subsistunt ea mente, ut postero die illucescente, Lauretanam Aedem defensore vacuum direptum eant. Haud fefellit pium iuxta prudentemque Ducem impius conatus exercitus sui.

Itaque

Itaque per interpretes deferre ab impio consilio perditos barbarorum Duces, per Italicas copias nefarium facinus impedire institit: omnia agere, omnia moliri, ut quolibet potius auerteretur incensa prædæ cupido. Cæterum surdæ erant omnium aures obstrepente avaritia. Ita maior pars, ut plerumque fit, vicit meliorem. Luce nondum certa, præmissis exploratoribus, agi cœptum est agmen. Dissuadere iterum Dux ac minas precibus miscens deprecari sacrilegam profectiorem. Posteaquã nihil proficiebat, orat, si stetisset animo Lauretum pergere, ut mutata in diuersum voluntate, pietatis ergo, ut ceteri mortales, ad sacrosanctam Deiparæ Virginis cellam accederent: si secus fecerint, non suam modo, sed cœlestem quoque intentat iram, recentia Turcarum exempla proponens. At illi animis vāsania avaritiaque occupatis, nullius salubris consilij patientes ad deuoratam spe, & opinatione prædam incensis studiis tendunt. Sequitur exercitum Dux, quem regere nequibat, sacrilegium, quod impedire non poterat, temperaturus. Sed non defuit sacrosanctæ cellæ præsidium Virginis. Præmissi exploratores haud procul Laureto aberant: omniaque tuta esse cernentes lætitia gestiebant; cum subito acrium grex luporum (ut ferinam hominum rabiem feræ comprimerent) è saltu proximo erumpunt. ac velut facto agmine in præcursores impetum faciunt: illorum plerosque repentino terrore amentes iugulant laniantque: cæteros in fugam vertunt, salutis iam magis quam prædæ memores. Qui ut ad primum agmen metu, cursu, lassitudine exanimati peruenere; receptis demum à pauore tanto animis, effusæ fugæ, terrorisque causam socijs tanti sceleris aperiunt. movent etiam atque etiam, viderent quid agerent: Aedi Lauretanæ Deum custodem, ac vindicem a desse. tantâ vim luporum, tam immania corpora belluarum non è nemore illo egressam, sed diuinitus in prædatores emissam: nec ipsis tam cum belluarum exercitu, quam cum Deo, cœlestibusque

lestibusque esse pugnandum. At vāsani exercitus Duces exploratorum terrorem tanquam vanum, militari deridiculo eludentes, nihilo minus properabant ad prædam. Verum enimvero, vt sacra Aedes in conspectum se dedit; repente ingens exercitum pauor. inuasit: cunctique lymphatis similes trepidare coeperunt, diuinitus incussa formidine omnium pectora percurrente. Tum vero excussa vāsania, ad se redunt sceleris Duces: & siue diuini ira numinis, siue templi religione conterriti, cuncti pariter præmeditato latrocinio desistunt. Cæterum ne subinde militares animi ad ingenium redirent, consternatis nouum miraculum additur. Iam multum diei processerat, cum repente nebulam de coelo lapsam ferunt; quæ paulatim circa templum densata eius conspectum ademit, cum tamen cætera circum loca sole essent illustria. Ea species oculis obiecta militum animos quoque immobiles tenuit. Ex inde ingenti horrore perfusi, procumbunt ingenia, versaque in religionem audacia; ad placandam Dei ac Deiparæ iram, Lauretum ire pergunt. Quo vt ventum est, cuncti, ac præcipue cohortium Duces, Lauretanam Aedem intrant venerabundi: ac positis humi genibus cogitati sceleris veniam exposcunt. Vltro etiam Virginem, quam diripere destinauerant, muneribus colunt, ita susceptum ab insano principio iter exitu saniore conclusum. Vrbinatium Dux insperato exitu facinoris mirre latus, Deo ac B. Virgini auersum sacrilegium gratulatur: mox detracta sibi arma in primo augustissimæ cellæ aditu suspendit tanti miraculi monumentum: simul se ex agro Piceno exercitum abducturum vouet. Nec votum fefellit. Extemplo formidabiles copię abductæ, eademque opera, & Lauretana Aedes, & Picena regio direptionis metu diuinitus liberata.

Lauretum à Leone Decimo manibus cingitur. eximium calatura opus urgetur.

Cap. XXI.

Multiplicis periculi Lauretani, diuinique præsidij rumor Leonem Pontificem perpulit, vt humana etiam ope talia pericula arceret in posterum. Apparebat Pontificiarum ædium molem Aedis munimento destinatam esse tantam, quantam vix assiduus plurimorum annorum absoluere posset labor. Ergo tam fera spe damnata, aduersus subitas hostium populationes, Lauretum fossis, aggeribus, moenibus, propugnaculis cingit, huius seculi anno ferme XX. Satis etiam tormentorum æneorum adijcit ad propugnandum, & procul arcendum hostem. Ex quo Lauretum templi oppidique munitionibus septum, adiuuante collis situ, muniti castelli etiam eminus haud vanam speciem gerit. Huius rei fama finitimos ad incolendum, non tantum peregrinos ad visendum exciuit. Barbaros vero, ac cæteros à conando in posterum scelere retardauit. Inter quæ Cardinali Robureo Laureti Patrono vita functo Bernardus Card. Bibiennensis, huic Iulianus Rodolphus Prior Capuanus à Pontifice suffectus est: qui Leonis iussu, quoniam iam paratum erat Dynastis hospitium; domum hospitalet pauperibus peregrinis denuo extruxit. At Pontifex perfectis Laureti munimentis, eam panam raræ magnitudinis fundendâ curauit xx. millium pondo, eamque Lauretam oppidi nomine appellauit. Exinde haud parum memor egregij monumenti, quod circa sacrosanctum sacellum relinquere moliebatur, Sansouinû cæterosque artifices litteris, præmijs, promissis impensius vrgerè institit, vt se viuo, tam eximium opus absoluerent. Exstant Leonis super ea re ad Sansouinum litteræ, quarû initium, quia plurimum valet ad Lauretanæ Domus com-

Card. Bibl.
en. Patron.
Laur.

Leonis X.
Test. moniû
tertium.

mendationem, visum est hoc loco referre. Id tale est: *Cum pro immensis, & infinitis in humanum genus, ac præcipue in nos ipsos ab immaculata summi Dei Redemptoris nostri genitrice collatis beneficijs, sacrosanctâ, totoque terrarum orbe venerandam Lauretanam Ecclesiam, quam eiusdem Virginis carnis facinam ferentis cellulam extitisse, & Angelica salutationis, atque diuini partus, quem ediura esset, nuncey fuisse deuotè, ac piè credimus, & in qua se Virgo ipsa æbriori in dies singulos exhibet gratiarum largitricem fidelium cunctorum votis præsto succurrens, & cætera quæ sequuntur, quorum summa est. Sacrosanctam Virginis cellam dignam utique esse, cui præcipuus quidam honos habeatur. Proinde ei summa ope, omnibusque viribus connitendum, ut quam maturimè ornamentum eius absoluat. Veruntamen haud potuit Leone viuo, suprema illi operi imponi manus. Et sanè genus cælaturæ, ac pulcherrimarum statuarum multitudo, non vnum requirebant Pontificatum. Leoni subiectus Adrianus VI. vir alioqui pius doctusque; verum seu perturbatio temporum, seu Pontificatus breuitas (quippe vix annuus fuit) fecit, ut nullum pene relinqueret suæ erga Lauretanâ Aedē religionis indicium, utique cum Ilâdris, ex qua gente ipse erat, tēplum elegans Romæ summa ope ædificaret S. Mariæ sacrum, cui ab Anima cognomen est factum. Cæterum quàm propensa eius voluntas erga Lauretanam Aedem futura esset, si vita ei suppeditaret, facile ostendunt litteræ ab eo ad Lauretanum Præsidentem datæ, & superiorum Pontificum beneficia, immunitates, indulgentiæ confirmatæ. Pauca quoque huius temporis Lauretana dona reperio, propterea quod ea tempestate notabantur negligentius. Certum habeo non defuisse. Exstat donorum memoria tacitis nominibus donantiū. Credo quod ipsi taceri vellent, quò dona forent Deo ac Deiparæ gratiora. Vnum reperio Ioannis Baptistæ Carafæ monumentum, qui imaginem suam supplicem ex argento cælata B. Virgini consecrauit.*

*Clemens VII. Lauretano templo decretis or-
nato, sacrosanctam cellam exornare
pergit. Cap. XXII.*

C Reatus inde Pontifex Leonis X. patrueis Cle-
mens Septimus, cuius Pontificatum domesticis iux-
ta, externisque bellis exercitum non magis urbis Romæ
direptio, quam religio Lauretanæ Domus insignem fecit.
Is quippe Pontificatû inito, nihil fermè prius habuit, quã
vt Lauretanam Aedẽ Pontificijs diplomatis honestaret,
quibus & vetera firmaret beneficia, & adijceret noua. O-
mittere hoc loco nõ possû caput cuiusdã eius diplomatis,
Lauretanæ Virgini perhonorificû. Id est eiusmodi: *Cũ non-
nulli Romani Pontifices, præsertim fel. rec. Leo Papa X. præde-
cessor, & secundum carnem frater patrueis noster, respicientes
multa & magna miracula, quæ in Ecclesia nostra S. Maria de
Laureto quotidie operatur Altissimus, ac moniti singulari deuõ-
tione & religione, Ecclesie ipsi, & illius Domus Capitulo, Ca-
nonicis, & alijs personis quam plurima priuilegia, immunita-
tes, gratias, diuersis temporibus concesserint, Nos qui erga B.
Virginem, sub cuius inuocatione dicta Ecclesia constructa est,
singularem deuotionem semper habuimus, volentes quacunque
sunt in fauorem dicta Ecclesia conseruari, & quæ sequuntur.
Inter beneficia Clementis fuit, quod Recinetensibus ius
omne, si quod reliquum esset in Lauretum, ademit. Nec
paruum eiusdem beneficium, quod Ioannem Matthæum
Gibertum Veronæ Antistitem Laureto præposuit, virum
doctrina pariter, & virtute clarum. Ab eo Lauretana Ae-
des supellectili sacra, optimis Canonicis, solemnibus cæ-
remonijs instructa cultaque. Pontificiarum ædium por-
ticus fornicatæ: cisterna, quam à Card. Robureo ædifica-
tam diximus, tectorio inducto concinnata, magno, vel
peregrinorum, vel incolarum bono. Caterum illa maxi-
mè cura intentum Clementis habebat animum, vt nobi-
le illud à Leone inchoatum augustissimi facelli ornamen-*

tum pari magnificentia absolueret. Accendebatur domestica vel pietate, vel gloria, ut cuius familiæ decus inchoata Aedis Lauretanæ cælatura esset, eiusdem absoluta foret. Itaque Antonium Sangallum, Raphaelem Baccium, Nicolaum Tribulum, aliosque statuarios illa tempestate celeberrimos ingenti precio conducit. Rayneriū Nerucium Pisanum Lauretanæ ædificationi, præcipuè vero egregio illi operi pro dignitate perficiundo præesse iubet. Iam preciosa marmora erant maxima ex parte cælata ac perpolita. Nerucius ergo, dum cætera elaborantur, disturbat lateritios muros, qui sacre cellæ pro fulcramento adstructi, ab eademque diuinitus repulsi, submotique (ut antea diximus) spectaculo erant. Inde, pari interiecto spatio, quod veteris miraculi monumentum foret, novos circundari parietes placuit, qui cælato marmore conuestiti extrinsecus adornarent sacellum: superstruendumque fornicem nouum, deiecto lacunari tecto-que veteri, sustinerent. Aedem quippe lapide concamerrari Pontifici placuerat, verito ne peruetustum tectum laqueatum, tot luminibus perpetuo ardentibus obnoxium, igne concepto, exitium sanctissimæ cellæ pareret. Proinde ars postulabat, ut altiora fundamenta iacerentur, quæ satis firmis substructionibus tam insigne, preciosumque opus à terræ motibus tutum usquequaque præstarent. Igitur aperiendis nouorum parietum fundamentis, sacra Domus, (ne subducto solo, quid detrimenti caperet) stragulis, ut sit, funibusque constricta, ac validis suspensa rudentibus tamdiu sublimis pependit è machinis, quoad expletis fossis, noua fundamenta exstare cœperunt. Quo tempore satis constat (plurimorum enim oculis res comperta est) sub imis parietibus, dum circa eos ad fundamenta humus effoderetur, puluerulentum tritumque solum, & proximi ruris sepem oppressam, aliaque militaris viæ, quam sacra Aedes occuparat, indicia inuenta esse, noua veteris miraculi monumenta. Hæc autem à plurimis

rimis tum notata, atque animaduersa ipsemet Hieronymus Angelita sub idem tempus memoriæ prodidit in historia Virginis Lauretanæ.

Architectus sacros parietes perfodere ausus, diuinitus exanimatur. Cap. XXII.

Cæterum aucta per idem tempus loci celebritate, sanctissimam Aedem ianuis augeri oportuit. Vna tum erat ianua (vt supra demonstrauimus) in medio fere parietē, qui vergit ad septentriones. hac ingredientibus omnibus & egredientibus aditus erat pariter, exitusque. Itaque in tanta aduenarum multitudine concursuque, alijs vt fit, alios prementibus; nonnulli (quia recessum primis vltimi non dabant) coarctati, oppressique exanimabantur. Proinde (quod iam pridem, & à multis optatum, & à Leone Decimo in formā exterioris ornamenti destinatum fuerat) peruiam fieri cellam placuit, binis ad angulos duorum parietum ianuis patefactis. Vt primum Architecti consilium distulit rumor; enimuero nefas videri, non magis accolis, quam peregrinis, eos parietes ferro temerari, quos per tot ætates diuina prouidentia saluos, intactosque seruasset. Multi palam fremere, quisquis id auderet, haud impune scilicet ausurum. Igitur cœlestis iræ metus fabros à conando absterruit. Haud vanum fuisse metum docuit euentus. Quippe Nerucio ipsi Architecto rem aggredienti quiddam accidit visu dictuque mirabile. Fabris tale ministerium detrectantibus, ipsemet sacrum parietem perfodere aggressus est, maiore artis fiducia, quam reuerentia loci. Ergo vt malleum in sacrum parietem adegit, repente manu obtorpescēte, insolitus horror reliquum corpus inuasit. pallor deinde suffusus ori ingentis mali nuntius: mox linquente animo, qui circa erant, collabentem excipiunt, domumque inter manus

*Trad. Laus
Ann. Laur.
Riet.*

defe-

deferunt expiranti similem, & sensus omnis expertē. Exanimatus iacuit horas ferme octo, quoad scilicet eius coniux mulier pia, & B. Mariæ Lauretanæ dedita in paucis Deum Deiparamque precibus, votisque placauit viro. Tandem igitur vitalis calor, qui totum propemodum corpus reliquerat, artubus reddi, & spiritus liberius meare coepit. Iamque alleuans Nerucius oculos, redeunte sensim animo, circumstantes noscitare. Demum iam compos mentis audaciam incusare suam: veniam opemque à B. Maria exposcere. Nec frustra. Animus religionē exsolutus pariter corpus ægritudine leuauit, vt morbi causā ipsa met curatio aperiret. Postquā conualuit, Pontificē totā de re admonitum quid facto opus sit consulit. Ille haud ignarus id nimia Architecti confidentia magis, quam indignatione B. Virginis euenisse; miscens monitis imperia vrget Nerucium, vt Dei Vicario authore non dubitanter exsequatur incoeptum: & simul impense monet, vt sacros parietes perfodiat non tam malleo, & audacia, quam ieiunio & veneratione Virginis armatus; sic demum rem exsententia successuram. Neque enim timendum esse, ne Deipara Virgo suam domum peruiam fieri nollēt, quē eā peregrinis vellet cum salute, non modo sine perniciē paterē. At Nerucium recenti malo ex audacia timidiorē iam factum, ne Pontificis quidem auctoritas percellere potuit, vt iterum ipsemet experiretur quod tāto suo periculo paulo ante tentarat. Ad vltimum quia Pontificis imperium vrgebat, & mora patefaciendi ianuās ædificationē morabatur operis; inuentus est adolescens minime timidus, qui auctoritate Pontificis fretus, & plenus amicorum vocibus rem auderet. Clericus is erat Basilicæ Lauretanæ. Venturam Perinum vocabant. hic triduo ieiunio ad sacrum parietem cum malleo venerabundus accedit. Circa Perinum erat & aduenarum turba, & Clericorum, hæc sollicita ex adolescentis fiducia, illa rei expectatione suspensa. At Perinus supplex ita prefatus dicitur.

dicitur. Sacra Virginis Domus, ignosce innocentia: non ego te hoc malleo, sed Clemens Dei Vicarius ornamenti tui alidus fodit: ille te ornatam; ille te peruiam cupit. Placeat Dei parenti, quod Dei Vicario placet. Talia precatus designatum parietis locum percussit impune. Eum deinde ictus tuto iterantem fabri pari ieiunio, ac reuerentia secuti, ianuas aperiunt tres, quarum duæ liberum populo ingressum, egressumque præberent, tertia sacerdotibus aditum daret ad sanctiorem sacelli partem, ubi est Virginis simulacrum. Eodem tempore parua fenestra, quæ una in anteriore pariete erat, ferme e regione simulacri, amplior ad accipiendum lumen facta, & clathris æreis inauratis pulcherrime communita. Clementis inde erutis, vetus ianua, quæ satis ampla in medio pariete patebat, obstructa. Exin nouus paries duei, & insigni exalti operis crusta operiri, conuestiriq; coepit.

Clemens Lauretanæ Virginis ope adiutus eam impensis exornat. Cap. XXIV.

SVB id tempus Clemens Aedi Lauretanæ adornandæ intentus, ingens periculum Deiparæ Virginis præsidio euasit. Fraude, doloque hostium capta vrbe Roma, ipse in arcem molis Adriani receperat se. Ibi à Cæsarianis obsessus, posteaquam hostium vim sustinere non poterat, non votis modo, sed etiam litteris Lauretanæ Virginis implorat auxilium. Nec missæ in cassum preces. Pontifex haud ita multo post inter hostium tela clapsus in tutum est. Ad hoc ex auro argentoque Lauretano tria circiter aureorum millia coacta: & Pontifici inopia laboranti per opportunum subsidium missa. Ita Clemens gemino B. Mariæ Lauretanæ beneficio, præsens periculum inopiæque vitauit: ac demum discussa ingruente belli procella, pacem populis suis, atque otium peperit. Discrimine capitis,

tis belloque perfunctus, Lauretanæ Virgini gratiam non solum habendam, sed etiam quantum mortali fas esset, referendam existimavit. Igitur post Carolum Quintum insignibus Imperij ab se decoratum Bononiæ, Romam inde remigrans ad Lauretanam diuertit Aedem, Patronam Liberatricemque suam salutaturus. Gratijs rite actis, votisque Deo ac Virgini persolutis, vt tantorum erga se meritorum exstaret gratia, inchoata Lauretanæ ædificationis opera summa vi vrgete statuit. Architecto igitur, fabrisque instare cœpit, templum præcipue ad culmen perducere aliquando festinans. His operibus perficiendis pecuniam, quam mutuam à Virgine acceperat, reddidit. Itaque illo Pontifice, & Pontificia testâ Laureti strenue ædificata, & templo fastigium impositum, cum egregio tholo, qui tantum se à fastigio attollit, quantum fastigiū à terra. Inter hæc haud vltima Clementis cura erat de absoluenda præclara illa cælati operis crusta, quam vt principia se dabant, haud falso augurabatur maxime inclytam toto orbe terrarum futuram.

Lauretum excisis nemoribus, lacunisque siccatis salubrius redditur. Cap. XXV.

DVM Lauretana Domus egregijs operibus ornatior in dies existit, etiam Lauretum oppidum excisis circa syluis, exsiccatisque paludibus existere cœpit salubrius. Infame incolarum morbis mortibusque erat illa tempestate Lauretanum cœlum: quippe magna ex parte palustre ac noxium, multarum offensarum causas corporibus afferebat, vt incolæ bonam anni partem pituitosi essent omnes ac redundantès; plerique tenui, imbecillaque vterentur valetudine; pueri vero maxime immatura morte extinguerentur, vt pote qui propter corporum imbecillitatem, proximi stagni halitum, locique ipsius grauita-

uitatem ægerrime ferrent. Et sane Lauretum situm est in tumulo vergente ad meridiem, orientemque solem; cæterum ab occidente ac septentrionibus, qua sylvarum palustrium, quæ collum obiectu clausum excludebat ventos salubres: contraque ab altera parte apertum noxios excipiebat grauesque. Nec procul planities erat caliginosa paludibus, quas restagnans amnis (Musioni nomen est) faciebat, & limosa insuper hyemalibus aquis, quæ paulatim collectæ nullo motu agitante torpebant. Crederes insalubrem sedem Deiparæ cordi fuisse, ut eius præsidij salubritas in loco insalubri magis emereret. Pertulit igitur fama ad Pontificem, in oppido Laureto ab cœli inclementiam, plerosque infantium ac puerorum, priusquam ætas adolesceret, interire: ita paulatim incolis metu orbitatis alio demigrantibus, in oppido solitudinem fieri. Itaque ille Lauretanæ Virgini pulchrum ratus, & oppidum quam frequentissimum, & locum quam saluberrimum esse; de architectorum sententia commodissimum existimauit, vicinas lacunas siccare, nemora excindere, imminentes tempestates colles (Montem Regalem, & Montinorum incolæ appellant) æquare, ut nebulæ origine sublata, cœloque patefacto, aer ventorum salubrium flatibus apertus salubriorem faceret locum. Igitur Ioanni Antonio à Statibus Lauretano Gubernatori, & Antonio Sansouino architecto scribit his verbis. *Accepimus aerem istuc præsertim asti-
no tempore reddi insalubrem, partim ex eo, quod quidam col-
lis dictæ Capellæ, & Ecclesiæ supereminens ventos montanos
loco salubres excludit, partim quod in planitie dictæ Ecclesiæ
circumvicina etiam ad quinque millia passuum plures plaudes,
& sylvæ fere semper limosæ insalubritatem faciunt. Quam-
obrem nos illâ Ecclesiâ toto orbe Christiano ob gloriosissimæ
Virginis Mariæ merita, & confluentium illuc populorum mul-
titudinem celebrem, his causis sublati, salubrem reddere cupi-
tes, iam ordinauimus, ut dictus collis supereminens compla-
neretur, paludes factis fossis exsiccarentur, syluæ excidantur. Lau-
retanus*

retanus ergo Præses impēsius etiā quam iubebatur, tam salubre opus aggressus est anno huius sæculi XXXIII. ac strenue per architectum, ingenti operarū vi conductā, pauperibus etiā peregrinis corrogatis, sylvā vico proximam deijcere, lacunas ductis fossis in præterfluentem amnem, aut in mare proximum deriuare: imminentem oppido collem cædere institit. Longum erat, ac pene infinitum opus. Proinde tum inchoatum magis quam perfectum. Cæterum illa ipsa inchoatio, & salubritatis aliquid in præsentia, & spei plurimum in posterum procedente opere incolis fecit.

*Clemens tribus cubicularijs in Dalmatiam,
& Galileā missis, Lauretanæ Domus migrationem explorat. Cap. XXVI.*

*Tradit Lau.
Ann. Laur.
Riera.*

S Alubrior iam facta erat Laureti habitatio, cum Lauretanæ Domus historia facta est exploratio. Hieronimus Angelita ciuis Recinetensis domi suæ, vel generis nobilitate, vel integritate vitæ clarus in paucis fuit. Is Virginis Lauretanæ historiam ab se conscriptam Clementi Pontifici per id tempus dicauit. Scribendæ dicendæque Pontifici historiæ causa fuit, quod per eadem ferme tempora, vt ante dictum est, sacrosanctæ Domus è Galilæa in Dalmatiam, inde in Picenum asportatæ narrationem ex Flumensibus Annalibus Dalmatæ quidam ad Recinetensem pertulerant ciuitatem. Itaque siue Angelitanæ historiæ admonitu, seu familiariū rogatu, seu potius cœlestis numinis instinctu, Clementem cupido cœpit, migrationē Sanctæ Domus è Galilæa intentius explorandi. Haud erat ignarus id ipsū olim, & à Dalmatis authore Frangipaniō, & à communi Picentium, ciuitatis Recinetensis hortatu, fatis esse perspectum. Cæterum præcipuas Pontificis partes esse ducebat, rem tam inusitatam, ac pene incredibilem

Iam denuo per certos homines explorare, vt aliorum indicij accederet Pontificalis authoritas, quæ ex mortaliu pectoribus dubitationem omnem, si qua forte resideret, funditus tolleret. Proinde ex omnium familiarium numero tres cubicularios suos delegit expertæ in primis religionis, ac fidei. Hos quid facto opus esset monitos, rebusque necessarijs abunde instructos dimittit, faustum eis iter precatus. Ergo illi Lauretum profecti, sacramque Domum intentiore cura contemplati dimensique, conscendunt nauim Illyricum peturi. Quo vt ventum est, ædiculam Lauretanæ instar satis vetustam, & miraculorum monumentis insignem inueniunt. Porro parietis eius ædiculæ inscriptum, Lauretauam ibi Domum olim fuisse. Hæc accolæ ipsi monstrabant: haud vana ab illis afferri veræ la chrymæ vbertim manantes ex desiderio testabantur. Cōfestim igitur legati mensuris admotis, deprehendunt prorsus omnia conuenire. Protinus repetito cursu pergunt in Galilæam, Nazarethum veniunt. Sacræ Domus fundamenta monstrata ab incolis cernunt: quoquo versus metiuntur: congruere cuncta comperiunt. Ex Legatorum numero Ioannes. N. erat Senensis, qui nouo aliquo indicio veteris miraculi fidem adfirmandam ratus, duos inde attulit lapides ex ijs, quibus vulgo strui ædes Nazarethi solent. Lapis quidem laterem naturali forma imitatur (cuiusmodi ex scetilibus lapidicinis erui alicubi solet) cæterum flauentibus intermicat venis. Reuersus igitur Ioannes cum Collegis ad Aedem Lauretanam, cum eius lapidibus Nazarenos illos lapides confert: reperit geminos eorum, ac simillimos esse. Ea quoque res auxit miraculi fidem, cum talem lapidicinam in Piceno nullam esse constaret: et omnia quamuis vetusta ædificia, ob cæmentorum, taliumque lapidum inopiam, laterculo structa cernerentur. Illi igitur successu admodum læti peruolant Romam. Pontificem expectati adeunt, comperta renuntiant. Ioannes insuper Nazarenos lapides Lauretanis simillimos

profert tanti miraculi testes. res summa & Pontificis latitia, & asseclarum præcipuè sermone celebratur.

Tres viri illustres è mortis faucibus eripiuntur.

Cap. XXVII.

*Tradit Lau.
Ann. Laur.
Riera.
Julian. Cæ
sarinus a lz
tali morbo
creprus.
Vaiuo. Tran
siluan. a pre
sèti mortis
periculo li
beratus.*

Eodem fere tempore Aedes Lauretana nobilissimis est illustrata miraculis. Iulianus Cæsarinus vnus è proceribus Romanæ ciuitatis anno huius seculi XXX. Bononiæ graui implicitus morbo ad vltimum periculi venerat. Iamque à medicis destitutus adesse sibi sentiebat supremum diem, cum implorato Lauretanæ Virginis præsidio, repente conualuit. Eodem anno Vaiuoda Transiluanæ ab Abrahimo Prætoris Regis Turcarum (Bassam ipsi appellant) prælio victus captusque victoris irati iussu ex altissima rupe agendus erat præceps. Cæterum ille B. Maria Lauretana inuocata, seruitium quoque, non tantum præsens supplicium euasit. Nam forte sermonem de religione cum Bassa ingressus, adeo efferatum eius animum diuina ope mitigauit, vt Barbarus odio in amorem verso, ipsum cum cæteris Transylvanis captiuis dimitteret gratiis. Exstat hodie Laureti tabula ingens egregie picta, auroque exornata, vbi tota res non solum coloribus, sed etiam litteris expressa visitur. Iisdem fere temporibus Ferdinandus Gonzaga adolescens nobilissimus Mantuæ præferocem cursu exercebat equum. Quo vehementius concitato effusus in clathros ferreos vicini templi, B. Mariæ Lauretanæ opem implorat. mira dictu res. Ex tam graui, periculosoque casu, extemplo sanus vegetusque surrexit. Nec voti parum memor, equestrem statuam argenteam Lauretanæ Virgini donum tulit. Ipse autem eiusdem effigiem Virginis ex argento expressam deinceps in omni vita perpetuo suspensam gestauit è collo, siue miraculi monumentum, seu vitæ præsidium. nec frustra in maximis prælio-

*Ferdinandi
Gonzagæ
casus, & D.*

præliorum discriminibus vir bellicosus præsentem semper Dei paræ Virginis expertus est opem . Horum igitur miraculorum fama, & simul explorata Lauretanæ Domus ex Galilæa, & Dalmatia translatione mire lætus Pontifex enixe instare Nerucio cœpit, vt præcipuum sacrosanctæ cellæ ornamentum quamprimum absolueret . Sed Deo aliter visum, qui affecti tam eximij operis nomen Clementi dedit, absoluti decus alteri reseruauit . Enimvero in illo tam insigni opere exstruendo, & ad culmen (quantum in ipso fuit) perducendo, adeo præclare Clementis non sedulitas modo, sed etiam magnificentia exstitit; vt haud immerito eum authorem fama ferat: etiamsi Leonis Pontificis symbola, insigniaque voluntaria multis locis operi inserta cernantur. Clemens quippe nullum omnino inseruit sui monumentum, rarum vtrique exemplū, Deoq. acceptum adeo, vt eius haud dubie nutu, tam excellentis operis gloria sequentem fugeret, fugientem sequeretur. Clementem porro ferunt, cum ad tergum operis, quod vergit ad ortum solis p̄uentum esset, consultum à Recinetensibus, vtrum in ea parte Lauretanam historiam inscribi velleret, respondisse, satius videri eam historiam in marmore similiter, vt cætera B. Virginis facta cælari, siue quod historia ipsa per se satis nota ac testata foret, siue quod cælata historia satisfactura esset litteratis pariter, idiotisque. Attamen Clementi VIII. Pontifici Maximo, & Cardinali Gallo Laureti Patrono summam Lauretanæ historiæ in marmorea tabulâ, quæ cælaturæ subiecta erat, inscribi placuit: quo illustrius, cumulatius esset tantæ, ac tam insolitæ rei ad posteros monumentum.

*F. Leandri Alberti de Lauretana Aede testimonium .
Cap. XXXVII.*

NOuum per eadem tempora haud ignobilis historici testimonium Lauretanis rebus accessit. Leander Albertus homo ex Domiciana familia doctus æque , ac pius in libro, quem edidit de Descriptione Italiae, Picenum describens perhonorificam facit Aedis Lauretanæ mentionem. Quem nos locum ex Etrusco sermone in Latinum totidem fere verbis conuertimus. Sic igitur scribit. Recanatum inter , & mare Adriaticum, non longe à Mufione fluuius cernitur in colle templum S. Mariæ Lauretanæ toto terrarum orbe celeberrimum , quod simul cum oppido validis est munitum moenibus. Hic multi sunt incolæ excipientes hospitaliter peregrinos, qui ex omnibus Europæ partibus eo votorum persoluendorum gratia confluunt , cum omnibus anni temporibus ; tum maxime vere, & autumnus. Equidem de tanto templo dicturus vnde ordiar nescio. Obuersatur quippe animo hinc summa loci religio, illinc eximia templi opulentia . Enimvero me vires deficiunt conantem dicere de sanctissimo illo, religiosissimoque cubiculo, vbi nata, vbi educata est cœli Regina semper Virgo, ac Dei parens Maria, eademque miserrum mortalium apud filium suum patrona . Vbi Archangeli Gabrielis nuncio Dei mater effecta, appellataque est, vbi humanam Deus naturam induit, vt nos ex faucibus inferni Draconis eriperet, cœlestisque regni aditum per tot sæcula, Parentum humani generis vitio, clausum aperiret. Itaque vt dixi, vnde talis loci descriptionem ordiar ignoro. Cæterum vt pijs pariter, curiosisque lectoribus satisfaciam pauca dicam. Principio igitur dubitandum non est, quin hoc illud ipsum sit cubiculum, vbi cœli regina edita in lucem est. Nam præter certissima litterarum

monu-

monumenta, quæ Deiparæ Virginis cubiculum ab Angelis huc translatum esse fidem faciunt, nemo est tam ferus ac ferreus, nemo tot, tantisque flagitijs, ac sceleribus cooptus, qui non in ipso sacræ Domus ingressu, præsentis numinis cœlestis religione perfusus molliri suum sentiat peccatus adeo, ut venerabundus B. Mariæ imploret auxilium, ac per eam à Christo suppliciter oret suorum veniam delictorum. Et sane ad id ipsum humanos animos diuina vis videtur impellere. Ad hæc accedunt prodigia, ac miracula ibi diuinitus edita, beneficiaque tributa ijs, qui ad Dei parentem supplices confugerunt. Id adeo non solum litterarum monumenta testantur; sed etiam aurea, argentea, cerea simulacra, votiua quoque tabellæ, quæ per multas ætates, ac secula congesta visuntur. Longus si velim numerando percensere diuina prodigia, ac dona inibi impertita mortalibus. Quæ quidem tot tantaque sunt, ut incredibilia videri possint ijs, qui non facile adducuntur, ut credant, maternas à Deo preces audiri. Nec vero hæc magnificentius à Leandro dicta, quam verius.

*Lauretana Aedes plurimis, nec vulgaribus colitur
donis. Cap. XXIX.*

NON alias magis ante, pluribus Aedes Lauretana votiuis floruit donis. In Lauretanæ Domus codicibus reperio, per hæc tempora omnes ferme Piceni populos quotannis solitos in supplicationibus argenteas Beatæ Virgini coronas ferre singulas, binas, ternas, usque ad septenas, voti aut religionis ergo. Et quia iam satis, superque erat coronarum (coronæ quippe tum censebantur ad septuaginta) commodatas coronas accipiebant à sacræ Domus Custodibus, pro his precium ferebant. A plerisque etiam Piceni castellis oppidis

Cod. Laur.

Argentea
simulacra
Vrbium, &
oppidorum
XVIII.
Firmi argē.
simulacr.

Pisauri arg.
simulacr.

Ascan. Co
lunn. D.

Cardin. SS.
Quatt. D.
Comitis Rā
goni D.
Io: Francisc.
Bossij D.
Pyrrhi Gon
zagæ D.
Pardi Pap
pacodæ D.
Alex. Cal
cagnini D.
March. Tri
paldæ D.
Magni Ma
gistri Melit.
D.
Vincētij. Al
fani D.

Ludou. Gi
sildi D.
Card. Mon
tini D.

oppidis, vrbibusque argentea ipsorum simulacra in sup
plicationibus præferebantur. Erant illis temporibus par
tim vrbium, partim oppidorum, & castellorum ex argen
to expressa simulacra numero duodeuiginti. inter quæ Fir
mum pondo librarum pene viginti & specie, & precio
eminebat. Cæterum hæc quoque alijs populis, quibus
deerat aurificis copia, commodata à custodibus in suppli
cationis pompa ferebantur, argento pro his repenso. Et
vterque mos, vel coronarum, vel illius modi simulacrorū
vsque adeo increbuit, vt nunc, vel maxime vigeat. Nec
se Piceni finibus ea tenuit consuetudo. Iisdem temporib
us Pisauenses argenteam Pisauri imaginem miserunt af
fabre factam. Nec ea tempestate ciuitatum, ac populorum
magis, quam ciuium ac nobilium virorum pietas extitit.
Ascanius Columna inter Romanos proceres genere, at
que opibus clarus argenteam B. Rochi effigiem libralem,
& sacerdotis solemnia sacra celebrantis amiculum ex tex
tili argenteo, donum Virgini attulit. Cardinalis sanctorū
Quatuor Coronatorū caput argenteum pondo ferme qua
tuor. Comes Rangonus Mutinēsis, & Io: Frāciscus Bossius
Mediolanensis, singuli crus argenteū librale. Pyrrhus Gon
zaga eiusdem materiæ ac ponderis pedem. Pardus Pap
pacoda Neapolitanus effigiem suam argenteam ponderis
duplo maioris. Alexander Calcagninus imaginem suam
ex argento cælatam trilibrem. Marchio Tripaldæ, lych
num argenteum pari ferme pondere. Magnus Rhodiorum
Equitum Magister alterum lychnum eadem materia, sed
pondere aliquanto maiore. Vincentius Alfanus Perusinus
simulacrum suum ex argento expressum librarum xv. Alia
porro ab alijs (quorum nomina prodita non sunt) sigilla
sexdecim argentea, pondo librarum septem, & septuagin
ta. Sed longe ante alia omnia huius temporis dona excel
lit Ludouici Gisilardi ciuis Bononiensis effigies argentea
pondo amplius quinquaginta. Sacra etiam subinde supel
lex aucta. Cardinalis Montinus (qui postea Pontifex fa
ctus

Cæsar Iulius Tertius est appellatus) sacerdotalem vestem
 egregiam ex auro textili crispante donum tulit. Cardina-
 lis Palmerius aræ ac sacerdotis ornatum ex veste Attali-
 ca. Dux Traiectensis sacerdotis, ac ministrorum solemni-
 bus sacris operantium vestes ex holoserico villoso viola-
 ceo distinctas auro. Oliuerius Fagnanus Mediolanensis
 ex eadem materia, aræ & sacerdotis ornatum. Marchio
 item Bitontinus ex veste Damascena aureis operibus infi-
 gnita. Alij quoque alias altarium, ac sacerdotum vestes,
 coronas argenteas, calices, aliaque eiusmodi, quæ perse-
 qui longum foret, dona Deiparæ Virgini seu portarunt,
 siue miserunt. Nec ea propria vtrorum laus. Isabellæ Car-
 donæ Proreginæ Neapolitanæ corona aurea libralis, & ip-
 sius effigies B. Virgini supplicantis argentea, pondo ses-
 quilibræ, & pes libralis item argenteus: ad hæc arcula sci-
 te facta eiusdem materiæ ponderisque: bini vrceoli aurei
 vnciarum xlv. armillæ itidē aureæ benefactæ donū fuit.
 Marchionissæ Vasti effigies B. Virginis puerum Iesum gre-
 mio gestantis argentea pondo fere quatuor. Quin etiam
 à Turcis dona missa. Constat anno huius sæculi XXVIII.

Card. Pal-
 merij D.
 Duc. Traie-
 ctensis.
 Oliuer. Fa-
 gnani D.

March. Bit-
 ontini D.

Proreginæ
 Neapol. D.

March. Vasti
 D.
 Bassæ Tur-
 carum D.
 Cod. Laur.

Bassam Turcarum (nomen, & causa non pròditur)
 argenteam aræ vestem, margaritis insuper ador-
 natam Lauretanæ Virgini donum misisse
 Clemente Septimo Pontifice Ma-
 ximo: vt intelligeremus Lau-
 retanam Virginem com-
 munem omnium
 gentium esse
 Patro-
 nam, quicumque
 eius patrocinio
 vti velit.

FINIS LIBRI SECVNDI.

HORATII TVRSELLINI

E SOCIETATE IESV

LAVRETANAE HISTORIAE

LIBER TERTIVS.



A Paulo Tertio beneficijs, decretisque decoratur.

Cap. I.



Pauli III.
beneficia.

ONTIFICIAM inde sedem Paulus Tertius excepit, qui Aede Lauretana ornanda, augendaque etiam cum ipso Clemente certavit. Namque initio fermè Pontificatus sui, & Indulgentiis eam, & beneficiis cumulavit. Quippe indignum ratus, sacrae Domus ministros ad usum dome-

Pauli III.
testimoniū.

sticum vix pecunia emptum saltem habere posse; vicenos eis quotannis salis saccos ex Cervia salinis assignavit gratuitos, non contentum beneficium, siue muneris perpetuitatem, seu necessitatem accipientium, siue dantis animum spectes. Eminet Pontificis animus in diplomatibus procemio, quod libet attexere: *Postquam fel. rec. Xystus Papa Quartus praedecessor noster inter alia motu proprio Ecclesiam B. Mariae de Laureto, olim in honorem ipsius Virginis miraculosè fundata: in qua (prout fide dignorum habet assertio) ipsius etiam Virginis gloriosa imago Angelico comitata eam, mira Dei clementia collocata existebat, & ad quam propter crebra, & stupenda miracula, quae eiusdem Virginis gloriosae meritis, & intercessione ibi Altissimus operabatur, in dies ex di-*

nerfis mundi partibus etiam remotissimis, Virginis gloriosa liberati presidys populi confluerebatur multitudo, & paulo post. Recolenda memoria Iulius Papa Secundus prædecessor nostræ, attendens, quod non solum erat in dicta Ecclesia de Laureto imago ipsius B. Virginis Maria, sed, (ut pie creditur, & fama est) camera, siue thalamus, ubi ipsa Beatissima Maria concepta, & educata, ubi ab Angelo salutata Salvatorem seculorum concepit. Cætera item persequitur, quæ in suo diplomate Iulius Secundus posuerat.

Lauretum Recinetensium fidei committitur.

Cap. II.

PAULUS porro haud ignarus, quantum boni sit in bono Præsidente, id semper egit, ut optimos Laureto Præsides daret, donum omnium fortasse maximum. Alexander igitur Argolus Tarracinenfis Episcopus à Pontifice Lauretano Patronus constitutus, rem Lauretanam præclare constituit, auxiliumque Doctorum, grauiumque hominum complures in Canonicorum Lauretanorum Collegium cooptauit. sacrorum caeremonias solemniter, ac plane Pontificali peregit ritu, summa denique religionis, ac benignitatis laude, diuina, humanaque omnia per quadriennium administravit. Huic Gaspar Contarenus Cardinalis, vel ingenij dotibus, vel artibus animi clarus successit, Laureti Patronus omnino bonus, sed mortis interuentu brevis. Nam cum per Galeatium Florentinum (qui postea Aquini Antistes fuit) rem Lauretanam optimè gereret, ingenti sui expectatione concitata, cessit ei vita. Eius in locum successit à Pontifice Rodolphus Pius Cardinalis Carpenfis Patronus iuxta bonus, ac diuturnus. Qui sane Pij cognomen, etiam si à maioribus non accepisset, insigni sua pietate fuisset sibi pariturus. Non alius ante impensius Lauretanam Aedem ornare instituit. Itaque eius in-

Alex. Argolus Laureti Patronus.

Card. Contarenus Laureti Patronus.

Card. Carpenfis Laureti Patronus.

Lauretano templo, adiectisque ædibus hodie monumenta
 exstant & multa, & illustria. Inter hæc gliscebat Turci-
 cum bellum, quod Solimanus Turcarum Imperator Tu-
 netano regno per Ariadenum Aenobarbum subactò, Ita-
 liæ moliebatur. Paulus ergo Pontifex Carolo Cæsare, ac
 Venetis in societatem adscitis, in Turcicum bellum om-
 nes intenderat curas viresque. Cæterum illa tempesta-
 te Lauretano templo vel in primis consultum voluit. Et
 quoniam exhausto in apparatus bellicum ærario, pecu-
 niæ inopia pijs eius consilijs obstabat; occasionem forte
 oblatam sibi è manibus elabi passus non est. Per idem
 tempus Recinetensium legati Romam ad Pontificem ve-
 nerant expositulantes; quod Lauretum, auita ipsorū pos-
 sessio, à Iulio Pontifice ereptum eis esset ingenti cum dā-
 no, maiore cum dedecore ciuitatis suæ. Quem enim exi-
 stimaturum à sacrorum Principe, Christique Vicario, sine
 graui aliqua causa, antiquissimam Laureti possessionem
 Recinerensibus inuitis ademptam? Quo autem suo meri-
 to, tam insignem optimæ meritæ ciuitati inustam infamię
 notam? An quia Lauretanæ Virginis sedem impense ab
 initio fouerit, donis coluerit, templo ornauerit, frequen-
 tauerit tectis, per CCL. prope modum annos iustè, san-
 ctèque rexerit? Quando à Recinetensium Magistratibus
 auarè, aut superbè esse imperatum? quando incolarum,
 peregrinorum templi tutelam neglectam? Iam quoties
 latronum vias, obsidentium audaciam repressam? quo-
 ties Aedem ipsam magnis armatorum præsiidiis ab hostiū
 incuria defensam? En cur Recinetenses libenter memo-
 rarent, Deipara Virgo natalem domum suam in Italiam
 transferens in nostra potissimum sylua sedem elegit: ter
 intra paucos menses locum mutans nostris finibus non
 excessit: tres in nostro agro locos suis vestigijs insignes fe-
 cit: nos illi satis spatii ad templum concessimus: nos tem-
 plum, nos vicum circa eam condidimus: nos incolis Ma-
 gistratus & iura dedimus. Multum vero ista eis profuisse,

ut cum

Recineten-
 sium legatio
 ad Paulum
 III. Pont.

vt eum locum optimo iure possidere viderentur : si quidē
 indieta causa , sint de antiquissima possessione deieci .
 Quod si æquum videatur , munus à Deo , Deiparaque Re-
 cinetensibus datum à Dei Vicario reddi ; profecto ipsos da-
 tuos operam , vt neque Pontificem , neque Lauretanos
 Recinetensis tutelæ ac regiminis pœniteret . Recineten-
 ses porro , vt vtrisque cautum foret , nullam conditionem ,
 quam æquissimus Pontifex imposeret , recusaturos . Ergo
 Paulus Legatis benignè auditis , medium quiddam secu-
 tus est , vt & Recinetensibus suum redderet , & tamen Ae-
 di Lauretanæ superiorum Pontificum beneficia conserua-
 ret . Igitur oppidum Lauretum (templo excepto , & salua
 Præsidis iurisdictione inter oppidanos peregrinosque) Re-
 cinetensi ciuitati restituit , his conditionibus , vt Laureta-
 nam domum aduersus Turcam valido præsidio tueri , mu-
 ros , ac munimenta sicubi opus foret , reficere : peregrinis
 vltro citroque commeantibus itinera à latronibus tuta
 præstare deberent . Ad hæc octo aureorum millia à Leo-
 ne X. in Laureti munitiones insumpta Pontificali Fisco ,
 vnde erant deprompta , remunerarent ad vsum Turcici
 belli . Ita Lauretum ad Recinetensium dirionem redijt se-
 culi huius anno xxxv. post annum circiter xxx , quam à
 Iulio II. sui iuris factum erat . Cæterum exinde Paulus
 bello perfunctus Lauretanam Aedem præsidij munitam
 prædijs locupletauit . Namque eius iussu ex Duumuiris

Lauretū Re-
 cinetensibus
 redditur.

Castri Ficardi vicina Laureto nemora cum adiacen-
 tibus vineis , pratis , oliuetis coempta sunt . In
 eam rem sex aureorum millia ex ærario

Pontificis erogata . Alia porrò præ-
 dia circa Musionem annem
 à Pontifice empta , &
 Lauretanæ Virgi-
 ni donata .

Contubernium puerorum instituitur, qui Lauretanae Virgini laudes canant.

Cap. III.

NEc fortunis tantum Lauretana Aedes, sed etiam ministris per id tempus aucta. Pontifex satis gnarus integræ pueritiæ preces Deo Deiparæque acceptissimas esse, Collegium duodecim alumnorum instituit. Ibi lectissimos ex omni Picenò pueros ingenuos impuberes institui iussit, ad laudes B. Virgini decantandas, In his porro legendis, corporum animorumque integritatem spectari, in instituendis optimorum magistrorum rationem haberi voluit. Præcipua erat cura, ut non minus castitate morum, quam suauitate vocum sanctissimam Virginem delinirent. Ergo hi ex præscripto Pontificis in opportuno loco (Canonicam vocabant) intentiore cura educati, institutique B. Mariæ carmina in eius sacello, statis quotidie cænebant horis, pacem ac veniam à Deo Deiparæque orantes, & opem Italiæ contra Turcarum rabiem exposcentes. Nec puerilis pietas Pontificis spem, nec B. Virgo pueriles preces fefellit. Et si enim fœderatorum Principum classem Ducum discordia inutilem fecit; tamen Deipara Virgo & otium Italiæ peperit, & Turcarum audaciam fregit. Quippe haud ita multo post compositis inter Cæsarem, Galliæque regem controuersijs, ex tristi bello læta repente Italiæ pax reddita. Maxima instructissimaque Turcarum classis Ariadeni Aenobarbi ductu exitium Italiæ ferens, ipso mense Augusto Acroceraunijs illisa scopulis in conspectu propemodum Aedis Lauretanæ fecit naufragium. Quo naufragio satis constat maximam classis partem amissam: viginti barbarorum millia hausta fluctibus: totumque ferme Adriaticum sinum hostium cadaueribus, armis, tabulis, armamentis alijsque naufragij

gii indicijs stratum. Quorum arma ad Lauretum fluitantia cognita in littore, prius fere quam nunciari posset, insignem fecerunt hostium cladem: Ibi enim vero exultare Lauretani, aduenæque: auditas profecto à Deo Deique parente preces puerorum piorumque. aperuisse aliquando oculos ultorem Turcicæ superbiæ Deum: alius alium hortatione firmare, talem vt Præsidentem præcipuo colerent honore, cuius præsidio totam illam Italiæ oram cernerent. præsentī Turcarum formidine liberatam.

*Nosocomium, & Xenodochium excipiendis peregrinis
aperiuntur. sacra Aedes adificijs ornatur.*

Cap. . I V.

AT Pontifex tali nuncio admodum lætus, ne benignior in indigenas, quam in peregrinos foret; Nosocomium Laureti eadem fere tempestate absolutum aperuit, ægris aduenis præcipue curandis. Alius porro locus scabiosis, leprosisque extra moenia, ne quid cæteros eorum contagio læderet, assignatus. Ab ægris inde ad sanos cura conuersa, Xenodochium pauperibus peregrinis excipiendis institutum, vbi benigne alebantur per tri-duum: & discedentes pane, vino, calceis, pecunia iuabantur. Hæc hospitalitatis, & Christianæ charitatis fama, mirum quantum vel aduenis religionis, vel Lauretano templo opum adiecerit; cunctis ferme exteris gentibus expertam in suis peregrinis Lauretanam benignitatem remunerantibus. Adeo vera in pauperes liberalitas auget magis opes, quam minuit. Deus quippe benignitatis fontem, ne exhauriatur, bonis identidem auget; ac benignis largitoribus benigne suppeditat, quod deinceps e-gentibus largiantur. Nec verodum exardescunt hæc Christianæ caritatis officia, Lauretana opéra à Clemente inchoata interim refrigere. Nihilominus Pauli iussu sylux
noxia

Nosocomium
& Xenodochium.

Hospitalitas
Lauretana.

noxia cædebantur: nebulosa siccabantur lacunæ: colles Lauretanæ sedi officientes ad solum diruebantur. Surgebant eodem tempore ædes Pontificiæ: exstruebatur porticus: templi tholus plumbeis integebatur laminis. magnifica illa sacrosanctæ Domus cælata crusta (quæ haud procul fastigio aberat) præcipuè vrgebatur. Iam peruetustum, ac fumosum lacunar tectumque architectus ex Pontificis autoritate deiecerat. Et quia concamerandi sacelli ratio exigebat, summos etiam parietes semicirculis, & pictis fictilibus insignes pariter cum tintinnabuli, camini que culminibus, demolitus erat. Igitur solidus fornix nouis magis, quam veteribus parietibus incumbens, imponitur: nitidus tum quidem, & concinnus erat; sed hodie propter copiam luminum horridus fumosusque. Porro ne ea, quæ ex augustissima Virginis cælla necessitas detraxerat, hominum incuria perderet, sacras trabes, asferes, tegulas, tabulasque, & quæcunque ad tectum sanctissimæ Aedis pertinebant, sub eiusdem pauimento defodi placuit. Itaque hæc cum fide inibi sunt defossa: ut loco mota, quam minimum locum mutarent.

Reliquiæ sacelli Lauretani miraculis fulgent, & Aedis Lauretanæ religionem propagant.

Cap. V.

CAeterum fictilia, & quædam laqueati tecti tabulæ, pro sacris reliquijs, ut erant, asseruata, partim miraculorum materiam præbuerunt, partim etiam Aedis Lauretanæ religionem longe, ac late propagarunt. Verus opinio erat, vasa illa fictilia in armario B. Virginis ab Apostolis olim reperta, atque idcirco cum Natalis eius domus consecraretur, ab iisdem in summis sacelli parietibus collocari iussa non ornandæ magis ædis gratia, quam illorû religionis tuendæ. Adiuuabant hanc opinionem quædam
non

non leues coniecturæ, quæ multis fidem facere videbantur, fictilia illa in suppellectili Deiparæ fuisse. Namque ea vascula (quod ex ijs ipsis, quæ hodie exstant coniectari licet) haud sane à vilioribus, vulgatisque vsu abhorrent: & magnitudine sunt inter se longe imparia, cum tamen cultus ædis, & semicircularum ratio paria vtique postuleret: vt appareat non tam illa ad sacelli ornatum esse quæsitæ, quam ad ipsa ornatum sacelli accommodatum. Verum siue illæ patinæ è B. Mariæ suppellectili, siue ex medio sumptæ ad cellæ ornatum, haud immerito cum ipsa Virginis cella dedicatę religionem habuerunt. Plerasque tamen earum intercuisse reperio, ad propagandam Lauretanæ Virginis religionem, vt reor interuersas. Nonnullæ in Lauretani Templi pariete ad ianuam, quæ est ab latere, insertę hodieque visuntur. Paucae asseruantur haud quam miraculorum expertes. Compertum habeo Laureti sacerdotem mihi notum grauiter ex capite laborantem, sacra capedine capiti admota, subito conualuisse. Alterum item sacerdotem graui febri afflictatum, hausta indidem frigida, ex templo morbum depulisse. Porro sacrarum tabularum reliquię religionem Lauretanæ Domus toto propemodum orbe protulerunt. Quippe vt semel dispersi sunt cœptæ, alijs ab alijs diuisæ ad omnes propemodū nationes peruenere: ac pro sacris reliquijs, vt par erat habitæ, mirandum in modum Lauretanæ Virginis auxere cultum, cuius religione imbutas quodammodo illas esse constaret. Ac verisimile est per hanc occasionem plurimis locis Lauretanæ Virginis ædes excitatas, siue tanti præsidij ad populos monumenta, siue solatia eorum, quos aduersa valetudo, aut occupationes, aliaue impedimenta Lauretum ire prohiberent. Satis constat per id maxime tempus, non in Piceno solum & Italia, sed etiam in transalpinis, disiunctissimisque regionibus esse sacella Lauretanæ Virgini exstructa. Quorum conditoribus quid optatius esse potuit ad illarum ædium religionem, quam

Q aliquid

aliquid ex Lauretana Domo reliquiarum habere? quid consultius, quam cum sacros inde lapides auferri religio vetaret, tecti particulam, quam custodum liberalitas haud ægre largiretur, impetrare? Certe per ea ferme tempora plurimas vbique terrarum Deiparæ Lauretanæ sacras ædes dicatas reperio: quod sane haud in minimis Lauretanæ Virginis laudibus pono, tam gratam iucundamque fuisse apud aduenas eius memoriam, vt perpetuum eiusdē monumentum, ac simulacrum domi habere voluerint. Atque vt de Piceno taceam, cuius nulla vrbs, nullum ferme oppidum est, vbi non ædes aliqua exstet sacra Virgini Lauretanæ. Nobilissimæ quæque Italiæ vrbes eidem non vulgaria templa consecrarunt. Romæ quidem templum visitur B. Mariæ Lauretanæ sane magnificum, & Romana munificentia dignum; cuius formam: fama est à Michaele Archangelo Bonaroto Architecto nobilissimo esse descriptā. Neapoli quoque haud inconcinna ædes Lauretanæ Virginis visitur, & quidem orphanotrophio insignis. Iam in duabus nobilissimis Siciliæ vrbibus, Panormi inquam, & Messanæ, exploratum habeo sanctissimam esse memoriam Virginis Lauretanæ, eiusque nomini ædem à Panormitanis intra urbem, à Mamertinis in suburbio dedicatam. Nec vero Italiæ finibus se tenuit hæc Lauretanæ Domus religio, sed strenue transgressa est Alpes. F. Vincentius quidam sacerdos ex Franciscana disciplina probus, ac pius fuit. Is Laureto regressus in Franciam, in suburbio Lauelis (quod oppidum est Diœcesi Cenomanum) ædiculam exstruxit ad exemplum sacelli Lauretani, camque Lauretanæ Virginis nomine appellauit. Hæc hodie quoque, vel ab accolis, vel à peregrinis impense colitur. Et Lusitania quamuis celeberrimis, ac religiosissimis Deiparæ Virginis ædibus prædita, Lauretanæ quoque ædis religionem secuta est. Itaque haud procul Conimbrica in suburbano, amænissimo loco templum Lauretanæ dicauit Virgini, quod quidem maxima etiam finitimarum po-

pulorum frequentia celebratur. Brigantiæ item alterum, tertium Olyssipone lóge angustissimùm, quod etsi ab Italis conditum, excultumque magnifice; tamen etiam ab indigenis religiose frequentatur. Ad hæc optimis authoribus comperi, in Scotia duo B. Mariæ Lauretanæ facella exstructa olim fuisse, alterum in oppido Pertho, quod etiam S. Ioannis nomine appellatur, alterum propter viā qua itur Mussilburgum haud procul Edimburgo vrbe regia Scotiæ. Vtrobique porro Lauretanam Virginem religiosissime cultam: in Mussilburgensi autem suburbano etiam maximis peregrinorum concursibus, ac B. Mariæ miraculis celeberrimam extitisse, quandiu orthodoxa religio in Scotia steterit. Postea vero quam in illo religiosissimo quondam Regno Calviniana pestis furere, debaccharique coeperit, sacram illam ædem ab illis furijs ita dirutam, vt tamen ruinæ exstarent, vel illorum vœcordiæ, vel auitæ Scotorum religionis indicia. Ac Mussilburgensis quidem sacelli hanc originem accepimus. Scorum heremitam olim peregrini habitu Lauretum ad salutandam Virginem accessisse: inde reducem sacri testi particulam secum in patriam tulisse: ibi corrogata à pijs hominibus pecunia, ad Mussilburgum Lauretanæ Domus excitasse si mulacrum, eique B. Mariæ Lauretanæ nomen fecisse: id templum, & sacrarum reliquiarum, quas diximus inibi depositarum cultu, & Lauretanæ Virginis (cuius celebre erat illis quoque gentibus nomen) religione inclytum, extitisse, quoad vt ante diximus, vœfana Hæreticorum rabies fuerit.

Aedes La.
in Scotia.

Cælati operis , quo sacrosancta Ædes vndique vestitur , descriptio .

Cap. VI.

Eodem tempore Lauretanæ Domus cultus, & propagatus foris, & amplificatus domi. Paulus Pont. celeberrimum illud Pontificalis magnificentiæ monumentum ab Iulio destinatum, inchoatum à Leone, effectum à Clemente, ipse non quidem omni ex parte perfectum (de erant quippe statuarum pleræque, & æneæ valvæ omnes) sed tamen eo perductum, vt absolutum videri posset, aperuit anno huius seculi XXXVIII. opus enimvero egregiū ac mirabile, cui noua hæc operum magnificentia quicquā adhuc in pari mole adæquare non potuit. Satis constat ex rationum libris, in id opus XXII. aureorum millia insumpta, exceptis viginti statuis egregie factis, & valuis æneis quatuor pulcherrime cælatis, quæ pene tantidem steterē. Quadratum est ornamentum sacram vndique Virginis cellam amplectens: totum ferme e candido marmore solido, ac mira arte cælato. Patet in longitudinem pedes ferme quinquaginta, in latitudinem circiter triginta: altitudo latitudini ferme par. Vniuersum opus ē Carrariensi marmore candoris eximij constat, striatis opere Corinthio distinctum columnis, quarum senæ longiora latera adornant, quaternæ breuiora. Imam partem fascia pedalis e marmore Luculleo cingit, stereobatæ locum obtinens. Surgunt inde stylobatæ coronati, qui apte spatia distinguunt. In spatijs stylobatisque, vel gentilia, adscitave Leonis Pontificis insignia, vel virtutum argumenta cælata visuntur, sigillis, qua pedalibus, qua cubitalibus mire scite, venusteque factis. Supra stylobatas columnæ dispositæ binæ ad singulos angulos: in longioribus autem lateribus etiam binæ

binæ in medio, binis videlicet ianuis æquo spatio interie-
ctæ. In ipsis porro intercolumnijs bini item signorum suis
loculamenti inclusorum ordines deinde adiecti: vnus in
ferne ad bases, sacrorum Vatum: alter superne ad epistylia
Sibyllarum Christi, aut Deiparæ Virginis ortum vaticin-
antium. Ipsa loculamenta porphyreticis tabulis incru-
stata, opere magnifico. In maioribus spatijs inter colum-
narum scapos, tabulæ ingentes è candido marmore solido
integroque vbi nobilium B. Mariæ factorum argumenta,
simulacris naturalis fere staturæ eminentibus, pulcherri-
me cælata miraculo sunt. Epistylia porro columnarum
egregie facta opere Corinthio multiplex corona cingit,
cui subiecta spatia binæ aquilæ tenentes mordicus encar-
pos restesque pomorum, ac fructuum egregie cælata, inter-
iectis leonum rostris, adornant. In summo denique pul-
cherrimus columellarum ordo coronatus, angelorumque
eminentium figuris concinne venusteque distinctus, qui
vniuersum opus circumiens pro coronide est: ambulationem-
que vndique peruiam præbet, ad suspendenda voti-
ua vexilla, quæ subinde B. Virgini afferri solent. Pluri-
bus describere pretium operæ nō duco, cū spectare liceat.
Opus omnino visendum, cuius eximiam pulchritudinem
nemo concipere animo potest, qui non oculis ante subie-
cerit. Ergo vt apertum sacrosanctæ cellæ ornamentum
longe pulcherrimum fama vulgavit, confestim maximi
Lauretum fieri accolarum, peregrinorumque conuersus.
Quippe artifices de industria illius ædificij fabricam, ,
quoad perfectum esset opus, velis obductis quam maxi-
me occultauerant, vt magnificentius deinde spectaretur,
cum absoluti operis pulchritudo recens, atque integra ad
mortalium oculos perueniret. Itaque insatiabili illa spe-
cie, & ad rationem, solertissimæ præstantissima, cun-
cti auide oculos, animosque pascebant suos.

Templi tholus rimas agens firmatur.

Cap. VII.

L Aetos tali spectaculo indigenas, aduenasque ingens repente incessit metus subito amittendi, quod summa cum admiratione, ac voluptate spectabant, & (quod caput est) etiam illud ipsum, cuius id erat ornamentum. Basilicæ testudo (cui subiectam in medio spatio sacram Virginis cellam diximus) stabat octo lateritijs innixa pilis. Attamen siue superstructorum parietum altitudine, siue nimio impositi plumbi pondere degrauante, succumbere oneri, & rimas agere repente coepit, nouo cellæ ornameto, cellæque ipsi cui imminerebat, foedam ruinam minitans. Tam trepido nuncio excitus Pontifex extemplo Antonium Sangallum architectum suum maturare Lauretum iubet, & summa ope tanto illi incommodo obuiam ire: ne tot annorum, tot Pontificum labor momento temporis ad nihilum recideret: & duo præcipua orbis terræ, alterum diuinæ potestatis, alterum humanæ artis miracula, subita templi ruina opprimeret. His plenus vocibus Sangallus Lauretum aduolat, & re cum Nerucio architecto communicata, confestim de communi sententia pilas tanto oneri impares intentiore cura munire, ac firmare aggreditur. Igitur validis trabibus testudinem protinus fulcit: & circum effossis strenue fundamentis, pilas impigre conuestit quadrato lapide, firmatque quatuor inter alternas pilas arcubus minoribus exstructis, qui super imposito oneri ferendo forent. Ac ne quid munimenti non necessarij tantum, sed etiam opportuni prætermitteretur, pilæ quoque ac parietes inter se ingentibus vectitibus ferreis colligati, sed ita, ut vestes ipsi aut nusquam, aut non indecore appareant: cætera quoque ita perfecta,

At, ut non magis firmitas, quam species quæsitâ videatur. Et ad celeritatem operis haud parum fabrorum, architectorumque solertiam iuuit sedulitas aduenarû. Quippe ingens eorum multitudo auertendi periculi, quod Lauretanæ Domui imminere credebant, certatim conuectare lapides, ferre onera, machinis operam dare, læti se operam suam nauare Virgini Lauretanæ, sanctissimæ orbis terrarum cellæ, perfugio omnium gentium, nationumque. ita tota res omnium opinione celerius perfecta, & imminens sanctæ Domui periculum non magis con filio, quam celeritate discussum.

Novis Lauretana Ædes donis augetur.

Cap. V I I I.

PER id tempus magna à nòbilibus viris, ac feminis donorum vis fuit. A Francisco Sfortia Mediolanensi Duce postremo, sacerdotis ac ministrorum solemnî carîmonia sacris operantium amictus egregij ex veste Attalica, magnificis operibus picta, Lauretanæ Virgini dono missa. A Sigismundo Estensi Ferrariæ Duce Herculis filij effigies argentea pondo fere quatuor: sua quoque effigies ex argento librarum nouem. A Bassano Mantuano suum simulacrum ex argento expressum, pondo amplius octo. Ab Honorio Sabello corona argentea ferme trilibris. Ab Octauio Farnesio crux aurea ex aureo torque pendula. A Bonifacio Cactano Duce Sermonetæ argentea effigies Lauretanæ Virginis, atque altera filij sui pondere non contemnendo. Ab Hercule Maria Sfortia duæ ex argento expressæ imagines, singulæ octo librarum. A Bernardino Sanquinio Neapolitano simulacra bina ex argento cælata, pondo ferme quatuor. A Leonardo Bonafide Episcopo Cortonensi ipsius imago argentea quatuor libra-

Cod. Lau.

Ducis Mediol. D.

Ferrariensis Ducis D.

Bassani Mantuan. D.

Honorij Sabelli D.

Octauij Farnesij D.

Ducis Sermonetæ D.

Her. Mariæ Sfortiæ D.

Bernardini Saquinij D.

Cortonensis Episc. D.

imagines argenteæ (quarum plurimæ singularum , multæ binarum , ternarumque librarum) supra sexaginta . Calices argentei haud multo pauciores . Quin etiam altariū , sacerdotumque sacrificantium vestes complures , non sericæ tantum , sed argenteæ , aureæque . Mira quippe elucet in donantium plerisque simplicitas . Donorum plurima (vt ex codicibus donorum apparet) clam super aram posita sunt : aut tacitis donantium nominibus tradita . Multa suppressis ipsorum cognominibus , & pro ijs , patriæ cuiusque nominibus editis . quæ simplicitas etiam in plurimis donorum titulis cernitur ; vt satis appareat noluisse illos (quod Christus vetat) ante se tuba canere ; vt præconium ac præmium pietatis suæ non ab hominibus acciperent , sed à Deo , qui videt in abscondito , expectarent .

Votiuæ imagines LX.

Calices argentei LX.

Donantiū simplicitas.

*Turma equitum Præfectus abreptus impetu fluminis
evidenti periculo eripitur .*

Cap. V IIII.

ESt in agro Reatino (Italiæ umbilicum vocant) lacus haud ignobilis , quem Velinus amnis efficit , à quo nomen trahit . Hinc Velinus emersus aliquanto spatio lenis , ac placidus fluit . inde ex altissima rupe per scopulos & saxa præcipitans in subiectā petram ingenti fragore , ac strepitu aquarum cadit . vulgo Pediluci ruinas appellant . Haud procul rupe , quam dixi , turma equitum Petri Aloisij Farnesij (is tum Castri Dux erat) forte ducebatur . Turmæ Præfectus (Marefcallum appellant) Petrus Terennaticus Senensis erat . Hunc cupido incessit spectandi propius amnem ex alto cadentem . Igitur duobus equitibus assumptis , ad locum , vnde Velinus præcipitat , visendi studio diuertit . Iamque potaturus equus flumen intrarat , cum procedens paulatim in profundum gurgitem

Tradit. Law.
Bern. Cyrl.
Riera in An-
nal. Laur.

R pro-

prouexit incautum . Nec mora . sensit se à profluente ab-
 ripi in præcipitem locum , quem spectaturus aduenerat .
 Iamque aquarum impetu ex equo deturbatus haud procul
 aberat interitu ; cum Lauretanam Virginem lacrymabun-
 dus implorat . Nec surdis auribus preces adhibitæ . Ex-
 templo in ipsa fluminis ruina B. Virgo adest periclitanti ;
 porrectaque dextra præcipitem inter vndas , ac scopulos
 sustinet , tueturque donec ad ima perueniat . mira dictu
 res . ex altissima rupe deuolutum scopulus excepit , red-
 diditque innoxium . Igitur confestim Lauretum ad vota
 Deiparæ exsoluenda venit : votiûamque tabellam , in qua
 tota res ordine perscripta est , tanti miraculi testem exsta-
 re voluit : quæ hodie ad dextram sacrosancti sacelli in pi-
 la suspensa visitur . In tabella inscriptum . *Ego Petrus Te-
 rennaticus eques, & Marescallus equitatus Ducis Castrorum, &
 ceteri equites ex Piceno ad Vicum Varronis proficiscentes , cum
 Nonis Martij. M. D. XLIII. ad Velinum lacum perue-
 nissemus ; ego , & duo alij milites , Tiberius ex Grauiscis , &
 Antonius Cortonensis à ceteris equitibus discessimus , vt illum
 viseremus locum , quo se Velinus in Nar præcipitat . Ac non
 procul inde , cum equum adaquarem , ego vna cum equo in quas-
 dam fluminis angustias incidi , ex quibus præcipitem altissimo
 casu , circiter videlicet centum cubitos altum , & Deipara
 Virginis Lauretana opem implorantem quidam me scopulus
 excepit incolumem , & rei miraculo admirabundum , atque at-
 tonitum . Quapropter illico votum persolui Beatissima Virgini ,
 quam tum præsentem , propitiâque sum expertus , testibus ocu-
 latis duobus Centurionibus Chiancio Vrbeuetano , & Raimundo
 cum vniuersa equitum ala . Hanc nos inscriptionem ad ver-
 bum inseruimus , vt quam testatum certumque sit hoc mi-
 raculum , magis appareat .*

*Paulus Tertius Lauretanam Aedem bis inuifit ,
Pontificiarum ædium opus urget .
Cap. X.*

INter hæc Paulus Pöt. Aedis Lauretanæ celebritatē præclaris ab se operibus adornatam sua præsentia cohonestauit, ratus ab se Principibus viris prodendum exemplum non solum ornandi cunabula Virginis, sed etiam celebrandi. Itaque intra triennium ipse bis Lauretanam Virginē inuifit: semel anno eius seculi XLI, cum dissuasor Algerianæ expeditionis ab vrbe Luca, & à congressu Cæsaris per Aemiliam ac Flaminiam ad Urbem rediret: iterum triennio ferme post, cum Cæsari post Algerianum incōmodum, ad Belgicum bellum properanti occurreret Bononiam. Tumenim Pontifex maturata, vt in tempore occurreret, profectioe, Pontificiam ditionem obiens venit Lauretum. Vtroque autem tempore, & immortalem hausit ex Lauretana Aede lætitiā, & præclara B. Virgini dona attulit. Pontificales altarium & sacerdotales vestes aureas, argumenta religionis, ac munificentia suæ. Cæterum haud mediocre suæ magnificentia fructum cepit, cum ex cæterorum operum suorum aspectu, tum vero ex magnificentissimi operis, quo sanctissimum sacellum extrinsecus conuestitur, insatiabili specie. Exinde obstantis Fauonio collis æquandi difficultatem cōtemplatus, ratusque id esse non sumptus tantum, sed etiam laboris infiniti, commodi autem labori minime paris; dixisse fertur, parcendum esse inani labori: insistendumque vtilioribus, verioribusque sedis Lauretanæ commodis, quæ expectationi hominum responderent. Proinde ab æquando colle ad exstruendas Pontificias ædes Principum viro- rum hospitio destinatas, curam operamque conuertit. Ergo breui maxima eius ædificij pars absoluta, expolita,

*Ann. Laur.
Raph. Rier.*

*Pauli III.
Dona.*

instructaque adeo magnifice, vt in ea etiam Reges, ac Pontifices Maximi laute diuersari queant. Ex tribus ædiū partibus vna tum perfecta est, quæ ad dextram templi sita ab ortu solis in occasum porrigitur. Eius longitudo cētum cubitorum, latitudo viginti quatuor spatium æquat: ad XXV. cubitos summum fastigium peruenit, præter ingentes substructiones æquando ædificio à Septentrione additas. Huic parti adiecta duplex porticus sane regia, quæ arcubus quindecim totidemque fere ingentibus pilis interiectis longissime exspatiantur superne, inferneque. opus iuxta ad aspectum, & ad vsum insigne, atque præclarum.

Ædes Lauretana sacellis pariter, & cælestibus prodigijs decoratur.

Cap. XI.

Cæt. Carp.
facellum.

Nondum hæc Lauretani ædificij pars à Pontifice absoluta erat, cum Basilicæ sacella exornari à Principibus viris cœpta sunt. Huius rei princeps Rodolphus Pius Cardinalis Carpenfis fuit, qui, vt ante diximus, in Lauretanæ Domus tutela Cardinali Contareno successerat. Is igitur vere pius Sacellum asseruando, ministrandoque sanctissimo Christi corpori destinatum egregijs picturis opere marmorato, inauratoque adornauit. Huius exemplum alios deinceps Proceres ad æmulandam pietatis decus accendit. Bisiniani Princeps S. Annæ, Archiepiscopus Altouitus B. Virginis Elisabetam visentis, Cardinalis Tridentinus Rosarij, Card. Augustanus S. Ioannis Baptistæ sacella exornarunt, laudatissimorum quæ pictorum, quæ platarum operibus. Eminent tamen longe inter hos Vrbinatium Ducis magnificentia, qui sacellum suum non solum candido marmore mira arte cælato decorauit; sed pulcherrimis picturis Barocij, & Zuchari nobilissimorum

Bisinia. Pri.
facellum. -
Archiep. Al
touiti sacel.
Card. Trid.
facellum. -
Card. Aug.
facellum. -
Ducis Vrb.
facellum. -
facellum. -

picto-

pietorum manu. Dum templum certatim à mortalibus ornatur, immortalium ornamentis omnino non caruit. Sub id tempus reperio vetus Lauretanæ flammæ prodigium nouo modo instauratum. Ignea per noctem velut columna visa ingenti splendore collucens Lauretano incubare templo: inde Macereturum versus (oppidum est Piceni nobile in primis à Laureto millia passuum quatuordecim) paulatim progredi: demum super templum S. Mariæ cognomento Virginum in suburbano Maceretenſi conſidere. Id prodigium à Franciscanis Capucinis suburbani cœnobij intentius, sæpiusque obseruatū, cum à matutinis diuinarum laudum officijs ante lucem de more ad orandum Deum recepissent se in proximam syluam. Ab iisdem deinde vulgatum ratis B. Mariam cœlestis flammæ specie lapsam è cœlo in suam natalem domum: deinde ad alteram suo nomini dicatam ædem processisse, vt eo argumento fidem faceret mortalibus, illam quoque ædem sibi esse cordi. Et insolita miraculorum in illa æde subinde patratum copia haud dubiam cœlesti prodigio addidit fidē. Hoc prodigium illum ipsum annum nobilitauit, qui Pauli Tertij Pontificis decessu insignis fuit. Is quippe indicta in annum quinquagesimum Iubilei celebritate, ipse mortalitate exutus ad vitam transijt immortalē, Iubilei curā, ac laude successorī relicta.

Julius Tertius Collegium Societatis Iesu Laureti instituit. Cap. XII.

Iulius inde Tertius superiorum Pontificum ritu, Lauretanæ Domus Indulgētias, immunitates, beneficia, sua firmavit auctoritate. Ac memor diuinæ illius vocis *Domine tuā decet sanctitudo Domine*. Cleri, populi que Lauretani mores legibus per Cardinalem Carpensē latis composuit ad sanctitatem. Exinde ab incolarum disciplina ad ornatum

*Ann. Laur.
Rier.*

*Ann. Laur.
Rier.*

*Iul. III. Pō.
Benef.*

ernatum loci cura Pontificis versa: sacra ab eo supellex satis aucta: marmorei gradus in templi vestibulo excitati: atrium ad loci munditiam laterculo stratum: nonnullæ etiam priuatæ ædes, vel ad plateæ speciem, vel ad incolarum commoditatem è regione porticus, de qua diximus, exstructæ. Ad vltimum summa, tectoque proxima, Pontificiæ domus contignatio, rudis antea ac deserta, ad habitandum satis exulta, eaque Societati Iesu, attributa. Pontifex quippe probegnarus prauorum morum emendationem ex bene instituta confessione, fructum piæ peregrinationis esse vel maximum; Lauretano templo cunctarum gentium peregrinationibus celeberrimo idoneos prouidere Pœnitentiarios statuit. Etsi enim non deerant sacerdotes pij doctique tamen eorû siue paucitas, siue peregrinarû inscitia linguarû minus vtique proficiebat, quam opus erat. Itaque Pontifex omnia circumspectans demû Cardinalis Carpêsis admonitu, optimû factû existimauit, Patres Societatis Iesu Lauretanis sacerdotibus adiungere: vt essent qui linguæ cômércio peregrinos allicerêt ad expiationem animorum, & simul aduenarum confessionibus assiduam, sedulamque operam darent. Duodecim socij ad eam rem lecti. His alendis quod satis esset ex Lauretanæ Domus facultatibus assignatum: sedes in suprema ædium parte, quæ tum vacabat, vt diximus, attributa anno huius seculi LIIII. Hęc initia Collegij Lauretani Societatis IESV parua quidem, sed haud paruo incolarum, & peregrinorum bono. Præcipua Patrum cura erat, peregrinorû, ac transalpinorum animos confessione expiare: agrestes homines Christianorum mysteriorum rudes informare: omnes ad piæ, Christianæque vitæ studium accendere. Quam porro eorum opera, vel indigenis, vel aduenis frugifera ac salubris extiterit, satius est alijs cogitandum relinquere, quam me litteris prodere. Caterum hoc Patrum Collegium non mortalibus solû, sed etiâ B. Mariæ cordi fuisse incrementum eius, maiorque in dies progressus ostendit.

Cœlestia flammæ prodigia Laureti renouata.
Cap. XIII.

HAud ita multo post cœlestia prodigia longe maiorem solito mortaliū multitudinem conciuere Lauretum, & expiandam Patribus, excolendamque præbuerunt. Non dum vertente anno, nocturni ignes tanquam stellæ, visi erumpere è Lauretanæ Basilicæ tholo; ac versus Montem Filatranum (pagus est Laureto proximus) sensim velut agmine quodam procedere. Ibi supra vetustam B. Mariæ ædiculam, quasi choreas in orbem agitare aliquandiu, denique ad Lauretanam Aedem vnde discesserant, recipere se. Id primo à pastoribus eius pagi accolis, inde horum indicio etiam ab incolis notatum populoque vniuerso, tanta quidem omnium admiratione, vt stupor quidam cunctorum animos occuparet. Nec breue, aut fugax spectaculum erat, sed diuturnum, ac prope ipsi æquale nocti. A secunda enim ferme noctis hora, vsque ad primam auroram tenebat. Itaque complures rei propius visendæ auidi ad eum accurrebant locum, qui cœlestibus ignibus collucere videbatur. At vbi eo ventum erat, repente mirabilis illa species eminens conspecta subducebatur oculis cominus intuentium, cum tamen eodem ipso tempore prospectantibus appareret. Quæ cœlestium luminum fama celeriter, vt fit, toto Piceno vulgata, ad tam iucundum spectaculum finitimos exciuit populos. Per noctantes igitur sub dio opportunis ad spectandum locis, cœlestes flammæ ex Aede Lauretana emicare, supraque ipsorum capita ferri videbant, haud minore admiratione, quam gaudio. Nec vana illa fuisse spectacula, mox miraculorum ostendit euentus. Constans fama est, mortaliū complures ædiculam illam ingressos, Dei Deiparæque Virginis dono, varijs depulsis morbis, domos suas reuer-

Trad. Laur.
Ann. Laur.
Riet.

reuertisse incolumes: Ex quo numero claudos, surdos, herniosos, & energumenos fuisse. Sentires illas Lauretanorum luminum in alia B. Mariæ templa excursions hoc significare mortalibus, Lauretanam Aedem longe, & fastigio, & dignatione inter alias eminere: quod in illis B. Maria diuersari, hic quodammodo habitare videretur.

Flamma caelestes in ipso etiam templo Lauretano visæ.

Cep. X I I I I.

*Tradit Lan.
Ann. Laur.
Riera.*

NEc foris modo, sed etiam intra ipsum templum caelestes flammæ quandoque visæ. Anno insequenti, qui fuit M. D. LV. cum vnus è Patribus Societatis Iesu in Lauretana Aede concionem de more haberet ad populum, luce palam, plurimis inspectantibus, ignes, quidam haud obscuri coelo delapsi sacrosanctum sacellum insedere: mox inde diffusi circumire concionem: denique cunctis rei miraculo stupentibus, recipere se se in coelum. Ea res, vix credibile est, quantum intuentium animis mistæ gaudio religionis incusserit. Aderat forte in turba, Raphael Riera Sacerdos è Societate Iesu doctus iuxta, ac pius, qui hoc ipsum, & alia deinceps plurima ad Lauretanam historiam pertinentia memoriæ prodidit. Is tum rei miraculo, ac nouitate attonitus, repente humi procubuit venerabundus. Cumque Deo, ac Deiparæ gratès ageret, à quibus tali dignatus esset spectaculo; tantâ coelestis gaudij copiam in præsentia hausisse se tradit, vt complures deinceps durauerit dies, pectore Dei caritate, & B. Mariæ religione semel accenso. Neque vero id vni sibi contigisse ait, sed alijs compluribus, qui à concione idem sibi quoque accidisse, & sermonibus, & gestibus, & scilicet lacrymis testarètur. adeo insolita lætitia sacro horrore mista ex vultu, oculis, gestibus corporis eminebat. Haud va-

nam

nam fuisse speciem iteratio miraculi fidem facit. Biennio post vnus item è Patribus sermonem de more ad Canonicos, & circumfusam multitudinem habebat: plerique Patrum confessiones excipiebant aduenarum: nonnulli in augustissima Virginis cella Deo supplicabant; cum repente è summo tholo coelestis flamma, cometæ instar, emicare visa dicitur; atque inde supra sacellum lapsa, parumper ibi stetisse: hinc ad concionem progressa, cunctis miraculo ac stupore torpentibus gratum præbuisse spectaculum: Demum flexo in diuersum cursu, ad destinatum confessionibus locum (Poenitentiariam appellant) supra sacerdotum, confitentiumque capita discurrisse: ad vltimum supra Christi crucifixi imaginem, quæ in sanctissimo sacello religiosè colitur, paulisper morata sublimis abiisse, omnium qui oculis coelestem illam flammam hauserant, pectoribus inflammatis.

Duo Capucini fluctibus maris eximuntur.

Cap. X V.

NEc alia per id tempus defuere miracula, ex quibus nos (quod nostrum institutum fert) maxime illustria referemus. Anno citciter M. D. LIII. Franciscani Capucini duo, Lauretana Virgine salutata, ex Ancona soluerant in Dalmatiam traiecturi. In medio cursu atrox coorta tempestas præfens omnibus intentabat exitium. Igitur Nauarchus ad leuandam onere nauim versus iacturam vasorum, ac mercium facere. Franciscani in nauis angulo diuinam iram precibus placare coeperunt. At institores, siue damni dolore amentes, seu diabolicis instincti furijs, in Franciscanos illos periculi, vt videbantur, securos rabiem vertunt. Enimuero illorum vitio procellam exortam, eorundem exitio sedandam. Hæc vociferantes cooriuntur; in insontes impetum faciunt; comprehensos

*Trad. Lau.
Ann. Laur.
Rier.*

in mare deturbant. At illi Lauretanam Virginem, quam ingruente periculo inuocauerant, inter fluctus inclamare pergebant. mira dictu, visuque res. Extemplo diuina quadam vi eos subleuatos cerneret toto exstare pectore: supinisque manibus Dei Deiparæque laudes certatim canentes in ipso exasperati maris impetu placide ferri. Itaque breui ducente, ac vehente Deo, Anconæ portum pariter tenuerunt. E vestigio in madidis vestibibus, vt erant, Lauretum ad agendas B. Mariæ grates regressi prosterunt corpora ante eius effigiem: obortisque lacrymis enixe Deo ac Deiparæ grates agunt. Ex Lauretanorum custodum numero Bernardinus Galiardus erat, vir haud vana fide, idemque antiquus Capucinorum hospes: apud quem illi, & priusquam Anconam peterent, & inde Lauretum reuerfi diuerterant. Hic igitur Franciscanos, quos dixi, salo perfusos hospitio recepit: & illi causam sciscitanti hospiti tandem rem omnem, vt gesta erat, exposuerunt hac lege, vt ipsorum nomina silentio premerentur. Galiardus itaque suppressis illorum nominibus, rem deinceps aliis, vti ipse acceperat, enarrauit.

Adolescens ex fluminis vorticibus eripitur.

Cap. X V I.

Trad. Laur.
Ann. Laur.
Rer.

HAud leuius periculum in flumine alius vitauit, quā Franciscani in mari vitauerunt præsidio Virginis Lauretanæ. Angelus Autanus ex agro Salernitano egregia indole, ac pietate adolescens in Vulturnum amnem, qui Capuam prætersluit, abluendi corporis gratia, cum æquali, gregalique suo descenderat. Cæterum eius socius dum incaute progreditur, cæcos delatus in gurgites haud procul aberat exitio. Accurrit impigre Autanus opem periclitanti laturus: sed ipse quoque idem periculum incurrit, quo frustra iam eximere alterum conabatur. Iamque

vorticibus prærapidi fluminis haustus è fundo semel emer-
ferat, cum B. Mariam Lauretanam, vtcumque potest, se-
miuius inclamat. Nec irritæ ceciderunt preces. Repen-
te B. Virgo vocata adfuit: & iuuenem gurgiti ereptum,
iamque prope exanimatum gremio excipit, ac supra flu-
men ad mille passus delatum in opportuna statuit ripa. Il-
le diu hæsit periculi pariter, miraculique stupore attoni-
tus. Inde vt primum ex pãuore animum recepit; coeleste
agnoscens beneficium procumbit in genua: & B. Mariam
liberatricem suam impense salutans grates laudibus mi-
scet. Protinus Lauretum petit, Deiparam colit, miracu-
lum prædicat.

*Puella Lauretana è puteo: ciuis Caietanus è carcere
liberatur. Cap. XV II.*

NEc Lauretum ipsum Patronæ suæ opem non sensit in
pari suorum discrimine. Parua puella ad puteum,
qui in ædibus Lauretani Præsidis erat, de more accesserat
aquam haustura. Iam situlam fune religatam demiserat,
& aquæ plenam incauta festinatione reuocabat; cum vase
degrauante, ipsa vltro in puteum deuoluitur B. Mariã in-
clamans. Vidit forte de fenestra vnus è præcipuis S. Do-
mus ministris cadentem puellam: eique B. Virginis im-
plorauit opem. Protinus ipse cum domesticorum manu
decurrit ad puteum. Mirum dictu. illam conspiciunt in-
columem, lætamque summæ incubantem aquæ. Igitur
properè maiorem situlam cū valido fune demittunt: puel-
lamque quid factò opus sit monitam extrahere connitun-
tur. Iamque illa situlæ insistens, & funem manibus te-
nens ad os putei attracta peruenerat: multorumque eam
manus petebant opem laturæ. at illa inter tot manus an-
ceps consilii, dimisso perperam fune, nullaue compre-
hensa manu, eodem recidit. Cæterum omnibus qui ade-

*Trad. Lauret.
Ann. Lat. 1574.
Rier.*

rant Deiparam inuocantibus, ad aquam peruenit innoxia: & si multa suberant fragmenta testarum. Itaque illi ad vltimum scalis demissis, segniore, sed tutiore via eam educunt. Narrauit deinde puella, labenti sibi in puteum Virginem eximia specie præsto fuisse, cuius manibus exceptam semet innasse aquæ, sine vilo prorsus incommodo. Idem quoque sibi denuo cadenti vsu venisse. Quippe ipsam B. Mariæ exceptam manibus super aquas in gremio Diuæ sedisse; quoad scalæ conquistæ, colligatæque dmitterentur, ita duplici miraculo seruata, haud leue præsidii Lauretanæ Virginis documentum extitit. Nec leuius eiusdem præsidii argumentum Romæ vir fuit, quam Laureti puella fuerat. Caietanus quidam honesto loco natus, sed animo parum forti, ac virili fuit. Is cum falso homicidij crimine coargueretur à testibus, (vt erat natura, vsuque delicatus) insolito tormentorum aspectu contritus, maluerat, vt sæpe fit, falsum confitendo, supplicium subire, quam inficiando inter tormenta, vitare. Igitur morti addictus sacra confessione animi labes abstergit. Ibi Sacerdotis hortatu causam suam cœlesti committit Iudici: Lauretanæ Virginis opem exposcit. Auditæ preces. Haud ita multo post dulci oppressus sopore visus est sibi videre Virginem Lauretanam, quæ bonum animum habere iusso certam spem salutis, ac libertatis ostenderet. Nec mora. innocentia hominis diuinitus patefacta: aucthores sceleris, falsique criminis artifices conuicti: in ipsos poena versa, quam parauerant innocenti.

Bassa Turcarum à Lauretana Virgine curatus, eam muneribus colit.

Cap. XV III.

*Tradit Lan.
Ann. Laur.
Riera.*

NEc barbari Lauretanæ opis expertes fuere. Corcutus Turcarum Prætor (Bassam ipsi vocant) anno
M.D. LII.

M. D. LII. Constantinopoli cum esset, ex graui, occultoque pectoris apostemate ad extremum venerat vitæ discrimen. Apud eum seruitutem seruiebat Christianus vir bonus, ac pius. Qui Domini periculum suę libertatis occasione ratus Prętorem adit moribundum, & de B. Marię Lauretanę admirabili vi, in morbis, cuiusque generis depellendis edoctum, bonę implet spei. Igitur haud ægre eum perpulit, vt secum Lauretanam Virginem inuocaret vouens si morbum depulisset, se in eius gratiam illi seruo libertatem daturum. Nec seruus Dominum, nec Maria piũ seruũ fefellit. Protinus disrupto apostemate Prętor sanatũr, & exitit ab eo quoque fides. Extemplo seruũ illũ libertate donatum cum litteris, ac muneribus Lauretum ad Virginem destinat. Munera fuerunt, mantile egregio opere, ingentes cerei, argenti vis non parua, arcus, & pharetra præclara cum sagittis, non tam precio, quam donorum nouitate, donantisque admiratione grata, & accepta. Erat illa tempestate Laureti præses Gaspar Doctus Venetus. Is cęteris donis super aram positis, arcum, pharetramque suspendi in sacrosanctę cellę vestibulo iussit, rei ad posteros monumentum. Attulerat is, quem dixi, Bassę Libertus miraculi testimonium, chirographum patroni sui. Quod Gaspar ex Arabico in vernaculam linguã conuersum ad posteritatis memoriam asseruari voluit. Id autem latine versum erat eiusmodi. Quod bonum, fortunatumque nobis esse velit; magnus, ac misericors mundi Dominus. Cum mihi ipsi diuinitus quidã euenerit, ego Corcut Bassa (ne meo desim officio tantęq. rei monumentum aliquod posteris exstet) rem omnem ordine exponã. Ortum erat atrox apostema nobis in pectore, iamq. haud dubium imminebat exitium; cum desperata à medicis salute, meus me seruus adiit, & sane fidenter, si mihi libertatem polliceris (inquit) Dei mei matrem exorabo, vt pristinam tibi restituat valetudinem. Itaq. ego confestim accersito tabellione, libertatem ei repromisi, si ipse promissa

missa præstaret. Extemplo servus positus humi genibus, & quædã super se signa ducēs manu, rogitat, vt semet verbo præeuntem sequar. Inde ipse præire his verbis cœpit. Ego B. Mariæ Lauretanæ opem imploro. Monenti obsecutus, triduo post, Deo fauente conualui, Ergo seruo in libertatem vindicato hoc chirographum dedi cum votiuis donis, quæ meæ obseruantia, gratique animi monumenta sint, B. Mariæ parenti præpotentis Dei, qui nos saluos velit.

Ædes Lauretana Illustrum virorum donis augetur.

Cap. XVIII.

NEC miraculis magis, quam muneribus Lauretana Domus Iulio III. Pont. Max. illustrata. Cardinalis Augustanus vestem aureã opere præclaro: monile ex vnionibus centum quinquaginta, certa per intervalla aureis distinctum globis. ad hæc aureũ numisma pendulum gemmis, ac margaritis insigne Lauretanæ Virgini donum tulit. Cardinalis Cæsius aræ ornatum argenteum. Carpentis Cardinalis eximium Episcopi solemnem ritum diuina officia celebrantis amiculum ex veste Attalica. Item alterum ex veste argentea auro crispante discretum. Cardinalis Medices (qui postea Pius Quartus Pontifex fuit) aræ vestem ex textili aureo. Bernardinus Sanseuerinus Princeps Bisiniani effigiem suam à pectore expressam ex argento, ingentis ponderis: aræ insuper, & sacerdotis ornatum ex holoserico villuto coccineo. Hercules Dux Ferrariensis aræ, sacerdotis, ministrorumque solemnem pompam rem diuinam celebrantium præclaros ornatus ex veste Damascena ingentibus aureis floribus intertexta. Vidobaldus Urbini Dux aræ pariter, ac sacerdotis amiculum ex Attalica veste. Dux Grauinæ ex eadem materia sacerdotis ornatum. Prorex Neapolitanus, & sacerdotis, & ministrorum solemnem more sacrificantium vestes aureas

opere

Card. Augustani D.

Card. Cæsius D.

Card. Carpentis D.

Card. Medices D.

Princip. Bisiniani D.

Ducis Ferrariensis D.

Ducis Grauinæ D.

opere Phrygio conspicuas. Mantuanus Marchio eorum
dem ad eundem usum vestes argenteas, Portia Cassia plu-
uiale aureum. Vxor Comitum Palenarum in Samnitibus mo-
nile ex auro, margaritisque. Constantia Leiva Hispana
coronam auream libralem. Insigne etiam donum è Ger-
mania missum à Ferdinando Rege Romanorum, argentea
B. Virginis effigies sesquipedalis pondo XXXI. cuius geni-
bus aduoluta est Anna Boemica regina ex argento. In basi
titulus duplex, alter à fronte.

Proreg. Na-
polit. D.
March. Ma-
tuanus D.
Portia Ce-
sar. D.
Comit. Pa-
lenarum D.
Constantia
Leiva D.
Ferdini Cz-
sar. D.

SERENISS. AC POTENTISS. ROMANORVM VNGAR.
BOEMICÆ REX, ARCHIDVX AVSTRIÆ ET CÆT.
FERDINANDVS

HANC ARGENTEAM EFFIGIEM D. VIRGINI OFFE-
RENDAM TRANSMISIT AN. M. D. LII. MENSE MAIO

Alter porrò titulus à tergo:

FERDINANDVS ROMANOR. VNGAR. BOEMICÆ REX
ARCHIDVX AVSTRIÆ ETC.
EX VOTO SALVTIS IN MEMORIAM DVLCISSIMÆ
CONIVGIS ANNÆ, HANC IPSIVS ARG. EFFIGIEM
MARIE VIRG. DEDICAVIT. CONSECRAVITQ.

*Marcellus Ceruinus Card. in sacro sacello Pontificem
se futurum diuinitus cognoscit.*

Cap. XX.

HAcc inter Marcellus Ceruinus Cardinalis vir do-
ctrina pariter, & sanctitate clarus in oppido Lau-
retanæ Domui satis vicino (Montem Fanum appellant)
domicilium statuerat. Suum id natale solum ferebat, re-
uera locum interuiscendæ natali B. Virginis cellæ perop-
portunum elegerat. Inde Lauretum incenso studio ven-
titabat, in augustissimo orbis terræ sacello sacris ope-
raturus

*Ann. Laur.
Ricv.*

*Card. Cer-
uini pietas.*

raturus. Itaque sub Iulij Tertij Pontificis decessum Marcello rem diuinam inibi de more facienti res euenit visu, euentuque mirabilis. Eximio candore, ac specie columba, multis inspectantibus, supra eius caput placide cum volitasset, nunc in sacrificantis manibus, nunc in ipso missali libro quiescebat. Ea res obiecta oculis adstantium pluresque animis immobiles stupore defixit. Sacerdos qui de more Cardinali sacrificanti praesto erat, vulgarem aliquam columbam eo forte delapsam ratus abigere eam conabatur. At Cardinalis haud parum memor candidae columbae indicio diuinitus olim designatos nonnunquam esse Pontifices; inhibet abigentem: ipse coelestem columbam quiescere sinit, quoad sacrificio peracto, sua sponte auolaret. Exinde coeleste visum homini affirmat fidem. Nuncio de morte Pontificis Marcellus Romam reuocatus non sustinuit viam prius, & Pontificijs comitijs committere se, quam veteri suo instituto Lauretanam Virginem salutasset. Et aderat dies Annuntiatae Virgini sacer, qui ceteroqui pium eius animum inuitabat. Venit ergo pridie Lauretum. Festo ipso die, exclusa incondita turba, sacrum in augustissima cella facere attentissime coepit. Inter sacrificandum post initium Canonis, Ecclesiam Pontifice orbam memorans, Deo ac B. Virgini enixius commendabat. Effuse praecanti B. Maria coelesti specie, coelitum septa comitatu se offert: animoque eius diuina luce, ac dulcedine delibuto, ipsum fore Pontificem indicat: exemplo attonitae mentis oculis subducit se. Marcello tam nouae rei, ac subitae admiratio tantum repente animi; corporisque totius incussit horrorem; vt ad aram trepidans pedibus aegre subsisteret. Sensit Sacerdos eius administer aliquid profecto Cardinali obiectum diuinitus, utique cum eius conspiceret faciem insolito quodam splendore fulgentem: mox etiam notaret totum eius corpus noua circumdatum luce. Ergo quod ipsemet viderat, deinde cum alijs multis tum Raphaeli Riera, qui rem litteris prodidit, pro-

familia-

familiaritate narrauit . Quin etiam Cardinalis ipse necessariorum , qui spectaculo adfuerant , precibus fatigatus , enunciauit denique totam rem , uti gesta erat : ac simul adiecit tantum utique Pontificis munus longe altius esse fastigio suo : ac propterea Deum fortasse alium sibi Vicarium quaesitum . Cæterum si Deo cordi esset talem in terris habere Vicarium ; enimuerò sibi antiquissimum fore , Christianam Rempublicam conseruare sartam , testamque , atque Aedis Lauretanæ cultum longe , ac late propagare . Itaque Montem Fanum regressus accersito tabellione , publicis consignari litteris iussit , quæ in B. Mariæ Lauretanæ gratiam destinaret animo : nimirum ut publicæ tabulæ suam Deiparæ obstringerent fidem , eademque si forte , quod accidit , mors interueniret ; testes forent suæ erga illam egregiæ voluntatis . Exstant hodie in eo , quod dixi , oppido tabulæ Marcelli Ceruini Cardinalis , ex quibus satis apparet , ei in animo fuisse Canonicorum , Cantorum , Ministrorum , sacerdotum etiam Societatis Iesu augere numerum , ut sancta Domus aduenarum frequentia , pietateque auctior foret . Ad hæc Laureti pomærio longe , lateque prolato , muris propugnaculisque circa excitatis , nouam urbem , nouam condere ciuitatem , Episcopali sede , mero , mistoque imperio , & octo finitimis oppidis attributis insignem . Condendæ porro ciuitatis facilem hanc expeditamque excogitauerat viam , ut pauperes familias ex omni Pontificali ditione , partim spe præmiorum , partim etiam B. Mariæ Lauretanæ religione ad nouam frequentandam ciuitatem pelliceret : nouis colonis proximam syluam publico ære coemptam viritim diuideret , ut excisa sylua , repurgatisque saltibus , agros colerent suos : ita breui , & satis frugum vini , olei nouæ ciuitati fore , nec mercatores spe lucris ob loci celebritatem illectos defuturos . Hac demum ratione Lauretanæ Virginis , & dignationis , & cultus accessurum esse vel plurimū . Cæterum Deo cuius *inscrutabilia iudicia* sunt , aliter vi-

sum. Quippe illum præclara sua de Lauretana Aede consilia mandare litteris, quam factis exsequi maluit. Vt Marcellus Romam attigit, facile quidem euenit, quod Deo cordierat, vt fieret Pontifex: & extitit B. Virginis fides; Pontificis tamen exstare non potuit. Is namque intra XXII. diem, vix dum inito Pontificatu excessit è vita. Pontifex egregijs consilijs magis, quam operibus memorandus. Salubria quippe eius consilia plures deinde Pontificum secuti, multis ac magnis simul Ecclesiam, simul Lauretanam Aedem præsidijs, ac muneribus adornarunt.

Aucto Iesuitarum Collegio à Paulo Quarto, Lauretanæ celebritas, & opulentia adaugetur.

Cap. X V I.

QVorum ex numero Paulus Quartus fuit, qui Marcello subrogatus, eiusque salubribus vsus consilijs non modo lapsam Ecclesiæ disciplinam, moresque restituere cœpit; sed Lauretanæ Domus etiam cultum amplificare institit. Pontificatus initio vetera aliorum Pontificum beneficia nouo sanxit diplomate: ædificationem se dulo iuuit: auxit numerum Ministrorum: nihil denique prætermisit, quod ad amplificandam loci Religionem pertinere existimaret. Caterum illud præcipuum eius munus ex Marcelli vtique consilijs ortum, quod Societatis Iesu Collegium auctius reddidit. Nam etiam si Patres illi, qui tum erant, maiorem quam pro numero peregrinis nauarent operam; tamen sacerdotum paucitas crescenti in dies aduenarum multitudini satisfacere haud quaquā poterat: præsertim cum ex remotissimis quoque regionibus peregrini homines sermone dissoni quotidie plures confluerent, quorum plerique confessione expiari nequibant linguæ commercii expertes. Hos irritos spei, votique domo

domos redire, haud ægrius ipsimet, quam Patres patiebantur. Igitur ea res Cardinalem Carpenssem perpulit, ut de adaugendo Patrum numero cogitaret. Is quippe admodum lætus Collegium ab se in solo Lauretano satum, quāvis adhuc tenue ac tenerum, satis vberes pietatis, qua ferre, qua ostentare fructus, de eo impense amplificando cū Pontifice agitauit, ratus fore; id quod euenit, ut vberriamā frugem, auctis maturisque iam fructibus ferret. Itaque anno huius sæculi LIII. approbante Pontifice perfecit, ut sociis duo de triginta superiori numero adiectis, XL. e Societate Laureti alerentur. Nec Cardinalis, aut Pontificis spem Societas est frustrata. Auctum per eam occasionem sacerdotibus exterarum linguarum peritis Collegium, magno & religioni peregrinorum incremento, & Lauretanæ Domui emolumento fuit. Ex eo tempore omnium ferme nationum peregrini suę quisque gentis sacerdotes nati, quibus cum libere agerent sine interprete, eorum opera Christianis etiam institutis, præceptisque imbuti, non tantum peccatis expiati domos repetebant. Lauretanæ porro Aedis religio, ac res tantis subinde auctibus creuit; ut satis constet, vel aduenarum frequentiam, vel donorū copiam solito longe fuisse maiorem. Nimirum aduenarum multitudo infinite crescebat in dies, ac multis passim agminibus per omnes vias, semitasque Lauretum vndique concurrebant. Sæpe dena nonnunquam vicena, interdum etiam tricena, eoque plura peregrinorum millia versabantur ad Lauretum, circiter natalē Virginis diem. Plerique autem templo, oppidoque exclusi circumiectos agros syluasque complebant.

*Lauretana Ædes donis cumulatur.**Cap. XXII.*

ET cum aduenarum multitudine Lauretanæ Aedis opulentia crescebat. Satis constat ex eo tempore dena, duodena, quaterdena, senadena, vsque ad vicensa aureorum millia in arcam quotannis ingesta. Nec vero vnquam vllus Pontificum quicquam ex arca Lauretana in suum vsum vertit. Sed omnibus æque sancta ea pecunia fuit. Duo omnino tempora inciderunt, cum aliquid inde pecuniæ ad Pontifices ita peruenit, vt paulo post ab iisdem eodem rediret. Leonis X. Pontificis Duces ad reprimendas Francisci Mariæ Vrbinatium Ducis populationes, sex aureorum millia ex sacra arca in stipendium militare deprompserant. Id vbi cognouit Pontifex, extemplo per Piceni Quæstorem B. Virgini eam summam renumerandam curauit. Clemens inde VII. sub direptionem Urbis, cum in summa difficultate esset nummaria (vt supra demonstrauimus) tria aureorum millia mutua ab Lauretana Virgine accepit: quæ deinde periculo defunctus cum fide persoluit. Itaque omnis illa pecunia, quæ in sacram arcam ingerebatur, in Lauretanam fabricam, aliosque S. Aedis vsus erogabatur. Paulo autem Quarto Pont. ad eam pecuniam accesserunt alia dona, quæ ad sacram supellestem pertinebant. Christi crucifixi effigies argentea iustæ magnitudinis cum Caluario monte, ac simulacris B. Virginis, & S. Ioannis ex argento expressis, bina itidem argentea candelabra cubitalia, & patera argentea bilibris pulcherrime facta. Ad hæc amiculum eximium Episcopale ex veste Attalica, cuius præcipuum ornamentum erat aurea ingenti specie fibula tribus cumulis margaritarum insignis, quali Cardinales Episcopi vti solent. Textilis insuper pictura Christi ortum referens ex serico, auroque mira arte perfecta, Cardinalis Carpenfis dona sunt. Ducis Vrbinatis vestes sacerdotis ac ministro-

Bern. Cyril.

Card. Carpenfis D.

Ducis Vrbinatus D.

ministrorum aureæ. Par donum Ducis Epirotarum. Ducis item Mantuani, nisi quod hæ sunt ex auro argentoque contextæ. Ducis Bouini præclarum sanctissimæ Eucharistiæ ferculum ex argento, pedalibus angelorum simulachris innixum. Honorati Gaetani Ducis Sermonetæ sacerdotalis vestis aurea; aræque ornatus ex veste Attalica. Augustini Auriz caput argenteum, binique sacerdotales ornatus ex auro textili, Margaritæ Austriacæ Caroli V. Cæsaris filiz egregia vestis, aræ pariter, & sacerdotis ex argento textili crispo. Marchionissæ Vasti ciborium aureum bilibre, opere præclaro. Alterum ciborium egregium, sed distinctum columnis ex argento inaurato vxoris Ducis Ariani. Sacerdotis, ac ministrorū solemnī ritu sacrificantium ornatus argenteus Ducis Mantuanæ. Denique Sacerdotalis vestis aurea insignis à tergo ingenti effigie B. Virginis sole amictæ, eademque auro, margaritisque distincta, Reginz Vngariæ donum.

Duc. Eplr.
Donum.
Duc. Mant.
Donum.
Duc. Bouini
Donum.
Duc. Scrw.
Donum.
Aug. Auriz
Donum.
Marg. Aust.
Donum.
March. Vasti
D.
Duc. Arian.
D.
Duc. Mantuanæ
D.
Reg. Vngariæ
Donum.

A Gallico exercitu Lauretana Ædes cum multorum militum salute celebratur.

Cap. XXIII.

Cæterum exorto sub id tempus inter Hispaniæ regē ac Pontificem bello, nouorum armorum tempestas quæ turbauit Italiam, Lauretanam illustrauit Aedem. Dux Guisus à Pontifice euocatus annuente Franco Rege, instructissimas Gallorum copias in Italiam traduxerat eam mente, vt simul præsidio esset Pontifici, simul Neapolitanum reciperet regnum. Qua tēpestare religio Aedis Lauretanæ, diuinaque erga eam prouidentia maxime enituit. Ingentes militum copiz ex varijs gentibus collectæ Picenum inundarant: nec tamen Aedes diuitijs inclyta cuiusquam animum ad opulentæ prædæ cupidinem illexit. tanta etiam in bellico tumultu militares animos religio Lauretanæ

Trad. Lan.
Ann. Last.
Riev.

retanæ Virginis, cœperat. Quamdiu autem Guisus in Piceno stativa habuit, tanti exercitus manus spectaculo potius Lauretanis, quam damno fuisse, Deipara clientes, non modo res suas tutante. Erant in eo exercitu permulti Calviniana peste contacti, nulla tamen cohortium, nulla turmarum omnino exstitit, quin ad primum Lauretanæ Basilicæ conspectum, religione tacta ad eam visendam, colendamque accesserit, vota fecerit, dona tulerit. Itaque pergebant eo pacatissimis agminibus, alij post alios turmarum, & cohortium Duces: pacatiores abibant, quam venerant, nuncupatis, aut exsolutis ante Virginis aram votis. Quin etiam in eiusdem gratiam, ante Aedem militari more ludicra inter se simulacra belli ciebant armis sagisque conspicui. Gratius deinde militaris pietas Deiparæ, Deoque spectaculum præbuit. Militum plerique sacra confessione abluti, sacrosancto Eucharistiæ epulo accubuerunt. Nonnulli etiam hæreticorum in rectam veritatis viam reducti, eiuratisque erroribus reconciliati Ecclesiæ: & confessionis, atque Eucharistiæ sacramentis expiati, Deipara etiam impiorum perfidiam, in Dei cultum pietatemque vertente.

*Vtinenſis ciuitas voto B. Mariæ Lauretanæ nuncupato
à circumſerpente peſtilentia prohibetur.*

Cap. X X I I I I.

*Trad. Laur.
Ann. Laur.
Riv.*

PER idem tempus multis sane, ac varijs Lauretana Aedes est nobilitata miraculis. Vtina vrbs est Carnorum, magnitudine ac nobilitate vni Aquileiæ secunda. hæc maximum salutis discrimen Virginis ope discussit. Anno M. D. LV. atrox peſtilentia Venetiæ fines, Carnosque peruagata, magnas edebat vbique strages incolarum. Ergo primores ciuitatis Vtinenſis cum ſerpere quotidie malum, & iam aduentare cernerent; conſilium a neceſſitate

cessitate petunt: votoque publice nuncupato, Lauretanâ Virginem inuocant, & suam ciuitatem eius committunt fidei, tutelæque. Nec illa clientium suorum vota, ac preces fefellit. Biennio quo grassata est lues, cunctis circa oppidis morbo exhaustis, (adeo præsens B. Mariæ tutela fuit) sola Vrina communis mali perseuerauit immunis. Vtinenſis ergo ciuitas non in faciendis, quam in exsequendis votis religiosior, solemnî supplicatione indicta, Lauretânâ venit. Trecenti erant viri nobiles, quibus pulcherri-
ma Christi Crucifixi effigies præferebatur: omnes lintea-
ti, omnes iisdem insignibus conspicui, cum donis vel pu-
blicis, vel priuatis, ad Lauretanam Aedem pariter proce-
debant. Limen ingressi prosternere corpora certatim hu-
mi, & collacrymantes ciuitatis suæ, ac suo quisque priua-
tim nomine ingentes Deo, Deiparæque grates agere cœ-
perunt. Inde consurgentes fraternè se inuicem comple-
xari: fletuque integrato mutuis se perfundere lacrymis.
Et insignem à pietate ortam complorationem par corum,
qui aderant comploratio excepit, nullo fere spectantium
in tam pio talium virorum fletu lacrymas tenente. Ad vl-
timum intrant sanctissimam cellam: Deiparaque Virgine
enixe consalutata, apud eam munera deponunt. In his vo-
tiua erat tabula egregiè picta cum titulo:

GLORIOSISSIMÆ VIRG. LAVRETANÆ
OB SERVATAM A PESTILENTIA
VTINENSEM CIVITATEM, ET AGRVM.
SACRATISSIMI CRUCIFIXI SOCIETAS
POSVIT DICAVITQVE
AN. SAL. M. D. LVI.

Cacis duobus lumen oculorum restituitur.

Cap. X X V.

T Riennio post admirabilius etiam spectaculum Lau-
retana Virgo, & incolis, & aduenis præbuit. Senen-
sis

*Trad. Laur.
Ann. Laur.
Riet.*

hæ puella erat Venetæ matronæ haud sane vilis, quæ in obsequio Dominae luminibus capta, nihil penitus cernebat. Et apparebant in oculis signa, quæ facerent cæcitatibus fidem. Itaque medicorum remedijs frustra tentatis, Dominae iussu à mulieribus duabus Lauretum adducitur, haud dubia spe lumen illi redditum iri, ope ac deprecatione B. Mariæ. Puella igitur inter illas duas feminas augustissimam Virginis cellam ingressa, submissis genibus, obortisque lacrymis Deiparam enixe implorare cœpit. Refertum erat facellum accolis & peregrinis, qui pariter Virginem orabant, seu puellæ misericordia capti, seu rei expectatione suspensi. Ecce tibi illa dum precibus lacrymabunda insistit, repente hylarior facta, lucis se aliquid dispicere clamat: & simul eos, qui aderant, ut se precibus iuuarent, impense rogat. Cæteris ad comprecandū Deū accensis, paulo post læta successu puella succlamat, iam cerni ab se ardentem ante Virginem facem, lychnosque. Enimvero ea vox accensa supplicantium studia vehementius inflammavit: cunctorumque ex oculis lacrymas gaudio mistas exciuit. Tandem puella gratulabunda exclamat. iam B. Mariæ effigiem, iam quæ circa illam sunt dona cerno. O Dei, O Deiparæ clementiam: ò diuinum, & commemorandum vtriusque beneficium. Talia inter gratulandum illa mistis gaudio lacrymis iterante, ingens orta est omnium comploratio Deo, ac B. Virgini grates agendum, quæ semihoram tenuit: & plerosque etiam facellum egressos secuta, superuenientium pectora pari sensu, atque admiratione compleuit: utique cum iidem qui modo cæcam puellam conspexerant, nunc integris oculis, ac probe videntem cernerent. Vix alia res eiusmodi in maiore populi frequentia gesta. Quippe secundum ferias Paschatis id miraculum patratum est: qua tempestate, maximo solet mortalium concursu Aedes Lauretana celebrari. Raphael Riera, qui rem litteris consignauit, miraculo interfuisse se tradit, & egomet ab alijs accepi haud dubiæ fidei homi-

hominibus, qui se tum adfuisse dicebant. Gesta res est anno huius seculi LIX. Gasparo Docto Pratore Lauretano, qui tam euidentem miraculum in tabulas publicas referri iussit. Sed antiqua simplicitate transacta res est. Nomina puellæ & dominæ (perinde ac si ad fidem miraculo conciliandam nihil admodum pertinerent) omissa; credo quod ab Euangelistis quoque in euidentibus miraculis id factitatum viderent. Minus celebre, sed nihilo minus admirabile est, quod de Thoma Parmensi perhibetur. Is ex graui oculorum morbo haud dubie cæcus, nocte quadam acerbissimo oculorum dolore cruciabatur. Igitur alleuat se super lectum ubi iacebat: positisque genibus, multis cum lacrymis Lauretanæ Virginis implorat auxilium. Precibus adiicit votum; si lumen oculorum recipiat, se Lauretanam Domum aditurum. Exinde recubuit, ingentem in B. Virgine spem reponens. Nec sua illum frustrata spes. Mane exproreatus somno, matutinam lucem sanis oculis hausit. Extemplo igitur Deiparæ gratias agit, Lauretum proficiscitur, vota persoluit.

Nauarchus Genuensis duplici periculo eximitur.

Cap. X. X V I.

Eodem ferme tempore Lauretum alius venit duplici voti damnatus, duplicique miraculo insignis. Paulus Genuensis Nauarchus nobilis fuit. Is è Gallia Narbonensi Genuam repetebat, cum subito sæda exorta tempestas naufragio intentato, iacturam omnium mercium facere eum subegit. Cæterum procella nauim pertinacius urgente, ingens omnium animis terror incessit. Itaque vectoribus nautisque dilabentibus, ut salutem natatu peterent, solus ipse mansit in nauj, quam æquè ac se ipsum saluam vellet, fortunarum scilicet suarum caput. Onerariam ergo illam suam plenam fluctibus cernens, effusus in

Ann. Laur.
Ricet.

vota, & sibi, & naui Lauretanam inuocat Virginem. haud frustra. ea inuocatio, & vires illi, & animos addidit. incredibile dictum. ingenti vi moliens velum solus ipse sustulit: ac veluti suas preces auditas esse sentiret, nauigium vndis exhaurire conatur. Inter hæc, tempestate sedata, naui vento ac B. Maria obsecundante Genuensem tenuit portum, haud minore ipsius admiratione, quam aliorum, qui onerariam ingentem semiplenam fluctibus vno Nauarcho nautarum omnium munera exsequente, ad portum appulsam videbant. Attamen Paulus voti compos. se- gnior, quam par erat, in voto reddendo fuit, siue aptius subinde tempus expectans, siue alia huic negotio præuertenda ratus. Nec mora diu impunita. Vertente anno, eo ipso die (vt tempus beneficij pariter, ac delicti eum admoneret) eadem vectus naui cum paruo filio fecit naufragium. Perculit repente ægrum animum: memoriæ vitati nuper B. Virginis ope periculi, & voti, peregrinationis omissæ; Igitur effuse lacrymans à Deo veniam exorat: expertamque Lauretanæ Virginis sibi, ac filio exposcit opem, veteris voti religionem voto fanciēs nouo. Nec frustratæ sunt eum preces. Filiolum inter vndas quæritans saluum reperit: sublatumque in humeros per ingentem agitati maris tractum natans ad terram transuexit incolumem, cæteris vectoribus, nautisque inter fluctus hæsitantibus, obrutisque: vt aliorum clades cœleste donum illustrius faceret. Ille igitur, vt attigit littus, non magis sua quam filiolī ex præsentī exitio recepti salute lætus procumbit in genua: idemque paruū filium facere iubet: & manantibus gaudio lacrymis, tendens supinas in cœlum manus, B. Mariæ secundum Deum gratias agit, quæ votum frustrata non sit ingrati hominis vota frustrantis. Et quoniam haud dubie iniecta exsoluendæ religioni mora nouū sibi periculum crearit; nequaquam se commissurum proficetur, vt noua mora obesse in posterum possit. Ergo veritus ne si reuertisset domum, cura aliqua domestica Lau-
retanam

retanam moraretur peregrinationem; & simul priorem in reddendo voto negligentiam compensaturus, è vestigio contendit Lauretum, omiſſa domus, patriæque reuiſendæ cura. Ita precario, mendicatoque cibo ſe paruumque filium ſuſtentans ad Lauretanam peruenit Aedem, ingnis non magis recuperata prius maui, quam deinde amiſſo nauigio, filioque ſeruato: nec minus exſoluta poſtea voti religione memorabilis, quam antea neglecta.

Iuuenis innocens carcere, alter bis ſuſpenſus exitio, ac ſupplicio liberatur.

Cap. XVXII.

HAud minus in ſupplicijs, quam in fluctibus propulſandis Lauretana Virgo admirabilis per idem tempus fuit. Auguſtinus à Rocca Valdonia (oppidum eſt diſtrictiſſimæ Senenſis) falſo crimine poſtulatſus vinculis tenebatur. Ibi cum innocens multos iam dies torqueretur, Lauretanâ Virginē, cui mirificè addictus erat, implorat. Nec irritæ preces: nocte intè peſta excitus ſomno manicas ferreas, quibus vinctus erat, ſua ſpõte elapas videt è manibus. Proctinus B. Maria conſiliū, viresq. ad fugā ſuppeditâte, carceris parietē ſubruere aggreſſus camenta quædā reuellit manū, ita patefacta fenestra, quæ illi eſſugium dedit. Cæterū duò reſtabant oſtia, quæ obſtarēt fugæ: hæc ſorte quædā diuinitus aperta, & incuſtodita reperit. Ergo euadit in tutum, B. Mariæ munere non eſſugium ſolum nactus, ſed etiam perfugium. Hic imminenti, alter iam vrgenti ſupplicio exemptus. Franciſcus erat quidam Ferrarienſis, homo ruſticanus, ſed pius. Is anno ſeculi huius LVI. Picenum peragrans in Ducis Guiſij, qui pro Paulo Quatto aduerſus Philippum Regem Hiſpaniæ bellum gerebat, copias incidit, à quibus de ratione itineris ſui interrogatus, ac liberabiter habitus cum litteris Galli Ducis, ad Pontificij exercitus Præfectum in thoracem inſutis, certisq. notis de

Trad. Laur.
Ann. Laur.
Riera.

quibus inter eos conuenerat, dimittitur rei totius ignarus. Igitur ad Anagniam Campaniæ Urbem ab excubijs hostilis exercitus interceptus, excussusque ad M. Antonium Columnam adducitur. Qui ex repertis in thorace hostium litteris, nrisque exploratorem haud dubie ratus, continuo suspendi miserum rusticum iussit. Confestim igitur ad supplicium rapitur, prosequente ingenti militum, ciuiumque Anagninorum manu. Nec tamen ille defuit sibi. Facta orandi diuini numinis potestate, submittit genua, à Deo veniam orat. Protinus Mariam Lauretanam inclamans, Non te fugit B. Virgo Dei mater (inquit) me innoxium mori, neque vlllo modo conscium istiusmodi litterarum. Proinde te oro quæsoque, tuum mihi propities filium, vt alias meas noxas, quibus grauiora commeruiffe me fateor, oblitus pro sua singulari clementia, innocentiam indicio aliquo declaret meam. Hæc magna voce elocutus, fidenti animo graditur ad mortem. Eum carnifex ad furcam religatū, è scalis deijcit, ceruicibusque pede oppressis, relinquit pro mortuo. Miræ dictū, visuque res. Parump̃er miser ille pependerat, cum fracta recte, subito corruit; apparuitque incolumis, sanusque. Sed miraculū pro fortuito casu habitum, quo deinde foret illustrius: Extemplo carnifex solidiore laqueo ceruicibus inserto, miserum illum reducit ad patibulum, obtortoque strenue collo, deturbat è scalis. Ecce tibi rursus Dei vtique ac Deiparæ nutu funis rumpitur, & Franciscus præceps ruens fracto capite jacuit semiuuius. Tum enim uero mouit circumfusam multitudinem miseranda rustici species, admiratio nemque auxit funis præualidus sua sponte ruptus. Et simul subibant animos videntis ad supplicium preces, ac Lauretanæ Virginis imploratio. Itaque plærisque ueniam infonti, ac B. Mariæ caro iuueni deprecantibus, cœlestiū munere bis seruatum à mortalibus perdi religio fuit. Ergo M. Antonius ab infra humanitate, eximiaque in Lauretanam Virginem religione, impensius etiam quam rogabatur

bat, condonat illi supplicium. Et ciuitas Anagnina rei gestæ testimonium rite obsignatum eidem tradit. Quod ille Lauretum ad agendas Virgini grates profectus apud eam deposuit, illustre apud posteros miraculi monumen-
tum.

Sicula mulier iugulata sanatur.

Cap. XXVIII.

Nihilio minus, ac fortasse etiam magis admirabile est, quod deinceps de muliere traditur. Sicula puella (cuius nomini parçitur) meliore forma, quam fama, Venerias perducta multos ibi annos vulgato corpore quæstum fecerat. Iam satis rem auxerat familiarem, cum ista patriæ desiderio, domum aliquando redire decreuit. Ergo bonis omnibus in pecuniam redactis, familiari quodam suo comite Lauretum petit ea mente, vt deterlis inibi confessione superioris vitæ sordibus, ac Lauretana Virgine salutata, inde lætior in Siciliam, pergeret. Ventum erat ad Rauennatē syluam, cum bonus ille familiaris postea quam omnia circa tuta videbantur, prædæ spe stimulantē, stricto ferro inuadit incautam. Nec tamen eam penitus fefellit. Mulier infesto mucrone se peti cernens, Virginem Lauretanam inuocat. At latro (differentē B. Maria auxilium, quo esset illustrius) puellam gladio transuerberatā ē iumento, quo vehēbatur deiecit; deiectā insequitur, conciditque plagis B. Mariæ subinde præsidium implorantē. Ad vltimum ne qua sit reliqua vitæ spes, feminecem iugulat fœdum in modum: auroque, ac gemmis ablatis, muliere insuper vulneribus confossa, recedit. Illa in suo natans cruore iam moribunda luctantē animam B. Virgiui commendabat; cum in ipso articulo haud dubiam patronæ suæ experta est opem. Repente ei B. Mar-

*Anna Laur.
Riet.*

ria

ria in veste candida se offert cœlesti emicans luce: & bono animo esse iussam benigne complectitur: moribundamque gremio fovens, simul vulnera corporis tactu sanat, simul ægrum animum cœlesti perfundit gaudio. Dein castæ vitæ admonitam relinquens, ex eius oculis elabitur. Ibi tum mulier velut ex profundo excita somno, corpus suum perlustrans oculis, recentium vulnerum cicatrices iam obductas videt: mortiferam iuguli plagam persanatam sentit explorans manu. Itaque tam insigni Dei, ac Deiparæ beneficio admodum læta, submissis genibus maximas secundum Deum certissimæ patronæ suæ grates agit. Vnū erat quod liquidam turbabat lætitiā: in subucula cœuēta, ac lacera à latrone illa relicta erat in sylua. Cæterum haud segnius nudæ mulieris pudori Deipara Virgo consuluit, quam cæsa consuluerat salutē. Ecce tibi illa mistas laudibus grates B. Mariæ impensius agente, præsto fuere miliones, qui illac forte transibant. Hi eruentæ puellæ, peregrinæque Lauretum (id ex ipsa cognorant) petentis speciem, nuditatemque miserati, illico seminudam contōne contegunt: muloque impositam devehunt Anconam Lauretanæ Virginis religioni fauentes. Ibi illa viliori vestitu emendicato, protinus Lauretum lætabunda contendit. Post absterfas confessione vniuersas vitæ labeles, Virgini vota persoluit: passimque expertam prædicat eius opē, cuius haud dubio post Deum, beneficio viuebat, ex media morte ad vitam utique reuocata. Ad faciendam rei fidem, recentem mortiferæ plagæ cicatricem ostentabat in iugulo. Et accesserat diuinitus tantī miraculi haud obscurum indicium. Circa collum cicatrix aurea monilis in modum fulgebat: ut facile diuinā B. Mariæ manū plagam illam tactam, sanatamque sentiret. Id verò cunctis qui aspexerunt (ex quorum numero fuit Raphael Riera, qui rem memoriæ tradidit) ingens non modo miraculi monumentum, sed etiam miraculi fuit. Porro mulier, siue Lauretanæ Domus dulcedine capta, siue Deiparæ optime de

se meritis gratiam relatura, Lauretum prætulit patriæ. Quippe annos complures ita inibi vixit, vt diuinis identidem expiata mysterijs Lauretanam inuiferet Virginem, plures incolarum ad Dei, Deiparæque obsequium excitans singulari innocentia, ac pietatis exemplo.

Genuensis quidam de Lauretana Domo dubitans male multatus respiscit.

Cap. XXVIII.

SVbid tempus Lauretanæ Cellæ religionem Deus in signi miraculo sanxit, ne quis ea de re posthac ambigeret. Anno M.D.LVII. Genuensis quidam (cuius nominis parciatur, vt famæ parcat) haud obscuro quidem locoratus, sed curiosus magis, quam pius, Gentia Lauretum perrebat eques. Is in itinere Diaboli utique instinctu, suspicari primo, deinde etiam credere cepit, Lauretanam Aedem non vetus esse monumentum B. Mariæ, sed nouum commentum superstitionis, avaritiæque. Cæterum impia hominis cogitatio impunita diu non fuit. Illo ipso die equus, quo vehabatur, corruens equitantem totius mole corporis oppressit adeo, vt miser ille fractus, ac semianimis sub equo iaceret in via, nullo mortalium, quia nemo aderat, opem ferente. *Dedit vexatio intellectum.* Itaque temeritate in religionem versa, B. Mariam Lauretanam inclamat. Nec frustra. Protinus expeditus equo surgit in columis. Sed prompta Dei clementia non discussit semel conceptam hominis vecordis insaniam. Breui ad ingenium rediens miraculum illustrius fecit. Paulum inde progressus, acrius instigante Diabolo, quæ de Lauretana Aede mirabilia ferrentur, vana esse omnia omnino in animum induxit suum, haud impune. Iam Lauretana Aedes in conspectu erat, cum animi cæcitas redundauit in corpus, offusa ocu-

*Anna. Lant.
Rier.*

sa oculis caliginē: ac repēte cū vires destituunt haud satis compotem mentis. Ergo trepidus, & attonito similis cum regere nequiret equum, ab equo ipso prouectus Lauretum ad primum hospitium sistitur. Ibi linquente; pene animo, defluens ab hospite excipitur: atque inter manus in cubiculum delatus collocatur in lectulo. Tum vero manifestam iram Dei bis in eodem itinere expertam intentius animo reputare, & ex præsenti luminum orbitate grauiorem insuper cladem extimescens, vberim flere coepit. Is metus saluti fuit, Diuino subinde tactus numine resipiscit: & receptum poenitenti ad expertam Virginis clementiam tutum fore sperans, veniam à Deo Deiparaque exposcit: proficitur ac vouet, in posterum semet haud secus de Laurerana cella, quam Christianus orbis crederet, crediturum. mirabile dictu. mentis lumen oculorum lux cōsecuta est. Igitur ad Lauretanā pergit Aedē: & vitæ maculis sacra confessione absterfis, augustissimam intrat cellam: B. Virginem enixe veneratur, latus illam ab se cerni ijs oculis, quos nuper eadem irata amiserat, placata receperat.

*Sacrofancti Sacelli violatores diuinitus
sua audacia pœnas luunt.*

Cap. XXX.

SVbinde etiam in sacrofancti sacelli violatoribus euidens Dei numen apparuit. Anno huius seculi circiter LVIII. vir quidam ex præcipua Italiae ciuitate nobilis in primis, & copiosus (nomen & hominis, & patriæ silentio suppressitur, quia ipse suppressum voluit) Lauretum venit, documentum haud multam temeritatem talia audientium esse. Hic multis ante annis exiguum lapidem ex sanctissima Virginis cella subtractum domi suæ asseruabat omni honore, cultuque. Haud tamen ille cultus ec-

lestem

lestem leniuit iram. Sed Deo matris suæ iniuriam vindicante, miser ille sacrilegam religionem orbitate filiorum, & amissione fortunatum omnium luit. Ad hæc pertinaci magis, quam pernicioso morbo vrgeri, vexarique cœpit. Itaque vt erat, vir cæteroqui prudens, ac sapiens, aperuit aliquando oculos: & Deum profecto alicuius sui sceleris ultorem adesse sensit. Cæterum & si omnia sibi accidere videbat apte ad repræsentandam iram diuini numinis, tamen quo tandem suo merito illa accideret, non videbat. Ergo ab ægritudine simul corporis, animique anxius, omni ope placare nitebatur iratum Deum. Sed iræ materia apud eum quamuis ignarum residens, irrita omnia faciebat. Alia deinde spes, postquam hæc vana euaserat, ei affulsit. Lauretanæ Virginis, cui mire adductus erat, memor, eius auxilium pariter, & consilium implorat. Nec mora B. Mariæ monitu discit, lapidem ex Lauretana domo sublatum causam esse cœlestis iræ: eamque non nisi sacro lapide restituto posse placari. Tum ille obortis lacrymis, religiosæ, vt crediderat, audaciæ veniam à Deo Deiparaque exposcens, desiderauit ipsemet referre Lauretum quod abstulerat. Nec in irritum preces cecidere: hoc quoque culpam agnoscenti suam Deipara indulgit. Ex templo igitur depulso morbo alacer pergit Lauretum, saxum restituit, vota persoluit. Aliud quoque per id tempus huic haud absimile accidit. Femina ex agro Piceno post diuturnum matrimonium, nullos genuerat liberos. Hæc eius animum cura angebat maxime; vt vndique sterilitatis remedia quæreret. Ergo ait illi nescio quis mulieris gratiam initurus, nullum remedium præsentius ad abolendam sterilitatem, quam Lauretanæ domus reliquias pie, religioseque custoditas: si quid inde abstulerit, breui eam matrem fore pollicetur. Id non promissum magis stolide, quam creditum. Illa igitur manifesta Dei ultoris ira, ablatum inde lapidem cum febris domum retulit: & ægritudo corporis animum vrgebat; adeo non vehementius febris æstu, quam conscientia iactabatur. Nec

prius ex iactatione illa conquieuit, quam Laureto Sacerdotem acciuit, & lacrymas poenitentiae indices profundens ablatum reddidit lapidem. Poenitentiam valetudo, non tantum venia est consecuta. Magno etiam Illyricis mercatoribus similis audacia stetit. Hi coepto ex Picentibus frumento, saxum ex Deiparae cella surreptum clam in onerariam abdiderant. Cæterum, ut fallerent homines, sacrilegij vindicem Deum non fefellerunt. Profectos ex portu atrox vis tempestatis subito adorta in ingentem adduxit metum: & trepidos vasorum, merciumque iacturam facere subegit. Haud procul exitio res erat, cum Deum parentis suae ultorem adesse senserunt: & flentes, tendentesque in coelum manus veniam pariter orare coeperunt. Placato precibus, ac lacrymis Deo, mare quoque placatur. Illi periculo erepti retro iter flectunt: ad Lauretum appellunt: lapidem Virgini restitunt. Prospero inde cursu in Dalmatiam prouehuntur. Peregrinorum quoque nonnullos, qui aliquid indidem seu lapidis, seu calcis abarserant, abeuntes morbus, velut diuinæ prouidentiae lictor corripuit, nec ante eos dimisit, quam regressi cum lacrymis, & confessione temeritatis suae, ablata Deiparae reddiderunt.

Sacra cella expilatores diuinitus comprehensi afficiuntur supplicio.

Cap. XXXI.

Cæterum his, quos religionis species deceperat, leniorem se diuina seueritas præbuit: aliorum, quos auaritia in fraudem impulerat, audaciam grauius vindicauit. Per eadem tempora nonnulli Lauretanæ Domus ministri, ex composito sacros thesauros compilarant, quos à compilatoribus tutari debuerant. Sed celeriter Deus in fandum sacrilegium debita poena est persecutus. Iam res omnes in nauim conditas occulta asportabant fuga, cum agri Piceni oram præteruectos aduersa tempestas reiecit eo, unde conscenderant. Itaque in Recinetensium potestatem

statem delati, in manifesto scelere depræhenduntur. Nec mora, prodendi exempli gratia, ne quisquam in posterum talia auderet, pro Aede Lauretana suspensi, nefarium sacrilegium foedo supplicio luunt. Verum fallendi spes alios ad simile facinus subinde pellexit. Haud ita multo post facinorosum hominem cupido incessit sacrosancti sacelli furtim expilandi. Is igitur sacrilegi conatus socium idoneum nactus, ferramenta parat quibus valuarum, & arcæ nummariæ seras aperiat. Omnibus in eam rem paratis, intra Virginis cellam solerter occulit se. Inde nocte concubia sacrilegium exsequens, sacra dona aurea, argenteaque congerit vnum in locum: mox arca, & sacelli foribus patefactis, templi quoque valuas molitur. Tandem his quoque refractis, circumspicere cœpit quærens oculis adiutorem sceleris, qui in templi vestibulo (sic enim conuenerat) illa ipsa hora præsto esse debebat, sacra dona, nūmosque in destinatum locum abditurus. Ecce tibi dum intentius circumspectat, armatorum agmen (coelestium manum ante Aedem Virginis excubantium fuisse, creditum est) adesse cernit. Quorum inopinatus aspectus tantum illi terroris incussit, vt clausis propere valuis, abderet se, ratus caput suum ab illis peti. Caterum infelix perfunctus (vt credebat) periculo, stimulante avaritia rursus audere coepit. Igitur cum iterum, ac tertio patefactis templi foribus, socium sceleris quæriraret, semper ei coelestis illa manus infestis occurrebat armis: ac trepidum effusa fuga compellebat in templum. Ita per spem, metūque nocte absumpta, tandem de salute magis, quam de præda sollicitus, irritò incepto abire statuit. Iamque appetente aurora, per auersam templi portam capeſſebat fugam; cum coelestium excubiarum, quas diximus, occurſu territus, in sacrosanctam cellam refugit. Manebant adhuc manifesta sacrilegij incepti vestigia, vt qui locus facinoris testis fuerat, etiam index foret. Superuenientibus igitur sanctissimi sacelli custodibus, valuæ refractæ, sacra dona congeſta, haud leuibꝯ argumentis il-

lum suspectum sacrilegij fecerunt. Nec mora trepidans, conscientiæ notis prodentibus conceptum nefas, compræhenditur, quæstione habita, rem omnem confitetur: cum sceleris concilio merita poena afficitur, haud leue diuinæ prouidentiae erga res Lauretanæ documentum.

Duo adolescentes Daemonum seruitio eximuntur.

Cap. XXXII.

Porro alij facinorosi homines, ac pene ad extremum perditum, Lauretanæ Virginis ope ad honestam vitam, viamque salutis reuocati. Adolescens erat non genere magis, quam vitijs nobilis. hic in rixa graue vulnus in genu acceperat, irato Deo. Proinde nequicquā curare plagam prius, quam cœlestem iram placare cœpit. Iam in medicos, ac medicamenta bonam rei familiaris insumpserat partem: & curatio ad grauioris incommodi metum, quam ad vllam bonam spem pronior erat. Ad vltimum ingens animum eius formido incessit, seu maturi exitij, seu perpetuæ imbecillitatis. Itaque damnata medentium ope, ad Lauretanam Virginem pariter spem, ac vota conuertit. Ac respiscens lacrymis poenitentiae testibus Dei delinit iram: Deiparæque auxilium implorat vouens, si discrimen illud euaderet, Lauretum se cum donis ad agendas illi grates iturum. mira dictu res. Hæc ingenti animi sensu elocutus, repente persanato vulnere, recuperat corporis sanitatem. Cæterum homini ingrato, ac dissoluto reddita salus pene exitialis fuit. Tanti beneficii immemor non sat habuit votum fallere, nisi etiam valetudinis beneficio ad pristinam vitæ licentiam abuteretur. Namque in deteriora pronus, luxuriæ impensius indulgendo eo demum processit, vnde receptum ad poenitentiam vix haberet. Adeo nonissima eius facta sunt peiora prioribus. Actum de illo erat, nisi perditum hominem Deus respexisset: coelestique ope reduxisset in salutis viam. Tacitam subinde vocem audire visus iubentis ire Lauretum, & primo quoque

*Ann. Laur.
Kier.*

que tempore votum, cuius damnatus erat, exsoluere; tandem paruit. Lauretum igitur profectus Deiparam muneribus colit. Sed non parua dictu res votiuz peregrinationis fructum præripiebat. Venus quippe vsque eo deuinxerat illum sibi, vt adhuc in eodem hæsitans luto, quamuis Deo manum porrigente, ad sacram confessionem aspirare non sustineret. Ergo stimulante conscientia, nunc sacram Virginis Aedem, & destinatum sacris confessionibus locum obire: nunc templi formam, ac votiuas tabellas ex parietibus pendentes otiose contemplari: modo impulsu mali Dæmonis templo exire: modo diuini numinis instinctu eodem redire: insanum, ac mente captum diceres. adeo illum aliàs consilij, aliàs poenitentiz ipsius poenitebat. Et iam vix sui compos æstuabat animo pariter, & corpore; vt qui neque sacerdotum aspectum, nec conscientiz stimulos ferre posset. Iam consilij anceps, anxiusque per hæsecuras triduum extraxerat, cum Dei Deiparæque benignitate, noua illi spes salutis affulsit. Intererat forte rei diuinæ, cum vocem è coelo missam sibi audire visus est, cunctationem eius increpantis, iubentisque vnum è paratis Sacerdotibus aliquando adire: & noxis expedire animum cum proposito vitæ melioris. Perculit ea vox obstinatum animum, flexitque. ita demum victus, seu magis victor, mutata subito voluntate, facit imperata. Et libidinis coeno aliquando emerfus, ingenti vi lacrymarum vniuersas vitæ maculas eluit. Protinus coelesti, vt fieri solet, gaudio alacer ingentes Deo, ac Deiparenti grates agit, à præsentis corporis & animi periculo bis eius ope liberatus. Alterius iuuenis par conditio, nec dispar exitus fuit. Is inluxum, & ea quæ luxum sequuntur, effusus, breui opes paternas in flagitia, ac dedecora vitæ absumpserat. Dumque secum ipse nequitia, & improbitate certat, eo res tandem venit, vt non mortalibus magis, quam infernis monstris ludibrio foret. Horribiles ei Dæmonum facies occurfabant, quæ contemptim illum, velut mancipium suum accipiebant plagis. Nec corpori solum, sed animo quoque
inteli-

infelicis adolescentis insultabant, subinde eum territantes indignis modis: credo ut illum ex malorum mole desperatione incesceret. Adeo crudelis, atque importunus est in flagitiosos homines Dæmonum dominatus. Itaque miser undique iam malis oppressus, prope iam desperatione torpebat; cum oblata subito lux eum ad spem salutis erexit. Namque æstuanti, circumspæctantique coeleste auxilium, Lauretanæ Virginis, de cuius vi, ac benignitate mira multa inaudierat, memoria occurrit. Igitur subeunte animum pariter impuræ vitæ poenitentia, obortis lacrymis Deiparam inuocare: Deum per eam placare: coelestes iras auertere omni ope coepit. Sed salubre consiliū capeßenti extemplo inferna illa obstabat manus, quæ contemptu in odium verso, miscens verberibus minas, à pio proposito abstertere hominem, & abstrahere conabatur. Cæterum vicit tandem Diabolicam importunitatē Christiana constantia. Adolescens Deiparæ tutela fretus decreuit rem bene coeptam perseueranter tueri. Prostrato igitur ante benignissimam patronam suam animo, non tantum corpore, spei, ac fiduciæ plenus aduersus infernas belluas eius præsidium implorare institit rogitans, ut miserrimæ seruitutis iugum ab suis ceruicibus aliquando depelleret, quò ipse iam liber Lauretum ire, & rite expiato sordibus animo, meritas liberatrici suæ grates agere posset. Nec spes, precesque incassum cecidere. Extemplo diuina vis, oblata spe coelestis auxilij, & supplicem illum ingenti gaudio compleuit: & importunos illos vexatores procul abegit. Auditæ frementium voces, & simul inuitis expressa confessio: Nihil se posse contra Mariam. Ergo ille vix præ gaudio sui compos, impigre Lauretum, uti vouerat, tendit. Ibi omnibus vitæ maculis confessione sacra elutis, Deo ac B. Virgini grates impense agit: & nonnullis Sacerdotibus (ex quorum numero Riera fuit talium rerum audus in paucis) coeleste beneficium lætus enarrat.

*Iuuenem in seruitutem assertum à Dæmone liberat ,
chirographo restituto. Cap. XXXIII.*

Alium porrò iuuenem Lauretanæ Virginis tutela
seruauit, quem in præcipitem locum libido insana
prouexerat. Hic ut erat proiectæ cupiditatis audaciæque,
in vetitas se effuderat voluptates. Expugnato multarum
matrum familias pudore, immodico mulieris cuiusdam a-
more flagrabat: qua cum nec prece, nec precio, nec vi, do-
loue potiri liceret; vltima experiri statuit. Igitur concilia-
tum magicis cantionibus Dæmonem rogitat, ut se voti cō-
potem faciat, ad omnia se descendere paratum ostendens,
si eo quod expeteret, frueretur. Diaboli ergo iussu à Chri-
sto deficit: seque totum illi dedit, traditque. Super hæc
omnia iurat conceptis ab illo verbis, & chirographo suam
obstringit fidem. vsque eo impuras mentes voluptatis a-
mor excæcat. Cæterum, ut potitus est, quod cupierat; fe-
cit, ut sit, fastidium copia: & coelesti luce oborta, magni-
tudinem sceleris sui sera æstimatione perpendit. Ergo po-
steaquam animum curis anxium poenitentia subiit, ad
venix spem erectus, coelestem opem spectare, Deum Dei-
que parentem implorare coepit. Inter hæc occurrit ani-
mo Virgo Lauretana, eiusque ædis Sacerdotes amplissima
facinorum expiandorum autoritate præditi. Protinus
Deo authore, ac duce Lauretum petit, haud dubius quin
inibi esset tantis malis remedium inuenturus. Nec sua il-
lum frustrata spes. Lauretum ut venit, Sacerdotem ido-
neum nactus, re omni exposita, consulit, ecqua sibi spes
sit reliqua salutis. Ille primo sceleris atrocitate exterritus
paulisper hæsit: deinde immanitate facinoris demonstra-
ta, ita spem illi salutis ostendit, si precibus, ieiunijs, vo-
luntariaque corporis vexatione Deum placare penitus in-
sistat. Cum ille nihil omnino poenarum recusaret; pro-
misit Sacerdos, si imperata fecisset, se faciles aures ei da-
turum, & tantum piaculum Deo propitio, utique expia-
turum. In digressu hominem monet, ut per triduum ine-
dia,

*Ann. Lamy.
Riera.*

dia, cilicio, flagris corpus affligeret. B. Virginis opem implorans: per eam à Deo veniam exposcat: se eodem triduo rem diuinam pro ipsius incolumitate facturum. Et vtrunque exstitit fides. Ita triduo extracto, Sacerdos optimum ratus est ante absolutionem, chirographum à Dæmone extorqueri, ne quid omnino iuris in illum haberet. Proinde hominem ab se dimittit monitum, vt augustissimum sacellum ingressus precibus, lacrymisque Deiparam vsque eo fatigaret, dum chirographum à diabolo extortum reciperet. Morem gerit ille suæ salutis, securitatisque, auidus, haud dubia spe, id se deprecatione Deiparæ Virginis impetrare posse. Ergo prostrato ante Virginem corpore, lacrymans obnixè eam precatur, vt recepto illo nefario chirographo, saluti incolumitatisque suæ consultum velit, ingenti miraculo voti compos efficitur. Versiculos illos ex animo iterabat. **MONSTRA TE ESSE MATREM: SVMAT PER TE PRECES, QVI PRO NOBIS NATVS TVLIT ESSE TVVS.** Talia precatus subito chirographum in manus suas delapsum conspicit. Itaque vix sibimet ex inopinato gaudio credens, integrato fletu grates Virgini enixius agit. Inde sacello egressus lætitia exultans ad sacerdotem accurrit: receptum Deiparæ beneficio scriptum ostendit. Id erat tot tantisque in Christum, atque in ipsum, qui scripserat, diris & execrationibus refertum, vt facile appareret à sempiterno humani generis hoste dictatum. Verumtamen tantum vinculum omni diabolica fraude, potentior vis diuina dissoluit. ita deuorum illud inferis caput, Deiparæ benignitate, asseritur in *libertatem filiorum Dei*: ne quisquam omnino quamuis facinorosus ac perditus, si modo ipse perire nolit, de sua salute desperet; neu cuiquam in dubium veniat Dei clementia, quæ vltro matrem suam reis patronam dederit ad salutem.

FINIS LIBRI TERTII.

HORA.

HORATII TVRSELLINI
E SOCIETATE IESV
LAVRETANÆ HISTORIAE
LIBER QVARTVS.



*Pij Quarti, & Cardinalis Vrbinatis studium
Lauretanæ Domus ornanda .
Cap. I.*



INTER hæc Paulo III. Pius subiectus, cuius Pontificatus, vt pace Italiæ lætior, ita decore Lauretanæ domus clarior exstitit. Pius quippe superiorē domus Pontificiæ porticū magna exstruxit ex parte. Vetus Xenodochiū nouo adiecto ædificio, amplius, & cōmodius fecit. Lauretanū oppidum Recinetensibus adeptū sui iuris esse iussit anno seculi huius LXV. Adimēdi causa fuit, quod negligenter ius dicere, labantes multis locis muros negligere arguebantur. Ita Lauretum trigesimo anno, quam à Paulo Tertio attributum Recinetensi ciuitati fuerat, à Pio Quarto in pristinam libertatem vindicatū est: & Lauretanus Præses octo aureorum millia Recinetensibus, vel inuitis remunerare iussus. Nec minor in cultu B. Virginis, quam in re Lauretana amplificanda optimi Pontificis pietas enituit. Canonicorum, ministrorumque numerum non nihil imminutum suppleuit. Collegium Societatis Iesu à Paulo amplificatum simul Pontificali diplomate stabiliiuit, simul redditibus auxit. Inter quæ Cardinali Car-

*Tradit. Lau.
Riera in An-
nal. Laur.*

*Pij Quarti
beneficia*

*Lauretū Re-
cinerensibus
adeptum*

penſi humanis rebus erepto, Pontifex Laureti tutelam permifit Cardinali Vrbinati, qui nulli veterum Patronorum pietate, ac ſtudio erga Lauretanam Virginem ceſſit. Ac primum Pompeio Palanterio Aedis Lauretanæ curam mandata, per eum templi tholum intrinſecus exornandum marmorato opere curauit. Ad radices Lauretani collis in via, quæ fert ad portum Recinetenſem, ſatis vberem, ornatumque peregrinis præbuit fontem. Inde per alios Præſides multa magnifice fecit, vt dicetur in loco.

*Picentium cura Aedis Lauretanæ aduerſus Turcas
tuenda, & B. Virg. tutela Domus ſuæ.*

Cap. II.

*Ann. Laur.
Ricci.* C Aeterum eâ tempeſtate Turcicæ classi Lauretum petentis terror, & Picentium erga B. Mariam religionem, & B. Mariæ in Picentes benevolentiam oſtendit. Renunciatum erat ab exploratoribus, ingentem Turcarum classem (in qua eſſent triremes centum, & quinquaginta) ex Epiro ſoluiſſe eo conſilio, vt Lauretano templo diſpoliato, Anconam inuaderent. Igitur paucis iuteriectis diebus, fama haud procul ab Italia viſæ hoſtium classi, ingenti tumultu conciuir Picentes. Inter primum tumultum pubes Recinetenſis Lauretum conuolant ad Aedem præſidio, armisque obtinendam: & patriæ ac ſuorum immemores Lauretum aggeribus, ac propugnaculis muniunt. Certatimque alij Picentium populi accurrunt: cuncta vicina littora complent armatis, Lauretanam præcipue Domum aduerſus Barbaros ſumma ope deſenſuri. Omnibus quippe votis expetendum exiſtimabant, ſi ita res ferret, pro illa, & in illius conſpectu, honeſta morte deſungi. His armorum præſidijs acceſſerunt acerrima aduerſus immanes Barbaros tela, aſſiduæ piorum preces. Quicquid ſacerdotum, quicquid piorum hominū Laureti

Laureti, atque in finitimis circa oppidis fuit, Deum placare precibus, supplicationibus B. Virginem suæ Domui, clientibusque tegendis inuocare non destitit. Nec preces; ac vota in irritum cecidere. Deipara Virgo nō solum à sua natali Domo Barbarorum vim arcuit; sed etiam à Piceni finibus prohibuit. Quippe Turcicæ classis Duces mutato repente Anconitanæ oppugnationis consilio, in Samnites maritimos rabiem verterunt suam. Itaque descensione facta, Ortonam, Vastum, Francauillam, aliaque haud obscura Samnitium oppida vi capta, ferro flammaque populantur. Samnio magna ex parte depopulato, haudquam tamen ausi sunt finitimam, prædæque expositam regionem attingere: adeo præsens Lauretanæ Virginis tutela fuit. At Pontifex mire lætus Lauretanam Aedem diuinitus præsentem exemptam periculo, suas quoque partes esse duxit providere, ut illa in posterum non tantum à periculo abesset, sed etiam à periculi metu. Ergo de architectorum sententia, vicinos oppido colles, unde oppugnari Aedes ab hostibus posset, mænibus, propugnaculis, fossis, aggeribus munire statuit: nimirum, ut non solum repentinos hostium impetus prohibere; sed obsidionem quoque sustinere egregie valeret. Cæterum pium Pontificis consilium alia ex alia cura distulit, denique mors intempestiva discussit.

Conimbricensis Episcopus malis doctus ablatum Lauretanæ Domui lapidem reddit.

Cap. III.

NEC vero hæc tempestas, aut miraculorum expers, aut donorum fuit. Haud facile alias ante, tam paucis annis tam multa, tam testata, tam sermonibus hominū celebrata miracula. Illud toto Christiano orbe celeberrimū. Ioānes Soarius Conimbricēsis Episcopus vir doctrina pari

*Trad. Lau.
Ann. Laur.
Rier.*

ter, ac pietate clarus exstitit. Is anno huius seculi LXI. ad Tridentinum Concilium à Pio Quarto indictum proficiscens, ex itinere diuertit Lauretum sub natalem Virginis diem. Ibi fufis rite precibus, votisque persolutis, ingens eum cupido incesfit ædiculam Lauretanæ similem in suo Episcopatu condendi: ad eamque rem, vnum aliquem lapidem ex Lauretana auferendi Domo. Verum loci Præses, ac Patronus obstabant, interdictum Pontificium intuentes. Itaque Soarius honestum præferens titulum cultus Lauretanæ Virginis propagandi in Lusitania, quod optabat impetrat à Pontifice: ab eoque aufert solemne diploma. Id per Franciscum Stellam asseclam suum (nam ipse Tridentum perrexerat) ad Laureti destinat Præsidem. is erat Pompeius Pallanterius. Posteaquam Conimbricensis Episcopi sacerdotem Pontificali armatum diplomate ad subruendum augustissimum cellæ parietem, venisse fama vulgauit; enimuerò non Præsidi magis, & Canonicis, quam oppidanis aduenisque indigna res visa: nec tam præsentis damno, quam futuro exemplo perniciosa. Proinde passim querebantur, nimirum actum esse de sacrosancta Virginis cella: si semel initium auferendi eius lapides fiat, breui nullum lapidem reliquum fore. Verumtamen quia Pontificis vrgebat auctoritas; Canonici, sacerdotesque Lauretani re diuina, ac supplicatione solempni ritu peracta, in sanctam Virginis cellam coeunt, imperata passuri magis, quam facturi. Cunctis tale ministerium obstinate detrectantibus, ipsemet Stella ferro lapidem è pariete eximit, aufertque, custodibus palam frementibus. Breue scilicet gaudium illud Episcopo futurum. Auferret sane sacrilegij minister Deo Deiparæque, quod vtrique haud ita multo post, manifesta eorundem ira esset relaturus. Vaticinatio fuit. Hæ voces velut è cœlo missæ audacis hominis perculere pectus: & simul anxij implere curis. Itaque fluctuans animo, quamuis urgente Episcopi sui imperio, octo dies

dies totos Laureti substitit: tempusque id omne in placando omni ope Deo nequicquam absumpsit. Neque enim cœlestem leniuit iram, qui causam iræ penes se residere pateretur. Denique ipsis Kal. Decembribus dat se se in viam, haud quaquam libero religione, ac sollicitudine animo. Cæterum postquam sine vlllo incommodo peruenit Anconam; securus periculi iter pergens, Deum adesse sensit suæ temeritatis ultorem. Ex eo quippe magnis semper imbris, fœdaque tempestate vexatus, procedere tamen quo intenderat perseverans, multa magnaue adibat vitę discrimina, in singula pene momenta. Viæ lacunis, voraginibusque teterrimæ passim ob stare: torrentes obuij exitium minitari: equus quo vehabatur identidem corruere; ipse cadens lacunis hauriri: equi subinde mutati omnes inutiles reddi. Tandem varijs casibus infaustum iter morantibus, Decembri mense exeunte Tridentum aliquando peruenit, maximis incommodis periculisque defunctus. Ibi sacrum lapidem Episcopo tradit exponens, quanti tandem sibi stetisset. At Episcopus nihilo cautior factus, cum spatio diuinitus ad resipiscendum dato, non didicisset alieno periculo, didicit suo. In Februarij mensis exitu, sacrum lapidem argentea inclusum theca transmittere parabat in Lusitaniam; cum repente ardentissima, correptus febris, miserandum in modum æstuarē, iactarique cœpit. Ad febrim accedebat grauius atque atrocius malum, acerbissimus inguinum dolor, qui nullam sinebat eum capere quietis partem. Confestim medici adhibentur, qui omnibus rebus frustra tentatis (quia morbi causa consuetudinem, morbus ipse superabat artem) seuerē pronūciant, sibi non vim, non causam morbi humanam videri. Proinde videret ipse, ne forte illud esset ab irato Deo inflatum malum. Ita parum prosperæ curationis euentum veriti, desperata eius valetudine discesserunt. Ingens Episcopum sollicitudo incefferat anxium, vtrum occulti alicuius delicti tam atroces ab se Deus expeteret pœnas. Ergo
desti-

destitutus à medicis æstuarè coepit animo etiam magis, quam corpore: in se ipsum intentius inquirere: & Lauretani lapidis religione animum stimulante, precibus, gemitibusque diuinum placare numen: ab Lauretana Virgine, si eam forte, violata eius Domo, læsisset, exposcere veniã: se ad omnia descendere satisfaciendi causa paratum profiteri. Nec in irritum missæ preces, culpam vtcumque agnoscentis, detestantisque. Mox tacitam velut missam è coelo vocem sibi audire visus, iubentis ademptum Lauretanæ Virgini saxum reddere. At ille veritus, ne id ægræ mentis vanum esset ludibrium, simul quod lapidem ex auctoritate Pontificis haberet, simul quod tanto bono iam parto fraudare nollet Lusitaniam; animi, consilijque incertus hærebat. Per hæc hebdomadæ aliquot absumptæ. Stella Domini sui iussu, coenobijs duobus sacrarum Virginum ciuitatis Tridentinæ sanctimonia inclytis, Episcopi periclitantis salutem impensius commendarat. Biduo interiecto vnum ex vtriusque coenobij primoribus responsum tulit. si saluus esse vellet Episcopus, Lauretanæ Virgini redderet, quod abstulisset. Ea vox, vt ad aures accidit Stellæ, animum quoque eius parumper defixit mirantis, qui tandem de Lauretano lapide rescuiissent claustris inclusæ virgines, quod Tridenti quidem præter se, & Episcopum (is rem summa ope taceri iusserat) sciret nemo. Haud dubius ergo totam illis rem diuino indicio enunciatam, Domino comperta renunciat. Tum vero ille attonito similis hæsit animo; inde conscientia ictus crebros edidit gemitus. Mox super lectum vbi iacebat, cubito alleuat se, & manus pariter oculosque tendens in coelum, manantibus vbertim lacrymis, veniam à Dei parente enixe petere insistit: ignosceret misericors mater pio errori: ignosceret delictum agnoscenti suum. nihil Lauretanæ Domus penes se, ipsa inuita, futurum. Fixum sibi, ac statutum esse extemplo restituere, quod accepisset: nec deesse fiduciam recuperandæ per eam salutis, lapide restituto. Proinde ip-

de ipsa opem ferret, quæ spem fecisset. Nec vero aut ille suum promissum, aut B. Virgo eius spem scellit. Extemplo Soarius Stellam ipsum, qui attulerat, Lauretum referre saxum illud, & iter maturare iubet. Vix dum ille vrbis porta citato excefferat equo; cum Episcopus melius habere coepit. Igitur alterum protinus curforem submittit, qui Stellam ad iter quam maxime accelerandam incitaret. Itaque ille mutatis subinde equis, quietis pene immemor strenue noctes, diesque currebat, Lauretum peruenire festinans. Dictu mirabile. quo propius is Lauretum accedebat (vt postea temporibus inter se collatis intellectum est) hoc melius habebat Episcopus; vt eodem tempore, & Virgini lapis, & salus Episcopo redderetur. Neque illud care visum miraculo, quod Stella non magis difficili, impeditoque vsus erat itinere sacrum auferens lapidem, quàm facili, expeditoque vsus est referens. Satis constat illum Tridento Anconam (ea xv. millia passuum abest Laureto) non toto quadriduo peruolasse. Adeo non tam equorum celeritas, quam diuina quædam vis obsecundabat redeunti. Hæc vt à me perscripta sunt, Raphaeli Rieræ, qui tū Laureti erat Stella ipse narrauit. Et sane propter euidentiam miraculi, res est omnium sermone celebrata.

*Sacer lapis magno apparatu, concursuque in
suo loco repositus celebratur.*

Cap. IIII.

L Lauretum Stella attigit mense Aprili ineunte. Protinus Lauretano Præsidi rem omnem, vt gesta erat, enarrat: lapidem argentea, vt erat, theca inclusum cum Episcopi litteris tradit. Quæ fama posteaquam ad Sacerdotum, qui male ominati rem tentantibus fuerant, peruenit aures; pro se quisque fremere, Lauretanam Virginem natalis suæ Domus vlticem oculos aperuisse: & ne talia posthac alius auderet, insigne mortalibus documentum dedisse,

*Ann. Lam.
Rier.*

dedisse. Cæterum vbi primum relati tam euidenti miraculo lapidis fama percrebuit; cunctis oppidanis, aduenisque visendi studio concurrentibus ad portam oppidi, supplicatio est indicta. Ibi Episcopi Conimbricensis litteris (hæ rem totam ordine exponebāt) propalam recitatis, insignis miraculo lapis ornatissimo impositus ferculo, quæta maxima tum potuit pompa à Præside, Canonicis, Sacerdotibus circumfertur: & prosequentibus amplius duobus hominum millibus, in suum reponitur locum. Lapidum duplex ferri retinaculum additum, quod monumentum foret ad posteros, eum temeritate hominum exemptum, Dei prouidentia restitutum. Ipsius quoque Episcopi litteræ ad Pium Pontificem transmissæ, tamquam miraculi testes: quæ hodie cum alijs litteris ad Pontifices pertinentibus, Romæ asseruantur in arce S. Angeli, vnde nos exemplum habuimus, quod hoc loco visum est intexere. Epistola igitur totidem pene verbis in Latinum translata talis est.

Ioannes Episcopus Conimbricensis Præsidi Lauretano S. D. Pro mea erga Lauretanam Virginem religione, eius adis lapidē (quod te non fugit) summa ope, operaque curaueram. Ac demum interdicti Pontificij religione solutus à Pont. Max. impetraram, Cardinale Carpenſi Laureti Patrono non inuito. Sed Deus, ac Dei parens haud obscuris argumētis mihi denunciarūt, ut ablatum lapidem Lauretum remitterem. Quippe, & inusitatus morbus prosperam meam valetudinem diuinitus afflixit: & piorum, Deoque acceptorum hominum monitu hanc morbi causam esse perspexi. Itaque ego nulla interposita mora, veniam pacemque precatus à Deo, eiusque sanctissima parente, sacrum lapidem per eundem Franciscum Stellam Aretinum sacerdotē meum, qui istinc eum abstulerat, referendam curauī. Quas obtestorque, ut remissum qua par est religione, ceremoniaque recipias, ac suo reponas loco, una cum calce, qua pariter remittitur. Vnum oro, ut arculas argenteas, quibus ea continentur, velut testes miraculi asserues ad posteritatis memoriam sempiternā. Gratissimum quoque mihi feceris, si Card. Patronum, ipsumque Pontifi-

Pontificem Max. de tota refeceris certiores, ut posthac Censuras Ecclesiasticas in Aedis Lauretana violatores ratas esse, ac sanctas velint; ne quid omnino illinc in posterum auferatur. Orabis etiam cum istis sanctis sacerdotibus B. Virginem, ut hoc quicquid est, siue erroris, siue culpa clementer mihi condonet. Data Tridenti VI. Id. Aprilis An. M. D. LXII. Subinde tam certi, exploratique miraculi fama per Picenum Italiamque vulgata, & loci religionem, cultumque plurimum auxit, & maximam vndique peregrinorum molem cum donis exciuit. Satis constat, intra vnus mensis spatium, supra quinquaginta aduenarum millia confluisse Lauretum, studio celebrati fama lapidis visendi osculandique. Nec alia res illa tempestate, sermonibus hominum celebratior fuit.

Plures præcipitis ruine periculo liberantur.

Cap. V.

PER idem tempus Deipara Virgo haud minus mortalium salutem, quam domum suam sibi cordi esse claris indiis ostendit. Troilus Ribera vir nobilis Lauretum voti causa petens, haud procul maritimo Piceni castrillo (Cryptas vocant) per abscissas rupes iter faciebat eques. Ibi fallente vestigio, ex præcipiti in subiectum maris littus, equo inhærens deuoluitur, Lauretanam subinde Virginem inclamans. Nec defuit diuinum auxilium, mira res dictu, visuque. Equus cum equite de rupe reuolutus hæsit in semita propter mare: ipse etsi gladio ac pugione præcinctus, incolumis euasit, nullaq. læsus ex parte. Ita Lauretum ad duplex votum exsoluendum, lætus, atque alacer tendit. Geminum ac par discrimen Salustius Turmæ equitum Pij Quarti Ductor, ope B. Virginis effugit. Is in altissima rupe Umbriæ iter faciens simul, cum

*Ann. Laur.
Rier.*

equo corruit præceps. Sed in ipso periculo memor B. Virginis Lauretanæ, quam ante adierat, eam lacrymabundus implorat. Adfuit ruenti B. Maria, & præsentem strenuè opem tulit. Itaque ille, etfi ad imam vsque vallem deuolutus, tamen sine vilo grauiore incommodo surgit: & erat altitudo rupis vnde exciderat, passuum circiter quadraginta, ne quis eam rem miraculo eximeret. Parem in pari periculo B. Virginis opem expertus est Iosephus a Môtè Felirio. hic editâ conscenderat turrim ea mente, vt ibi statueret trabem. Cæterû vestigio fallente delapsus ferebatû præceps. Ibi tum Virginem Lauretanam inuocans extemplo visus sibi caelesti quadam vi, & quasi manu sustineri, ac paulatim sine molestia, periculoque demitti. Igitur solum attingit integris non solum membris, sed etiam sensibus. Illud autem admirabilius. Augustinus Crementis Catari erat in Vrbe Dalmatiæ an. M.D.LXIII. Ignio incunte, quo tempore ingens terræmotus bonam vrbs partem hausit, strauitue: & Franciscum Priulum Prætorem vrbs cum vniuersa familia oppressit, haud miserabili magis, quam memorabili clade. Tum igitur Augustinus, & ipse communis periculi particeps, B. Mariæ Lauretanæ implorauit opem. nec frustra. Illi subita parietis ruina obruto, vestimentis dilaceratis, summa duntaxat cutis perstringitur. Ita omnium opinione mortuus, repente B. Mariæ præsidio exsistit incolumis. Cuius incolumitatem illustriorem fecit aliorum, qui par discrimen subierunt, facta ac miseranda mors.

Nauta amissa navi, B. Virginis opē seruatur,

Cap. VI.

*Ann. Laur.
Ricta.*

NE C. minor in maris tempestate sedanda, quam in terræmotu B. Virginis Lauretanæ vis exsistit. Sæpius erat quidam Nauarchus petitus, & grauis. qui è Constanti-

stantinopoli onustam mercibus adducebat nauim. Hæc anno huius seculi LX. ipso peruigilio S. Andreae Apostoli, cum iam Miletus Asiæ minoris Vrbs in conspectu esset, repente aduersa tempestate iactata, & validis verberata fluctibus fatiscere demum cœpit. Præcisa erat portus capiundi spes: & iam magis ac magis dehiscens carina vberim admittebat aquam. Ergo Nauarchus, nautæque humana ope daminata, Virginem Lauretanam inuocant supplices. Nec surdis auribus adhibitæ preces. Iam prope erat, vt nauis paulatim demersa hauriretur fluctibus, cum nautis, vectoribusque veniam exposcentibus à Deo, Deiparæque auxilium certatim implorantibus, repente inter nocturnas tenebras lux coelestis affulsit, quæ trepidis, & animos addidit, & viam ostendit salutis. Protinus scapham vident in medijs fluctibus pene immoram stare, velut ad effugium diuinitus paratam. Itaque cuncti ea strenue conscensa, coelestem lucem præeuntem, quasi Ducem itineris sequuntur, Lauretanam esse Virginem rati. Paululum prouecti erant, cum respectantes, nauim quam reliquerant, haustam fluctibus cernunt. Deo igitur Deique parenti gratias, laudesque iterantes, coelestis luminis ductu in Adriaticum sinum deferuntur: ac tandem Italiæ oram legentes Anconæ portum capiunt, ipso Apostoli Andreae solemni die. In terram egressis haud minori miraculo itineris celeritas, quam Ducis benignitas fuit. Compertum quippe est paucarum horarum spatio millia passuum amplius mille scapham peruolasse. Itaque è vestigio Lauretum profecti, sacrisque mysterijs rite expiati. Deiparæ Virgini vota exsoluunt, miraculum enunciant, predicantque.

HA.

*Duo viri à fulminibus liberantur. Dua item
femina steriles secundantur.*

Cap. VII.

*Ann. Laur.
Ritr.*

HAud præsentior aduersus fluctus, quam aduersus fulmina tutela exstitit B. Mariæ Lauretanæ. Antonius à Sancto Stephano castello Lucensis ditionis, atroci procella ingruente, turrim ascenderat, campanum æs de more pulsaturus. Ecce tibi fulmen è cœlo ruens turrim cum Antonio deijcit, qui fulmine afflatus, ruinaque oppressus, quatuor horas iacuit exanimis, obrutusque ingenti cumulo saxorum. Plura eodem tempore pro Antonij salute vota à propinquis Lauretanæ Virgini facta, quæ haud irrita ceciderunt. Remoto lapidum aceruo, Antonius viuus, valensque inuentus est. Qui breui receptis viribus, Lauretum venit anno. M.D.LXV. Deiparæ vota reddit, expertam eius opem impensius prædicans. Huic aliud simile eodem fere tempore. Marcus Antonius Ficius à Monte Feltrio Carpenianæ Parœciæ Sacerdos turri conscensa, ære campano sacrificij signum dabat. Cæterum subito ictus fulmine Lauretanam inclamat Virginem. Ergo afflatis dumtaxat humeris, vestituque ambugo, ipse haud dubia B. Mariæ ope saluus euadit. Propere igitur Lauretum accurrit, vota Deiparæ reddit, votiuam tabellam nobilem, miraculi ad posteros testem relinquit. Nec minus abolita clarissimis feminis sterilitas Lauretanam Virginem eadem tempestate nobilitauit. Iulia Roburea Alfonso Estensis Ferrariæ Ducis vxor complures in matrimonio annos cum viro transegerat prolis experts. Ad vltimum damnatis medicorum remedijs, ad diuinum se conuertit auxilium. Itaque Lauretum venit, animoque rite expiato, Virginem implorat, stirpem virilem exposcens. Addit precibus votum, si filioli compos fiat, se ad Laure-

tanam

tanam Aedem cum muneribus redituram , aut si quis casus obftet , pios viros suo loco cum donis esse missuram . Concepto voto domum reuerſa prolem concipit ; felicique enixa partu pulcherrimum edit infantem . Protinus voti memor infantis effigiem egregie pictam in argentea lamina pondo librarum octo : donum Virgini misit , & additus dono titulus accepti beneficij testis .

ALPHONSVS ESTENSIS ALPHONSI F.

ALPHONSI DVCIS FERRARIENSIS N.

ORTVS IDIB. NOVEMB. A. MDLX.

Huius miraculi fidem aliud consimile adfirmavit . Bernardinus Sanseuerinus Bisiniani Princeps huius , qui nunc est , pater plurimis iam annis cum coniuge exactis , nullos ex ea liberos genuerat . Igitur medicorum , medicamentorumque spe diu frustratus mœrebat non modo expers , sed etiam expes prolis , quam relinqueret tantæ dittonis hæredem . Ad vltimum , quod natura negabat , sibi à Deo , Deiparaque precibus exposcendum ratus est . Voto nuncupato , Lauretum cum vxore contendit . B. Mariam ambo enixe orant , optatam sobolem exposcunt . Nec diu B. Virgo eorum spem morata est . Enimvero priusquam Laureto discederet Princeps , vxorem vterum ferre certis indicijs comperit . Ac breui constitit , eodem illam tempore , quo votum domi conceperat , optatam sobolem concepisse . Cæterum nescio quo casu id beneficium breue , ac fugax fuit . Princeps paucis annis , quam pater factus erat vnico orbatur filiolo . Nec tamen B. Virgo eius fefellit spem , votumque . Haud ita multo post alium genuit filium , qui patri superstes , nunc Bisiniani obrinet Principatum .

Multis desperata sanitas restituitur.

Cap. VIII.

*Trad Laur.
Ann. Laur.
Kier.*

*Card. Moro
ni votum.*

*Iulian. Cæ-
sar. mortife-
ro morbo ex-
ipitur.*

*Ager ex pe-
dibus sana-
tur.*

Multis quoque per eadem tempora salus; (quamvis
desperantibus medicis) diuinus redditus. Car-
din. Moronus periculoso implicitus morbo, Lauretanæ
Virginis implorata, repente conualuit. Itaque damna-
tus voti Lauretum protinus venit: & gratijs B. Marię actis,
existere voluit diuini muneris monumentum. Proinde vo-
tiuam inibi tabellâ suspendit hoc maxime titulo insignē.
IOANNES CARD. MORONVS EPISCOP. PORT.
GRAVISSIMA INFIRMITATE OPPRESSVS,
A DEO. INTERCESSIONE B. MARIAE
SEMPER VIRGINIS LIBERATVS, VOTI COMPOS
VOTVM PERSOLVIT, AN. DOM. M. D. LXV.

Aliud admirabilius, sed paulo antiquius. Iulianus Cæ-
sarinus ex Romanis proceribus, de quo ante diximus, an-
no huius seculi LX. difficili, diutinaque dysenteria conse-
ctus iacebat. Exhaustæ iam erant cum cruore vires; nec
magis iâ medici, quàm eius domestici, ac propinqui actum
de eius salute credebant. At ille expertæ alias Lauretanæ
opis memor Deiparam inuocat. Protinus cunctis stupore
attonitis, periculo eximitur. Quo propior morti erat, hoc
evidentius miraculum fuit. Sequitur aliud genere dispar,
evidentia par. Ioânes Baptista Asculanus multos iam an-
nos laborabat ex pedibus adeo grauiter, vt per se ipse in-
gredi haud quaquam valeret. Igitur damnata medicorū
ipse, Lauretanæ Virginis opem implorat. Confestim equo
vectus Lauretum venit. Quo postquam ventum est à duo-
bus familiaribus in augustissimam cellam delatus, simul
B. Mariam venerabundus salutauit, extemplo pristinam
valetudinem recuperauit pedum, sic prorsus, vt per se suis
pedibus regrederetur ad hospitium, vnde cum in sacro-

sanctam

sanctam cellam modo ægrum, & pedibus delatum esse constabat.

Duo Energumeni à vexatoribus Diabolis liberantur.
Cap. VIII.

PAr in Diabolis, atque in morbis depellendis, B. Mariæ virtus enituit. Illyrica subinde mulier Paula nomine, diu multumque à malorū Dæmonū manu, quibus obsessā tenebatur, vexatā, sane mirabile, ac multiplex Lauretānis incolis, aduenisq̃ue spectaculum præbuit. Quippe cæteris humanis, diuinisq̃ue remedijs frustra tentatis, statuē ad Lauretanam Virginem, certissimū ærumnosorum, perfugium, conferre sese. Ergo Dæmones salubri consilio, itinerique ob stare summa ope: & Lauretanum iter ingressam modo fremitu, & clamore horrendo in fugam auertere; modo, obfirmato pergentem animo prostrernere humi; aliās ipsam instigantes in itineris comites, sociosq̃ue incitare adeo, vt lātrātibus, infestisque dentibus cunctos à comitatu absterret suo. Vicit tandem siue hominum pietas, siue diuina vis diabolicas artes. Itaque quamvis obluētans mulier à valida, minimeq̃ue timida virorum manu abripitur in sacram Virginis cellam. Pius, ac peritus talium rerum Sacerdos adhibetur, à quo per incarnati inibi Verbi mysterium iussi faceßere, tandem Diaboli abscedunt muliere exanimi relictā. Cæterum illam deinde receptis viribus, actisque gratijs abeuntem haud procul Laureto rursus inuadunt. Igitur retracta ad B. Virginis Aedem, mira quædam edere coepit, vaticinari, arcana patēfacere multorum, peregrinis subinde linguis eloqui. Mirari primo qui aderant, inde admiratio in misericordiā verti. Horum precibus exorata Virgo exagitatores illos denuo exegit. At simul Laureti porta mulier pedem extulerat, confestim importuni illi vexatores aderant: & in

eam velut in antiquam possessionem suam rēnigrabant. Id cum iterum, ac tertio euenisset, sensit aliquando mulier, se extra Lauretum saluam tutamque ab illis monstribus esse non posse. Constituit ergo Laureti vitam degere: & sub vmbra, tutelaque B. Virginis latere, eius semper obsequijs addicta. Ibi inter talia annis aliquot absumptis, felici exitu, supremum expleuit diem. Aliud eodem fere tempore accidit huic haud sane absimile. Alexander Galiardinus Bononiensis caupo fuit non ignobilis, is carissimam habebat filiam à quatuor teterrimis diabolis vexatam miseris modis. Hanc igitur magna spe, ac fiducia Lauretanæ Virginis fidei, tutelæque commendat. nec frustra id fuit. paulopost excussis infestis illis vexatoribus, liberam & incolumem filiam recipit. Voti compos eam Lauretum adducit, Deiparæ Virgini gratias acturus, & Lauretani auxiliij testis futurus.

Cæcis duobus videndi facultas redditur.

Cap. X.

*Anna. Laur.
Rier.*

CAECIS quoque per idem tempus videndi facultas red-
dita. Petrus Romanus Faentinus erat Neophy-
tus, qui utroque captus lumine multos iam annos in per-
petua nocte moestam trahebat vitam. Ad vltimum fama
de Lauretanæ Virginis miraculis Faentiam perlata ad
spem visus recuperandi torpentem eius animum erexit.
Lauretanam itaque Virginem bonæ spei plenus implorat.
Mira dictu res. dum magna spe insistit precibus, repente
discussis tenebris, optatam recipit lucem. Res satis testa-
ta. Lauretum is venit anno M. D. LXIII. Annibalis Ca-
saliij Protonotarij Apostolici, & Vicarij Faentini testes
miraculi litteras protulit. Aliud huic simile. Thomas Par-
mensis ex longinquo, atroci que oculorum morbo, lumina
prorsus amiserat. Desperata igitur humana ope, ad diui-
nam

nam spectare coepit. Nocte quadam acri oculorum dolore excitus è somno, in ipso grabato, vbi iacebat, submittit genua venerabundus: Deiparam Lauretanam enixe inuocat: veniam à Deo, luminumque sanitatem per eam exposcit. si voti compos fiat, se Aedem Lauretanam aditurū vouet. Et votum Deo, Deiparæque cordi fuit. Cum recubuiſſet Thomas, dulci correptus somno paulisper quieuit. Inde euigilans orti jam solis lucem sanis, ac vegetis oculis lætus hauſit.

Mutis duobus B. Virgo subuenit, alteri linguæ reſum, alteri exſectam linguam reſtituens.

Cap. X I.

NEc in cæcos B. Virgo benignior, quam in mutos fuit. Ioannis Vbaldi Patauini clariffimi copiarum Ducis paruus filius comitali oppreſſus morbo, vſum amiſerat linguæ, iam triennium mutus, atque æger iacebat, cum eius pater deſperata medicorum ope, Lauretanæ Virginis implorauit auxilium. Et auditæ paternæ pro filio preceſ. Extemplo puer priſtinam non tantum linguæ, ſed corporis quoque diuinitus recuperat ſanitatē. Igitur anno M. D. LXIII. Lauretum à patre adductus: Deiparæ Virginis ab utroque grates actæ; vota impenſe reddita: tota res Lauretano Præſidi, alijsque compluribus enarrata. Cæterum illud, vel maxime admirabile. Samnitum Prætor Lauretum petens Ciuitellam diuerterat. Ibi nefarium hominem deprehendit aſſuetum in Deum, ac Virginem Lauretanam, impia ſubinde verba iactare. Ergo inſenſus ira, protinus exempli prodendi cauſa, vaſanam magniloquentiam exſecta ſacrilego lingua vindicauit. Neque hoc contentus, eundem in cuſtodiam traditum aſſeruari ſedulo iubet, quoad ipſe Laureto regreſſus decerneret, an eſſet poena grauiore multandus. Itaque miſer ille ſupplicio

Ann. Laur.
Rier.

sumpto æger, intentato sollicitus aliquando respuit, & scelere in cultum verso, dies noctesque Lauretanam Virginem tacitis placare precibus, vorisque institit, obsecrâs, ut infensam sibi Proregis leniret irâ: daretque facultatem animi labes sacra confessione expiandi. Nec ingrata Virgini, irritæque exstiterunt impij hominis respiscētis preces. Haud multo post species Deiparæ illi in somnis oblata est iubentis eum bono animo esse: breui fore, ut custodia emissus ad Lauretanam Aedem pergeret: ibique peccata confiteretur, novæ linguæ subsidio. Prædictionem comprobavit euentus. Experfecto quædam quasi lingua renasci coepit, qua haud sane ægre sensa expromeret mentis. Et Prorex Laureto reuersus re cognita, parcendū existimavit, cui Virgo ipsa pepercisset. Confestim igitur eum liberum dimittit monitum, ut suo posthac periculo saperet. Datisque ad Pœnitentiarios litteris miraculi testibus, Lauretum destinat gaudio gestientem ad vota reddendâ. Quo ubi venit, haud magis Proregis epistola, quâ res ipsa miraculi fidem omnibus fecit. Quippe patefacto oris hiatu (mira dictu, mirabilior visu res) simul recisam linguam, simul lingulam quandam subnascentem videbant, & tamen ubi ille vellet, quanquam bleso pre, audiebant loquentem. Neque hic stetit res. Postquam domum reuertit, sacris mysterijs bis, terue perceptis, nova lingua ad iustam magnitudinem nouo excreuit miraculo. Itaque Lauretum denuo ad agendas Deiparæ grates profectus, ijs ipsis, qui exsectam paulo ante linguam viderant (quorum ex numero Raphael Riera fuit, qui hæc memoriæ prodidit) immortalis B. Mariæ donò renatam ostendit, cunctis rei nouitate atque admiratione: atronitis, & ram eximium, tamque illustre miraculum B. Virgini gratulantibus.

be Iudæus à Beata Virgine vinculis exemptus,

Laureti Baptismo expiatur.

Cap. XII.

NEC Christianos solum, sed etiam Iudæos Lauretana Virgo suæ benignitatis, opisque participes fecit. Nazarenus fuit Hebræus vir aliqui grauis, ac prudens, qui Nazarethi habitabat in vico, vbi Lauretanæ Domus diximus exstare vestigia. Is igitur ex loci vicinitate, de quo multa fando audierat admirabilia, religionis aliquid traxerat. Iam Mariæ ciui fauebat suæ, quam tanto à Christianis coli honore cognorat: iam à Christo ipso eandem ob causam haud sane multum abhorrebat. Caterum, vt est genus hominum durum, atque obstinatum, in auita hærebat superstitione, qua illum à puero diuturnus vsus implicauerat. Sed grauis calamitas tandem obfirmatum animum flexit. Iam sexagenarius ob patratum nescio quod facinus, à Turcis comprehensus æternis addicitur vinculis. Tandem ærumnis confectus, desperata salute corporis, de animo cogitare coepit. mox iniecta diuinitus ingenti salutis cura, veniam à Deo mundi conditore suppliciter orare institit. ita victa malis obstinatio, & diuina lux caliganti animo oborta. Ergo, & Iesum Christianorum Messiam, & Mariam Messiae matrem venerabundus implorat. Id cum impense fecisset, discedit cubitum spei, ac fiduciæ plenus. Nec vana spes fuit. Eadem nocte secundum quietem se illi obtulit Christus: quem cum ex specie, qua coli à Christianis solet, agnouisset; verum Deum, ac Messiam professus, insuper supplex adorauit in somnis. Confestim illi eximia pulchritudine, ac maiestate virginis species oblata est, cuius iussu altera virgo eius comes Nazarenum catenis eximit, quibus victus tenebatur: fori-

*Ann. Laur.
Riera.*

busque carceris reſeratis, adhuc ſopitum ſomno, ſed per quietem, quæ re ipſa gerebantur, videntem deducit ad portum. Ibi potior virgo, quæ alterius Domina videbatur, nauiculam paratam oſtendens; Iam liber es, inquit, eſto liberatricis memor. en tibi eſſugium paravi, nec de-ero fugienti, tu modo Lauretum, quod oppidum in Piceno Italiæ regione eſt, pere: ibi Chriſtianis initiatus ſacris ad Mariæ aram te ſiſte, ſuſcepto conſilio vitæ melioris. Tum verò Iudæus gratijs vtrique, ac præcipue ei, quæ primas tenebat, actis, grate liberatricem ſuam, vt nomen ſuum edere ne grâuetur. Et illa cum ſe Mariam Lauretanam, Luciam comitem eſſe dixiſſet; ſubitò cum comite ex oculis abiit. Tum demum euigilans Hebræus veram rei geſtæ ſpectem ſibi in quiete oblatam ſenſit. Dùm rei miraculo deſixus hæret, nullumque grates agendi Lauretanæ Virgini modum facit; nauicula, quam B. Maria hortante conſcenderat, per mariæ ſua ſponte incredibili celeritatē ferebatur. Itaque diuino ductu impulſuque Anconam appellitur biduo. Miraculo deinde vulgato, à primoribus ciuitatis benignè accipitur; quibus inſtantibus, vt ibi baptiſmate ablueretur, atqui, inquit, Maria Chriſti mater Laureti me baptizari iuſſit. Ergo à Prætore Anconitano cum litteris commendatijs dimiſſus Lauretum pergit: ibique Chriſtianis myſterijs ſatis imbutus Baptiſmo expiatur, ingenti vel ſuo, vel aliorum gaudio, ſeculi huius anno LX. Tota res ab ipſo per interpretem Rieræ, & alijs enarratur.

Præcipua dona Pio Quarto Pontifice Maximo.

Lauretum lata, missæ.

Cap. XIII.

NEC verò tam fecunda miraculorum tempestas donorum sterilis fuit. Cardinalis S. Præxedis effigiem suam à pectore argenteam pondo librarum quinque. Franciscus Caetanus è nobilitate Romana aræ ornatum aureum, Cardinalis Aragonius argenteum Phrygio opere & margaritis insignè. Alij porro minus nobiles alia minora dona Virgini attulerunt, quæ persequi operæ nõ est. Nec ignobilis pietas illustrium feminarum. Iuliæ Roburæ Ducis Ferrariensis donum fuit sacerdotalis vestis argentea, operè Phrygio magnifice picta. Ducis Grauinensis amiculum aræ ex Attalica veste crispante. Ducis Montis Alti pluuiæ ex textili aureo: alterum Cloeliæ Farnesiæ ex holoserico raso lilijs aureis conspicuum. Nec facile alias insigniora tam paucis annis ciuitatum, oppidorumque dona exstiterunt. Spelli oppidi in Vmbria effigies missa ex argento librarum trium. Altera Sarnani in Picenodib: xi. Alia Arretij in Hetruria pondo VIII. Firmi quoque vrbis simulacrum argenteum alterum (nam alterum ab hinc xxx. fere annis missum) pondo XVIII. his tertium accessit hac eadem tempestate, item ex argento, & magnitudine, & pondere eximium; quippe librarum xxxi. Adiectus titulus votium donum nobilius fecit.

VRBS FIRMANA

OB RECVPERATAM REMP.

EFFIGIEM HANC ARGENT.

DIVAE MARIAE DE LAVRETO

VOTO PVBLICO D.

Hæc præcipua Lauretani sacelli miracula, ac munera Pio Quarto Pont. Max. listeris consignata reperio.

Codic. Laur.
Car. S. Præxedis D:
Franc. Gaetanani D.
Card. Aragon. D.

Duc. Ferrarien. D.
Ducis Grauinensis D.
Ducis Montis Alti D.
Cleliæ Farnesiæ D.

Spelli oppidi simulacr. argent.
Sarnan. sim. argent.
Arretij sim. argent.
Firmi triæ simul. argen.

Pij Quinti de Lauretana Aede testimonium, & Roberti Saxatelli, illo Pont. opera.

Cap. XIII.

*Anna. Laur.
Rij.*

*Pij V. testi-
monium.*

*Robert. Sa-
xatellus.*

PIUS Quintus inde Pontificatum excepit, cuius incl-
ta omnibus in rebus pietas in D. Mariæ Lauretanæ
cultu satis enituit. Nihil quippe illi antiquius fuit, quam
ut eam suo aliquo munere insignem faceret. Proinde
inter primum Pontificatus sui rudimentum, illustre in
suo monumento testimonium Aedi Lauretanæ dedit.
Nam cercos agnos de more consecraturus, effigiem
Domus Lauretanæ Angelorum humeris vectæ multis
eorum imprimendam curavit, cum hoc titulo.
**VERE DOMVS FLORIDA. QVAE FVIT
IN NAZARETH.** Quod quidem talis, tantique
Pontificis testimonium eo nobilius censendum, quo plu-
res orbis Christiani partes cum sacrorum agnorum imagi-
nibus peragrauit. Neque eo contentus Pontifex, Cardi-
nali Vrbinati Aedis Lauretanæ tutelam impensius com-
mendavit monito, nihil ut omnino prætermitteret, quod
ad eam ornandam, augendamque pertinere existimaret.
Itaque optimus Cardinalis ad id sua spôte pronus, impel-
lente Pôtifce, in eam curam totus incubuit. Iam Pallante-
rij successor Io: Baptista Maremontius semestris Præses
procuratore Lauretana, Vbaldus deinceps Venturellus
paucis mensibus etiam vita excefferat. Cardinalis itaque
Vrbinas pari animi magnitudine, ac pietate mandata
Pij Pont. facessens, Robertum Saxatellum virum manu,
& consilio promptum Laureto præfecit cum summa pote-
state. Nec egregia Saxatelli industria Cardinalem, aut
Pontificem frustrata est. Illo authore, ad augendam Laure-
tani templi maiestatem, sacerdotum, Canonicorumque
delectus habitus; eximijs vndique cantoribus ingenti pre-
tio

tio accitis, symphonicorum chorus nulli secundus institutus: sacra supellectile aucta, tabulis pulcherrime pictis, peripetasmatis comparatis nitor altaribus, templo splendor additus. Illa autem præcipua augustissimæ cellæ ornamenta. Sibyllarum signa duodecim è Ligustico marmore pulcherrime facta, & in suis loculamentis disposita: quatuor insuper æneæ valuæ ianuis impositæ mirabili opere cælata, Hieronymi Lombardi nobilis illa ætate statuarij, & fictoris manu. His accesserunt bina Principum Apostolorum simulacra ex argento sesquicubitalia, præclara arte perfecta, præcipuis diebus festis ornamento altaribus futura. Quin etiam Sanctissimæ Eucharistiæ honeste, ac decore ad ægros deferendæ, mortuis rite sepeliendis, Nominis Iesu, & Mariæ religioni tuendæ, sodalitates quatuor institutæ, Corporis Christi, Misericordiæ, Nominis Iesu, Rosarijque B. Virginis. Et suum, cuique sacellum cum sacra supellectili, suus ad conueniendum locus, suæ leges datæ. Quibus sodalitatibus ingens sane, & Lauretano populo commodum, & templo decus accessit. Nec templi finibus Saxatelli se tenuit cura. Publicam bibliothecam cuiusque generis libris instruxit. Noxijs hemoribus, quæ supererant excisis, circumiacentes lacunas penitus exsiccauit. Submotoque Musionis fluuij mœnia subterlabentis alueo, Lauretanam habitationem lōge salubriorem fecit. Inde vt peregrinis Lauretum petentibus liber, & expeditus vndique pateret accessus, vias omnes, quæ Lauretum ferunt, iam longo vsu vitiatas, atque corruptas partim laeterculo, partim glareâ strauit. Quamquam horum pleraque Piō V. Pontifice inchoata opera, Gregorio XIII. deinde perfecta. Nauigilum quoque ingens subuehēdis è Dalmatia ingentibus saxorum glcibis, ad Lauretanæ ædificationis vsum, Saxatellus ædificauit: magnamq. saxorum vim Lauretum subuehendā curauit. Hisce lapidibus à Ioanne Boccacino architecto haud ignobili, præclara Basilicæ Lauretanæ facies antiquo opere strui cœpta.

Sibyllarum
signa xlii.

Æneæ val-
uæ quatuor
Bina Apo-
stolorum si-
mulacra.

*Domus Lauretanæ hospitalitas, eleemosynaq.
Cap. XV.*

Hospitalitas
Domus Lau-
retæ.

NEC Saxatellus templo, oppido, vijs ornandis inten-
tus, caritatis, benignitatisque Christianæ munia in-
termisit. Centenos primo, inde ducenos, sæpe etiam tre-
cenos, eoque amplius pauperes peregrinos hospitio excep-
ptos, haud sane maligne alebat quotidie. Et quoniã vetus
Xenodochium viris erat attributum; crescente in dies fe-
minarum quoque multitudine, nouum mulieribus hospi-
tium exstruxit, instruxitque. Honestiores etiam paupe-
rum, quos à petenda propalam stipe retardabat pudor, oc-
cultâ iuuabat ope. Prîncipes quoq. viros humaniter æque
liberaliterque tractabat. Lauretanam Virginem omnium
gentium, omnium ferme ordinum hospitam diceres. Haud
facile alias apparuit magis diuina prouidentia in humana
iuuanda benignitate. Eleemosynarum, votiuæque pecu-
niæ tanta vis exstitit, vt ad tot, tantaque pietatis, Christia-
næque benignitatis opera non suppetere solum, sed etiã
superarent. Adeo res familiaris Dei causâ erogata, diui-
na quadam vi cumulatior redit. Itaque Saxatellus œcono-
mus vnîcus ad augendam rem Lauretanam versus, ex pe-
cunia, quæ supererat (quo benignitatis fons perennis fo-
ret) luculenta sane, ac frugifera coemit prædia. In agro
Recinetensi Montem Vrsu à Comite Bonarello aureo-
rum millibus decem, totidem Turscionem in Auximano,
alios porrò fundos in agro Castri Ficardi, egregium præ-
dium (Aquaiuiam appellant) duobus aureorum milli-
bus, & ducentis. Vineas tribus millibus. Et prata, ac sal-
tus, ne vacua, & otiosa forent, armentis bouum, equa-
rum, bubalorum, gregibus ouium, caprarum, aliorumque
pecorum impleuit. Quibus ex rebus cum aliæ commodita-
tes plurimæ, tum vero annuum vectigal ternorum ferme
aureo-

aureorum millium Lauretanæ Domui accessit, haud leue subsidium benignitatis, cultusque diuini. Hæc autem fere omnia, sub Pio Quinto Pontifice, superfluente pecunia comparata. Adeo quod abunde dabatur pauperibus ingenti foenore reddebatur. Deum cum hominibus liberalitate certare diceres. Quin etiã Pius Dei Vicarius diuinum pro virili parte consilium iuuit. Nunquam enim cuiusquam gratia, aut preces flectere eum potuere, vt vota in Lauretanæ Domus emolumentum cedētia in alia pietatis opera conuerteret. adeo fixum habebat, vnde accepta essent beneficia à vouentibus, inibi vota soluenda: nec vspiam melius votiua munera, quam in Lauretanæ Domus ornamentis, & hospitalitate collocari.

Pij V. Decretum.

Pij Quinti, & aliorum Principum dona.

Cap. XVI.

NEC nullam Pius Pontifex sui erga Lauretanam Virginem meriti gratiam, ac mercedem retulit. Michael Bonellum Cardinalem Alexandrinum sororis filium graui, periculosoque implicitum morbo, iamque morti proximum dolens, B. Virgini Lauretanæ pro illo vota fecit. haud frustra. Extemplo Pij Pontificis preces auditæ, moribundo Cardinali salus reddita. Et Pontifex voti compos celeritati diuini muneris pari religionis celeritate respondit. Vt primum Michael per valetudinem iter illud exsequi potuit, eum ad Lauretanam Virginem misit, receptæ diuinitus salutis testem votiui cum dono futurū. Donum fuit aræ, & Sacerdotis præclara vestis argentea, opere crispo, hoc insignius quod, & pro egregij Cardinalis salute, & à Pio Pontifice mittebatur. Nec facile alias plura Lauretum tam paucis annis Cardinalium munera allata. Cardinalis Mantuani aræ ornatus ex veste Atrali- ca. Cardinalis S. Georgij ex eadem materia vestis sacer-

Anna. Laurent.
Riev.
Pij V. vota,
ac D.

Card. Alexandrini D.

Card. Mantuani D.
Car. S. Georgij D.

Card. Montini D.
Card. Riarij D.

Card. Montis Alti D.

Car. Altrem. Donum.

Card. Perusini D.

Card. Pacechi D.

Card. Vinerij D.

Camertium D.

Fabrianens. Donum.

Viterbiens. Donum.

Princip. Ascul. D.

dotalis. Cardinalis Montini aræ amictus ex Attalica veste bifariam crispante. Cardinalis Riarij aræ, & sacerdotis ornatus ex veste Damascena, effigiesque Christi, & candelabra cubitalia ex argento, haud vulgari opere facta. Cardinalis à Monte Alto (is postea Xystus Quintus Pontifex fuit) duplex altarium, simplex sacerdotis, ac ministrorum solennibus sacris operantium amictus, ex veste Damascena aureis floribus ingentibus pulchre, sciteque distincta. Cardinalis Sittici ab Altaemps sacerdotalis ornatus ex auro, argentoque, opere quâ reticulato, quâ Phrygio contextus. Cardinalis Perusini sacerdotalis amictus opere Phrygio conspicuus: alius huic fere geminus eadē materia, & opere Cardinalis Pacechi. Denique Cardinalis Vinerij pluuiiale præclarum, sacerdotisque, ac ministrorum solemnī cærimonia sacrificantium vestes aureæ, ingentibus floribus; auro crispo, & opere Phrygio insignes. Nec ciuitatum munera desiderata. Camertes pluuiale ex textili aureo: Fabrianenses calicem argenteum magnitudine, ac pondere egregium: Viterbienses aræ amictum ex auro, argentoque contextum Lauretanæ Virgini dona portarunt. His accessere alia haud ignobilia, vel illustrium virorum, vel ignotorum hominum dona, quorum memoria, nescio quo casu intercidit. Exstat nudi pueri statua pene cubitalis ex auro solido, mira arte perfecta, cuius author, & causa non proditur. alij alio trahunt. vulgarior fama est, votium donum esse Principis Asculani vnus è Regni Neapolitani proceribus: ei filium in Principatus auiti spem genitum, pede, manuque contracta deformem fuisse. Caterum B. Virgine Maria Lauretana à parentibus inuocata, votoque pro filij incolumitate suscepto, diuinitus illi vsum redditum esse membrorum. Et sane huic famæ ipsius quoque statuæ habitus ac gestus fauent. Exstant alia præterea dona eiusmodi, quorum nulla, quod sciam, in litterarum monumentis exstat memoria. Huius quippe tempestatis codex donorum,

decen-

decennium ferme complectens, aut intercidit, aut meas effugit manus. Proinde quæ dona extremum Pij Quinti, primumque Gregorij XIII. Pontificatum attigerunt, eorum memoriam, quia non accepi, non queo prodere. Cætera cum fide tradidi, uti accepi ex monumentis litterarum. Per id tempus argentea simulacra Asculi, Recineti, Montis sancti, Bononiæ, Mediolani, & alia, quæ in sacrario hodie visuntur, B. Virgini dicata existimo.

Bern. Cyril.

Alij ab inundatione fluminis, alij à tempestate maris, & prædonibus liberantur.

Cap. XVII.

COmplura etiam huius tempestatis produntur miracula. Dominicus à Castro Florentino homo rusticus haud procul Elsa flumine in tugurio habitabat cum socijs duobus. Nocte igitur quadam maximis imbribus Elsa super ripas effusus, longe, lateque vicinos campos inundare coepit. Inde ingenti ruens impetu, quicquid obuium erat, secum trahere. Ibi Dominicus sæuiantis amnis murmure excitus somno, caput effert tugurio: late stagnantes circa campos, aduentantemque fluuium conspiciat. Ergo veritus, ne ingruente eluuiione, obrueretur vndis, extemplo cum socijs tugurij culmen ascendit. ibi gliscente periculo perstabat, subinde Lauretanam Virginem inclamans. Nixa erat casa stipitibus parum alte defixis, structa ex cratibus, stipulaque. Hanc igitur cum tribus illis fastigio insidentibus humo auulsam rapidus amnis abripuit. Nec tamen eis imploratæ Mariæ auxilium defuit. Casa illa vagantis licentia fluminis per duo circiter milia passuum circumlata, tandem ad ingentem accedit arborem. Illi per fugium diuina ope nacti, omisso tugurio, arborem strenue scandunt. ibique manent, quoad remissa aquarum vi, fluuius iam lenior se in alueum recipiat. Ita

Trad. Laur.
Ann. Laur.
Ricr.

procul Galipoli, versabatur. Quintum iam seruiebat annum, cum seruitij tædio libertatem spectare cœpit, & cum conseruis duobus agitare consilia fugæ. Itaque actuarium nauigium vacuum in portu sine custode naçti, ex composito conscendunt, strenueque propellunt ab littore. Sed eorum fuga haudquaquam Turcas sefellit. Qui confestim duobus expeditis, instructisque piraticis lembis fugientes seruos insectari summa ope cœperunt. Iamque haud procul aberat, quin Michael cum socijs caperetur à Barbaris, graui, vtique suppliciò, cruciatuque multandus. Ergo vniuersi eius hortatu, à Deo, Deiparaque Virgine Lauretana exposcunt veniam, opemque. Mira dictu, visuque res. Repente scda coorta tempestas adeo mare, cœlumque turbauit, vt Barbarorum naues procul abegerit. Et immissam diuinitus in hostes procellam res ipsa satis ostendit. quippe eodem ipso tempore, eodemque tractu maris, Turcæ iactabantur vndis; Christiani tranquillo æquore secunda aura ferebantur. Respectantes igitur, vt quam procul abessent Barbari cernerent, ex vittatis capitum tegumentis, quibus Turcæ vtuntur prò pileis (vt ea modo extolli, modo deprimi videbant, senserunt hostes insanis iactari fluctibus: nec iam de aliorum fuga, sed de sua salute sollicitos cum aduersa tempestate luctari, adeo diuinitus iniectus terror Turcarum animos à cura persequendi alios ad suimet tuendi curam auerterat. At Christiani non vento magis, quam B. Maria obsecundante, incredibili celeritate Catarum tenere. Inde voti, cœlestisque doni memores Lauretum delati, Christianis mysterijs rite perceptis, Virgini grates agunt, eximium eius beneficium memorantes.

Laqueo suspensus morti eximitur.

Cap. XVIII.

*Ann. Lanr.
Ricr.*

ALijs porro etiam extremo supplicio affectis salus red-
dita. Thomas Venetus Dux cohortis militum Se-
benici in præsidio erat. Is milites præsidiarios aduentan-
tis Turcicæ classis fama conterritos non potuerat in offi-
tio continere. Illis igitur fuga dilapsis, desertum præsi-
dium cernens, protinus milite vno qui reliquus erat comi-
te, Zaram contendit. Venetæ classis Duci fugam militum
Sebenici periculum exponit suæ sortis ignarus. Dux quip-
pe tali nuncio concitatus ira, Thomam cum comite su-
spendio extingui extemplo iubet, spatio tamen vtrique
ad procurandos de more animos dato. Ibi Thomas sacra
confessione rite expiatus Lauretanam inuocat Virginem.
votoque concepto, collum laqueo inserit haud dubia spê
cœlestis auxiliij. Igitur fune ad antenæ cornu religato, an-
tenna cum Thoma pendente sustollitur. alligatum erat pe-
dibus ingens ferri pondus: & carnifex pendentis corpus,
antenna sublata, subitoque demissa impense quassauerat
ter, quaterue. Itaq. omnium opinione mortuus, post quar-
tam horam patibulo eximitur tradendus sepulturæ. Exce-
dit fidem, quod deinde traditur, non tamen Dei, ac Dei-
paræ potestatem. Qui extinctus credebatur, inuentus est
vuius valensque, cum miles supplicij socius, parique con-
ditione vsus eflasset animam. Thomas ergo cæteris admi-
ratione defixis, è vestigio Lauretum iter intendit, Deo ac
B. Virgini, quorū immortalī beneficio viuebat, grates actu-
rus. Et res apud Lanretanos sacerdotes satis testata man-
sit. Alia eiusmodi complura sciens prætereo, quod minus
testata videantur, quam vt memoriæ prodenda sint ab eo,
qui nihil ex vano haustum velit.

Duo ab vltimo supplicio liberantur.

Cap. X X.

ILLud autem satis notum exploratumque, quamuis ab Apostolorum temporibus pene inauditum, vt Apostoli Petri è carcere diuinitus liberati, vetus exemplum instauratum quodammodo nostra tempestate videatur. Anno post Christum natum circiter M. D. LXX. vir quidã genere, ac factis clarus (nomen authores non edunt; credo quod ipse cælatus voluerit) ab vno ex primoribus Italiæ Principibus in custodia vinctus habebatur. Et falsis oneratus criminibus, iudice utebatur iniquo infensoque. Ergo cum haud dubiè instare sibi vltimum supplicium cerneret; Lauretanam implorat Virginem, orans vt priusquàm è vita discedat, faciat sibi Lauretanæ cellæ visendæ potestatem. Et piæ infantis preces Deiparæ cordi fuere. Sub noctem anxietate animi grauatum corpus arctior completus est somnus. Dormienti præclara Lauretanæ Virginis oblata species, quæ moerentis pectus ingenti gaudio permulsit. Repente disruptis vinculis, foribusque carceris diuinitus patefactis (obuersabatur autem somniantis animo, quod extra somnium gerebatur) rei nouitate attonitum exire compellit. egressum ad proximum vrbis vicum deducit adhuc dormiẽtem: protinusque eius subducitur oculis. Tum vero ille expergefactus, vinculis & carceri ereptum se cernens, haud vanam sibi in quiete obiectam imaginem sensit. Gratijs ergo Virgini enixe actis, lætitia ex moerore gestiens domum suam recipit se. Cæterum haud ignarus fore, vt à satellitio Principis conquireretur summa ope, & grauius in semet tanquam fugitium consuleretur; implorata denuo Virgine Lauratana, facinus edidit memorabile. Summò mane, diuina fiducia armatus infensum Principem vltro adit: obstupescenti ad eius aspectum,

Ann. Laur.
Kierz.

eidem illi Ricæ rem omnem, sicut à me est exposita, enarrauit.

*Multiplex Lauretanæ Virginis auxilium in
nauali de Turcis parta victoria.*

Cap. X X I.

Iisdem temporibus in vltimo ferme rerum discrimine, Lauretanæ Virginis vis, vel maxime enituit. Selimus Turcarum Imperator Cypro per vim potitus, cæteræ Venerorum ditioni, orbique Christiano imminēbat. Pius ergo V. Pontifex communi periculo communibus viribus occurrendum ratus, Venetis & Hispaniarum Rege in armorum societatem assumptis, ingenti mole bellum apparare cœpit. M. Antonius Columna Dux illa tempestate, inter Romanos genere famaque clarissimus, Pontificiæ classi præpositus est, & mature soluere in Turcam iussus. Ibi eius coniux Felix Vrsina pari nobilitate mulier, stimulante metu orbitatis suæ, liberumque, statuit in tot maritimi belli casibus ad Lauretanam confugere Virginem. Propere igitur cum honestissimo comitatu Lauretū accurrit, haud dubia, per Deiparam facile propitiari posse cœleste numen sibi, viroque. Solemnibus expiata mysterijs in sacrosancta cella supplex pernoctauit, veniam opemque sibi viroque suo à Deo, Deique matre impensius exposcēs. Inde B. Virgine accensis studijs, votiuisque muneribus culta, in eius gratiam Hebræum adolescentulum inibi è sacro fonte suscipit, & aureo donatum torque in suam adsciscit familiam. Nec irrita supplicatio, aut gratia fuit. Haud longo tempore intermisso, cumlati voti compos exstitit. Coniugem suum ex tam atroci prælio non reducem solum, sed victorem etiam recepit: eundemque in vrbe Roma, veteri Romanorum more renouato, insigni pompa ouantem læta conspexit. Cæterum eodem bello haud certio-

illa in priuata re, quam Pius Pont. in publica Lauretanae Virginis expertus est opem. Christianam classem vltimæ dimicationi instructam, intentamque esse iusserat. Nec ignarus erat, summam rerum in eo prælio verti. Proinde Pontifex vere pius, priuatis publicisque supplicationibus Deum conciliare institit. Præcipue in augustissima cella Lauretana orari assidue Deiparam iussit, vt in vltimo rerum discrimine pia mater adesset Christianis. Nec Pij Pontificis, piorumque spes in irritum cecidit. Inita pugna nauali, non tam humanæ, quam diuinæ opis res visa. Obsecundante Christianis, qui ante pugnam aduersus erat vento, fumumque bombardarum, ac tela hostium in ipsorum ora retorquente, nobilissima est de Barbaris parta victoria. Plerique hostium cæsi: naues partim depressæ, partim captæ: Ingens præda, magna vis captiuorum: supra X. Christianorum millia seruitio exempta. Quorum quidem pars longe maxima deinceps Lauretum persolvendorum votorum gratia venerunt. Satis constat ipso naualis prælij die, antequam signa canerent, Christiana mancipia remigio à Turcis addicta, pro libertate, plerisque autem Duces, ac milites Christianæ classis pro salute ac victoria B. Mariæ Lauretanæ vota fecisse. Vt dubium cuiquam esse non possit, quin tam insignis victoria post Deum, Deiparæ debeatur. Ergo non remiges modo captiui Turcarum, sed etiam milites, Ducesque Christiani ad agendas Deo ac B. Mariæ gratias, vota que reddenda Lauretum contulere se. Et diuini beneficii monumenta inibi exstare vtrique voluerunt: alteri quippe catenas, quibus religati ad remos fuerant, apud liberatricem reliquerunt suam: alteri Deiparæ velut auctori victoriæ, manubias hostium consecrarunt. Hoc autem vltimum, atque haud scio an maximum Pij Quinti humanorum operum fuit.

Anna. Laur.
Ejct.

*A Gregorio XIII. Indulgentijs, & vijs egregijs
adornatur. Cap. XXII.*

SEcutus Gregorius XIII. Pont. Max. superiores Pontifices, vt Pontificatus diuturnitate, ita Lauretanæ Virginis religione, ac magnitudine animi vicit. Nihil enim habuit prius, quam vt maxime inclyto in terris templo, si quid deesset, munifice adijceret. Itaque Indulgentias superiorum Pontificum non sua tantum firmavit auctoritate; sed prudentia etiam amplificauit. omnibusque promiscue Lauretanam Aedem visentibus cūctorum indulgit veniam delictorum. Pœnitentiariorum insuper auctoritatem auctiorem fecit, addita cœnobarum quoque à delictis reseruatis absolueudorum facultate. Illud vero insigni Gregorij donum. Indicta in annum M. D. LXXV. Iubilæi celebritate, Indulgentijsque toto orbe terrarum, vt fieri solet, in Urbis gratiam suspensis, vnā excepit Aedem Lauretanā, quam nihilo secius, quam cæteris annis, illo quoque Romanæ celebritatis anno, ius suum obtinere voluit: ne Romana frequentia quicquam de Lauretana decerperet. Quin etiam Iubilæi anno circumactō, illam ipsam, quæ Romæ fuerat, Lauretano templo concessit Indulgentiam, quam etiam Romæ adepti denuo Laureti consequerentur, si præscripta fecissent. Inde orsus magnificum opus, & tali Pontifice, ac Lauretana maiestate dignum. Satis gnarus erat vias, quæ Lauretum ferebant, etiam in ipsa Pontificia ditioe multis locis esse asperas, angustasque; vix vt equiti, peditique expeditus pateret aditus. Pulchrum fore B. Mariæ Lauretanæ ratus est, itinera adeo lata, ac munita esse, vt etiam quadrigis facile ac tuto adiri posset. Itaque præcipuas vias regio sumptu, prope ad veterem illam Romanorum magnificentiam, etiam per saxa ac rupes aperuit muniuitque. Nempe

*Ann. Laur.
Riera.*

pe, vel in ipsis Apennini iugis via tanta est amplitudine, ut quadrigę inter se occurrentes sine periculo commeant. Ita Pontifex perfecit (quod nisi factum videremus fieri posse nemo crederet) ut effedis, quadrigisque expeditus per Apenninos montes, ac iuga transitus pateret ex Vrbe, non solum in Picenum, sed etiam in Aemiliam, in Galliam Cisalpinam, in Poloniam, ipsamque Germaniam. Ergo ex remotissimis quoque orbis Christiani partibus plurimi rhædis, effedisque vehuntur Lauretum, inuitante itineris commoditate, quos difficultas antea deterrebat. Inter hæc Saxatellus vijs præcipuis circa Lauretū laterculo, aut glarea stratis egregie ornatos addidit fontes, haud parua vel Lauretanæ peregrinationis decora, vel solatia peregrinorum.

Celebritas Lauretana sub annum Iubilei.

Cap. XXIII.

Anna. Lat. Rier.

INterim dum viæ sternuntur, anno M D LXXVI. qui Iubilei celebritate insignis extra Urbem fuit, tanta vis hominum confluit Lauretum, quantam nemo meminerat. Pompa utique adeo insignis, ut etiam posteris memorabilis sit futura. Quotidie septenæ, octonæue, nōnunquam etiam denæ ciuitates, seu pagi, vicique distincti agminibus Lauretum veniebāt, argenteas coronas, ingentes cereos aureis, argenteisue nummis obritos, sacras vestes, calices, aliaque dona B. Mariæ ferentes. Et ordo, ornatuque venientium religionem spirabat. Sacræ quippe sodalitates agminibus, insignibusque discretæ, non solum prælatis crucibus auro, argentoque fulgentibus, sed vexillis etiam conspicuis, & Angelorum, Diuorumque personis suum quæque agmen ornauerant. In singulis porro agminibus, alij nudis incedebant pedibus, alij flagris nuda, & cruenta sibi terga cædebant: alij Deo, ac B. Ma-

riæ non sine symphonia, solemnia canebant carmina. Cæterum inter omnes eminebant sodalitates Picentium, quæ sacras quâ priscorum, quâ recentium monumentorum historias interpositis personis referebāt: summaq. actorū venustate in Lauretani tēpli atrio gratissima, vel cœlestibus vel mortalibus præbebant spectacula. Oppidum est Piceni haud sane obscurum, cui S. Genesius ex histrione Martyr nomen dedit. Oppidani veterem Patroni sui laudem pie, sancteque æmulantes, inter omnes populos, piorum spectaculorum, sacræque pompæ facile primas tenent. Horum circiter mille præter mulieres, inconditamque turbam, Lauretum petentes obuijs miraculo fuerunt. Pompa erat talis. Præibant eorum complures poenitentium habitu, cruciatuum, ac necis Christi Dominj insignia præferentes, qui cilicinis induti saccis: capitibus aspersis cinere, nudis pedibus, tergis assiduo verbere laceratis, longo ordine procedebant. Hos tria deinceps sequebantur ornatissima sodalitia varijs distincta vestium, ac notarum insignibus: & quodque agmen cruces, ac vexilla adornabant argento, auroque fulgentia. Aequæ autem omnia agmina accensis sodalium facibus collucebant: & longe, lateque percrepabant egregijs symphonicorū choris. Proximæ ibant tres velut cohortes: prima vetera sacræ historiæ argumēta, ac mysteria referebat. Altera Euangelij, Ecclesiasticorumque annalium illustria documenta virtutum. Tertia martyrum, ac militantis Ecclesiæ decora, nobilesque de Tyrannis victorias. Et personarum, rerumque gestarum simulacra ita ad viuum exprimebantur, vt res non referri, sed fieri, gerique viderenrur. Omnino non temporis causa ficta spectacula, sed vera, & suis temporibus præbita crederes. Extremum agmen claudebat currus triumphantis Ecclesiæ, insignibus, cuiusque generis ornamentis, ac mira rerum, personarumque varietate conspicuus. Christus rediuius triumphali curru sublimis eminebat, qui super orbem terrarum sedens, &

vndi-

vndique splendore collucens, sublata dextrâ obuijs populis benedicere videbatur. Circa eum symphoniaci pueri Angelorum faciem gerentes suauissimo concentu cuncta complebant. Currum porro vis ingens Martyrum, Diuorumque cuiusque ordinis, ac generis, virorum feminarum, Virginum coronata, cum victoriarum insignibus sequebantur, spectatorum turbam ad paria decora, exemplis suis inuitantes. Sane tota actio non magis spectaculum fuit, quam inuitamentum pietatis.

Ioannis Austriaci eximia pietas in Lauretana Aede visenda.

Cap. XXIII.

*Ann. Laur.
Rier.*

NEC illa tempestate Aedes Lauretana populorum spectaculis, quam procerum præsentia celebrior exstitit. Ioannes Austriacus vir Carolo Quinto Imperatore patre dignissimus, nec paterna gloria, quam sua virtute clarior, eodem ipso anno Lauretum voti causa aliquando perrexit. Is quinquennio ante aduersus Turcas nauali prælio dimicaturus Lauretanæ Virgini vouerat, si superstes ipse partem de Barbaris victoriæ foret, Lauretum utique ad eam iturum. Cæterum voti compositionem publica negotia alia ex alijs morata erant, quominus ante id tempus posset fidem exsoluere. Itaque cum Neapolim viatrici classe tenuisset, non horror sæuiantis hyemis, non publicæ, priuatæque negotiorum curæ, non procerum, populorumque preces flectere eum potuerunt, ut ne summa hyeme, itineribus glacie, ac niue obstitis, fluminibus passim turgentibus, Lauretum ad Beatam Virginem iter intenderet. Et horrida tempestas insigniorem pietatem optimi Principis fecit. Recinetensem portum equo prætergressus, ut procul Aedem Lauretanam conspexit; venerabundus caput aperuit, ac
Deipa-

*Ioan. Austr.
pietas & D.*

Deiparam Virginem salutauit. Inde velut alienato à sua cura ad cœlestis Reginae venerationem animo, nunquam neque imbris, neque cœli inclementia percelli potuit, vt semel apertum operiret caput: adeo se caputque suum B. Virgini deuouerat, cuius præsidio se incolumem credebatur esse. Postquam ad sacram Aedem peruenit, totius ante actæ vitæ noxis confessione expiatis, grates B. Mariæ ingentes agit: protinus vota persoluta satis magnæ pecuniæ cumulat dono. Comites insuper, & voce, & exemplo ad parem pietatis laudem accendit. Voti pietatisque munere perfunctus Neapolim regreditur, ingens Lauretanæ Virginis desiderium secum ferens.

Singularis pietas, ac munificentia Ioanna Austriacæ Magne Ducis Hettruriæ.

Cap. XXV.

NEC per id tempus Principibus viris feminæ nobilissimæ pietate erga B. Virginem cessere. Quadrienio ante (opus enim fuit rerum, personarumque ordinem sequenti, negligere non nihil ordinem temporum) inter initia Pontificatus Gregorij XIII. Ioanna Austriacæ Ferdinandi Cæsaris filia, eademque Francisci Magni Hettruriæ Ducis vxor Lauretum petijt, diuturnam Virginis visendam sitim explere cupiens. Ergo Pontificis iussu, tota Pontificia ditione, regio cultu excepta à Paulo Odescalco Atriensi, & Pennensi Episcopo, qui ad id ipsum ab Vrbe destinatus fuerat à Pontifice Max. ad optatissimam Virginis Aedem deducitur. Ceterum pia mulier sub Recineti mœnibus, Lauretana Aede procul conspecta, confestim vehiculo desilit, ac submissis genibus Deiparam enixe salutat. Inde reliquum iter conficit pedibus, vniuerso comitatu Dominæ exemplum sequente. Lauretum intrauit in veste candida, tenui-

*ANNA LAUR.
Rieta.*

tenuique, ex qua candor mentis eius eximius pellucere. Inde etiam modestia eiusdem exstitit singularis. Nanque à duobus Episcopis in sacrosanctam Virginis introducta Domum, contemptis pulvinaribus, ac tapetis, super nudo pavimento procumbit in genua: cæli Regem, reginamque illius domus olim habitatores, nunc præsidēs impense colit: manantibusque lacrymis veniam sibi, ac viro suo: ad hæc concors coniugium, virilemque insuper stirpem precibus exposcit. Solemnibus exinde expiata mysterijs, insequentem noctem totam supplex ante Beatam Virginem, impensius iteratis absumpsit precibus. Idem duobus consecutis diebus, totidemque noctibus fastitavit: tantum illi virium incensa pietas suggererat. Discedens porro duo corda aurea aureis catellis ante B. Mariæ ora suspendit: siue vt monumento forent, illam sibi, viroque suo esse cordi, siue vt Virgo author concordia talem coniugis sui animum præstaret sibi, qualem suum erga illum sciret esse. Neque his contenta donis, ita discessit, vt fixum haberet, Lauretanam Virginem aliquo dono colere quotannis. Idq. quam diu vita suppeditavit, impensius etiã fecit, quam statuit. Argentea Christi crucifixi effigies præclara, cum ingenti cruce ex ebena, candelabra quatuor sesquicubitalia ex argento perbene facta, solemnes Episcopi sacerdotis, ministrorū, aræque vestes ex auro argentoque bifariam crispante contextæ, & Phrygio insuper opere insignes: amictus quoque aureus Beatæ Virginis mirabili arte conspicuus, alia porro aræ toralia, & sacrorum calicum vela opere Phrygio, gemmis, auro, argentoque distincta, Ioannæ Austriacæ sunt munera. Nec in irritum piæ mulieris preces, donaque cecidere. A peregrinatione Lauretana, ex coniuge stirps ei virilis fuit, maternæ pietatis effigies in spem paternæ, ac pene regiæ ditionis genita, quæ matri aliquandiu superstes popularium suorum animos ad spem haud dubiæ felicitatis crexerat. Cæterum subinde mater
existin-

Codic. Laur.
Magnæ Du
cis Herur.
D. egregia

extincta, & arcano Dei consilio matrem impubis filius secutus Hetruriam impleuit mœrore, luctuque. At Ioanna Austriaca non solum facto rem Lauretanam ornauit, sed etiam exemplo. Haud ita multo post Margarita Austriaca (vt in eadem familia non magis virtutis ex viris, quam ex mulieribus pietatis exempla peteretur) Caroli V. Imp. filia, eademque Octauij Farnesij Parmensis Ducis vxor, Lauretanam Virginem adiit cum egregia nobilissimorum Procerum manu. Ibi Confessionis Eucharistiæque mysterijs rite perceptis, totum triduum diuinis in templo officijs semper interfuit. in augustissimo sacello haud diutius, quam enixius Deo ac Dei matri supplicauit. Ingentique auri vi in arcam coniecta, B. Virginem se dignis muneribus coluit.

Margaritæ
Austriacæ
D.

*Ducis Lotharingi vxor paralytica Lauretum delata
sanatur. Cap. XXVI.*

NEC Austriacarum mulierum, Italiæque ea propria laus fuit. Christerna, seu Christina Sueuorum rege, & Caroli Quinti Augusti sorore genita, eademque Dux Lotharingæ, femina exstitit virili virtute, eximiaque pietate. hæc magno iam natu, quamuis ætate, ac paralyti impedita, voti causa Lauretum venire constituit. Nec vnquam passa est, id sibi votum, suorum rogatu à Pontifice cum alijs pietatis officijs cōmutari, adeo ardens erat Lauretanæ Virginis visendæ cupido. Lectica igitur cum regio pene comitatu in Italiã, Picenūque delata pergit ire quo destinarat, satis fidens ab se valetudinem B. Mariæ recuperare posse. Ergo in sanctissimæ Domus aditu, non coelestem modo lætitiã hausit animo, sed pristinam quoque recepit corporis sanitatem. Illa membrorum, quibus capta erat, vsum ac vires extemplo sibi redditas sentiens, primum præter morem, sine vllo adminiculo institit pedi-

Ann. Leup.
Rier.
Vici. Brigæ.

bus, periculum virium factura. Inde cum res satis procederet, egressa, per se nullo adiutore, sacrosanctam Virginis cellam suis pedibus circumijt gratulabunda, eius familiaribus miraculo attonitis, Deique ac Deiparae donum certatim extollentibus. At Christina, quam ea res propius attingebat, obortis gaudio lacrymis, in augustissimum sacellum regressa, ante coeli reginam prouolui: nullum diuini beneficii efferendi modum, nullum agendarum gratiarum finem facere: se suaque Deo, ac Dei matri dedere. Exinde, ut tanti beneficii monumentum exstaret, ingens cor ex auro solido coronatum, quod hunc ad usum domo attulerat, ante B. Virginem catellâ aurea suspendit. Regia deinceps dona promit, torquem ex auro egregium, coronam ex vnionibus, baccisque, monile ex gemmis clarissimis: aræ insuper ac sacerdotis ministrorumque solemnî cæremonia sacrificantium vestes argenteas opere Damasceno sanè mirabili. demum regalia munera ingenti pecunia cumulat. Nec inde ipsa indonata abiit. Gregorius XIII. Pont. Iubileum illi amplissimum ab Vrbe miserat, quod ipsa cum vniuerso comitatu (in quo erant homines facile quingenti) trîce percepit. Cæterum lætum donis cœlestibus pectus tristis de morte Sebastiani Lusitanîæ regis (erat is sororis filius) nuncius nonnihil turbauit. Verum in tanto, tamque improviso vulnere, egregia generosa piæque femina enituit virtus. A luctu propinqui Regis ad opem eius animæ ferendam versâ, funus illi quanta maxima potuit pompa celebrauit. Sed ita, ut in Aede Lauretana quam plurima pro eo sacra faciendâ curaret. Ad vltimum Christina pietate ardens, Nosocomium Lauretanum bis inuisit, binos singulis ægris aureos nummos impertiens, haud minore liberalitatis laude, quam humanitatis.

Duc. Lotharingæ D.

Duo præcipiti ruina ex equo periclitantes à morte reuocantur. Cap. XXVII.

MInus illustre si personas conferas, sin res ipsas, magis admirabile exstitit, quod paucis ante annis acciderat. D. Susanna Iacobi Thainonii Cortauellensis equitis nobilis coniux fuit. hæc ab equo cui insidebat excussa, afflictaque ad terram, ad vltimum periculum venerat. Namque ossibus, quâ fractis quâ luxatis, omnes amiserat sensus. Ad hæc membra vitalis pene destituerat calor. Itaque desperata à peritissimis medicis corporis salute, Sacerdos salutem curabat animi, moribundam de more Deo Diuisque commendans, & lustrali subinde respergens aqua. Interim Iacobus carissimæ vxoris vicem sollicitus, templum proximum intrat. Ibi positis genibus, oculos pariter manusque tollit in cælum: lacrymansque enixe Lauretanam inuocat Virginem: votum precibus miscet, se ad Lauretanam Aedem iturum, si sua ope seruet eam, quâ nulla vis humana seruare possit. Nec irritum fuit votum. Vix dum plane id vouerat, cum mulier habere melius cœpit, ac breui consanatis diuinitus ossibus membrisque conualuit. Eques igitur voti memor anno M. D. LXXV. (qui anno Iubilæo celebris & insignis fuit) Lauretum cum vxore contendit. Laminamque argenteam cum Lauretanæ Virginis effigie, quam hinc viri, hinc mulieris imago supplex orat, votiuum donum Deiparæ tulit. Additus laminæ titulus, qui totam rem breuiter exponit, miraculi ad posteros monumentum. Huic aliud consimile eodem fere tempore. Nicolaus Pauonius ciuis Catacensis nobilis erat. Is cum eques exerceretur inter æquales, corruente ab rapido cursu equo, effusus in terram confRACTO corpore, brachio etiam comminuto iacuerat exanimis. Exspiranti similem famuli excipiunt, domumque referunt haud sa-

*Ann. Laur.
Rîer.
D. Susanna
Thainonia
à morte reuocatur.*

*Nicolaus
Pauonius
ab interitu
liberatus.*

tis compotem mentis . Adhibentur confestim medici, qui mali magnitudine victi, actum de illo esse pronunciant . Pauonius ergo amicorum suasu, B. Mariam Lauretanam implorat, vouens salute recuperata, ad eam salutandam esse venturum . Votum iucundissimus somnus excepit . In somnis Lauretanæ Virginis obuersata species, quæ affectos iacentis artus manu contrectâs repente sanaret . Haud vânum fuisse somnium ostendit euentus . Nicolaus è somno euigilans, membra persanata comperit . Extemplo igitur exilit lætus è lectulo, Lauretum accurrit, votum exsoluit .

*Quidam ex inimicorum manibus ereptus, quamuis
duodecim mortiferis plagis acceptis, diuinitus
sanatur. Cap. XXVIII.*

*Anna Laur.
Rier.*

SEquitur aliud in alio genere, admiratione præcipuū . Ioannes Philippus Ambrosius Neapolitanus tenui re, sed magna religione erga B. Virginem fuit . Is anno huius seculi LXXVIII. inermis inciderat in armatos inimicos; à quibus quam tumultuosissime circumuentus cædebatur ad necem . Iam vulneribus confossus haud procul exitio aberat : nec quisquam opem misero ferebat; & illi animis, armisque infesti non prius cædendi finem facturi erant, quam penitus extinctum cernerent . Ambrosius ergo media iam in morte, Lauretanam Virginem venerabundus inclamat . Nec frustra missæ preces . Extemplo è sæuientium manibus diuina vi ereptus præsentem interitum euadit . Ipsemet (quod postea narrauit) sublimem inde se diuinitus auferri sensit ad teli iactum : vbi exceptus à notis, ex sanguis ac semianimis deferretur domum . Nec tamen vitæ discrimen euasisset, nisi nouam in eodem periculo Beatæ Mariæ sensisset opem . Duodecim numero acceperat plagas, plerasque mortiferas, quibus inspectis medici de eius salute penitus desperarant . At ille cœlestis .

*B. Mariæ in
media mor
te præsidium.*

stis opis modo expertæ memor, tantum miraculum haud frustra esse credidit. Itaque vnde auxilium aduersus tela inimicorum adfuerat, indidem medicinā vulneribus sperare coepit. Ecce nouum miraculum: B. Virgo impenſius ab illo implorata, coelestem plagis facit repente medicinam. Ergo ille omnium opinione mortuus, repente ſanus vegetuſque ſurgit è lecto. Lauretumque profectus, vota perſoluit, illuſtre Lauretani auxiliij documētum: bis quippe vno tempore à media morte reuocatus. Proinde à notis, ignotiſque non iam Io. Philippus appellabatur, ſed Lazarus rediuius.

*Mater, & filia à morte, alij ab alijs morbis
liberantur. Cap. XXXIX.*

HAud maior in vulneribus, quam in morbis ſanandis, per ea tempora Virginis Lauretanæ viſ exſtitit. Ann. Laur. Riera. Melido quidam fuit è Vaſto vrbe Samnitium, cuius vxor, & filia graui, diuturnaſque febri pariter afflictae iacebant morti proximæ. Iamque ſacris candelis ad capita earum de more accenſis, ſimul ambæ agebant animam; cum Melido, qui vtramque vnice diligebat, vltima experiri ſtauit. Igitur dolore ardens procumbit in genua: & manantibus vbertim lacrymis, Lauretanæ Virginis opem implorat: ſupplicationi votum addit, plurimum in Deiparæ benignitate ſpei reponens. Et ſpes nequaquam eum feſellit: mira res. repente coniux, & filia periculo exemptæ, paucisque diebus perſanatae. Inde à Melidone Lauretum adductæ, vota pro ipſarum ſalute ſuſcepta Deiparæ Virgini reddiderunt, anno M. D. LVIII. Inſecuto anno Ioannes Petrus Florentinus ex Anna Baſſa Vercellenſi coniuge ſua filiolum genuerat, vtroque lumine penitus captam. Qua baptiſmo rite luſtrata, Anna mater Laureranam Virginem enixe inuocans vouet, ſi puellæ vnus ſaltem oculi vſus

li vsus redderetur, eam absē Lauretum primo quoque tem-
pore delatum iri. Id votum B. Mariæ cordi fuisse statim
apparuit. Extemplo nulla humana ope infans cæca alte-
ro videre oculo cœpit. Mater ergo voti haud parum me-
mor, impigre Lauretum petit, luscā gestans filiam sinu
materiem noui miraculi, nō solum veteris testem futuram.

Quo propius Lauretanam accedebat Domum, hoc melius
puella cernebat. Itaque postquam gratulabunda sacrosan-
ctam Virginis intrauit cellam (is dies fuit III. Non. Maij
anno huius seculi LXXX.) dextro oculo plane vide-
bat: iamque etiam sinistro videre cœperat. adeo Deus Dei
que parens vota exsuperant piorum. Sequitur aliud in di-
spari genere non dispar fortasse miraculum. Angelo Ber-
nardinio ex Aemilia, paruus erat filius, cui inter edendū,
os (ex carne opinor, id enim non traditur) transuersum
hæsit in gutture, adeo quidem pertinaciter, vt nulla hu-
mana ope excuti posset: & tumorem gutturis consecuta
febricula puerum acrius vrgebat. Iam puer exigua in spe
trahebat animam, cum pater carissimum filium moribun-
dum intuens, obortis lacrymis Lauretanam Virginē sup-
pliciter implorat. Nec mora. puer extussito osse, diuinitus
imminenti periculo eripitur. E vestigio à patre Lauretum
aduectus B. Mariæ sistitur. Ibi dum votum exsoluit (vt cu-
mulatum foret beneficium) febricula etiam, quæ ex mor-
bo erat reliqua, liberatur. Excipit aliud vſitatius, sed ta-
men non omittendum. Petrus Maria Florentinus diuti-
nis podagræ doloribus confectus, adeo iam captus erat pe-
dibus, vt sine adminiculis (cruces appellant) reptare non
posset. Tandem igitur damnata medentium ope, Laureta-
nam Virginem enixe inuocat. Nec frustra preces fuerunt.
Protinus depulso diuinitus morbo, vſum recuperat pedū,
& Lauretum profectus gratias agit Virgini. Inde cruces
ipsas, quibus æger subniti assueuerat, apud sacrosanctum
facellum suspendit miraculi argumenta.

Cæcæ infan-
t: lumē red-
ditur oculo
rum.

Puero tran-
suerſum, &
exſcutitur
ex gutture.

Podagrinus
liberatur.

Tres Ciuitates pestilentia liberantur .

Cap. XXX.

Iisdem temporibus Lauretana Virgo non magis ciuibus singulis, quam vniuersis ciuitatibus præsens in malis auxilium tulit . Anno huius seculi LXXVII. atrox morbi vis contagione vulgata, totam pene Siciliam peruaferat. Iamque nobilissimæ vrbes continuatis prope funeribus exhaustæ, horrenda superstitionibus præbebant spectacula . Ibi Panormitana ciuitas ingruente lue, cœlestem iram placare institit, ita voto, & imploratione Lauretanæ Virginis, periculum euasit . Et votum cum fide exsoluit. Exstat hodie lamina ingens argentea librarum fere nouem, vbi B. Mariæ Lauretanæ tecto insidentis expressa effigies visitur. Cui præclara imago Panormitanæ vrbs subiecta talem præfert titulum, depulsæ luis indicium .

*Ann. Lauret.
Riv.*

*Panorm. pe
stil. liberae.*

*Panormita-
norum D.*

FOELIX CIVITAS PANHORMI TRINACRIAE METR.

B. VIRGINI LAVRETANAE DICAT

EIVS PATROCINIIS A PESTE LIBERATA .

AN. SAL. M.D.LXXVII.

Biennio ferme interiecto , Anicia Galliæ vrbs non ignobilis, triduo distans à Lugduno, in grauiore etiam periculo par Lauretanæ Virginis experta est præsidium. Diutina urgente pestilentia, colonis, ac ciuibus pene exhausta haud procul exitio abesse videbatur. Itaque ciues, qui bus adhuc lues pepercerat, tam atroci, pertinacique malo conterriti, commodissimum rati sunt, per Dei matrem placare iratum Deum . Comuni ergo consilio, solenne Lauretanæ Virgini votum nuncupant : stratique passim in templo veniam delictorum, finemque morbo precibus exposcunt . Nec frustra . Nuncupationem voti ciuitatis sanitas est consecuta : mali infesta vis profligata : pristina ciuitati facies reddi cœpta . Extemplo Lauretum votiua

*Anicia vrbs
pestil. liber.*

*Annicensium
Dona.*

dona

Lugdun. pe
Ril. liberat.

Lugdunen-
sum Don.

Venusinæ
Princip D.
Sfortiæ Pal-
leuic. D.
Card Abal-
taemps: D.

Comit. Bri-
atici D.
Card. Est.
Don.
March. Va-
sti D.
Princ. Sul-
mon. D.

Card. Riarij
D.

dona publice per certos homines missa cum publico testi-
monio, quod monumentum foret, & voti ab Anicienti-
bus facti, & morbi Virginis ope depulsi. Nec Lugdunen-
sis ciuitas Gallix clara in primis, ac nobilis, aut commu-
nis cladis expers, aut Lauretani præsidij exfors fuit. Fœ-
da namque lue claras iuxta, & obscuras domos popula-
nte, inopes humani auxilij Magistratus ad Deum, Deipa-
ramque populum, ac vota verterunt. Publice voto pro ci-
uitatis salute suscepto, Lauretanæ Vitginis imploratur au-
xilium. Extemplo auditæ preces. ægri sanati, pestilentia
discussa. Ergo anno M.D.LXXXI. ab grata ciuitate vo-
tuum donum B. Virgini mittitur, nec ciuium religione,
nec amplitudine vrbs indignum: calix ex argento cælato
inauratus, non minus opere, quam magnitudine inter cæ-
teros eminens. Alia præterea dona haud exigui precii,
magna, & Lauretani auxilij, & Lugdunensis pietatis ar-
gumēta. Inter hæc Roberto Saxatello Pisaurēsi Episcopo
creato, Iulius Amicus sublectus, qui & si parū lætis ob Lō-
gobardiæ pestilentiam temporibus vsus, tamen Laureta-
nam Aedē nō parū ornauit. Per id tempus sacra supellex,
& instrumentū Aedis satis auctum. Venusini Principis con-
iux oculos aureos, & coronam argenteam misit. Sfortia
Pallauicinus triremem argenteam pondo librarum quin-
que. Cardinalis Sitticus Abaltaemps pro recuperata pue-
ri propinqua cognatione iuncti salute, eius imaginem
ex argento expressam decem pondo. Delia Sanseuerina
Comes Briatici lychnum argenteum pensilem sane egre-
gium pondo xxii. Cardinalis Estensis cor aureum, Mar-
chionis Vasti coniux argenteam arculam librarum fere
xvi. Vxor Principis Sulmonensis pollubrum, & viceum ar-
genteum operis, ac ponderis non poenitendi. Cardinalis
Riarius crucem auream specie, ac precio nobilem, Mittō
minora omnia, quæ referre operæpretium non ducimus.

FINIS LIBRI QVARTI.

HORA-

HORATII TVRSELLINI

E SOCIETATE IESV

LAURETANAE HISTORIAE

LIBER QVINTVS.

*Card. Vrbinae, & aliorum Principum Dona.**Cap. I.*

VBINDE Lauretanæ Domus opulentiam Patroni mors ac pietas cumlavit. Cardinalis Vrbinas ne minus liberalis moriens in Lauretanam Virginem esset, quam viuus fuerat, testamento sacram sacelli sui supellectilem luculentam in primis, & copiosam B. Ma-

Cod. Laur. Viß. Brig.

riæ magna legauit ex parte. Missa igitur ab hæredibus crux argentea præclara cum binis candelabris egregio opere factis. Pontificales amictus duo ex veste Attalica: totidem altarium, ac sacerdotum sacris operantium vestes ex aureo textili: toralia insuper, & sacrorum calicum velamina, Phrygio opere, auro argentoque distincta. Ad hæc sacra ara mobilis (petram sacratam vocant) è gemmis compacta: calices aliquot aurei, bini vrceoli argentei cum suo pollubro pulcherrime cælati, aliaque generis eiusdē, haud obscura Roburæ munificentæ argumenta. Porro Vrbinati Cardinali in tutela Lauretana, successit Cardinalis Moronus. hic Vincentium Casalem Lauretanæ rei administrationi præposuit, spectata pietate ac fide virum. Quo Præfide Lauretanum instrumentum, ac supellex haud par-

*Card. Vrbini D.**Card Moronus Laur. Patron.*

March. S.
Crucis D.

Archid. Au-
striz D.
Bauar. Duc.
filiz D.

March A-
quaviuz D.

Albert. Ba-
uar. Ducis
Donum Je-
gregium.

Amadei Sa-
bau. D.

Virginiz
Sabel. D.

Constantiz
Carretæ
Donum.

Card. Ma-
druc. D.

Card. Au-
striaci D.

ua incrementa cepit. Lychinus egregius cum subiecta pa-
tina ex argento librarum xv. vasculum item odoramen-
tarium argenteum Marchionissæ S. Crucis munera fue-
runt. Caroli Archiducis Austriae numisma aureum suo
nomine inscriptum. Maximilianæ Bauari Ducis filiz co-
rona delicijs magis quam precibus assueta est succino pre-
cioso, auro gemmisque discreta: crux aurea gemmis cæ-
latisque operibus insignis, & alia præterea gemmæ. Al-
berti Marchionis Aquaviuz effigies argentea in suppli-
cantis formata morem, decem pondo. Alberti Bauariæ
Ducis crux ingens smaragdina, auro pyropisque exorna-
ta, & crystallino quasi monti imposita. Duodecim aureo-
rum millibus æstimatam ferunt. Et munus per se insigne
mittentis dissimulatio insignius fecit. Satis constat, hoc
regale donum vulgaribus inuoluum linteis per obscurum
hominem esse latum, suppresso donantis nomine. Itaque
diu author tam eximij muneris homines latuit. Cate-
rum Dei utique nutu, cui non magis eximium donum,
quam donantis egregia moderatio cordi fuerat, tandem
doni author proditus, haud minore cum laude regiz mu-
nificentiz; quam Christianæ modestiz. Amadei Dyna-
stæ (is Emanuele Philiberto Duce est genitus) imago
sua in argentea lamina expressa, & auro ac gemmis in-
clusa, donum est. Virginiz porro Sabellæ Vitelliz effi-
gies votiua ex aurea lamina, ebene inclusa, holoserico
villosa substrato. Constantiz Carretæ corona aurea gem-
mis, vnionibusque conspicua. Cardinalis Madrucij au-
rea fibula ingens (quali Cardinales Episcopi uti in Pon-
tificiali amiculo solent) tribus margaritarum aceruis, in-
star nodorum, nobilis. Cardinalis Austriaci crux aurea
aureo insidens monti, gemmisque distincta clarissimis.
Hæc egregia nobilium virorum ac mulierum dona. Alia
porro vulgaria, aut ignotorum, quæ percensere nostri in-
stituti non est. Vnum tamen huius generis non tam pre-
cio, quam precatione donantis insigne, non quæo reti-
cere.

cere. Aureus annulus egregia smaragdo insignis reper-
tus in calice, donum hominis ignoti mortalibus, noti coe-
lestibus, cum hisce verbis in scheda inscriptis.

VIRGO SINGVLARIS. MITES FAC ET CASTOS.
O AMOR QUI SEMPER ARDES, ET NVNQVAM EXTINGVERIS
ACCENDE ME, VSUSCIPE ME SERVVVM TVVM B.

Lauretani templi cultus augetur.

Cap. II.

CAsalis interim Præses pro suo munere, Lauretanæ
dignitatis studio flagrans Canonicorum, clerique
vniuersi studia accendere omni ope institit. Ille alternis
hortando rogandoque nunc singulos, nunc vniuersos ad
sua munia incitauit. Ille non dictis magis, quam (quod
efficacissimum suadendi genus est) factis & exemplis per-
pulit ad sedulam Deo Deiparæque operam in augustissi-
ma illorum æde nauandam. Nam cum omnia Canoni-
corum officia siue canendis diuinis laudibus, siue confes-
sionibus audiendis, Præses ipse obiret primus; Canoni-
cos ceterosque pudor haud segniter stimulabat. Ita
quamuis multiplicato labore, haud inuiti sequebantur
Præsidi præeuntem. nemine detrectante munus, quod
ille occupasset. Et Casalis sedula fidelique eorum opera
usus, egit transegitque cum Patrono, ipsoque Pontifice,
vt auctis Lauretani Cleri laboribus, stipendia pariter au-
gerentur. Cum stipendio cunctorum etiam sedulitas cre-
uit. Canonicis nouo munere ad amplificandum templi
cultum incitatis, Pœnitentiarios linteis vestibus super-
indutos sericis infulis (stolas vocamus) ornavit. Ex
quo non plus ipsis, quam templo decoris accessit. Duo-
decim inde pueris sacrorum ministris ab se institutis ru-
bræ vestis insigne dedit. Et quia vetus odeum aucto Sa-

*Ann. Lauret.
Rier.*

Odeum a
Bisin. Prin.
ornatum.

XII. Apost.
simula. arg.

cerdotum, symploniacorumque numero, erat angustius; nouum multo amplius, multoque commodius instituit ornavitque, sumptu Bisinianensis Principis. Id nunc Odeum vsurpatur, pulcherrime laqueatum, præclaris tabulis pictis, exedrisque visendum. Ad solemne insuper arg. ornatum, duodecim Apostolorum simulacra ex argento sesquicubitalia egregio opere fecit. Fama est conflata omnia ex votiuis imaginibus argenteis iam vetustate exoletis; singula vero simulacra esse pondo circiter sexaginta. Ex quo conlectari licet, quanta tandem fuerit talium imaginum copia, quæ summam efficeret septingentarum, ac viginti librarum: quanta sit etiam hodie illiusmodi donorum vis, ac multitudo. Illud verò præclarum, ac frugiferum Casalæ inuentum, ut omnium nationum aduenis Lauretanæ historiæ cognoscendæ copia foret, eius capita à Teremano Præsidente olim edita, in octo præcipuas linguas Græcam, Arabicam, Hispanam, Gallicam, Germanam, Illyricam, Latinam, Italicam vertenda curauit. Eademque in totidem ingentibus tabulis descripta medio proposuit templo, non minus decorum ratus B. Mariæ Lauretanæ Domum ab omnibus gentibus, quam historiam linguis omnibus celebrari.

ViR. Frig.
Hist. Laur.
octo linguis
mandata.

Collegium Illyricum instituitur. Peregrini præsertim illustres laute tractantur.

Cap. III.

ViR. Brig.

AT Gregorius Pont. memor eius, quod initio Pontificatus imbiberat, Lauretanæ Domus, reique Christianæ amplificandæ, ut Romæ atque alibi diuersarum nationum; ita Laureti Dalmatarum Collegium instituit, ingens afflicte nationi, vel auxilium, vel solatium. Quippe tricenos ibi adolescentes litteris, bonisque moribus instrui iussit, haud maiori genti Illyricæ adiumento, quam

quam Aedi Lauretanæ ornamento futuros. His ex arca Lauretanâ stipendium, certasque ædes, vbi ante erat Nosocomium assignauit, nouo Nosocomio alibi excitato. Illyrici alumni festis diebus in templo lintéati sacris solemnibus adesse, ac ministrare iussi: ijdem Patribus Societatis Iesu in disciplinam traditi. Porro in sacri cultus curam intéritus Pontifex, Musicum organum alterum condidit, sanè multiplex, ac varium, & auro picturisque conspicuum. Ex eo tempore bina egregia organa in templo Lauretano esse cœperunt, Iulianum, & Gregorianum, quo maior concentuum varietas solemnia sacra decoraret. Cæterum Cardinali Morono vita functo, Vastauillanus Cardinalis sororis filius à Pontificè subrogatus. Qui Vincentio Casali Massæ Episcopo designato, Vitalem Leonorium sublegit, Laureti Præsidem non poenitendum. Is quippe, vt erat homo industrius, sedula agrorum cultura Lauretanæ Domus vestigalia auctiora fecit, ac benignitate in pauperes peregrinos nihil remissa, in Procerû hospitium lautum ac liberale curam intendit. Itaque nouum, egregiumque conclaue, quod nuper in Pontificijs ædibus extructum erat, magnifice ad hoc ipsum ornauit. Ibi Principes viros excipiens, quæcunque ad hospitalitatis munus pertinebant, summa cum cura exsequebatur. Ita omnes lati domos redibant liberaliter se Laureti habitos, cultosque memorantes. Et ea res fructuosa etiam Lauretanæ Domui, non solum decora Beatæ Mariæ exstitit.

Vital. Leonorius Pres.
Lauretan.

Hospitalit.
Laut. Dom.

Ducis Gioiscæ, & Regis Gallie pietas, ac munificentia in Aedem Lauretanam.

Cap. III.

NVnquam alias ante plures diuersarum gentium Proceres Lauretanam Aedem præsentia sua, ac muneribus

Vist. Brig.

ribus coluerunt. Author est Victorius Brigantius (is Lauretanus sacerdos assiduus, ac pius appendicem scripsit Historiæ Lauretanæ) complures per id tempus Dynastas cum donis venisse Lauretum. Gioiosæ Dux Deiparæ salutandæ studio ex Gallia Lauretū profectus, haud minora liberalitatis, quam religionis signa præbuit. Quippe octo dies totos cultui B. Mariæ, & admirationi Aedis Lauretanæ dedit, quo temporis spatio ter in augustissima Virginis cella pastus est cœlesti dape. Discessurus autem quatuor aureorum millia in arcam coniecit munificentia memorabili. Nec eo contentus munere, cum ex vrbe Roma Pontificem de more veneratus diuertisset Florentiam, paræm auri summâ denuo Lauretanæ Virgini donum misit. doni appendix bini argentei lychni ingentis ponderis fuisse, qui assidue ante B. Virginem ardentes eximiam, ac pene regiam testantur munificentiam Gioiosæ Ducis. Hęc pecunia Lauretanarum ædium, quas Principibus viris excipiendis destinatas diximus, bonam condidit partem, eam scilicet, quæ è regione templi Lauretani perducta quidem ad culmen, sed rudis adhuc, & impolita hodie cernitur. Nec regali Galli Ducis munificentia Rex ipse Galliæ cessit. Henricus III. cum Lauretanam Virginem publicis implicatus negotijs visere, ac muneribus colere ipse non posset; Lusianum vnum ex proceribus Galliæ suo loco ad eam destinavit cum regali munere, anno M. D. LXXXIII. Donum votiuum scyphus egregius erat Virgini, vt virilem regi regnoque stirpē impetraret, munus & materia & opere maxime insigne. Scyphus ipse è gemma excavata. lapidem lazuli hodie vocant, veteres sapphirum (vt quibusdam placet) appellabant. hæc gemma eximia magnitudine est, & aureis interitet venis. Operculum scyphi crystallinum tornatile, quod auro circumclusum clarissimæ gemmæ distinguunt. Porro in summo operculo Angelus aureus Gallici regni insigne lilium adamantinum sustinet manu. Constat quippe lilium ex

Rrgis Fran
cia D:egie.

tribus

tribus adamantibus auro mira arte illigatis. scyphi pes smaragdinus, auro obducitur, atque substernitur, circa gemmis eximijisque vnionibus adornatus. In Ipsa smaragdini pedis solea, quam auream esse diximus, doni author, & causa his litteris incisa.

VT QVÆ PROLE TVA MVNDVM REGINA BEASTI
ET REGNVM, ET REGEM PROLE BEARE VELIS
HENRICVS III. FRAN. ET POLON. REX.
ANNO M. D. LXXXIV.

Cæterum occulto Dei consilio preces interdum non audientis ad voluntatem, vt audiat ad salutem, donum ratum, votum irritum fuit.

Alia Gallorum Dynastiarum numera.

Cap. V.

DVX inde Humalæ, vnus è primoribus Galliæ Dynastis, Lauretanam Aedem accessit. Ibi solemnibus mysterijs rite procuratis totum fere quatrimum in augustissimo sacello B. Virginis supplex exegit precibus: Deum Deipara muneribus culta, discessit. Egregium Ducis Pernonij munus subinde Lauretum affertur, memorabili quidem insigne miraculo. Dux Pernonius è Vasconia Lugdunum ad Henricum Galliæ Regem tendens, in via Gioiosa Ducem offendit eodẽ petentẽ. Itaque salute data acceptaque, ambo pariter iter facere coeperunt. Ventum erat ad angustam in præruptis rupibus viam, cum Pernonij equus factus est insolentior, & equi insolentia in Donini caput vertit. Pernonius obstinate se erigentem, iactantemque equum cohibere connixus, de altissima rupe agitur præceps. Pro mortuo sublatu in proximam Lugduno villam propere desertur. Hic omnium amicorum carissimus erat Regi. Rex igitur trepido nuncio excitus accurrit, totamque ibi transigit noctem, summa ope

Pist. Brig.

Ducis Pernonij casus

remc-

remedia amicissimo viro adhibenda curans. Et Gioiosa vicem amici sollicitus, pro eius salute Lauretanæ Virgini votum suscipit. Nec frustra id fuit. Paucis horis interiectis, Pernonius liberius iam meante spiritu, alleuare oculos coepit. inde paulatim redeunte animo, circumstantes amicos agnoscere. Ibi Gioiosa, vt illum mentis compo-
rem, laxataque morbi vi, magnitudinem mali sentire vidit, accessit propius: & bono animo esse iussu monet, magnam vt concipiat spem, sibi Beatæ Mariæ Lauretanæ opem affuturam, cui ipsemet paulo ante pro ipso vota fecisset. Rogitat deinde vtrum id votum ratum habeat. Ille cum voce assentiri non posset, capite annuit. Incredibile dictu. paucis horis sensus omnes cum voce pariter recipit. paucis diebus e lecto surgit incolumis. Ergo beneficij satis memor, certum hominem suo loco ad exsoluendam voti religionem destinat exinde Lauretum: per cum binos solido ex argento angelos cubitales dicat, qui ad pedes B. Mariæ hinc, & hinc accensis perpetuo cereis lucerent, monumentoque essent posteris, Lauretanæ Virginis ope redditam sibi huius lucis vsurâ. Hanc Gallorum Principum pietatem æmulata Claudia Turnonia, arcis Turnoniæ effigiem argenteam misit, seruatae ne arcis votiuum donum, an voluntarium tutelæ Virginis conciliandæ? dono inscriptum.

HOC ARCIS TVRNONIAE.

Marchio Badensis brachio captus ex vulnere diuinitus persanatur.

Cap. VI.

Viâ. Brig.

HAud minor Germanorum Principum in Lauretanam Virginem pietas exstitit, quam Gallorum. Iacobus Badæ Marchio, ex vulnere, quod in Colonienſi tumultu plumbea grande ictus in brachio acceperat, ad vltimum

timum venerat vitæ discrimen. Itaque Beatam Mariam Lauretanam, celebre etiam illis locis nomen, implorat vouens, se, si salutem recuperasset, Lauretum ad eam cum donis iturum. Nec frustra id votum fuit: mox periculo mortis eximitur: breui etiam sanatur, sed ita ut brachium graui vulnere impense læsum, nisi toto corporis trunco, mouere non posset. Igitur simul voti exsoluendi cura, simul recuperandi brachij spes cum ad Lauretanam Virginem adeundam stimulabant. Lauretum se contulit, anno huius seculi LXXXIII. Biduo ante natalem Christi diem. Occultum omnibus suum volebat aduentum. Idcirco octo dumtaxat famulis comitatus venerat. Augustissimum sacellum ingressus, B. Virgini pro recuperata salute enixius grates agit: votiūque custodibus donū tradit: rogantibus nomen silentio suppressit. Inter dona fuit aureū sacerdotis amiculū, & ex aureo torque pendens hyacinthus eximia magnitudine, ac specie. præcipuum donum aurea veluti pyxis, mira vndique arte cælata. binos fere palmos circuitu amplectitur: & conchæ marinę instar bipartita, partibus inuicem nexis, aperitur, clauditurque. Intus Marchionis effigies B. Mariæ supplicantis, salutisque per eam partæ monumentum: extrinsecus in altera parte S. Georgij, ex equo Draconem hasta figentis pulcherrimè cælata, & distincta gemmis imago: in altera simulacrum Susannæ in lauacro à senibus depræhensæ, eodem opere, ac specie. gratum vsquequaque visentibus spectaculum. At Marchio ut vetus votum exsoluit, nouo se obligat voto, si valetudinem integram recuperet; & adiicit voto preces. In sacrosanc̃tam Deiparæ cellam, identidem regressus, expertum eius implorat auxilium: rogitat, ut suum beneficium absolutum, ac perfectum velit, reddat brachium, cui reddiderit vitam. ita demum cumulatam, & valetudinem futuram, & gratiam. Inter has preces illo biduo absumpto, cum bona spe in hospitium recipit se sub solis occasum, Nec sua illū spes frustra-

March. Bardenfis. D.

Cod. Lanr.

ta est. Nox erat Christi natalis, & Marchio cubitum ierat: Ecce tibi tertia fere vigilia, B. Virgo candida in veste collucens, se illi offert in quiete; & bonum animum habere iusso, brachium manu præhensum extendit illico sanatque. Confestim ille somno expergefactus, ac rei miraculo motus famulos inclamat, lumen propere inferri iubens. accurrunt impigre illi, illatoque lumine quid tandem rei sit rogitant. tum Marchio, quæ dormienti species obuersata sit, enarrare: brachium Dei, ac Deiparæ dono sanum ac vegetum ostentare famulis attonitis rei nouitate, ac miraculo. Protinus cuncti pariter venerabundi Dei clementiam verbis efferre, B. Mariæ beneficium prædicare, cœperunt. Haud facile aliud miraculum magis euidens, testatumque. Marchio ipse ubi primum illuxit, Lauretano Præfidi totam rem ordine, vti gesta erat, exposuit. & ille tantam rem haudquaquam negligendam ratus miraculum rite consignandum litteris, subscribendumque à testibus curauit. Notatum etiam hospitium ubi res accidit, nimirum id cuius insigne est Vrsus, & cubiculum, ipsum requirentibus hodie monstratur. Marchio igitur gratijs Deo, ac B. Mariæ impense actis, Romam iter intendit. Quo ut venit, Gregorium Pontificem adit, rem omnem enarrat: bis expertam Lauretanæ Virginis opem miris extollit laudibus. Addebat miraculo fidem persona narrantis. Nam Marchionis, utpote Lutheranae disciplinæ innutriti, animum constabat ab eius sectæ erroribus intactum non fuisse: sed iam apparebat eum de Catholica religione, Christi que Vicario recte sentire. Itaque Gregorius multiplicis miraculi admiratione pariter, lætitia que perfusus, Marchionem omni honore coluit. Vulgata inde res per Urbem, cunctorumque sermonibus celebrata, per eam occasionem Lauretanæ Domus religio aucta. Porro Marchio Germaniā repetens rursus Lauretanam Virginem reuisit, iterum de tanto beneficio grates agit. Domum inde regressus, magno religioni adiuuen-

to fuit; utique apud eos, qui Marchionem ex vulnere captum brachio nuper viderant, tunc diuinitus perfantum videbant: Et ipse dictis, factisque negotium summam adiuvabat ope. Vbi cumque opus erat, geminum in suo duplici incommodo Deiparæ auxilium memorabat, Lauretanam Virginem laudibus in coelum ferens. Ita porro vitam ipse instituit, ut omnibus esset innocentiae, ac pietatis exemplum. Valuit Principis auctoritas præcipue apud populares suos. Complures eorum ad auitam religionem reuocati: dubij confirmati. multa etiam ab eo præclare instituta, genti suæ salutem futura, nisi immatura mors consccleratorum fraude (ut creditum est) accersita, optimi Principis salubria consilia oppressisset. Ceterum illo extincto, iacta ab eo semina vigere dicuntur, quæ vberes fortasse suo tempore fruges, Deo propitio, fundent.

*Eximia Dona, ac pietas Gulielmi Bauaria Ducis,
& aliorum Principum Germania.*

Cap. VII.

CONSTANS tam euidentis in nobilissimo Principe miraculi fama Germaniam peruagata, plures Dynastarum ad visendam, ac muneribus colendam Aedem Lauretanam accendit. Horum Gulielmus Bauariæ Dux primas tulit, vir vel opibus, vel pietate Germani nominis longe princeps. Hic Marchionis Badensis consobrini sui valetudine mire lætus, & paternæ in Virginem Lauretanam munificentiae satis memor, regalis opulentiae dona partim misit Lauretum, partim attulit. Inter dona missa erant equus generosissimus, laminaque argentea ebena inclusa, ubi B. Mariæ Iesum puerum gremio gestantis, Iosepho fugæ comite in Aegyptum, effigies expressa cernitur. Candelabrum item argenteum pensile, non magis pondere,

Vit. Brig.

Codic. Lat.
Duc. Bauar.
tæ D.

quam opere egregium. pondus est librarum LXXX: opus autem eiusmodi, ut quatuor & viginti velati rami ex eodem emineant trūco, scite omnes venusteque dispositi, adeo ut totidem cereos satis laxè sustineant. Ergo id candelabrum in ipsa Virginis cella perpetuo ante eius effigiem pendet. nobile omnino Bauari Ducis donum; sed hoc nobilius, quod dotatum venit. Dotis nomine perpetuum assignatum à Duce stipendium, ut quotannis per quadragenos dies festos ac solemnes, candelis vicenis, & quaternis candidis B. Virgini luceat. Inde Dux ipse sua munera secutus: & quatuor dumtaxat comitantibus, Lauretum mutatis subinde equis eucurrit ignotus. Annus agebatur M. D. LXXXV. Eximia tanti Principis modestia pietatem quoque insigniorem fecit. Namque humanas aspernatus delicias, ut diuinas liquidius hauriret, publicum, magnificumque Principibus excipiendis destinatum hospitium posthabuit priuato, tenuique. Quippe ex aulici strepitus, pompæque fastidio, auidus religiosæ quietis, ad Patres Societatis Iesu, de quo ordine optimè meritus erat, per familiariter diuertit. Ibiq; apud eos dies aliquot diuersatus est, vulgari quidem victu, cultuque contentus. Caterum tanta virtus diu latere non potuit. Præses Bauari Ducis aduentu cognito, propere ad eum venit: per liberaliter inuitat hospitio, rogat, vrget, instat: demum ut obfirmato animo recusantem vidit, incepto irritò discedit. Nec minor in templo modestia Ducis fuit, quàm in hospitio fuerat. Scabellum ad genua submittenda, sellaque ad confidendum apparatus erant pœne regio cultu. At ille non luxum ex Lauretana Aede, sed pietatem petens, adeo aspernatus est ea, ut ne aspexerit quidem. In augustissima porro Virginis cella vsque eo Christiana eius humilitas, pietasque enituerunt; ut ceteris miraculo forent. Nam tanta animi corporisque submissione supplicabat in turba; ut vnum aliquem de populo crederes. Obuersabatur credo eius animo Dei filius, *qui cum in forma*

Dei esset inibi exinaniuit semetipsum formam serui accipiens. Ita porro assiduus erat in supplicando, vt in B. Virginis Domo habitare videretur. Nec obscuriore Laureti reliquit munificentia suæ, quam religionis vestigia. Præcipuum eius donum fuit libellus ex auro solido, qui trifariâ diuisus, quatuor velut paginis gemmata sigilla, egregiasque imagines continet. Integumentum ex auro, vnionibus, gemmisque clarissimis, opere mirabili perfectum. pendet ex tribus catellis aureis, quas ex aureo fluentes anulo ingens sapphirus excepit. Fama est, hoc donum octo aureorum millibus æstimatum. Nec ferme aliud est in Aedis Lauretanæ thesauris, quod iucundius à peregrinis, auidiusque visatur. adeo non solum ornatus, sed etiâ interiorum imaginum, sigillorumque eximia pulchritudo spectantium oculos capit, arte certante cum copia. Eiusdem donum Christus aureus fuit, ea specie qua rediuius exstitit è sepulchro: sed sepulcrum adamantibus, pyropisque collucet. Egregia Bauari Ducis pietas multis Germaniæ proceribus exemplo fuit Lauretanæ Virginis salutandæ, colendæque muneribus, quorum deinde aduentus in Xysti V. Pontificatum incidit. Ducis tamen Bransuichienfis vxor amiculum argenteum B. Virginis, auro distinctum opere Phrygio, egregiam quoque aræ vestem, margaritis, adamantibus, pyropisque distinctam, donauit portauit Gregorio Pontifice. Cardinalis porro Madrucci ex legatione, qua apud Rodolphum Cæsarem functus erat, reuersus, crucem argenteam talium legatorum insigne, Lauretanæ Virgini donum tulit, legationis feliciter obitæ illius præsidio atque ope monumentum.

Duc. Bauarix D. eximium.

Duc. Bransuichien. D.

Card. Madrucci D.

*Italia Principum pietas, ac dona.**Cap. VIII.*

Vist. Brig.
Ioan. Piccol-
hominei D. **N**Ec obscura per id tempus Italiae Procerum pietas, aut liberalitas fuit. Ioannes Piccolhomineus laminam argenteam, in qua muli duo lecticam ferentes expressi, quorum alter hominem humi iacentem calcibus petiit, haud dubium depulsi Virginis ope discriminis argumentum. Ioannes Baptista Duara Gonzaga compedes argenteas pro ferreis, quibus victus fuerat, donum attulit, indicium partæ per Virginem libertatis. Ludouicus Martinengus Brixienſis calices quatuor ex argento inaurato. Marchionissa Estensis suam, filijque sui imaginem B. Mariæ supplicanſem ex lamina argentea pondo XIII. Duc. Atrix D. Dux Atrix bina Angelorum simulacra sesquicubitalia, præclaro opere, pondo XXXVI, quæ ante B. Virginem, apud aram ipsam locata ardentes cereos perpetuo præferunt. Votium id donum esse titulus basi incisus ostendit. Duc. Terræ Nouæ D. Dux Terræ nouæ lychnum argenteum pensilem librarum XXII, haud minus opere, quam pondere egregium. Emanuel Philibertus Dux Sabaudia effigiem suam corona, sceptroque insignem, in supplicantis modum ex auro expressam, pondo librarum X. Cardinalis Columna Piceni legatus vas argenteum opere eximio, pondere non contemnendo. Cardinalis Aragonius calicem aureum opere, gemmis, & margaritis insignem, crucem crystallinam cum Christi effigie aurea, & quatuor candelabra argentea pulcherrime facta. Cardinalis Riarius aræ, & sacerdotis ornatum ex veste Damascena. Augustinus Cusanus, qui subinde in Cardinalium Collegium est cooptatus, sacerdotis aræque vestem ex auro, argentoque contextam Lauretanae Virgini donum dedit. Et Gregorius ipse Pontifex Pont. D. Greg. XIII. Lauretana Domo cultu, ac muneribus aucta admodum lætus

lætus, suum quoque proprium Pontificis donum exstare voluit. Romani Pontifices Dominica Quadragenarij ieiunij quarta (ea ab Missæ introitu, Dominica lætare dicitur) veteri solemnique more Rosam auream consecrant. Ea stirps est, seu planta rosarum vernantium ex auro, quæ aureo inserta vasculo, & ex tripode eminens aureo, sesquicubitalem altitudinem facile excedit. Aureis nummis æstimari fertur circiter mille. Pontificale hoc donum Reginis plerunque mitti solitum, Gregorius Lauretanæ Virgini utpote reginæ mortalium & cœlestium misit. Et exstat in medio vasculo titulus donantis monumētum. Porro Nicolaus Gaetanus Cardinalis Sermonetæ nouo doni genere per id tempus Lauretanā Aedem honestauit. Hic siue cōmuni familiæ (erat enim ex gente Bonifacij VIII cuius Pontificatum sacrosanctæ cellæ in Italiam aduentu insignem fecerat) seu priuato quodam studio, Lauretanæ Virgini vnice deditus erat. Itaque sanus, ac valens in templo Lauretano, haud procul Deiparæ cella, sedem sepulcro suo delegit, idque magnifico sane opere exstruxit. Præclara utique ac perampla est monumenti species, vario distincta marmore; & æneo Nicolai Cardinalis simulacro pulcherrime facto insignis. Tabula marmorea sub eo posita his incisa litteris.

Card. Sermonetæ D.

NICOLAUS GAETANUS CARDINALIS SERMONETA
GENTILIS PAPÆ BONIF. VIII. CVM SVB ID TEMPVS
QVO ILLE PONTIFICATVM INIIT, SANCTAM HANC
DOMVM HIC TANDEM DIVINITVS CONSEDISSE
ET MVLTÀ SE A DEO OPT. MAX. B. VIRG. DEIPARÆ
PRECIBVS OBTINVISSE MEMINISSET, SPERANS
EIVSDEM OPEM MORIENTI NON DEFVTVRAM
MONVMENTVM HOC MARMOREVM. VIVENS ET
INCOLVMIS SIBI FACIENDVM CVRAVIT, ATQVE
IN EO VBI MORTALITATEM EXVISSET, CORPVS
SVVM RECONDI VOLVIT ANN. AGENS LIV.
OBIIT ANNOS NATVS FERME LX.
ANN. SAL. HVM. M. D. LXXXV.
MENSE MAIO.

Nico-

Nicolaus igitur vita functus ab vrbe Roma Lauretum defertur. Ibi funus maximo apparatu factum, & absoluto dudum sepulcro corpus illatum, lapisque superpositus cum hoc titulo.

HIC HABITABO QVONIAM ELEGI EAM.

Exstat hodie in templo Lauretano stragulum ingens ex veste Attalica, quod vndique ambit fascia prægrandis ex holoserico villosa, nigro, quâ gentilitijs Gaetanæ familiæ insignibus, quâ crucibus aureis magnificè distincta; haud obscurum magnifici funeris argumentum.

Lapidum, calcisue particulas ex sacrosancta Domo auferentium temeritas diuinitus vindicatur.

Cap. V IIII.

Vit. Brig.

Eodem ipso anno, qui fuit à Christo nato M. D. LXXXV. nouo miraculo intellectum est, quantæ curæ sit Deo Lauretana Domus. Lapidis fragmentum relatum est ex Sicilia, cuius ablati, & culpa vetustior, & poena longinquior Panormitanus ciuis viginti ante annis Lauretum profectus lapidē è sacra surripuerat cella. Nec quantacumque pietatis in temerario facto species, aut interdicti Pontificalis ignoratio diuinam auertit iram. Domum regressus graui extemplo implicatur morbo: ac ne repentini mali causa dubia foret, quotannis circa id tempus, quo culpam admiserat, poenam luebat. Septembri mense, aut certe Octobri, deficientibus subito viribus atroci vrgebatur febris. Nec medentium iudicio naturalis vlla morbo suberat causa, & ipse culpam pietatis nomine inuolutam minime agnoscebat. Tenuit ea res annos viginti: per quos annos insanabili morbo nec causa, nec finis inueniebatut. Ad extremum cum alia nulla causa appareret redeuntis in orbem mali; religio subiit ægrum animum, & conscientia stimulante sacerdoti vulnus aperuit.

Ille

Ille enimvero temerariam pietatem talis morbi originem esse ait, impense monens, vt sacro lapide restituto, salutem in tuto locaret suam. Haud surdis hæc auribus dicta. Aeger veluti coelesti voce iussus, lapidem eidem tradit remittendum, vnde olim ab se fuerat ablatus. Nec mora. saxo illo reddito, æger valetudinem recepit. Et res satis testata. Io: Baptista Carminata Societati Iesu Præpositus in Sicilia Prouincia, sacrum lapidem cum litteris totam rem enarrantibus Romam destinauit ad Cardinalem Vastauil lanum Laureti Patronum. Ille eundem lapidem Leonorio Lauretano Præsidi cum Siciliensibus litteris transmissum suo reponi loco iussit. Leonorius ergo simul ac primum ad Lauretum perlatus est lapis; solemnî supplicatione indicta, obuiam ei procedit ad portam. Inde saxum miraculo clarum, quanta maxima potest pompa ad sacram deferretur Aedem. Mira res dictu, visuque. Vix sacrosanctæ Domui illatum erat, cum statim (tanquam Deo monstrante) vacuus apparuit locus, vnde viginti ab hinc annis fragmentum illud auulsum esse constabat. Reposito in suum locum cum nota addita index miraculi, comprimendæ peregrinorum audaciæ. Per ea quippe tempora in minoribus lapidum fragmentis noua subinde mortalium temeritas non ui prodendi exempli materiam Deo præbuerat. Multa inuenio exempla multorum, qui idem ausi celeriter poenas dederunt stultitiæ suæ, quoad malis docti ablata reddiderunt. Ea nos, ne similitudo satietatem pariat, omitemus. Nec sacrorum lapidum maior, quam calcis interlitiæ, qua lapides colligantur inter se, per idem ferme tempus Dei cura exstitit. Alexandria vrbs est Longobardiæ haud ignobilis, in Alexandri Tertij Pontificis Maximi gratiam à fœderatis ciuitatibus condita appellataque. Huius ciuis Lauretum profectus paululum calcis furto abstulerat è sacrosancta Virginis cella. Inde domum regressus comminutam calcem simul cū cerea agni coelestis effigie includit argento. Caterum stulta pietas

Deo Deiparæque grata haudquaquam fuit. Vbi primum ille thecam (incertum quam ob causam) de coniugis suæ collo suspendit, Dæmonum Dux eam inuasit, cum non exigua satellitum suorum manu. Iamque annum nonum infelix mulier non sine ingenti viri sui dolore miseris vexabatur modis; cum remedium illi diuina benignitas obtulit. Io: Baptista Vanninus Sacerdos è Societate Iesu per id tempus Alexādriæ sermones sacros de more habebat ad populum. Is vbi rem cognouit ex ipso viro, tanti mali authore, hortatur eum, vt sacrum illum restituat puluerem, si fecerit, haud dubie coniugem breui ab exagitatore Diabolo liberam fore. Facile persuasum. Ergo ille sacram calcem theca exemptam Vannino ipsemet tradit, orans, vt primo quoque tempore remittat eam Lauretum. Nec alterutrum spes fefellit. Paucis intermissis diebus, non tam exorcismorum vis, quam B. Mariæ deprecatio ex obsessæ mulieris corpore tres Dæmones exagitatores excussit. Confestim igitur Vanninus creditam sibi calcem theca inclusam Lauretum ad Rectorem Societatis Iesu destinat, rogans per litteras, vt simul quod ablatum erat Lauretanæ restitueret Domui, simul miseræ illi feminæ pacem, ac veniam à B. Virgine oraret: quo scilicet cæteris vexatoribus Diabolis expulsis, pristinam ei redderet sanitatem. Quod deinde ita vt orauerat, euenisse compertum est. Relata calx honesto asseruatur loco, documentum mortalibus, ne tale quid audeant. Exstant quoque Vannini litteræ. Tertio Idus Nouembris; Anno M. D. LXXIX. datæ, miraculi testes.

Epidauria nauis insigni miraculo è manibus piratarum eripitur.

Cap. X.

CAeterum nobilissimum maximeque illustrem Grego-*Anna. Lam-
Rier.*
rij Pontificatum nobili illustrique claudamus miraculo. Epidauria nauis preciosis onusta mercibus per eadem tempora Constantinopoli redibat Epidaurum. Ragusam vulgus appellat. In medio cursu, tanta subito maris malacia, ac tranquillitas exstitit; vt deficiente vento nauis oneraria se loco mouere non posset. Extemplo plures adfuerunt myoparones piratarum, qui circumfusi destitutam nauim summa vi oppugnare coeperunt. Christiani primum & si pauciores numero, Barbarorum impetum egregie sustinebant. Ad vltimum labore, ac vulneribus defatigati cedebant, nec viribus, nec animis pares. Iam prope res erat, vt victi caperentur à Barbaris, cum subiit eorum animos memoria Lauretanæ Virginis. Eam igitur cuncti inuocantes vouent, si imminenti eximantur periculo, egregium calicem Aedi Lauretanæ donum laturus: atque inibi labe a nimorum sacra confessione pariter absolversuros. Nec mistæ voto preces in irritum cecidere. Repente spissa exorta caligo intendentibus se tenebris condidit lucem: & piratis prædæ inhiantibus conspectum Epidauriæ nauis eripuit. Agnouere Christiani Deiparæ auxilium: & lætitia ex metu gestientes, Deo Deique matri certatim grates agebant. Contra furere, ac fremere Barbari dolore ereptæ de manibus prædæ, & tamen omnia conari, vt recuperent amissâ. Sed frustra. Incubâs mari quædâ quasi nox iâ prospectum abstulerat: & Barbari haud secus quam in cæcis tenebris errabant. Inter hæc. ecce tibi peropportuna inter nebulam afflans aura onerariam impellit. Ita nauis B. Maria fauente, periculo erepta Epi-

daurum appellitur . Inde nautæ , vectoresque Lauretum petunt , vota persoluunt . Hæ ferme Lauretanæ res Gregorio Pont. Max. euenerunt .

Lauretum à Xysto V. ciuitatis iure donatum

Episcopali sede decoratur .

Cap. XI.

EXinde Xystus V. Gregorij æmulator , vt cæteris rebus inferior videri noluit ; ita studio Lauretani cultus augendi , voluit haberi prior . Is quippe in Piceno natus , præcipuam Picentium Patronam omni ope ab se ornandam existimauit . Itaque velut Marcelli II. Pontif. consilia exsequeretur , Lauretum ciuitatis iure donatum Episcopali sede decorauit , aliquot circa oppidis ei contributis . Primus Lauretanus Episcopus Franciscus Cantucius fuit ciuis Perusinus , vir doctrina æque , ac sanctimonia clarus , qui nouam sedem egregijs imbuuit institutis , exemplisque . At Xystus ne Lauretanæ vrbs nomen vanum , aut tenue foret , collem Laureto proximum (Montem Regalem incolæ appellant) cœmptum æquare institit . ita nouæ vrbi amplificandæ spatium ab ea parte fieri cœptum . Huic spatio cœdificando , singulis Piceni ciuitatibus imperatum , vt suas quæque inibi excitarent ædes . Haud grauate obtemperatum . Interim Pontifex Picenum , cæteramque Pontificiam regionem latrocinij infestam non magis ferro , quam auro salubri ratione pacauit . Quippe latronibus ipsis , atque exulibus impunitatis , ac præmij spe in socios incitatis , Duces eorum cæsi , cæteri partim interfecti à socijs , partim ob interfectos socios restituti . Ergo Picentium ciuitates Picenti Pontifici , & de sua gente , & de Aede Lauretana optime merito egregiam ex ære statuat locauere . Nec suis per id tempus ornamentis Aedes Lauretana caruit

Viñ. Brigã.

Franc. Cantucius Epif. Laur.

caruit . Pilæ , quæ pro columnis fornicem sustinent , & ipsa templi fornix , Cantucij Episcopi sumptu , marmorato opere adornari cœpta . Sacellum vnum è maioribus à Cardinali Aragonio picturis D. Thomæ Aquinatis præclare facta exprimentibus , gypso , auroque adornatum . Sacellum porro omnium maximum à Ducibus Hetruriæ , & Bauariæ expetitur , dirimendi certaminis causa , à communi Picentium eximijs pictorum plastrarumque operibus excultum , plurimoque exornatum auro . Inter hæc Leonorius Laureti Præses ornandæ , augendæque rei Lauretanæ intentus , Lactantij Venturæ nobilis architecti opera , faciendæ Basilicæ opus à Gregorio maxima ex parte perfectum , ad culmen pene perduxit . Bonam Pontificiarum ædium partem excitauit è regione templi . Et Ferdinandus Archidux Austriæ de Lauretana ædificatione admonitus à Duce Bauariæ , eiusdem instinctu Lauretanæ Virginis cæsam è sylua materiam donauit . quæ in onerariam imposita , & Adriatico commissa mari Lauretum incolumis B. Maria fauente peruenit . In ea magna vis erat ingentium trabiû afferumque facile tribus aureorum millibus æstimabilis .

Card. Aragon. sacell.

Sacel. com. Picen.

Archiducis Austr. D.

*Cardinalis Gioiosa suum Galliæ patrocinium
Virgini Lauretanæ commendat .*

Cap. XII.

CAntucius inde primus Laureti Episcopus , septimo quam Episcopatum inierat mense , excessit e vita . Ingens bonis omnibus sui desiderium reliquit , pauperibus maxime , quorum parens habebatur . Porro tanta eum sanctitatis fama profecuta est , vt facile appareret , verum esse , quod prouerbij obtinet locum : primum cuiusque ciuitatis Episcopum sanctum esse oportere . Cantucio subleq̃us Rutilius Benzonius ciuis Ro: qui eruditione , & Ecclesiasticæ dignitatis studio clarus , quæ sacris concioni-

Vitt. Brig.

Rutilius Bè
zonius Epi-
scopus Lau-

bus

bus, quā præclaris institutis Lauretanam ædem excoluit. ut iam sacro cultu, ac maiestate, nulli propemodum sacrarum ædium sit secunda. Sub id tempus Cardinalis Gioiosa nouus Galliæ Patronus Romam petens ex Gallia, cum nobilissimorum hominū comitatu Lauretum diuertit. Deductus est in Aedem Lauretanam à Mattheucio Archiepiscopo Raguseo, eodemque Anconæ Prætorē, Octauio Bandino Piceni Præsīde, & Rutilio Benzonio Episcopo Laurerano, qui aduentanti Cardinali obuiam processerant. Ibi Gioiosa in Virginis cella pie admodum sacris operatus, sibi in animo esse dixit, suum Galliæ patrocinium certissimæ mortalium Patronę impensius commendare: ac proinde solennem quadraginta horarum supplicationem inibi instituere. Pium Cardinalis consilium non modo authoritas probauit Lauretani Episcopi, sed etiam concio decorauit. A cōcione supplicatio summis hominū studijs celebrata, tum à Clero Lauretano, oppidanisque, tum à Capucinatorum manu, quam ad id Gioiosa secum adduxerat. Cardinalis autem in eo cuius ipse author foret, nemini cedens, suis cæterisque omnibus, vel pietatis, vel modestiæ exemplo fuit.

*Cardinalis Galli Patroni Lauretani egregia
studia erga Beatam Virginem.*

Cap. XIII.

Viç. Brig.

CAeterum ille annus haud celebrior Lauretanis rebus fuit quam funestior. Biduo post peractas supplicationes, Leonorius Laureti Prætor, Patronus inde Cardinalis Vastauillanus, alter super alterum pestifero morbo absumpti. Itaque Lauretana tutela delata ad Anton. Mariam Cardinalem Gallum, tum Perusinum Episcopū, nunc Auximatem. Ab eo Io: Franciscus Gallus patruus Lauretanæ administrationi præpositus. Nec ita multo post

Card. Gal-
lus Patron.
Lauretanus
Franc. Gal.
Præses.

post Cardin. Gallus nouus Patronus Lauretum Pontificis iussu contulit se. Ibi summa omnium ordinum lætitia & gratulatione exceptus, creandorum Lauretanæ ciuitatis Magistratuum leges, ac iura descripsit. Annus tum agebatur à Virg. part. M. D. LXXXVII. Quo eodem anno signum æneum Xysti Quinti Pontificis Maximi pulcherrime factum Berardini manu, summis studijs Lauretanorum, Picentiumque, maxima accolarum, peregrinorumque frequentia in templi gradibus positum est. Exinde Io: Francisco Gallo Laureti Præsides, templi facies ad fastigium aliquando perducta, egregium sanæ Aedis Lauretanæ decus. Quippe & magnifice descripta est, & perfecta solerter. Tota constat ex Istro lapide (is ex Istria aduectus, Tiburtini, quo tantopere vsi sunt olim, & vtuntur hodie Romani, speciem reddit) examussim quadrato. tanto autem artificio structa, vt tantum opus pene ex vna lapidis gleba constare dicas. In media facie tanquā os, ianua patet maxima, striatis columnis marmoreis, & arcuata corona insignis. Huius latera binæ ianuæ minores cingunt stylobatis, parastatisque columnis interpositæ, quibus facies subnixa confurgit. Supra ianuam maximam, B. Mariæ paruum filium complexæ effigies ænea visitur pulcherrime facta, Lombardi manu. Sub fastigio in ipsa fronte ingens fenestra oculi instar, striatis columnis, cælatisque operibus adornata Basilicæ lumen præbet. Super fenestram titulus Aedis Lauretanæ aureis litteris in Luculleo marmore incisus. DEIPARAE DOMVS, VBI VERBUM CARO FACTVM EST. Humiliores ianuis minoribus fenestræ datæ: quæ Basilicæ alis impertiant lumen. Et supra hasce fenestras sua cuique inscriptio in pari marmore, aureis pariter incisa litteris. altera est.

Lauret. Templi facies.

SIXTVS V. PONT. MAX. PICENVS
ECCLESIAM HANC EX COLLEGIATA
CATHEDRALEM CONSTITVIT

XVI. KAL. APR. AN. M. D. LXXXVI. P. AN. I.
Altera verò .

SIXTVS V. PONT. MAX. PICENVS
LAVRETI OPPIDVM
EPISCOPALI DIGNITATE ORNATVM
CIVITATIS IVRE DONAVIT
AN. M. D. LXXXVI. P. AN. I.

Absolutum erat opus, nisi quod gradus desiderabantur, quibus ascenderetur in templum. Igitur Io. Francisci Galli successor Hieronymus Gabutius novos gradus ab illo inchoatos ex Istro itē lapide satis ample magnificeque perfecit. Idem laternam egregiā templi hemisphærio imposuit. Ea quoque ex eodem structa saxo, constat columnis octo nouenorum pedum, opere Ionico. Intercolumnia fenestras octo præbent arcuatas, quibus aliæ totidem superadditæ latitudine pares, altitudine longe minores. Super has corona ducta, culmen octo quasi costis discretum sustinet. Id vero similiter, ut hemisphærium, plumbeis interfectum laminis longe lateque conspicitur. Cardinalis porro Gallus, ut cum sua pietas admonebat, ab Aede ornanda ad pauperes subleuandos versus, congesta ingenti pecuniæ vi, Laureti Montem Pietatis instituit: ubi pauperibus oppidanis pecunia mutua daretur gratis, ne cogerentur iniquitatem subire foeneratorum. Cæterum illud maxime memorabile Xysti V. Pont. munus, (alij ad Gregorium XIII. trahunt) quod Lauretani templi valuas ex ære cælandas locauit aureorum millibus XL. Trium ianuarum fores erunt æneæ, ubi sacrarum historiarum argumenta mirabili opere cælata visantur. Magnum omnino opus, ac multorum annorum. Et quantum ex principijs coniectare licet, longe egregium ac mirabile. Sic prorsus, ut nobilissimis S. Ioannis Baptistæ valuis, quæ Florentiæ miraculo sunt, ab ijs qui vtrasque inspexerunt, haud immerito

rito conferantur: maximum vtique Lauretano templo ornamentum, & iucundissimum peregrinis spectaculum præbituræ.

Dona Lauretanae Virgini lata misæ.

Cap. XIII.

NEc vero Lauretana Domus pauperum incolarum cōmodis seruiens peregrinorum muneribus caruit. Fabricorum ferrariorum Bononiensis sodalitas ingens candelabrum fusile ex aurichalco donum portauit, non minus opere, quam inusitata magnitudine, ac pondere visendū. Catharina Medicea Franciæ Regina, ac Regum mater lychnum argenteum & pondere, & artificio insignem, donum Lauretanae Virgini misit cum dote, vt perpetuo lucretet. Ducis Cluiæ vxor amiculum B. Virginis aureum, argento illusum opere Phrygio, effigiemque suam in lamina argentea B. Mariæ Lauretanae supplicentem: sed hoc posterius donum commune multorum. Parmensis Ducis filia binas, Federicus Tomacellus, & Antonius Spinellus Neapolitani, Alphonfus Vicecomes Mediolanensis, Marchio Capursius, & Episcopus Eugubinus singulas laminas argenteas cum effigie quisque sua supplice, quaternarum fere librarum: Marchio Vasti imaginem suam in aureo orbe minutis adamantibus, pyropisque circumfulgente depictam Lauretanae Virgini consecrarunt. Horum donorum, plæraque votiua esse indicat Eugubinae laminæ titulus. EXAVDITA EST ORATIO TVA. Cæterum hi suā, alij suorum votiua simulacra miserunt. Princeps Stilianus argenteam filioli sui effigiem Deiparae dicauit supplicē. Liuia Pignatella Neapolitana viri sui paruum filium B. Mariæ offerentis imaginem, ex argento expressam, pondo quatuor. Princeps Amalphetana infantem argenteum fascijs obligatum, ponderis dimidio maioris. Philibertus Emmanuel Dux Sabaudia donum in hoc gene-

Codic. Laur.
Bononiensis
Sodalit. D.

Reginæ Frā
ciz D.

Duc. Cluiæ
D.

Duc. Parm.
filiz D.
Fed. Tomac.
Ant. Spinell.
Alfon. Vice-
com. D.
March. Cap-
ursij D.
Ep. Eugu. D.
March. Vast.
sti D.

Princip. Stilian.
D.
Liuiz Pignatella
cellæ D.

Princip. Amalphet.
D.
Ducis Sabaudia
diz D. egre.

Hh re egre-

Corneti si-
mulaç. arg.

Duc. Man-
tuan. D.

Principis
Mant. D.

March. Im-
perial. D.

March. Lip-
pzi D.
Comit. Oli-
uarenfis D.

Proreg. Nea-
pol. D.
Portia Vi-
tell. z D.
Card. Au-
striaci D.
Hieron. Gri-
maldi D.

Duc. Vrbi-
natiũ D.

re egregium, infantis fascijs inuoluti simulacrum aureum iustæ staturæ, ob filium B. Mariæ precibus ex recenti ma-
trimonio genitum. Quin etiam Cornetana Ciuitas suæ
urbis simulacrum in lamina argentea ebena inclusa, donū
portauit, subiecto titulo insigne. CORNETVM CIVI-
TAS FIDELIS, Ab alijs porro sacra supellex data. Gu-
lielmus Mantuæ Dux bina candelabra ex argento sexqui-
cubitalia, Christi que crucifixi effigiē præclaram ex auro in
cruce aurea: omnia mirabili opere, atque arte perfecta B.
Virgini dona trāsmisit. Nec ita multo post Mantuæ Prin-
ceps paternam pietatem æmulatus, aræ, sacerdotis, mi-
nistrorum solenni ceremonia sacrificantium vestes argen-
teas opere Phrygio, margaritis, auroque distinctas, voti-
ua pro suscepta prole munera attulit. Marchio Imperia-
lis Auria vir insigni aduersus Lauretanam Virginem reli-
gione, aureum cum patina calicem, lychnumque tripli-
cem argenteum, pondere iuxta, & opere eximium tulit,
quem ab se certo stipendio dotatum præcipuis diebus fê-
stis in medio ardere sacello voluit. Indidem lychnus alius
argenteus pendet egregio opere trifariam distinctus, vo-
tium Marchionis Lippæi Mediolanensis donum. Comes
quoque Oliuarenfis Catholici Regis apud Pontificem Le-
gatus cum coniuge Lauretum profectus, lychnum argen-
teum B. Mariæ dono dedit. Aræ insuper, & sacerdotis ves-
tem auro, argentoque fulgentem, opere Lusitanico sane
egregio, & dona ingenti pecunia cumulauit. Proregina
Neapolitana argenteum ciborium auro illudum, magnifi-
coque opere cælatum. Portia Vitellia Christi crucifixi ef-
figiem auream hebeno inclusam. Cardinalis Austriacus bi-
na candelabra solido ex hebeno gémis, auroque distincta.
Hieronymus Grimaldus Genuensis totidem candelabra
ex argento cubitalia pondo XV. Lychni præterea argen-
tei non vulgari pondere, atque opere complures, tacitis
donantium nominibus, latè vnus aureus multorum instar,
Francisci Mariæ Vrbinatiũ Ducis donū, non materia ma-
gis,

gis, quam opere inclytum. Lychnus quippe trium angelorum humeris sustinetur, & Angeli ramos quernos (insigne id est Roburæ familiæ) prætendunt manibus. totum opus ex auro solido mirabili arte perfectum pondo librarum decem. Ergo ob eximiam dignationem, præcipuus ei locus datus, vt ante ipsa ora B. Virginis medius inter argenteos lychnos ex catellis aureis pendens perpetuo luceat. Iam altarium vestes aureæ singulæ dono datæ a Marchione Robureo, itemque à Benedicto Cardinali Iustinianio, à Camilla Peretta Xysti Pont. sorore germana, quæ etiam amiculum B. Mariæ tulit, auro, Phrygioque opere visendum. Aliud amiculum dono misit Dux Bouini femina lectissima ex holoserico raso violaceo, margaritis, gemmisque consperso ad regiam magnificentiam, nisi breuitas obstarat. Attalicam quoque vestem preciosis substatam pellibus, cursorum præmium Florentiæ ludis partum Iustus Iustei Comes Veronensis B. Mariæ velut auctori vistoriæ cōsecrauit. Ab alijs alia B. Virgini ornādæ dona ex mūdo fere muliebri deprōpta. Dux Cliuiæ eximia pietate mulier torquem aureum pōdere iuxta, & opere eximiū armillas aureas pyropis, adamantibusque distinctas: aureumque annulum nobili gemma insignem dono dedit. Vidobonus eques Ducis Bauaræ œconomus suo, & coniugis suæ nomine, binos aureos annulos adamante, ac pyropo insignes inuicem insertos, quibus inscriptum est. QVOS DEVS CONIUNXIT, HOMO NON SEPARET. Ludouicus Georgius Papiensis torquem aureum libralem eleganti opere perfectum. Marchus Antonius Blanchettus Bononiensis coronam gemmeam auro illigatam. Casteluetrani Principis coniux aureum orbem ingentis instar numismatis, adamantibus, smaragdis, margaritisque fulgentem. Illud vero haud magis doni precio quam donandi modo memorabile. Comes Antonius Martinengus cum Caratæ Marchionis filia de gemmata parua molis, sed ingentis pretij cruce, multos iam discepta-

March. Roburei D.
Card. Iustiniani D.
Camillæ Peretta D.

Duc. Bouini D.

Comit. Iustiani D.

Duc. Cliuiæ D.

Equit. Vidoboni D.

Ludouici Georgij D.
M. Ant. Blanche ti D.
Princip. Casteluetri D.

Comit Martinengi D.

rat annos. Cum nullus litis exitus reperiretur, convenit inter eos, ut controuersa crux Lauretanæ Virgini adiudicaretur. Gratum id Deiparæ fuisse docuit euentus. Eam crucem depositam apud se Hieronyma Columna Dux Montis Leonis habebat. Igitur sorte quadam diuinitus accidit, ut cum Martinengus religionis ergo ad Aedem Lauretanam venisset ineunte Maio, eodem tempore, iisdemque diebus Hieronyma quoque veniret, Martinengi aduentus prorsus ignara. Ergo illum ex improviso Laureti conspicata obstupuit primo: inde salute data, redditaque, crucem illam B. Mariæ adiudicatam se mira opportunitate secum attulisse ait. Et aderat solennis inuentæ Christi Cruci dies. Itaque ambo rei diuinitus attemperatæ miraculo attoniti, ad sacrosanctam cellam pariter pergunt: gemmatamque crucem, ipso die Cruci sacro dedicant Virgini. dicas illam suo tempore repetiisse depositum. Ea crux hodie è gemmata B. Virginis Zona pendet eximij ornamenti præcipuum decus. constat quippe adamantibus satis magnis novem, quos tres vniones ingenti magnitudine instar ceraforum adornant. quatuor circiter aurcorum millibus æstimatur.

*Episcopus Hybernus bis Hæreticorum piratarum manus
evadit. Adolescens præsentis naufragio
eripitur. Cap. XV.*

NEc muneribus, quam miraculis clarius per id tempus Lauretana Aedes exstitit. Edmundus Hybernus Ardacacensis Episcopus eodem ferme tempore duplicis voti reus Lauretum venit. Veniendi causa hæc fuit. Is ob religionē ab Elisabetha Angliæ Regina pulsus in exilium, cum fidei aliquot famulis profugerat in Scotiam. Sed vnde præsidium quærebat, periculum exstitit. Scotiæ Proceres Angliæ Regiæ rogatu, Edmundum in vincula
conijci

conijci iubent. At ille rem odoratus, clam conscensa nau-
ui, Reginæ insidias solerter elusit. Cæterum manifesto
periculo perfunctus, haud multo post occultum aliud di-
scrimen incurrit. Nec fortuita res, sed diuina fuit. Id
adeo, & discriminis tempus, & oblatum in tempore cœ-
leste auxilium ostendit. Nam dum Galliam Edmundus
petit, in Dracum Anglum Archipiratam nobilem incidit,
Pridiæ Natalis diei B. Mariæ, qui dies ab Episcopo, eiusq.
famulis præcipua veneratione agitabatur. Et oblata in sô-
nis vni ex comitibus species omnes ad spem salutis ere-
xit. Is ea nocte, quæ occursum hostium antecessit, visus
sibi erat in quiete cum hæreticis in magno hominum con-
fessu disceptare nudus. Ibi nuditatem suam erubescenti
virgo excellenti forma, candida in veste occurrit, quæ
illum enixe rogitantem, vt suam nuditatem tegeret, be-
nigne, comiterque sua operuit palla. Hoc ille deinde
visum cum enuntiasset Episcopo; communi consensu sta-
tuerunt, obuersatam in somnis Virginem, vtique Deipa-
ram fuisse, cuius præsidio tegendi forent. Itaque Edmun-
dus aduentante hostium classe, cum humanum nullum
pateret effugium, Mariæ Lauretanæ (cuius dies natalis
certam ei spem ostendebat salutis) cum suis implorat
opem. Adiectum precibus votum. Hostium manus si eua-
fissent, ad Lauretanam Aedem ituros, ac per triduum ini-
bi sacris operaturos. Nec irritæ preces, votumue. Guber-
nator navis, qua vehebantur, specie hæreticus, Catho-
licorum fautorém se in ipso temporis articulo præbuit.
Namque vt Anglicanam classem adesse vidit; ratus id
quod erat, Catholicos, quos vehebat ad necem quæri, Epi-
scopum cum famulis occuluit in sentina, remotissimo ab
oculis, tenebricosissimoque loco. Ibi naui iam ab Anglis ca-
pta, & in Angliam abducta, octo ipsos latuerunt dies, Na-
uarcho cibaria semel in die clam subministrante. Neque
tamen interim prædones Angli segniter captam scrutati
sunt onerariam. Quotidie certatim infensis animis, omnes

rimabantur angulos, Episcopum de cuius fuga cognorant quæritantes. Ad ultimum accensis facibus, cuncta intentionius perscrutantes delabuntur in sentinam. Ventum erat ad latebram. Quo præsentius periculum, hoc evidentius Deiparæ auxilium exstitit. Iam sacerdotem, cui visum in somnis obiectum diximus, depræhensum in proximum attraxerant tabulatum, cæteros vestigaturi, cum diuinum Catholicis præsidium senserunt adesse. Mox quippe sacerdotem illum diuinitus ex ipsorum elapsum manibus nunquam postea reperire potuerunt. Ergo octauo demum die scrutandi defatigatione, curam quærendi Episcopi omiserunt. ita naus dimissa à prædonibus iter coeptum repetijt. Ecce autem aliud ex alio periculum. In eodem Gallicano cursu classis alia piratarum occurrit, qui truculentiores prioribus, Edmundum Episcopum Elisabethæ Reginæ instinctu quærebant ad necem. Hi naui capta, in eam transiliunt, euertunt merces, admotisque luminibus cuncta loca scrutantur intentiore cura. Venitur ad latebram, tandem Episcopus ipse comprehēditur. Actū erat, nisi præsens Deiparæ tutela furorem hostium retudisset. Ecce tibi dum captum extrahere conantur, repente capti ipsi oculis, lymphatisque similes errare cœperunt. Tandem haud dubia Dei vindicis ira conterriti, captam onerariam dimittunt. Illa repetito cursu, optatum fauente Virgine tenuit portum, bis paucis diebus ultimo periculo defuncta. Episcopus eiusque familiares votorum, haud parum memores, protinus ex eo loco, vbi in terram descenderant, pedibus Lauretum vsque venerunt an. post Chr. natum M.D.LXXXVI. Et Episcopus votis rite persolutis totam rem litteris consignatam apud Aedem Lauretanā reliquit, duplicis in duplici periculo suo auxiliij B. Mariæ argumentum. Insequenti anno alium B. Virgo haud minore miraculo à maris fluctibus liberauit, quam illos ab infestis prædonibus liberauerat. Ioan: Baptista Capra à Monte Albodo (oppidi in Piceno nomen est) adolescens probus

probus, ac pius, phaseló. uetus Calabriae oram legebat. Ventum erat in conspectum insulae Vulcaniae (ea Siciliae insulae obiacet) cum repente eum atrox vis tempestatis adorta in ultimum discrimen adduxit. Iam fractis remis, veloque amisso, prope erat, ut vexata naucula mergeretur undis, cum ipse ad spem salutis semet erexit. Itaque Mariam Lauretanam inuocans exclamat. Ut Angeli tuam Domum in Picenum, ubi nunc colitur; detulerunt, sic tu Deipara Virgo nauculam hanc defer in portum. mira res. His precibus, velut freno iniecto, procella sedatur: secundus repente ventus existit. Phaselus in tutum appellitur. B. Virginem clienti suo obsecundare, & famae transuectae ab Angelis Domus suae fauere sentires.

*Duo sacerdotes Lauretanæ Domus calcem furto
sublatam malo docti restituunt.*

Cap. XVI.

CONFIRMATA hoc miraculo Lauretanæ historiae fides, alio subinde sacrosanctæ Domus religio sancita. Eodem ipso anno sacerdotes duo Placentini, ex composito, calcis aliquid e sacro pariete sustulerant eo consilio, ut id secum circumgestarent, Lauretanæ Virginis monumentum, vitæque præsidium. Sed questum inuito Deo præsidium in periculum vertit. In patriam regressos atrox pariter, minaxque occupat febris: qua pertinaciter tertium iam mensem urgente, tandem resipiscunt. Subit animum memoria Lusitani Episcopi, qui quanquam permissu Pontificis, lapidem ex Lauretana Aede sumpsisset; tamen infenso Deo, pene exitiali oppressus sit morbo, ex quo non ante conualuerit, quam sacrum Virgini restituerit lapidem. Ergo ambo communi consilio decernunt B. Mariæ reddere, quod abstulissent: eamque enixe orant ipsorum inscitiae ignoscat: suaque recepta re,
pristi-

pristinam eis restituat sanitatem. Nec mora. calcem illam serico sacco includūt: litteras addunt miraculi testes. Peregrinis Lauretum perentibus tradunt. ipsi valetudinem recuperant. Calx ut erat in sacco serico à Placentinis aduenis Lauretum ad Rutilium Benzonium Episcopum perlata. Recitatis Placentinorum sacerdotum litteris, fides miraculo facta: vulgata inde res: & duorum exemplo repressa audacia multorum.

*Duobus Beata Maria eadem specie, qua
Laureti colitur oblata desperatam
à medicis salutem reddit.*

Cap. XVII.

Pict. Brig.

NEC natalem magis Domum, quam effigiem suam cum Domo allatam sibi cordi esse B. Virgo per id tempus ostendit. Tiberius Delphynus Ducis Mantuani af secla carus in paucis fuit. Hic graui, diutinaque febris tabe consumptus, urgente vi mali, haud procul aberat à fine. Iamque sacerdos eius animum Christianis mysterijs munitum solennibus precibus Dei, Diuorumque tutelæ impensius commendabat, cum moribundo Lauretana Aedes miraculis inclyta occurrit, quam cum valeret, occupationes visere prohibuerant. Subinde per quietem oblata Lauretanæ Domus, ac Virginis species eum, & ad votum Deiparæ concipiendum, & ad bene de se sperandum erexit. Nec spes irrita fuit. Qui modo omnibus destitutus iacebat sensibus, quasi reuiuiscens, apertis oculis, liberius meante iam spiritu, loqui coepit: & conceptum Lauretanæ Virginis adeundæ votum exposuit cunctis, qui aderant, rei admiratione obstupefactis. Paucis inde intermissis diebus plane conualluit. Cæterum ille, ut primum per valetudinem, votiux peregrinationis iter exsequi, utcumque potuit
(adeo

(adeo incensa erat voti exsoluendi cupido) nondum ex morbo satis validus Lauretum petit. Eo ubi ventum est, gratijs Deo, Deique matri auide, impenseque actis, vota alacer gaudio soluit. Exinde religiosissimum Beatæ Mariæ simulacrum cominus intentiore contemplatus cura, enimvero (inquit) hac ipsa specie mihi moribundo Beata Maria secundum quietem est visa; vt facile appareat Lauretanam effigiem illi, aut simillimam esse, aut certe carissimam. Alio deinde consimili miraculo huius rei adfirmata fides: Ioannes Raffredus adolescens è Lasturo vico Venetæ ditioris non procul Bergamo, insanabili oppressus morbo iacebat. Ad morbi tabem, qua miserrime conficiebatur, accedebant dolores acerrimi, ac pene perpetui membrorum omnium. Itaque desperatis medentium auxilijs, Lauretanam Virginem inuocat vouens, semetque ad eam, si voti compos fuerit, primo quoque tempore iturum. Nec incassum votum cecidit. Iam destitutus à medicis, non tam cum morbo, quam cum morte luctabatur; cum repēte animam agenti spes salutis affulsit. B. Virgo, velut ex insperato se illi ostendit eadem specie, qua Laureti colitur (quam tamen ipse nunquam, ne pictam quidem antea viderat) bonoque animo esse iussu ingenti lætitia simul, & religione perfudit, Confestim æger utcumque poterat, superstrato genua moliri venerabūsus; magnaq. fiducia in vltimo illo salutis discrimine, Deiparæ fidē implorare cœpit. Et illa blādo, maternoq. vultu, omittit, inquit, timorē filii. haudquaquam ex isto morbo morieris. Tu modo gratus esto, ac voti memor. Cæterum illo domesticos inclamante, vt illuc properarēt, cœlestē reginam veneraturi, B. Virgo repente ex oculis abiit. Et exstitit vtrunque promissi fides. Aeger paulo post valetudine recuperata, Lauretum protinus ad reddenda vota perrexit, anno seculi huius XC. Ibi per otium Deiparæ contemplatus effigiem,

affirmauit ijs, quibus rem omnem enunciarat, eadem prorsus forma, ornatuque sibi in quiete B. Virginem obuersatam. Credas illam speciem, habitumque esse cordi B. Mariæ.

*Eques Belga insigni miraculo liberatus ab hostibus,
ingenti mole cereum dicat.*

Cap. XVIII.

Vit. Brig.

Cereus votiuus vastæ magnitudinis, pondo CCC. per idem tempus à Belga equite nobili B. Virgini dono missus est, pene incredibilis miraculi testis. Voti, donique causa fuit, quod ille eques (nomen non proditur, quia ipse occultatum voluit) in Flandria, B. Mariæ ope manifestū capitis discrimen effugerat. Quippe iussu Parmensis Principis, cum equitibus octo explorandi causa improuide progressus, in hostium præcipitarat insidias. Erant hostes circiter octingenti partim equites, partim pedites, qui impigre circumfusi omnem illi effugij spem ademerāt. Non tamen animis cecidit Belga, sed inuocata B. Maria Lauretana, adhortans socios fortiter pugnam capeffit. Tantumque apud eos valuit fiducia Virginis; vt facile tanti periculi cogitationem excuteret. Itaque repente parux illi manui creuere animi viresque: nec imploratum coeleste auxilium pugnantibus defuit. Cum tot vndique manus eos incesserent telis; Deiparæ præsidio recti hostilem impetū, telorumque procellam tantisper sustinuerē; quoad Hispanienses copix venire subsidio. Tum vero periculum in hostes vertit: plærique eorum cæsi, captiue. Ac ne dubia foret vis coelestis auxiliij; neque ipse eques, neque comitū quisquam omnino: nec vero vllus eorum equus in tam atroci pugna, quæ tenuit horas duas, vlla est læsus ex parte. Sentires illos Deo protegente pugnasse, quo propugnante vicissent. Ergo ille tam insignis miraculi æternum

Laureti

Laureti voluit exstare monumentum. Ingenti mole cereū, quem dixi, ea lege misit, vt ante augustam Virginis Domum certis arderet diebus. stipendiumque certum attri- buisse dicitur, vt illo absumpto, alius deinceps pari magnitudine cereus substituatur, ad posteritatis memoriam sempiternam.

Surdus aurium vsum recuperat.

Cap. XVIII.

Mirandum minus, sed magis etiam testatum est, quod subijciam. Erasmus Decanus Cathedralis Ecclesie Cracouiensis in Polonia, vtraque captus aure nihil admodum audiebat: sic prorsus, vt non tam verbis, quam nutibus cum eo agendum foret. Is ante obstructas morbo aures, de admirabilibus Lauretanæ Virginis rebus, rumore nuncio multa cognorat. Tandem igitur postquam in medicis nihil opis esse apparuit, ægrum morbo animum subiit diuina vis Domus Lauretanæ. Ergo haud dubia spe erectus Lauretum venit. In augustissima Virginis cella sacrum facit, Diuæ opem implorans. Ibi præsentissimū morbi remedium inuenit. Sacris operatus sinistram sibi apertam sensit aurem: postridie re diuina inibi facta, dexteræ quoque auris vsum recuperat. Ita qui surdaster, aut surdus potius sacrosanctam Aedem intrauerat, intra biduum exijt lætus aurium vfu recepto. Totam rem ipsimet Rutilio Benzonio Episcopo, & Andreæ Bentiuolo Præsidi Lauretano mistis gaudio lacrymis enarrauit. Non. Apr. Anni M. D. XC. Inter hæc Lauretum noua vrbs, laxato spatio strenue ædificabatur. Cæterum immatura Xysti Pont. mors opus ab alijs quoque Pontificibus frustra tentatum subito interrupit. Mons Regalis circumcisus, ac semirutus relictus: nouæ ædes extra vetus pomœrium sitæ nunc pro suburbio sunt, quarum etiam bona pars inchoa-

*Am. Laur.
Rier.
Viss. Brig.*

*Andreas Bē
tiuolus Præf.
Laur.*

Fulvius Pau-
lus. Præ-
Laur.

tæ manent. credas B. Mariæ Lauretanæ, quæ in solitudine sibi sedem quæsierit, ciuitatis celebritatem cordi non fuisse: ne quem aduenarum magis vrbs fama, quam loci religio inuitaret. Sub id tempus Andreæ Bentiuolo extincto in administratione Lauretana successit Fulvius Paulus Protonotarius Apostolicus, cuius virtutem difficillima tempora exercuerunt pariter, & illustrarunt.

*Munera difficillimis Greg. XIII. temporibus
Virgini missa, lataur. Cap. XX.*

ANno deinde M. D. XC. Septembri mense, Vrbanus VII. Pontifex creatur, non minus breuitate Pontificatus, quam cunctorum desiderio memorandus. Sublectus Urbano Gregorius XIII. vir bonus ac pius, sed ferme valetudinarius, Pontificatum gessit annum. Tempestas fuit omnino misera, & infelix, nec vlla facies mali defuit. Latrones quos extrema Xysti tempora effuderat, gregatim impune volitabant. Pontificiæque regionis vias infestas habebant. Ad hæc erat summa cum caritate inopia. Super omnia foeda lues, extremæ famis comes, tota pene Italia per omnes ordines, atque ætates vagabatur. Neque is solum, sed etiam insequens annus Italiæ funestus fuit. Ergo agri cultoribus, vrbes ciuibus, oppida vicique incolis propemodum exhausti; nec tam morbo quàm (quod miseriùs est) fame. Hac igitur tempestate Laureti minus vtique solito aduenarum, ac donorum; cæterum plus votorum fuit Lauretani templi visendi, adornandique. Id adeo insecuti anni satis ostenderunt. Nec tamen illa ipsa tempestas, quæ ciuibus vrbes exhaustit, non auxit muneribus Lauretanam Domum. Lælius Pignatellus Neap. lychnum argenteum bilibrem Virgini dicauit. Cardinalis Sfondratus Gregorij XIII. fratris filius B. Mariæ Lauretanæ effigiem ex argentea lamina expressam librarum

Lælij Pigna-
telli D.
Card. Sfon-
drati D.

librarum ferme trium. Hercules Sfondratus Comes con-
 similem B. Mariæ effigiem argenteam decem pondo ;
 aliâ insuper laminam argenteam simili opere, sed ponde-
 re dispari, & binos vrceolos argenteos. Alfonsus Coro-
 neus gemmeam paterâ ingentis pretij. Ea tornatilis est ex
 vnagema excauata. smaragdi genus videtur. vulgo Aga-
 thâ appellant. Dionysius Delphynus Venetus præclarû
 sacrificaturi sacerdotis ornatum ex textili argenteo: Poly-
 xena Perneſtina Proregina Boemiæ auream pallam ar-
 genteis flosculis tanquam stellis scite, eleganterque distin-
 ctam (ex ea Episcopale amiculum sane egregium factum)
 Lauretanæ Virgini dicauit. Cæterum illud munus maxi-
 me memorabile, nec minus fructu, quam opulentiâ exi-
 mium. Petrus Tyrannus Callienſis, homo prædiues &
 opulentus in primis, moriens Lauretanam Virginem te-
 ſtamento hæredem fecit ex aſſe. Hæreditatis caput Fal-
 conaria, prædium ſane luculentum. Id haud magis triti-
 ci, quàm vini ſerax, loco ſitum eſt maxime opportuno.
 Haud procul abeſt Ancona marique: vt facile inde fruges
 fructuſque Lauretum ſubuchi nauigijs queant. Aestima-
 tur vniuerſa hæreditas aureorum millibus circiter ſexa-
 ginta. opportunum ſane Lauretanæ Domus neceſſitati,
 vel iam vrgenti, vel imminenti ſubſidium. Quippe ſum-
 ma illa rerum caritas atque inopia, quæ per id tempus af-
 ſiſſit Italiam, ſimul ingentes Aedis Lauretanæ ſumptus
 impenſe augebat; ſimul eleemoſynarum, donorumque
 prouentum maxima intercipiebant ex parte. Nam præ-
 ter D. CCC. nummos aureos, quos arca Lauretana quo-
 tannis Epifcopo penſitat, circiter ſena aureorum millia in
 Canonicos x i i. totidem Sacerdotes Manſionarios, vt vo-
 cant, ſex clericos chori adiutores, ſymphoniacos pluri-
 mos, alioſque complures templi miniſtros, cereos, oleum,
 cæterumque ædis cultum erogat. Præſidis quoque Lau-
 retani cohortem, ingentem ſabrorum, ruſticorum, paſto-
 rum familiam alit. Hiſ accedunt Collegia duo, Societa-
 tis

Comitis Sſû
drati D.Alfonſi Co-
ronei D.Dionyf. Del
phyni D.Proreginæ
Boemiæ D.Petri Tyran-
ni hæredi-
tas.

tis Iesu vnum, alterum Illyricorum. In quæ cum meliora essent tempora, quinque ferme aureorum millia in annos singulos infumebantur. Ad hæc in Nosocomio & Xenodochio plurimi peregrini, quæ ægri, quæ pauperes sustentantur. Cœnobitis quoque, & sacerdotibus victus in triduum præberi: cæteris aduenis egentibus publice panis diuidi solet. Episcopi porro, Cardinales, alijque Principes viri benigne lauteque tractantur. Et ædificatio sumptuosa iuxta & honorifica B. Virgini, nunquam ferme intermittitur. Igitur hi tanti, tamque immanes annui sumptus XX. aureorum millia excedere dicuntur) quos in vilitate rerum, & copia, ægre Lauretana res sustinebat, illis temporibus crescebant in immensum. Et annonæ inopia ferme quadriennium tenuit. Quo tempore agrorum, arcæque prouentus duplo, aut etiam triplo minor erat, quam solebat: & tamen pene duplicabatur impensa. Lauretanis itaque difficultatibus Calliensis hæreditas mira opportunitate subuenit, non in præsens tempus magis, quam in futurum. Subinde parua dictu res Aedis Lauretanæ religionem haud parum illustrauit. Marcus Sara latronum Dux nobilis Pontificiam ditionem infestam habebat armis. Hic cum maxima conscleratorum manu in Picenum venit. Cæterum vicit eius animum religio Virginis. Lauretum prætergressus, ubi opportunum nactus est locum; festa cuncti agminis diplosione Lauretanam Virginem salutauit. Adeoque non violauit res Lauretanæ, ut etiam sacrosanctam Aedem coluerit donis. Nam cum templi, vrbisque aditu prohiberetur, certum hominem destinauit Lauretū cum munere. Ita pecunia Deiparæ ultro donata ab ijs, qui etiam per vulnera, & cædes quærere pecuniam assueuerunt, Deo in matris suæ gratiam offerata quoque pectora mitigante. Paulucius interim Præses, & si summa erat annonæ caritas & inopia; tamen magnam vim panis egentibus peregrinis diuisit quotidie, eo gratius munus, quo maior illos vrgebat fames.

M. Saræ in
Aedē Laur.
reuerentia,

*Præcipue Clementis Octauī Indulgentiæ.**Cap. XXI.*

ANnuum Gregorij xiiij. Pontificatum Innocentius IX. menstruus ferme Pontifex excepit, quem coe-
ptis ingentibus clarum subita mors præripiens, eximiam
bonorum fefellit spem. Innocentio Clemens viij. subro-
gatus paterna prouidentia nobilis. Is quippe annonæ ca-
ritatem improbitate hominum auctam sua sedulitate la-
xauit: grassatoribus de medio sublati, obseffas aperuit
vias magno Lauretanæ peregrinationis bono. Idem ab
insita pietate erga Deiparam Virginem, Lauretanam,
Aedem insigni Indulgentiarum beneficio cumulauit; vt
nihil iam adijci posse videatur. Haud ignarus erat Laure-
tanum templum quouis anni tempore ab aduenis cele-
brari. Superiorum Pontificum Indulgentias certis defi-
nitas temporibus videbat. Indignum rebatur complures
peregrinorum per hyemem tot tantisque itinerum labori-
bus periculisque perfunctos à Virgine Lauretana discede-
re Indulgentiarum expertes. præsertim ita tradito more,
vt nullum Lauretanæ peregrinationis munus tam solemne
esset, quam animos sacra confessione impensius expian-
di, nouæque in posterum vitæ instituendæ. Itaque Cle-
mens Pont. optimum ratus, ac B. Mariæ decorum, nemi-
nem ab ea tristem discedere; omnibus quocumque anni
tempore Lauretanam Virginis cellam rite aduentibus de-
lictorum omnium veniam benignissime concessit. Quin-
etiam permisit, vt dies translata in Picenum Sacra Do-
mus quotannis Laureti celebraretur Quarto Id. Decem-
bris. Inter hæc confluentibus vndique agminibus conue-
narum, vetus Lauretanæ maiestatis nitor, ac species re-
stitui cœpta. Nec modo studia hominum, sed etiam vota,
donaque temporum difficultate creuerunt. Cardinalis
Sfon-

Card. Sfondrati Dona.

Sfondratus ad Bononiensem legationem proficiscens Lau-
retum diuertit. Ibi Deipara enixe salutata, ingens cum
cupido incescit Lauretanam effigiem propius contemplan-
di. Igitur scalis admotis, venerabundus ascendit. Beatæ
Virginis lineamenta, diu multumque contemplatus, an-
nulum egregium, Cardinalatus insigne, clam sibimet de-
trahit: & B. Mariæ dicatum descendens relinquit, siue
religionis erga illam suæ pignus, siue illius erga se patro-
cinij argumentum. Annulus est aureus egregio adaman-
te illustris, quingentis aureis æstimatur. Hæc autem præ-
cipua Cardinalis Sfondrati laus. Intra biennium ter Lau-
retanam Virginem ex itinere interuisit: tribusque eam
eximjis muneribus coluit, adeo pium eius animum augu-
stissimæ cellæ dulcedo ceperat. Eodem quippe anno Bo-
nonia Romam remigrans Lauretum ad Patronam suam
salutandam reuertit, nec apparuit in eius conspectu va-
cuus. Crucem auream octo pulcherrimis smaragdis visen-
dam B. Virgini consecrauit. Ea crux quatuor circiter au-
reorum millibus esse perhibetur. pendet ex opulentissimo
Deiparæ torque gemmato, egregium eius ornamentum.
Insequenti deinde anno Cardinalis Sfondratus Mediola-
num repetens Lauretanam reuisit Virginem, eique annu-
lum aureum eximio adamante insignem dono dedit. Ada-
mas humano vngue maior est, qui Christi pueri digito in-
sertus, luminum percussu, velut sidus emicat, hoc insi-
gnius donum, quod ad id ipsum ab illo emptum duobus
aureorum millibus constat. Adamantem porrò alium au-
reo illigatum annulo Antonius Parauicinus Cremonen-
sis donum tulit, pari fortasse animo, sed precio haudqua-
quam pari: aureis circiter centum æstimatum ferunt. Car-
dinalis inde Lotharingus multiplex regiæ opulentiæ mu-
nus per certos homines misit, crucem chrystallinam cum
aurea Christi effigie, calicem item aureum pede sufful-
tum crystallino, candelabra duo, binos vrceolos cum pol-
lubro, vasculum aquæ lustralis cum suo aspergillo, pixi-
dem,

Anton. Pa-
rauicini D.

Card. Lota-
ringi D.

dem, paciferamque imaginem, omnia è nobili cryſtallo, auro, electoque perfecta: binis ternisue aureorum millibus æſtimantur. Cardinalis Cæſij hæredes picturam textilem eximiam dono dederunt. In ea Lauretanæ Virginis imago viſitur teſto inſidentis, multis circa Angelis aſſiſtis. opus omnino egregium, totum ſerico, auroque contextum. ternos fere cubitus quaua. verſus patet. Deiparæ porro, & Angelorum imagines tanto artificio expreſſæ, vt ſpirare videantur. Cardinalis Ruſticucius aræ, & ſacerdotis veſtes argenteas, Lauretanæ Virginis effigie, & gentis ſuæ inſignibus conſpicuâs, donum attulit. Victorius Labdamarus Laudeniſis aræ ornatum egregium ex veſte argentea, criſpo opere, floribuſque eminentibus inſignem: alterum aræ ornatum Princeps Venuſinus ex Attalica veſte auro criſpante diſtincta. Iaſon Villanus ciuis Bononiensis ſacerdotalem ornatum ex veſte Attalica, criſpo auro, & gentilitijs inſignibus nobilem. Bernardus Strozius Florentinus duas altarium, totidem ſacerdotum veſtes auro, argentoque fulgentes. Marchio Riani ſacerdotis, miniſtrorumque ſolenni ritu operantium argenteas veſtes ſericis floſculis, iuſta per interuallâ conſperſas. Super hæc Epiſcopale amiculû cõſimili materia atque opere. Lucas Turregianus Florétinus, aræ, ac ſacerdotis ornatû ex argenteo textili, quod ingentes aurei flores criſpâti opere diſtinguunt. Ferdinandus Gonzaga aræ veſtem aureâ opere Phrygio, ac margaritis illuſtrẽ. Scipio Spinellus Dux Seminariæ bina vaſa argentea cubitalia egregie facta, cælataque: utrûque ſacris B. Mariæ emblematis, & argumētis inſigne: ex altero argenteû liliû multiplex, ex altero aureus vernantium roſarum ramus exiſtit. ea vaſa ad Virginis pedes hinc, & hinc locata viſuntur. Marcus Germanus Valcaſſani Baro coronam ex margaritijs, gemmiſque in roſarum modum compaſtis, auroque illigatis. Dux Terræ Nouæ Antiſtitem B. Mariæ ſupplicantem in aurea lamina cælatum: calicem item, patinamque pariter ex au-

Card Cæſii
Donum.Card. Ruſti-
cucii. D.Victor. Lab-
dam. D.Princ. Venu-
ſini. D.
Iaſon. Villa-
ni D.Bernardi
Stroz. Don.March. Ria-
ni D.Luc. Turre-
giani D.Ferd. Gon-
zag. D.Duc. Semi-
naræ D.Baronis Val-
caſ. D.Duc. Terræ
nouæ D.

Virg. Vrsin.
Noment. d.
Lucæ Tur-
regiani D.
ro. Virginij Vrsini Nomentani vxor Virginis Lauretanæ
supplicantis effigiem ex argento pene bilibrem. Lucas Tur-
regianus Florentinus suam, & vxoris imagines argen-
teas in morem supplicantium, ponderis non contemnendi.
Alij denique alias imagines argenteis laminis expres-
sas, binarum, ternarumque librarum Deiparæ Laureta-
næ dicarant. Illud huius generis eximium. Petrus Lomel-
lini D. linus Genuensis argenteum infantem naturali statura fa-
scijs constrictum pondo XI. dono misit. votiuum id donum
esse facile coniectare licet. Illa haud dubie votiua. Huma-
num caput iustæ magnitudinis, ponderisque ex auro ab
Iacobi Grima-
mani D. Io: Iacobo Grimano missum. Maxilla cū dentibus ex ar-
gento expressa adamantibus duobus, tribusque pyropis in-
signis à Francisco Deitristanio intimo Clementis Ponti-
ficis cubiculario: lychni etiam argentei complures dono
missi, artificio, ac pondere præclari. Sed vnus eminet in-
ter omnes, Io: Caroli Imperialis Genuensis donum. Is ly-
chnus tribus veluti ramis sigillatis conspicuus trifariam
lucet. pondus est librarum circiter xxx. Cæterum aliud in
alio genere donum eximium Ferdinandi Medices Magni
Magni Duc.
Hettrur. D. Hettruriæ Ducis. Triremis argentea bicubitalis, remigio,
armamentisque omnibus instructa, ornataque, pondo cir-
citer XL. Votiuum donum esse insculpta in vtroque trire-
mis latere verba declarant.

FERDIN. MED. MAG. HETR. D.

OB TRIREMES SVAS A PESTE LIBERATAS

DEIPARÆ VIRGINI DICAVIT.

A. N. M. D. XCIII.

Card. Mont-
talti D. exi-
mum.

Egregium quoque pondere, ac pretio Cardinalis Mon-
talti donum fuit. Is effigiem suam, ac fratris sui argen-
team pulcherrime factam pondo CXL. Lauretanæ Virgi-
ni consecrauit pio cum titulo.

ALEX. PERETTUS CARD. MONTAL. S.R.E. VICECAN.

XYSTI V. NEPOS.

D. MARIE IPSVM, ET MICHAHELEM FR. PERPETVO
SVSTENTANTI MEMOR ET GRATVS

ISACRV M ONVMENTVM POS.

AN. M.D. XCHII.

Opus pluris duobus aureoram millibus sterisse di-
citur.*Illustrium feminarum munera.**Cap. XXII.*

NEC nobilium feminarum liberalitas per idem tempus
obscura fuit. Polixena Pernestaina Proregina Boemig
S. Gerionis Thebarum Ducis caput præclara inclusum
theca, Lauretanæ Virgini donum misit. Theca argentea
auro interlita & egregie facta S. Gerionis locicati spe-
ciem reddit à pectore: & lorica est argento, auroque con-
spicua, caput martyris gemmata redimitum corona. Huic
subiecta basis ex hobeno, argentoque sacras Thebarum
martyrum reliquias crystallo inclusas ostentat: votivum,
donum esse constat: à Polyxena Proregina pro salute vi-
ri sui recuperata, Virgini redditum. Princeps Vastallæ bi-
nas effigies aureas, alteram suam, alteram viri sui cum duo-
bus cordibus aureis sex pondo B. Virgini dedicavit. Ma-
ria Boadilia triremem cum B. Mariæ Lauretanæ effigie
sublimi, ex lamina expressam argentea. Principis Cast-
uetranæ vxor crucem auream mole quidem exiguam, sed
materia nobilem, quippe sex adamantibus auro, illigatis
nitet. Ducis Niuerniensis vxor bina candelabra argen-
tea bene facta pondo librarum octo, per coniugem suum
Virgini donum misit. Hieronyma Spinula ornatum aræ
ex veste Damascena violacea, auro conspicuum, binosq.
vrceolos cum suo pollubro ex argento pulchre, sciteque
factos. Violanta Farnesia bina candelabra argentea

Proreg. Boe-
mix D.Princip. Va-
stallæ D.
Mariæ Bal-
diliz D.Princip. Ca-
stellet. D.Duc. Niuer-
nensis D.Hieron. Spi-
nule D.Violant. Far-
nes. Don.

Salust. Cres-
cent. D.
Princip. Bi-
finian. D.

egregio opere. Sallustia Crescentia Romana amiculum B. Virginis argenteum stellis aureis illustrè! Principis Bissiniani uxor Draconem aureolum gemmis distinctum clarissimis, pretio septingentorum ferme aureorum. Iustina Vicecomes arę vestem ex auro, argento, sericoque sutilem, pictam opere mirabili, nouoque. Nam continuatis inuicemque implexis aureis, argenteis, sericisque, varicoloribus filis, totum opus per se, nullo substratu, adminiculaque sultu acu pertexitur, vacuis in medio spatijs relictis. vulgo punctum in aere appellant. Opus reconditi artificij ac laboris pene infiniti. Hoc igitur opere tota illa, quam dixi, arę vestis perfecta est. Quindecim inibi B. Mariæ Rosarij mysteria scite expressa visuntur, quadratis inclusis spatijs, alternisque ingentibus floribus distincta, velut opere scutulato: ac ne inania sint vacua illa operis spatia; tota vestis argenteo textili subsuta internitet. Id vero (si famæ credimus) Vicecomitis matronę nobilissimæ non donum modo, sed etiam opus fuit. quamquam complura esse nobilium feminarum munera, quæ earundem etiam opera sint, satis constat: calicum præcipue sacrorum velamenta & B. Mariæ amicula. Isabella quoque consobrina Ducis Sabaudia coniux D. Syluestri N. donum misit, sua (ut ferunt) elaboratum manu, sane egregium: arę, sacerdotis, ministrorumque solenni cerimonia. operantium vestes ex serico, auroque contextas opere nouo, ac mirabili. Iacoba Dux Cliuia Badensis Marchionis (cui brachium Laureti diuinitus sanatum docuimus) germana soror torquem aureum, globo ex pyropis, adamantibusque pendulo insignem, Lauretanæ Virgini donum misit.

Isabellæ Sa-
baudæ D.

Duc. Cliuia
D.

Aduentus, & dona Christinæ uxoris

Magni Hetruriæ Ducis.

Cap. XXIII.

CAeterum Christinæ uxoris Magni Hetruriæ Ducis aduentus vel pietatis, vel munificentiae argumentis maxime insignis fuit. Hæc cum regali pene comitatu Lauretum petens ingentia secum donata tulit: Attamen Christianæ pariter modestiæ, & S. Francisci memor vulgarem vestitum cinerei coloris adinuit: aurum, gemmasque deposuit, ut cœlestis Reginæ, cui sciebat cordi semper fuisse paupertatem, illa cultus simplicitate caperet oculos. Et Domina exemplum apud ancillas, matronas, affeclas, ipsosque corporis custodes valuit. Omnes Lauretanæ peregrinationis comites, modestiæ quoque, & coloris socij fuere: Nec CLEMENS Pont. insigni clarissimæ feminae pietati defuit. Transeunti per Pontificiæ ditionis oppida, ubique lautitiae præbita regio apparatu, quacumque incedebat, non magis vestitus tenuitas miraculo erat, quam eximia pietas exemplo; utique posteaquam Laureto appropinquauit. Quippe ubi primum Recincto egressa, procul Lauretanæ Basilicæ testa conspexit; confestim lectica, qua vehebatur, exilit: procumbit in genua: B. Virginem salutat de via, nullo affeclarum detrectante pietatis officium, quod Domina occupasset. Inde pedibus cum Episcopis aliquot, cæteroque comitatu Lauretum ingressa, ad B. Mariæ processit Aedem. Ibi contempto puluino, cæteroque apparatu, in sacrosanctæ Domus vestibulo genua submittit venerabunda. Hortantibus certatim Episcopis, ipsoque Cardinale Gallo, ut ipsam Deiparæ cellam intraret, nefas esse respondit ante noxas sacra confessione absterfas, augustissimum illud limen intrare, & os suum sanctissimæ Virgini ostendere. Nec ullæ
cuius-

cuiusquam preces de proposito eam deducere potuerunt, adeo rara in eius mente infidebat religio. Lauretanæ Domus. Tandem igitur animo rite expiato, cœlestique dape refectō, sacrosanctam cellam ingreditur. Creuerat pietatis ardor, ut sit, infecta mora. Ergo B. Mariæ visendæ, salutandæque studio accensa procidit supplex: ibique impensis precibus plures absumpsit horas. Neque id semel fecit, sed toto triduo, tandiu enim Laureti substitit. Quod quidem tempore adeo erat in templo assiduus, sacrisque intenta officijs; ut eam in templo habitare crederes. His pietatis indicijs par munificentia respondit. Sub digressum pueros cum donis regalis opulentiæ misit in templum. Altarium, sacerdotis, ministrorumque solenni ritu operantium vestes inter dona erant, auro, argentoque trifariam crispante; mirabili opere, artificioque perfectæ: super hæc arçtoralia, & materia, & opere maxime insignia. Quippe totum pene eorum spatium occupant Prophetarum, Sibyllarum, Apostolorum, Euangelistarum imagines egregiæ, scitè insertæ ramusculis, floribusque. opus autem vniuersum acunira prorsus arte depictum. affirmare ausim, vix quicquam in eo genere artificiosius, preciosius, admirabilius, ysplam factum. satis constat eius manu preclum ad octo aureorum millia peruenisse. Eximnia factorum calicum velamenta, aliaque generis eiusdem in doni cumulum accessere.

Sacerdotis Hispani testimonium, & donum miraculo insignè.

Cap. XXIV.

PEr eadem tempora Alfonso Sancius Hispanus sacerdos doctus iuxta, piusque Lauretum venit, recens ab ultimo oriente, insulisque Sinarum, quæ Philippinæ

vocantur. Hunc egomet paulo ante Virginis cella egressum offendi loci religione attonitum. Stuporis causam familiariter quærenti mihi respondet admirabundus. Pro Deus immortalis, quid hoc tandem rei est? equidem nihil unquam tale expertus sum in vita, nusquam reperi præsentiorum Deum, adeo in hac sacrosancta Aede, vis quædam diuina meo se animo superfudit. Adiecit deinde se, & ad Vadalupæ, & ad Môtis ferrari, aliasque nobiles in Hispania B. Virginis, ædes accessisse cæterum nusquam tam præsens sensisse coeleste numen, nimirum illic corticem hic medullam esse. Idem per Card. Gaetanum, cuius in comitatu venerat, cum impetrasset à Lauretano Præsidente, ut liceret ei in sanctiore cellæ parte per noctem totam ibi precibus, ac vigilijs noctem exegit. Ac deinde familiaribus suis affirmavit, nullam sibi in omni vita iucundior, beatiorque abijisse noctem. Porro cupido eum cepit augustissimam Virginis cellam munere aliquo suo ornatam relinquendi. Candidam vestem Damascenam inde usque ab Sinis aduexerat: hac loculamentum Deiparæ Virginis, & Christi Crucifixi cum sacra Aede delatam imaginem decorare constituit. Igitur sarcinator accersitur, qui explicata, dimensaque veste Damascena, negare primo ad utramque opus satis ibi materiæ esse: inde Sancio instate, ut intentiore cura omnia dimetiretur, diu hæsitauit. Ad ultimum Damascena veste sæpius in omnes partes versata, affirmare coepit, rationem ab se tandem repertam efficiendi quod vellet: sed ita, ut illa ornamenta paulo breuiora existerent, quam opus foret. Agedum igitur, inquit Sancio, & istam sequere rationem; siquid deerit, B. Maria sibi ipsa supplebit. Morem gerit ille, ac ne qua foret erroris suspicio, vetus loculamentum per istroma ad manum habebat, ad quod formam referret noui. Vestem Damascenam Sancio inspectante dissectam defert secum in officinam. Postero die prima luce attonito similis Sancio adit exclamans, enimvero B. Virginem

in suo

in suo ornamento haud dubium miraculum p̄petrasse. Nouum loculamenti peristroma, quod hesternā die breuius iusto fuerit, iā esse longius palmo. Sequitur hominem in officinam Sancius, fidem oculis suis, non illius vocibus habiturus. comperit haud vana illum attulisse. Ned quicquam excogitare ipse potuit, quæ rem miraculo eximeret. Videbat quippe Crucifixi velum, quod faciendum curauerat, iustum esse, nihilque inde detractum: & Damascena vestis erat peregrino quodam opere facta, v̄t fraus addentis ex nostrati, fallere gnarum talium rerum haudquaquam posset. quanquam talibus in rebus non addentis, sed detrahentis fraus timeri solet. Ad hæc ipse met Sancius, cum alijs multis adfuerat sarcinatori vestē dimetienti, dissecantique: vt nihil per imprudentiam erratum esse constaret. Itaque & ab ipso, & ab alijs pro miraculo habitum: nos rem in medio relinquemus.

*Armilla B. Virgini oblata sua sponte Christi
pueri manibus inseruntur.*

Cap. XXV.

CAeterum illud non magis doli genere, quam euentu mirabile. Beatrix Gazæ matrona honestissimo cui Romano nupta erat Romæ, delicijs æque, ac diuitijs nobilis. Ea religionis ergo Lauretum venit Maio mense anno huius seculi XCIII. Confestim itaque interiorem sanctissimæ cellæ partem intrat, vbi religiosissima Lauretanæ Virginis puerum Iesum gremio tenentis effigies propius visitur, coliturque: ea est preciosissima veste, cultuque ad magnificentiam exornata. Ibi igitur fusis ad Christum, Christique parentem precibus, Gazæam cupido cepit Virginis ora, ornatumque intentius contemplandi. Ergo obtusiores oculorum aciem causata custodem (is tū erat Papyrius N.) rogat, vt admoto ardenti cereo, Dei-

paræ

paræ simulacrum sibi accuratius ostendat. Morem gerit ille haud grauate. ardenti face admota simul Virginẽ ostentat, simul Gazeæ rogatu, singulorum donorum laudat aucthores. Inter cætera donum erat egregium, frontale ex vnionibus eximia magnitudine, ac specie, à matrona Romana Virgini dicatum. Ea mulier delicijs, ac luxui dedita in paucis, etsi atroci genere mortis, tamen Christianè admodum, pieque nuper è vita decesserat. Huius ergo nomine audito Beatrix, vt eam familiariter norat, extemplo admirabunda succlamat. En causa, cur illa, B. Virginis munere, delicatæ vitæ tam pium exitum inuenit. Inde ad custodem versa, & ego, inquit, hæc armillas, quibus nihil carius habeo, Christo, eiusque parenti libenter dicarem, si crederem feminæ improbæ donum non ingratum illis futurum. Tum custos timidæ nimium mulieri animos facere: Christum improborum Saluatorem, Mariam Patronam esse memorans. Itaque illa prope-re armillas antiquo opere ex gemmis, auroque factas sibi detrahit, & custodi tradit offerendas Iesu, matrique. Protinus custos furcillam arripit tales ad vsus paratam: ambasque ei armillas inserit: mox sacrosanctæ statuae admo-uet ea mente, vt de pueri Iesu erectis dexteræ digitis (neque enim occurrebat in præsentia locus commodior) eas suspenderet. Cæterum hastã reducens animaduertit, armillarum vnã hæsisse furcillæ, alteram digitis Iesu pueri præteritis, manum occupasse, idque ita apte, vt aprius non posset. mira res, vt erat custodi visa, tamen poterat esse fortuita. Subinde igitur hastam nihil prorsus loco mo-tam eodem refert, armillam alteram indidem suspensurus. Ecce aliud haud dubium miraculum. Dum sensim furcillam ad se reuocat, ratus in eadem Christi manu hæsisse donum, repente videt armillam è dextra lapsam in læuã manum, deiectoque in gremium Virginis aureo globo, quem puer Iesu illa manu sustinet, sinistra manui intertam apte, atque eleganter adeo, vt scalis admotis, per otium,

de industria aptius, elegantiusque inferi haudquaquam posset. Tum vero custos repente ex rei admiratione, facto quodam perfusus horrore, mulierem compellat. En Christus donum tuum sibi cordi esse satis ostendit, qui me alia omnia agente, sibi ipsemet armillas induit tuas. At illa, extemplo coelesti tacta numine ingemuit: & siue ex veteri superioris vitae luxu, siue ab recenti diuinæ benevolentiae indicio, ingentem inter singultus, lacrymarum vim profudit, sic prorsus, ut ab ijs, qui in altera sacri cubiculi parte supplicabant, lacrymantis gemitus, & singultus exaudirentur. Itaque nonnulli rei nouitate excitati prope ad sanctioris cubiculi ianuam accurrunt: mulierem cerunt lacrymis, ac religione perfusam, custodem ipsum tantæ rei admiratione defixum. Is deinde cum alijs multis, tum mihi ipsi rem, uti erat gesta, narrauit. Omnibus facti, euentique seriem reputantibus mira res visa: multorumque sermonibus, ac litteris celebrata. Hodie puer leesus eas armillas manibus gestat, huiusce rei monumentum.

Duo ex mortis faucibus erepti.

Cap. XXV II.

SED hoc mirabile magis, quam miraculum cuiuspiam fortasse videatur. Sequitur aliud manifestum certe miraculum. Eodem anno Bartholomeus Meliorinus Genuensis haud obscuro loco natus, Placentiæ ex iurgio, ut fit, ad manus venit. Erat ipse solus: rixa orta in ædibus Florentini mercatoris cum ipso ædiunt domino. Accurrentes igitur ad primum tumultum domestici, arreptis armis domino subsidium ferunt. Ibi in pugna Meliorinus graue in humero vulnus accipit: & quo grauius sit, pugio magna vi adactus in medio frangitur. Rixa aliorum intercusu sedata: Meliorinus grauiiter saucius domum relatus.

Extrem-

Extemplo medici adhibentur, absterfum vulnus inspicunt, reperiunt mucronem ossi alte infixum penitus hæ-
rere: nec aliter extrahi posse, quam vt secando vulnus
augerent, quo ars ad telum perueniret. Ergo dissecta cir-
ca vulnus quadrifariam in crucis modum carne, pugionis
fragmentum forcipe conantur euellere. Cum res non pro-
cederet, nouum durumque remedium excogitant. Mu-
cronem pertinaciter hærentem, pulsato è regione pecto-
re dimouetè nituntur, exacerbantes subinde acerbissimū
plagæ dolorem. Posteaquam simul pulsatus, simul forci-
pe attractus pugio nulla lababat ex parte; seuerè pronun-
tiant, actum esse de illius salute, nisi cum Deus respexe-
rit. Et jam fama de eius morte Genuam perlata fecerat,
vt pro mortuo lugeretur à suis. At ille humanæ opi di-
uinam addendam ratus, Lauretanæ Virginis auxilium
imploreat. Mira res dictu, visuque. repente mucro loco mo-
tus forcipem facilis sequitur: non tam humana vi, quam
cœlesti cum exire sentires. Itaque æger voti compos, ubi
primum ex vulnere conualuit, Lauretum contulit se hoc
ipso anno M.D.XCIII. cum ibidem hæc maxime scribe-
remus: ingentibusque Virgini gratijs actis, fragmentum
apud eam pugionis reliquit, tam insignis beneficij argu-
mentum. Per idem tempus ex eadem ciuitate Ioannes
Baptista Iudex adolescens genere, ac diuitijs nobilis, vo-
ti reus Lauretum venit. Eum proximo superiore anno Ve-
netijs, grauis, minaxque adorta febris atrocissime affli-
xerat. Ventum erat ad extrema. Deserto à medicis nul-
la spes salutis suberat. At ille (vt erat Lauretanæ Virgi-
ni addictus in paucis) patronam suam moribundus fiden-
ter implorat. Nec sua illum frustrata fides. Medici iam
desperata egri salute, mortem haud dubiam opperieban-
tur; cum à domesticis ad eum reuocati venarum pulsum
explorant. Extemplo salubribus indicijs erecti, magnam
& ipsi spem valetudinis concipiunt, & ægroto, ac necessa-
rijs faciunt. Nec irrita spes. Aeger ex eo in horas singu-

las, ac pene momenta, leuius habere cœpit, quoad excussa febri, paucis diebus conualuit omnino. Igitur anno insequenti perrexit Lauretum ad vota reddenda. Ibi mihi hæc ipsa memorię prodenti rem omnem, vti à me commemorata est, ipsemet enarrauit.

*Homo facinorosus ante confessionem sacrosanctæ
cellæ aditu diuinitus prohibetur.*

Cap. XXVII.

HAec quoque tempestas nouis miraculis ostendit, quantæ Deo sit curæ sanctitas Lauretanæ Domus. Per ea tempora Lauretū venerat peregrinus quidam omnibus sceleribus coopertus, & profligatæ vitæ apprime tenax. Huic igitur sanctissimæ cellæ limen intrare auso, repente in ipso aditu vmbra quædā horrenda specie se obiecit: quæ proiectæ audaciæ hominem fregit, ac repulit ingenti pauore perculsum. Ergo scelerum cōscientia iustus sacerdotem adit animum expiaturus. Cæterum ad recollenda tot annis patrata facinora, multo opus erat tempore, magnoque sensu doloris: ipse autem ad sacram confessionem minime meditatus, ac paratus accesserat. Proinde à sacerdote dimittitur monitus, vt in sacrum sacellum recipiat se, ibi Dei, Deiparæque ope enixius implorata, in anteaactam vitam inquirat sedulo: tum demum paratior redeat ad confitendum. Dimissus ille mandata faceffit; sed videlicet mala consuetudo veram poenitentiam morabatur: & probri magis, quam culpæ dolor anxium animum stimulabat. Eum itaque sacrum Virginis cubiculum repetentem, eadem illa species oblata iterum ingressu prohibuit. Tum vero ingens illi dolor iniustus, se vt consceleratum, contaminatumque ab augustissima sede, à conspectu Deiparæ bis abactum esse. Extemplo flagitiosæ tabis, vitæque tædio captum, haud vana poenitentia

tentia excepit, & dolor offensi Dei. Ergo conscientia impensius excussa, flens redit ad sacerdotem: labe s non confessione magis, quam lacrymis eluit. Expiato tandem animo, ad augustam Virginis Aedem verecunde, ac dubitanter accedit. mirabile dictu. qui audenti clausus fuerat, verecundanti aditus patuit.

*Quidam patraturus eadem in Lauretana Aede
diuinitus in diuersum mutatur.*

Cap. XXVIII.

Iisdem fere diebus aliud haud ab simile accidit. Ciuis Aesculanus honestus, ac diues filiolum ex nouo matrimonio susceperat mense septimo. Hunc nutrici alendum dederat; & quia vnicus, immaturoque partu editus erat, sollicito subinde eum reuisebat animo. Forte euenit, vt puerum naturā imbecillum, nulla nutricis culpa, repentinus morbus extingueret. Enimvero nutrix haud ignara, quantum mali à pueri patre præferocis ingenij homine immineret sibi; protinus occulta fuga properat Lauretum, multum in Deipara præsidij ponens. Nec spes fefellit. Ille, vt vnicum filium exanimem conspexit, dolore simul, ira-que amens, furere, incusare Deum, Diuosque, nutricem quærere ad necem. Cum ea non compareret, iram in nutricium vertit, quem vulneribus confossum pro mortuo reliquit. Neque hic stetit cruore imbutus furor. Comperita nutricis fuga, propere succinctus armis Lauretum aduolat. Irrumpit in templum ea mente, vt nutricem, vel in ipsa sacrosancta cella ante ora Virginis trucidaret. Lustratis frustra templi recessibus, ventum erat ad Deiparæ cellam, vbi nutrix expiatis paulo ante vitæ maculis, obnixè B. Mariæ implorabat fidem. Itaque sub eius tutela, vmbraque latuit. Quippe homini furenti, & eadem anhelanti hæc diuinitus iniecta est cogitatio: si sacrosanctum li-

men intraret, haud dubie futurum, vt emollito pectore, vleiscendi omitteret curam. Proinde alio versus omnes templi angulos perlustrare coepit. Ecce autem dum lymphato similis discurrit, forte aram B. Mariæ Annunciatæ titulo inclytam præterit. Hæc ara sacrosancto sacello extrinsecus adiecta est, sub fenestra quâ Gabriel Archangelus intrasse fertur. Igitur ille conspectis per fenestram forte luminibus, quæ plurima ante B. Virginem vsque collucet; subita loci religione tactus, genua submittit. mira dictu res. Homo ferus, ac ferreus repente mollitur: mutatoque in diuersum animo, sacerdotem adit. Ibi abiectis armis, eius genibus aduoluitur, iter alienæ cædis causa susceptum, vertete se in suam salutem velle memorans. Cæterum in eo quoque tutela Deiparæ præsens apparuit, quod is ad eundem sacerdotem applicuit se, ad quem paulo ante nuxrix accesserat. Itaque ille totius negotij satis gnarus, Asculani ciuis confessione audita, haud agere lenitum iam animum perpulit, vt insonti feminæ ignosceret. Et Asculanus yltro recepit, certis se indiciis ostensurum, bona fide redisse cum illa in gratiam. Dictis facta benigniora etiam adiecit. Mulierem domum reductam domesticis, virum eius benigne curatum agrestibus præposuit rebus, periculo in emolumentum à Deipara verso. Sub id tempus Collegium Illyricum, vt eius alumni accuratius bonis artibus excolerentur Romam transferri placuit. Clementis itaque VIII. Pont. iussu alumni Romam euocati, & Romano Seminario aggregati, ius ac nomen Illyrici Collegij pro sua parte tuentur. Incidit hæc migratio in annū M. D. XCIII. qui est nostræ historiæ postremus, vt CCC. ipsos annos Aedis Lauretanæ, nostra historia complectatur. Hæc autem pauca de multis, ac prope innumerabilibus elegimus, quæ litteris proderemus, lectorem monuisse contenti, tantam esse Lauretanarum rerum, miraculorumque syluam; vt à nemine tam multa, tam magna dici possint, quin multo plura ac maiora dictis supersint.

*Celebritas & maiestas Aedis Lauretanæ.**Cap. XXVIII.*

CAeterum operæ pretium me facturum arbitror, si Lauretanam historiam brevis commemoratio de incredibilis Aedis Lauretanæ celebritate, maiestateque concludat. Nullum omnino tempus anni, nullus mensis, dies nullus abit, quin sanctissima Virginis cella à plurimis aduenis celebretur. Nec Picentium, Italorumque propria hæc laus pietatis, sed communis transalpinis, transmarinisque, maxime vero Illyricis, Francis, Belgisq. Nec desiderantur Hispani, Lusitani, Poloni, atque Germani. Duo tamen sunt anni tempora populorum, gentiumque omnium frequentia, ac celebritate præcipua, Ver, & Autumnus, quorum alteri dies concepto inibi Deo sacer, alteri natalis Deip. Virginis initium celebritatis facit. Vtraque autē celebritas trimestris est, quo tēporis spatio maximis populorū concursibus Aedes Lauretana celebratur pene quotidie; Namque agri Piceni nulla vrbs, oppidum pagus, vicus est, quin quotannis cateruatim, populatimque Lauretanam Virginem interuisat. Quorum exemplum finitimos circa populos Samnitium, Umbrie, Flaminiae, Aemiliae, cæteræque Italiae ad similem pietatis laudem inuitat. Veniendi ferme ratio talis. Præeunt sodalitates suis quæque insignibus, vexillisque distinctæ. Plerique enim præter Christi Crucifixi effigiē, Deiparæ aliorumque Diuorum imagines pulcherrime pictas præferūt. Agmina claudunt sodalitatū moderatores, sacerdotesque cum sua cuiusque agminis symphonia. Sequuntur dona, argenteæ coronæ, calices, cerei nummis obstiti, præciosæ vestes, vrbium, oppidorumue argentea simulacra, votiua tabellæ, diuinorum beneficiorum B. Maria deprecante partorum indices. Interponuntur sæpe Angelorum, sæpe sacro-

pe sacrorum vatum, Sibyllarumque de B. Virgine vaticinantium, aliæque personæ habitu vestis insignes. Sæpe etiam excipit incondita, & promiscua cuiusque populi turba. In itinere carmina Deo, Dei parenti, Diuisque per interualla inuicem canunt. Obuias vrbes cum transeunt, eas ad Lauretanæ Virginis religionem, cultumque exemplis pietatis accendunt. Simul ac vero Aedes Lauretana in conspectum se dedit (ea quia in edito colle sita est procul conspicitur) extemplo vniuersi prosternunt corpora : & obortis præ gaudio lacrymis, Deiparam consalutant. Inde in ordines abeunt, instructisque agminibus procedentes canunt litanias, hymnosque. Nec desunt, qui exuti propere vestibus, paratos ad id faccos induant, comitesque subsequantur nuda sibi terga cædentes. Ad Laureti portam peregrinis sodalitatibus Lauretani sacerdotes linteati procedunt obuiam: easque in templum deducunt cum egregia symphonia, festoque campanarum, ac tubarum sono. Vbi ad Aedis vestibulum ventum est, aduenæ denuo prostratis corporibus, impense saluant Virginem, tanto utique animi ardore, sensuque ; vt ceteri qui adsunt, illorum vocibus emolliti collacrymare cogantur. Posteaquam ad collucentem facibus, lychnisq. Deiparæ cellam peruentum est, Diuæque effigiem intueri, contemplarique coeperunt ; incredibile dictu est, quæ voces, qui gemitus, quæ lacrymæ, quæ suspiria passim exaudiantur. Deum præsentem adesse facile sentias. Plurique porro diuino simul horrore, gaudioque perfuncti, adeo sacris illis parietibus adhærescunt, vt inde auelli, abstrahique vix queant. Dumque aram Apostolorum, sacrum armarium, obstructam ianuam, ipsumque caminum venerabundi contemplantur : dum meditantium animis B. Virgo in ijs locis aliquid agēs occurrit, nullum intuendi finē, nullum osculandi modum facerent, nisi plurimorum item petentium, ardor obstaret. Finitimorum populorum hæc ferme ratio est. At exterarum gentium peregrini, alij
aut

pedibus, equis alij aut vehiculis gregatim confluunt, plerique peregrinorum habitu, ac notis insignes. Verum in dispari habitu aduenarum eminet Aedis Lauretanæ cultus idem. Omnium fere hoc commune est, vt delictis expiati cœlesti mensa reficiantur: plerique autem B. Virginis aram iactata pecunia, & preciosis cumulent donis. Quamquā dona insigniora sacelli custodibus tradi solent, vt in codicem referantur, quo eorum, & simul donantium exstet memoria ad posteros. Aram Apostolorum, & scilicet Deiparæ effigiem, pro varietate temporum, magnifica semper adornat vestis, incredibilisque cultus gemmarum, aliorumque donorum. Sacellum ipsum candidis semper cereis, lychnisque argenteis plurimis collucet: assiduus prope symphonicorum, musicorumque organorum personat cantibus: & quod caput est præsentis Dei numine semper affluit, quod in intrantes redundat aduenas: sic prorsus, vt pios insolito quodam gaudio, improbos horrore perfundat, ægris remedio, mœstis solatio, torpentibus incitamento, præsidio periclitantibus, perditis sit saluti. Porro præcipua Lauretani sacelli frequentia est circa fêrias Paschatis, Pentecostes, & Natalem Virginis diem. Nam præter alios innumerabiles, qui pedibus, equis, quadrigis sub Pascha Lauretum petunt, plurimi ex Longobardiæ, Venetiæ, Dalmatiæque oppidis gregatim nauigijs Anconâ delati, ad Lauretanam Aedē ferme pedibus pergunt. Hi fere postridie Paschatis, quo die in Sacro euangeliū de peregrinis Emmauntē petentibus recitatur, peregrinorum habitum sumunt: & post faustam Antistitum suorum precationem, cum sacerdotibus innocentia custodibus pariter se dant in viam. Quorum quidem tanta est multitudo, vt duodena millia facile excedant. Inde excipiunt finitimorum pagorum, oppidorum, vrbiumque concursus incredibiles, ac subinde agmina plurima, ac maxima fœnifecarum, messorumque. Cæterum natalis dies B. Mariæ longe maxima aduenarum,

frequentia est insignis, toto pene Piceno (vt de cæteris regionibus taceam) Lauretum confluyente. Satis constat illo biduo supra CC. hominum millia Lauretanâ Aedem nuper accessisse. Itaque necessitas Custodes sacrosancti sacelli cogit, interiori eius parti cancellos per id tempus extrinsecus circumdare; vt in expedito sit, admittere, quos velint, aut excludere, turbasque vitare. Omnibus porro anni temporibus militum cohortes, ac turmæ equitum proficiscentes ad bellum diuertere solent Lauretum, vbi rite expiati, ludicris certaminibus militari more celebrant Virginem. Atque hæc iucredibilis aduenarum frequentia vias Lauretum ferentes frequentissimas diuerforijs fecit. Itaque hospitiorum opportunitas, commodatasque viarum pedestrem quoque peregrinationem, quamuis delicatis, ac debilibus, haud sane difficilem præbent. Ad hæc itinerum celebritas tanta est, vt per ea tempora passim occurrant varij peregrinorum greges, ingens vel incitamentum pietatis, vel leuamentum laboris. Ergo ipse M. Antonius Columna (vt de alijs taceâ) vir & opibus, & bellicis rebus inclytus votiuam peregrinationem Lauretanam exsequi sustinuit pedibus. Omnino vt Lauretum tandem ad conspectum Deiparę ventum est, superfundente se pijs mentibus Deo, tantam omnes hauriunt cœlestis lætitiæ voluptatem; vt maximum quamuis laboriosæ peregrinationis fructum se cepisse fateantur. Hic ego quid memorem quam multi faciant B. Virgini vota? quam multi reddant? quot è flagitiorum emergant cœno? quot in explicabilibus incestarum illecebrarum vinculis animum exsoluant? quot veteres inimicitias, & inueterata odia deponant? quot homines desperatæ salutis, *quâ sædus pepigerat cū inferno*, ex inferorū faucibus erepti reuiuiscāt? Nā quanto corporibus animi præstāt, tanto plura, ac maiora in animis, quā in corporibus hominum curandis existunt Virginis Lauretanæ miracula. Vt hæc & alia, quæ attigimus, explicare velle oratione, hominis sit diuinam

nam potentiam (quæ Laureti, vel maxime se ostendit)
humana imbecillitate metientis. Itaque satius duco suc-
cumbere oneri, quam enarranda suscipere ea, quæ utique
pertractando detererem. Hoc vnum liquido affirma-
re possum, Lauretanam celebritatem, maiestatemque
tantam esse, quantam qui oculis non subiecerint,
haudquaquam concipere animis possint; ut si dein-
de cum narratis audita conferas, famam re
ipsa longe minorem inuenias. Adeo
vna in terris Lauretana res non fi-
dem solum, sed famam quo-
que ipsam, quæ cun-
cta in maius cele-
brare solet,
incre-
dibili maiestate;
ac fastigio
vincit.

F I N I S.



I N D E X

RERVM MEMORABILIVM

QVAE IN HAC HISTORIA

CONTINENTVR.

A



20

ANNALES

Flumenses.

106

Arbores ad

S. Domus

aduentum

inclinatur.

Clementis viij. beneficia. 133

Collegium xij. puerorum Laureti à

Paulo III. institutum. 118

Collegium Societatis Iesu Laureti à

Iulio iij. instituitur. 134

A Paulo iij. augetur. 146

A Pio iij. stabilitur. 169

Collegium Illyricum à Gregorio

xij. instituitur. 220

Romam à Clemente viij. trās-

fertur. 270

Cæci illuminati. vide Miracula.

B

B *Assa Turcarum insanabili mor-*
bo liberatus. 141

C

C *Anonici in Aede Lauretanæ*
instituantur. 87

Capucini duo è mris fluctibus eri-
piuntur. 137

Card. Cerninus in Aede Laur. co-
lumbæ indicio, & B. Virginis

monitu cognoscit se Pontificem

Max. futurum. 143

Carmelitani Aedis Lauret. curam
suscipiunt. 70. *deponunt, &*

abeunt. 76

Clementis viij. Priuilegia. 99.

Idem translationem S. Domus ex

Galilæa explorat. 106

D

D *Almatarum luctus, amissa*
nat. Virginitatis Domo. 13

Desiderium eiusdem. 19

Dalmata Sacerdos sua exta manu

præferens Lauictum renit. 91

Domus B. Mariæ magno honore

in Galilæa colitur. 4

In Dalmatiam asportatur. 8

Diuinitus agnoscitur. 12

Legatis in Galilæam missis ex-

ploratur. 14

In Piceni syluā transfertur. 20

Inde in collem duorū stru. 14

Postremo in locum ubi nunc

est. 26

Eius vestigia. 26

Situs admirabilis. 29

Dal-

RERVM MEMORABILIVM.

Dalmatarum indicio agnoscitur.	37
Deinde B. Maria admonitu.	32
Legatis in Galilaam missis iterū ac tertio exploratur.	3 4. 106
Celestibus flammis decoratur.	
37. 41. 133. 135.	136
Dubitans de Lauretana domo male multatur.	1 19. 162
Violatores S. Domus diuinitus vindicantur.	160. 163. 172.
232. 233. 247	244
Dona, & beneficia Sūmorum Pont.	
Clementis vij.	99
Clémentis viij.	255
Gregorij xij.	203. 250
Innocentij viij.	70
Iulij ij.	97. 82
Leonis X.	86. 90
Marcelli ij. beneficia destinata.	
145	
Martini v.	51
Pauli ij.	65
Pauli iij.	114. 131
Pij ij.	56
Pij iv.	169
Pij v.	193
Xysti iv.	67
Xysti v.	139. 140
Dona ciuitatum & oppidorum.	
Coronæ argenteæ.	111
Simulacra argentea.	112
Anicia vrbs Fræciæ.	215. 233
Arretij.	189
Asculi.	193
Bononiæ.	193. 241
Camerini.	192
Corneti.	242
Fabriani.	192
Firmi.	112. 189

Lugduni.	214
Macereti.	128
Mediolani.	193
Montis sancti.	193
Panormi.	213
Pisauri.	112
Recineti.	75. 193
Sarnani.	128
Spelli.	189
Vici Varronis.	128
Viterbij.	192
Vtinae.	152
Dona Cardinalium & Episcoporum.	
Card. Abaltaemps.	192. 216
Card. Alexandrini.	193
Card. Aragon.	189. 130.
137	
Card. Augustani.	132. 142
Card. Aulstrie.	118. 242
Card. Cassi.	142. 257
Card. Carpensis.	132. 142.
148	
Card. Columnæ.	230. 250
Card. Cusani.	230
Card. Estensis.	216. 230
Card. Gaetani.	231. & 32.
Card. Lotharingi.	236
Card. Madrucij.	218. 219
Card. Mantuani.	193
Card. Medices.	142
Card. Montini.	112. 192
Card. Montalii.	192. 258
Card. Pacechi.	192
Card. Palmerij.	113
Card. Perusini.	192
Card. Rjarij.	129. 216. 230
Card. Rusticuj.	257
Card. S. Georgij.	193
Card. S. Praxedis.	189
Card. SS. Quattuor Coronat.	112
M m	2 Card.

I N D E X

Card. Sfondrati.	<u>252. 256.</u>	148.	<u>242.</u>
Card. Tranensis.	78	Ioannis Austriaci.	296
Card. Tridentini.	132	Laurentij Medices.	69
Card. Vinerij.	192	Magni Magistri Melitenfis.	
Card. Vrbinate.	<u>192. 217</u>	112	
Archiepiscopi Alouiti.	132	Magni Ducis Hetruriae.	258
Episcopi Cortonensis.	127	Marchionis Aquenue.	<u>218</u>
Episcopi Eugubini.	<u>241</u>	March. Badensis.	215
Episcopi Recinetensis.	59	March. Bitontini.	113
Dona Principum ac Dynastarum.		March. Capursii.	241
Archiduc. Austriae.	228. <u>237</u>	March. Estensis.	230
Afcenij Columnae.	127	March. Imperialis.	<u>242</u>
Amadaei Dynastae Sabaudi.	218	March. Lippe.	<u>242</u>
Baronis Valcaffani.	257	March. Mantuani.	<u>142</u>
Basse Turcarum.	<u>113</u>	March. Riani.	257
Comitis Fulginatis.	129	March. Roburei.	<u>243</u>
Comit. Iustii.	<u>243</u>	March. Tripaltae.	112
Comit. Martinengi.	<u>243</u>	March. Vastii.	113. 241
Comit. Oliuacens.	<u>242</u>	Nicolai Frangipani.	19
Comit. Rangonis.	112	Principis Afculan.	191
Comitis Sfondrati.	253	Principis Bisiniani.	<u>128. 132.</u>
Ducis Ariani.	<u>149</u>	142.	220
Ducis Atria.	<u>230</u>	Principis Stilian.	241
Ducis Bauariae.	<u>218. 227.</u>	Principis Mantuani.	<u>242</u>
229.		Principis Venusini.	257
Ducis Epirotarum.	<u>149</u>	Proregis Neap.	<u>143</u>
Ducis Ferrariensis.	<u>127. 142</u>	Regis Franciae.	232
Ducis Gioiofe.	222	Regis Romanorum.	<u>143</u>
Ducis Graulina.	<u>142</u>	Dona illustrium ac nobilium femi-	
Ducis Humale.	253	narum.	
Ducis Mantuani.	<u>149. 242</u>	Beatricis Gazae.	<u>264</u>
Ducis Mediolanensis.	127	Camille Perette.	<u>243</u>
Ducis Parmensis.	127	Cleliae Farnesiae.	<u>189</u>
Ducis Pernonij.	<u>234</u>	Constantiae Carreeta.	218
Ducis Traiectensis.	113	Constantiae Leinae.	<u>143</u>
Ducis Terracouae.	230. 257	Claudia Turnoniae.	<u>224</u>
Ducis Sabaudiae.	230. <u>241</u>	Comitisse Briatici.	<u>216</u>
Ducis Sermaneta.	149	Comitisse Palanae.	<u>141</u>
Ducis Seminaria.	257	Comitisse Populi.	<u>128</u>
Ducis Vrbini.	132. <u>142.</u>	Ducissa Amalpbetanae.	<u>128</u>

Ducissa

RERV MEMORABILIVM.

Duciffæ Bouini.	147. 247	Violantæ Farnesie.	259
Duciffæ Bransuichien.	229	Dona nobilium & illustriū virorū.	
Duciffæ Cluie.	241. 243.	Alex. Calagnini.	212
260		Alfonsi Coronei.	253
Duciffæ Ferrarien.	181. 189	Alfonsi Vicecom.	241
Duciffæ Graulina.	189	Antonij Perotti.	85
Duciffæ Loharingæ.	210	Antonij Leina.	90
Duciffæ Mantuanæ.	142	Antonij Pallauicini.	256
Duciffæ Montali.	189	Antonij Pignatelli.	128
Duciffæ Niuernien.	259	Antonij Spinelli.	241
Duciffæ Urbini.	128	Augustini Aurie.	149
Magna Duc. Hetruria.	208.	Bassani Mantuani.	127
261		Bernardi Strozij.	257
Duciffæ Parmensis.	241	Bernardini Sanquini.	127
Hieronymæ Spinule.	259	Dionysij Delphyni.	253
Isabellæ Sabaudæ.	260	Equitis Videboni.	243
Iustine Vicecom.	260	Equit. Belge.	250
Liua Pignatellæ.	241	Federici Tomacelli.	241
Marchioniffæ Mantuanæ.	90	Ferdin. Gonzagæ.	108. 257
Marchioniffæ S. Crucis.	218	Francisci Dentrislan.	258
Marchioniffæ Vastii.	113. 128	Francisci Gaetani.	189
Margaritæ Austriacæ.	128.	Georgij Monachi.	78
149 207		Hercules Mariæ Sfort.	137
Mariæ Boadiliæ.	259	Hieron. Grimaldi.	242
Principis. Amalphetana.	241	Honorij Sabelli.	137
Principis. Bisinianæ.	260	Iasonis Villani.	257
Principis. Casteluetrana.	243.	Ioan. Piccolbominei.	230
259		Io. Bapt. Carasæ.	98
Princ. Sulmonen.	216	Io. Bapt. Duaræ.	230
Princ. Vastallæ.	259	Io. Caroli Imperiali.	258
Princ. Venusinæ.	216. 257	Io. Francisci Bossii.	112
Portiæ Vitellie.	242	Io. Iacobi Grimani.	258
Portiæ Casie.	143	Iulij Monaldi.	128
Proregina Boemie.	241. 253.	Lelij Pignatelli.	252
259		Leonardi Vinerij.	128
Proreg. Neapol.	113. 242	Luca Turregiani.	257. 258
Proreg. Samnitium.	128	Ludouici Georgij.	223
Regina Franciæ.	241	Ludouici Gisilardi.	112
Reginæ Hungariæ.	90	Ludouici Martinengi.	230
Sallustie Crescentia.	260	M. Antonij Blanchetti.	243

I N D E X

Oliuerij Fagnani.	113
Pardi Pappacode.	112
Petri Lomellini.	258
Petri Tyranni.	253
Pompilij Bononiensis.	128
Pyrri Gonzagæ.	112
Sfortiæ Pallavicini.	216
Victorij Labdamari.	257
Vincentij Alfani.	112
Virginij Vrsini. Noment.	258
Dona Turcarum.	113. 141

E

E Leemosinæ Domus Lauretana.	60. 119
Episcopi Conimbricensis malo donatus lapidem S. Aedi ablatum remittit.	174

G

G Regorij xij. beneficia.	203
Eiusdem donum.	230

H

H istoria Lauret. Præpositi Terremani.	61
Baptista Mantuani.	71
Hicronymi Angelita.	106

I

I ndulgentiæ Benedicti xij.	46
Urbani vi.	48
Bonifacij ix.	49
Martini v.	51
Nicolai v.	53
Pauli ij.	65
Xysti Quarti.	67

Iulij ij.	77
Gregorij xij.	203
Clementis viij.	255
Iudeus carcere liberatus.	187
Iulius ij. à bombardæ ictu protectus.	81
Templum Lauretanum munit.	80
Aedes Pontificias condit.	84
Iulij ij. beneficia.	133

L

L Lauretana Domus vnde appellata.	20. 23
Turcas innadentes fugat.	69
Christianorum exercitum innadentem terret ac mutat.	94
Inter infestas copias militum intacta permanet.	52. 150
Lauretana templa passim excitata.	120
Lauretum conditum.	38
Manibus cinctum à Leone X.	97
Salubrius redditur à Clemente vij.	114
Et à Saxatello Præsede Lauret.	191
Recinetensi ditione eximitur à Iul. ij. & Clemente vij.	78. 99
Recinetensibus redditur à Paulo ij.	115
Adimitur à Pio iv.	127
Episcopali sede, & ciuitatis iure donatur à Xysto V.	236
Lauretanum templum à Recinetensibus conditum.	44
Eo disturbato, aliud magnificenter à Paulo ij. Pont. Max. inchoa-	

RERVM MEMORABILIVM.

eboratum, caelestibus flammis decoratur.	<u>38. 41</u>	Fluminum periculo erepti.	<u>180.</u>	<u>193</u>
Lauretani templi opulentia Eugenio Quarto Pont.	<u>52</u>	Fulminibus exempti.	<u>138</u>	
Lauretanae Aedis hospitalitas.	<u>19.</u>	B. Maria in somnis apparet eadem forma, qua Laureti colitur.	<u>248. 249.</u>	
	<u>192.</u>			
Lauretanae Aedis celebritas.	<u>104</u>	Maris fluctibus erepti Capucini duo.	<u>137</u>	
Lauretani Patroni.		Morbis desperatis erepti.	<u>12. 66.</u>	
Card. Robureus.	<u>68</u>	<u>213. 214. 248. 249.</u>	<u>262.</u>	
Card. Bibiennensis.	<u>97</u>	<u>263</u>		
Prior Capuanus.	<u>Ibid.</u>	Mortis e faucibus erepti.		
Card. Contarenus.	<u>115</u>	Julianus Casarinus.	<u>108</u>	
Card. Carpenfis.	<u>Ibid.</u>	Sicula puella ingulata.	<u>157</u>	
Card. Vrbinas.	<u>170</u>	Neapolitanus xy. mortiferis plagis confectus.	<u>212</u>	
Card. Moronus.	<u>217</u>	Marchio Badensis.	<u>224. 225</u>	
Card. Vastuivillanus.	<u>221</u>	Bassa Turcarum.	<u>141</u>	
Card. Gallus.	<u>218</u>	Mutis linguae vsus redditus.	<u>185.</u>	
Leonis X. Privilegia.	<u>86. 87</u>			
Dona.	<u>90</u>			

M

Martini V. Indulgentiae, & privilegia.	<u>50</u>	Naufragio liberati.	<u>154. 178.</u>	
MIRACVLA variorum generu.		& 79.		
Architectus sacros parietes per fodere aggressus exanimatur.		Paralytici curati.	<u>79. 209</u>	
	<u>101</u>	Pestilentia liberatae urbes & oppida.		
Bombardae ictu liberatus.	<u>81</u>	Anicia.	<u>215</u>	
Cæci illuminati.	<u>152. 184.</u>	Lugdunum.	<u>216</u>	
	<u>185.</u>	Panormum.	<u>215</u>	
Carcere exempti.	<u>155</u>	Recinetum.	<u>76</u>	
Iudaus carcere emissus.	<u>187</u>	Vlina.	<u>152</u>	
Casu & ruina liberati.	<u>108.</u>	Principes viri pestilentia exempti.		
	<u>129. 177. 178. 212. 223</u>	Card. S. Marci, qui postea Paulus ij. Pont. fuit.	<u>64</u>	
Dæmoniacy liberati.	<u>73. 183.</u>	Prædonum manibus erepti.	<u>194.</u>	
	<u>184</u>	<u>235. 245. 246</u>		
Dæmonum servitio exempti.		Podagrici sanati.	<u>182. 214</u>	
	<u>164. 165.</u>	Puella septennis à B. Maria Lauretum adducitur.	<u>38</u>	
Dæmonum tentationibus liberati.	<u>67.</u>	Puteo exempti.	<u>139</u>	
		Sacerdos Dalmata sua exta ma-		

I N D E X

nu præferens Lauretum venit.	Pij Quarti beneficia.	162
21		
steriles secundatæ.	180. 181	
Surdus auditus redditus.	251	
Servitio Turcarum liberati.	124.	
99.	202	
Supplicio exempti.		
Vaiuoda Transylu.	108	
Alij.	127. & 128. vel 99.	
Suspensio erepti.	156. 126.	
vel 98.		
Tempestate maris erepti.	153.	
194.	247	
P		
Parietes S. Domui adiecti recedunt.	93.	
Paulus à Sylua Heremita.	32. & 41.	
Paulus ij. Pont. Max. B. Virginis Lauret. ope pestilentia liberatur	63.	
Templum Lauret. condit.	64	
Indulgentijs, & beneficijs ornat	65.	
Paulus iij. beneficijs cumulat Aedem Lauret.	114. bis inuifit.	
131		
Picentes Lauretanam Virginem Patronam adoptant.	36. egregie tuentur.	170
Picentium Sacellum in ade Lauretana.	237.	
Pius ij. Pont. Max. voto Lauret. Virginis facto sanatur.	36.	
Eiusdem donum.	1bid.	
Profectio ad Aedem Lauretanam.	57	
R		
Racinenses S. Domui templum circundant.	44	
Eorundem præcipua religio erga Lauretanam Virg.	46.	
Eorundem Donum.	76	
Regine Neapolitanæ Lauretan. Aedem aduunt.	86.	
S		
Sol per utrumque æquinoctium Lauretanam Virgin. quodnammodo salutat.	19	
T		
Testimonia de Sede Lauret. Summorum Pontificum.		
Pauli ij.	63	
Xysti Quarti.	68.	
Iulij ij.	77	
Leonis X.	87. 88. 97	
Clementis vij.	99	
Pauli iij.	114	
Pii Quinti.	120	
Testimonia Historicorum.		
Fl. Blondi.	52	
Baptiste Mantuani.	71	
F. Leandri.	110	
X		
Xysti Quarti Indulgentia & beneficia.	67. 68.	
Xysti V. beneficia.	136. 140	

ERRATA SIC CORRIGE.

Pag.	lin.			Pag.	lin.		
10	24	honore	horrore	155	11	XVXII.	XXVII.
11	12	arcus	arcu	158	30	miraculi	miraculum
32	21	irritæque	irritæque	161	23	ex templo	extemplo
57	1	FELIX	INFELIX	164	4	afficitur	afficitur
59	18	eximix	eximie	175	5	accelerandâ	accelerandâ
60	23	suos	suas	Ibid.	27	mille	bis mille
62	22	aduenis	aduenas	189	5	Prædis	Prædis
69	18	per Franciscū	Perfranciscū	207	10	extemplo	exemplo
70	22	intexta	contexta	214	in marg. &	os	os
77	19	defigendum	dcfigendam	224	vlt.	grande	glande
83	25	luminibus	luminibus	229	3	obscur.ore	obscuriora
92	3	ait	ais	Ibid.	22	destinctum	distinctum
96	8	redeunt	redeunt	237	17	Virgnis	Virgini
103	5	designatum	designatum	249	12	Bergamo	Bergomo
105	4	collum	collum	Ibid.	17	semetque	semet
107	32	lapidum	lapidum	254	25	disposione	disposione
110	5	Don. iciana	Dominicana	258	1	Virgnis	Virgini
116	28	incuria	iniuria	Ibid.	7	dicarant	dicarunt
122	28	Diceceſi	dicæceſis	264	5	quæ	quod
153	26	duplici	dupliceis	271	5	incredibilis	incredibili
154	16	memoriz	memoria				

Cætera quibus potest ipse per se & videre & corrigere.



REGESTVM.

† A B C D E F G H I K L M N O P
Q R S T V X Y Z.

Aa Bb Cc Dd Ee Ff Gg Hh Ii Kk
Ll Mm.

*Omnia sunt folia integra, prater Mm;
qui est cum dimidio.*



R O M Æ,

Ex Typographia Aloysij Zannetti. M. D. XCVII.

! SUPERIORVM PERMISSV.